







ARMANA PROUVENÇAU

PÈR LOU BÈL AN DE DIÉU E DOU BISSÈST

1868

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople dón Miejour

AN QUATORGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIÈRO DE SANT-AGRICÒ, 19

AQUEST ARMANA S'ATROVO :

A PARIS, encò de Jules TARDIEU (carriero de *Tournon*, 13); encò de A. TARDIEU (carriero *Marengo*, 2).
A-Z-AIS, encò de REMONDÉ-AURIN, sus lou Cous, e encò de MAKAIRE e de SARDAT;
EN ARLE, encò de FÉVRIER e de FAURE;
EN AT, encò d'ARCHIAS;
EN AUBENAS, encò de MAZET-BONNEVILLE;
EN AURENJO, encò de ROUSSEAU e de CLAUSEL;
A BAGNOU, encò de BAYLE;
A BÈU-CAIRE, encò de BIOLET;
A BEZIÉS, encò de BENEZECH ROQUE;
A BRIGNOLO, encò de VIDAU;
A CARPENTRAS, encò de PINET;
A CASTÈU-REINARD, encò de LIELLY;
A CAVAIOUN, encò de JOULY;
A DIGNO, encò de VIAL;
A DRAGUIGNAN, encò de LUO;
EN EIGUIERO, encò de MARTIN;
A GAP, encò d'AUG. ANDRÉ;
A L'ISLO, encò de BONNARD;
A LIOUN, encò de MÉRA;
A MAIANO, encò de CHARLE BUSQUET;
A MARSIHO, encò de BOY e de CAMOIN;
A MOUNTELIMAR, encò de CHABERT;
A MOUNT-PELIÉ, encò de SEGUIN;
A NIMES, encò de GIRAUD, de J. CHAUTARD e de WATON;
AU PONT-SANT-ESPRIT, encò d'EYBERT e de VERNET;
A ROCO-MAURO, encò de BACULARD;
A SELOUN, encò de MAGLOIRE GOUNELLE;
A TARASCOUN, encò d'AUBANEL e de J. LAGRANGE;
A TOULOUN, encò de RUMEBE;
A VAURIAS, encò de DURAND;
A VILO-NOVO, encò de PIPERT;

PC
3398
A7
1868-71

20713
C.

E pèr tout caire e cantoun de Prouvènço, de Comtat e de Lengadò.

CALENDIÉ DE PROUVÈNÇO

LI PRINCIPAU MILÈIME DE PROUVÈNÇO

Foundacioun de Marsiho pèr li Fouceien.....	(av. J.-C.)	600
Annibal passo lou Rose, doun coustat d'Avignoun.....	(av. J.-C.)	218
Foundacioun de-z-Ais pèr lou generau rouman Caius Sextus Calvinus.....	(av. J.-C.)	123
Domitius Barbo-Roussou aubouro l'arc-de-triounfle d'Aurenjo, en memòri de la desfacho dis Alabroge.....	(av. J.-C.)	122
De-vers Aurenjo, li Cimbre e li Tèutoun escrapouchinon 80,000 Rouman.....	(av. J.-C.)	109
Au pèr-dou mount Santo-Venturi, lou Conse Caius Marius fai un tau chaple de Tèutoun e d'Ambroun que lou prat-bataié s'apello enca <i>Pourriero</i>	(av. J.-C.)	103
Jùli-Cesar mando à-n-Arle, pèr couloun, li veteran de la legioun sieisenco.....	(av. J.-C.)	47
L'empeaire Coustantin se fai basti un palais en Arle, e baïo à-n-Arle lou noum de Coustantino.....	(ap. J.-C.)	314
Establimen doun reiaume d'Arle.....		932
Lou Comte de Prouvèngo, Guihèn proumié, subrenouma <i>Paire de la patrio</i> , deliéuro la Prouvèngo di barbare Sarrasin.....		972
Li Comte de Prouvèngo de la famiho de Bousoun.....	948—	1112
Li marin prouvençau envènton la Boussolo.....		1100
Li Comte de Prouvèngo de la famiho Barcelouneso. — Espandimen e flouresoun de la lengo prouvençalo, soute li Ramoun-Berenguié.....	1112—	1246
Proumiero réunioun dis Estat de Prouvèngo, à Tarascoun.....		1146
Guerro dis Aubigès.....	1207—	1229
Li Comte de Prouvèngo de la proumiero famiho d'Anjou. — Glòri doun Gai-Sabé, soute lou rèi Roubert.....	1246—	1382
Court d'Amour de Signo, ounte brihavo Clareto di Baus.....	1270—	1275
Lou Papo Clément V adus la Papauta en Avignoun.....		1309
Establimen di Jo Flourau, à Toulouso.....		1323
Court d'Amour de Roumanin, ounte brihavo Estefaneto de Gantènme.....		1332
Court d'Amour d'Avignoun, ounte brihavo la bello Lauro.....	1340—	1348
Lou Papo Gregòri XI entourno la Papauta à Roumo.....		1376
Li Comte de Prouvèngo de la segoundo famiho d'Anjou.....	1382—	1481
Réunioun de la Prouvèngo à la courouno de Franco.....		1482
Establimen de l'emprimarié en Avignoun, pèr Micoulau Lepe.....		1497
— à-z-Ais, pèr Marius Roux, que venié d'Avignoun.....		1572
— à Marsiho, pèr Pèire Mascarón (lou proumié libre qu'estampè sie-guè lis <i>Obro e Rimo prouvençalo</i> de Bellaud de la Bellaudiero)..		1594
— à Touloun, pèr Benoist Collomb.....		1650
Establimen doun Parlamen de Prouvèngo.....		1501
Bello defènso de la villo de Marsiho contro l'armado de l'empe- raire Carle-Quint.....		1536
Pèsto de Marsiho.....		1720
Darriero réunioun dis Estat de Prouvèngo, à-z-Ais, dins la glèiso doun Coulège.....		1787
La Countat d'Avignoun devèn franceso.....		1791
Establimen doun Felibrige. — Revieüre de la lengo prouvençalo. 21 de mai.....		1854

ESCLUSSI

Li 22-23 de Febrié, esclüssi anelàri de soulèu, en partido vesible en Avignoun.
Lou 17 d'Avoust, esclüssi toutau de soulèu, envesible en Avignoun.

FÈSTO CHANJADISSO

Cèndre, 26 Fèbrié.
Pasco, 12 Abriéu.
Rouguesoun, 18, 19, 20 Mai.
Ascensioun, 21 Mai.

Pandecousto, 31 Mai.
Ternita, 7 juin.
Fèsto-de-Diéu, 11 Jun.
Avènt, 29 Nouvèmbe.

LUNO MECROUSO

Luno d'Abriéu, que fai lou 22.
Luno de Setèmbe, que fai lou 16.

Luno mecrouso,
Femo renouso,
E auro bruno,
Dins cènt an n'i'aurié trop d'uno.

TEMPOURO

Mars	4, 6 o 7.		Setèmbe.....	16, 18 o 19.
Jun	3, 5 o 6.		Desèmbe.....	16, 18 e 19.

Lou printèms coumenço lou 20 de Mars ;
L'estiéu coumenço lou 21 de Jun ;
L'autoùn coumenço lou 22 de Setèmbe ;
L'ivèr coumenço lou 21 de Desèmbe ;

Trento jour an Setèmbe,
Abriéu, Jun e Nouvèmbe ;
De vinto vue n'i'a qu'un ;
Lis autre soun de trento-un.



JANVIÉ

Li jour créisson d'uno ouro 5 m.

1 dim.	JOUR DE L'AN
2 dij.	S. Clar
3 div.	Sto Genevivo
4 diss.	S. Ferriou
5 DIM.	S. Simèu de la coul.
6 dil.	Li Rèi
7 dim.	S. Lucian
8 dim.	S. Severin
9 dij.	S. Julian
10 div.	S. Pau l'ermite
11 diss.	S. Teoudòsi
12 DIM.	S. Gaspard
13 dil.	Sto Verounico
14 dim.	S. Alari
15 dim.	S. Bounet
16 dij.	S. Ounourat
17 div.	S. Antòni
18 diss.	Sto Flourido
19 DIM.	S. Canut
20 dil.	S. Sebastian
21 dim.	Sto Agnès
22 dim.	S. Vincèn
23 dij.	S. Ramoun
24 div.	S. Babi
25 diss.	Counv. de S. Pau
26 DIM.	S. Ansile
27 dil.	S. Màri
28 dim.	Sto Cesario
29 dim.	S. Coustant
30 dij.	Sto Martino
31 div.	Sto Marcello

La luno intro à souu proumié quartoun lou 3, à 4 ouro 12 min. de mat.
 Es dins souu plen lou 9, à 11 ouro 2 minutu de vèspre.
 Intro à souu darrié quartoun lou 16, à 5 ouro 13 minuto de vèspre.
 Fai lou 24, à 7 ouro 28 minuto de vèspre.

FEBRIÉ

Li jour créisson d'uno ouro 55 m.

1 diss.	S. Ignàci, evesque
2 DIM.	LA CANDELOUSO
3 dil.	S. Blasi
4 dim.	Sto Jano
5 dim.	Sto Agueto
6 dij.	Sto Doro
7 div.	S. Richard
8 diss.	S. Ginous
9 DIM.	S. Jan-de-Mata
10 dil.	Sto Couastico
11 dim.	S. Adofe
12 dim.	Sto Oulaio
13 dij.	S. Dounin
14 div.	S. Valentin
15 diss.	S. Quenin
16 DIM.	S. Armentari
17 dil.	Sto Mariano
18 dim.	S. Favian
19 dim.	S. Valié
20 dij.	S. Ouquèri
21 div.	S. Feli
22 diss.	Sto Isabello
23 DIM.	S. Meraut
24 dil.	S. Matias
25 dim.	S. Aleissandre
26 dim.	CÈNDRE
27 dij.	Sto Oinourino
28 div.	S. Cassian
29 diss.	S. Rouman

La luno intro à souu proumié quartoun lou 1, à 6 ouro 23 minuto de vèspre.
 Es dins souu plen lou 8, à 9 ouro 45 minuto de matin.
 Intro à souu darrié quartoun lou 15, à 9 ouro 26 minuto de matin.
 Fai lou 23, à 2 ouro 30 minuto de vèspre.

MARS

Li jour créisson d'uno ouro 49 m.

1 DIM.	Sto Antounino
2 dil.	S. Simplicie
3 dim.	Sto Cunegoundo
4 dim.	TEMPOURO
5 dij.	S. Ambròsi
6 div.	Sto Couleto
7 diss.	Sto Perpètio
8 DIM.	S. Jan-de-Dieu
9 dil.	Sto Francesco
10 dim.	Li 40 Martire
11 dim.	S. Gregòri
12 dij.	S. Massemmin
13 div.	Sto Oufrasio
14 diss.	Sto Matiéudo
15 DIM.	S. Cesar de Bus.
16 dil.	S. Abram
17 dim.	Sto Reino
18 dim.	S. Cerile
19 dij.	S. Jousè
20 div.	S. Jouaquin
21 diss.	S. Bénédict
22 DIM.	S. Bèn-vengu
23 dil.	S. Vitourin
24 dim.	S. Gabriéu
25 dim.	N. D. DE MARS
26 dij.	S. Massemilian
27 div.	Sto Natalio
28 diss.	S. Ilarioun
29 DIM.	S. Sist.
30 dil.	S. Amadiéu
31 dim.	S. Benjamin

La luno intro à souu proumié quartoun lou 2, à 4 ouro 58 minuto de matin.
 Es dins souu plen lou 8, à 8 ouro 32 minuto de vèspre.
 Intro à souu darrié quartoun lou 16, à 3 ouro 38 minuto de matin.
 Fai lou 24, à 7 ouro 8 min. de vèspre.
 Intro à souu proumié quartoun lou 31, à 0 ouro 35 minuto de vèspre.

ABRIËU

Li jour crêisson d'uno ouro 59 m.

1	dim.	S. Ugue
2	dij.	S. Francés de P.
3	div.	S. Ricard
4	diss.	S. Isoder
5	Dim.	RAMPAU.
6	dil.	S. Prudenci
7	dim.	S. Gautié
8	dim.	S. Aubert
9	dij.	Sto Souflo
10	div.	S. Macàri
11	diss.	S. Leòn
12	Dim.	PASCO
13	dil.	Sto Ido
14	dim.	S. Benezet
15	dim.	S. Frutuons
16	dij.	S. Lambert.
17	div.	S. Anice
18	diss.	S. Apoulòni
19	Dim.	S. Oufège
20	dil.	S. Anseume
21	dim.	S. Onspice
22	dim.	S. Leounido
23	dij.	S. Jörgi
24	div.	Sto Vitòri
25	diss.	S. Marc
26	Dim.	S. Clet
27	dil.	Sto Zeto
28	dim.	S. Yidau
29	dim.	Sto Catarino de S.
30	dij.	S. Estròpi

La luno es dina soun plen lou 7, à 7 ouro 26 minuto de matin.

Intro à soun darriè quartoun lou 14, à 10 ouro 44 minuto de vè pre.

Fai lou 22, à 8 ouro 29 minuto de vespre.

Intro à soun proumiè quartoun lou 29, à 6 ouro 27 minuto de vespre.

MAI

Li jour crêisson d'uno ouro 16 m.

1	div.	S. Ja rue e S. Felip
2	diss.	S. Alanàsi
3	Dim.	LA STO-CROUS
4	dil.	Sto Mounico
5	dim.	Sto Sereno
6	dim.	S. Jan Porto Latino
7	dij.	S. Eslanislau.
8	div.	S. Dresèli
9	diss.	S. Gregòri
10	Dim.	S. Antounin.
11	dil.	S. Maïou
12	dim.	S. Brancaci
13	dim.	Sto Gricèro
14	dij.	S. Bounifaci
15	div.	S. Pons
16	diss.	S. Gènt
17	Dim.	S. Pascan
18	dil.	ROUGUESOUX
19	dim.	S. Celestin
20	dim.	S. Bernadin.
21	dij.	ASCENSION
22	div.	Sto Jullo
23	diss.	S. Del Ilé.
24	Dim.	S. Dounacian
25	dil.	Sto Mario Jacobe
26	dim.	S. Felip de N.
27	dim.	S. Oultviè
28	dij.	S. Vincèn de I.er.
29	div.	S. Massemìn
30	diss.	S. Fèli
31	Dim.	PANDECOUSTO

La luno es dins soun plen lou 6, à 6 ouro 46 minuto de vespre.

Intro à soun darriè quartoun lou 14, à 5 ouro 24 minuto de vespre.

Fai lou 22, à 6 ouro 43 minuto de matin.

Intro à soun proumiè quartoun lou 28, à 11 ouro 31 minuto de vespre.

JUN

Li jour crêisson de 16 minuto

1	dil.	Sto Lauro
2	dim.	S. Marcelin
3	dim.	TEMPOURO
4	dij.	S. Quentin
5	div.	S. Bounifaci
6	diss.	S. Glàudi
7	Dim.	TERNITA
8	dil.	S. Medard
9	dim.	Sto Pelagio
10	dim.	Sto Felecita
11	dij.	FÈSTO-DE-DIÉU
12	div.	Sto Oulimpo
13	diss.	S. Antòni de Pado
14	Dim.	S. Basile
15	dil.	Sto Mondèsto
16	dim.	S. Cèri
17	dim.	S. Verume
18	dij.	S. Ouzias
19	div.	S. Cervasi
20	diss.	Sto Flourènço
21	Dim.	S. Léufré
22	dil.	S. Estròpi, ev. d'A
23	dim.	Sto Agrevo
24	dim.	S. JAN-BATISTO
25	dij.	Tresl. de S. Alol
26	div.	S. Davi
27	diss.	S. Antèume
28	Dim.	S. Irenèu
29	dil.	S. Pèire e S. Pau
30	dim.	S. Lucide

La luno es dina soun plen lou 5, à 4 ouro 4 minuto de matin.

Intro à soun darriè quartoun lou 13, à 10 ouro 23 minuto de matin.

Fai lou 20, à 2 ouro 51 minuto de vespre.

Intro à soun proumiè quartoun lou 27, à 6 ouro 0 minuto de matin.

JULIET

jour demenison de 58 minuto

1	dim.	S. Marciau
2	dij.	LA VESITACIOUN
3	div.	S. Anatòli
4	diss.	S. Fourtunat
5	Dim.	S. P. de Lissemb.
6	dil.	Sto Angèlo
7	dim.	Sto Aubiergo
8	dim.	Sto Isabèu
9	dij.	S. Bres
0	div.	N.-D. DE SANTA
1	diss.	S. Pie
2	Dim.	S. Ounèste
3	dil.	S. Anaclet
4	dim.	S. Bonaventur
5	dim.	S. Enri
6	dij.	N.-D. DÔU M. C.
7	div.	S. Alèssi
8	diss.	S. Toullas d'Aquin
9	Dim.	S. Vincèn de Paulo
0	dil.	Sto Margarido
1	dim.	S. Vitou
2	dim.	STO MADALENO
3	dij.	S. Cassian
4	div.	S. o Crestino
5	diss.	S. Jaume
6	Dim.	Sto Ano
7	dil.	S. Pantàli
8	dim.	S. Sanàri
9	dim.	Sto Marto
0	dij.	S. Loup
1	div.	S. German

La luno es dins soun plen lou 4, à 8 ouro 49 minuto de vèpre.
Intro à soun darriè quartoun lou 13, à 0 ouro 50 minuto de matin.
Fai lou 19, à 10 ouro 6 minuto de vèpre.
Intro à soun proumié quartoun lou 26, à 2 ouro 1 minuto de vèpre.

AVOUST

Li jour demenison de 1 ouro 56 m

1	diss.	S. Pèire encadena
2	Dim.	S. Estève
3	dil.	Sto Lidio
4	dim.	S. Doumergue
5	dim.	S. Ion.
6	dij.	S. Sauvaire
7	div.	S. Gaietan
8	diss.	S. Justin
9	Dim.	S. Rouman
10	dil.	S. Laurèns
11	dim.	Sto Rus iclo (d'Arle)
12	dim.	Sto Claro
13	dij.	S. Pourçari
14	div.	S. Chapòli
15	diss.	N.-D. D AVOUST
16	Dim.	S. Ro
17	dil.	S. Jacinto
18	dim.	Sto Eleno
19	dim.	S. Louis de Brignolo
20	dij.	S. Bernat
21	div.	S. Privat
22	diss.	S. Safourian
23	Dim.	S. Sidòni
24	dil.	S. Bartoumiéu
25	dim.	S. Genèsi
26	dim.	S. Zefirin
27	dij.	S. Cesàri
28	div.	S. Julian
29	diss.	S. Jan degoulàssi
30	Dim.	Sto Roso
31	dil.	S. Lazàri

La luno es dins soun plen lou 3, à 0 ouro 1 minuto de vèpre.
Intro à soun darriè quartoun lou 11, à 0 ouro 38 minuto de vèpre.
Fai lou 18, à 5 ouro 21 minuto de matin.
Intro à soun proumié quartoun lou 25, à 0 ouro 56 minuto de matin.

SETÈMBRE

Li jour demenison de 1 ouro 45 m

1	dim.	S. Baudèli
2	dim.	S. Agrico
3	dij.	S. Aiòu
4	div.	Sto Rousallo
5	diss.	S. Léugie
6	Dim.	S. Amable
7	dil.	S. Autau
8	dim.	N.-D. DE SETÈMBRE
9	dim.	S. Veran
10	dij.	Sto Pouquerié
11	div.	S. Paciènt
12	diss.	Sto Beno
13	Dim.	S. Antoucin
14	dil.	Eisaussam. de la C.
15	dim.	S. Afous
16	dim.	TEMPOURO
17	dij.	S. Laibert
18	div.	Sto Esteveneto
19	diss.	S. Jenouvié
20	Dim.	S. Estàjui
21	dil.	S. Matieu
22	dim.	S. Maurice
23	dim.	Sto Tèco
24	dij.	Sto Salabergo
25	div.	S. Fermin
26	diss.	S. Ouzias
27	Dim.	St Cosme e Damian
28	dil.	S. Ceran
29	dim.	S. Miquèu
30	dim.	S. Jirome

La luno es dins soun plen lou 2, à 4 ouro 7 minuto de matin.
Intro à soun darriè quartoun lou 9, à 10 ouro 13 minuto de vèpre.
Fai lou 16, à 1 ouro 29 minuto de vèpre.
Intro à soun proumié quartoun lou 23, à 3 ouro 31 m. de vèpre.

OUTOBRE

Li jour demenisson de 1 ouro 44 m

1	dij.	S. Roumié
2	div.	Li S. Ange gardian
3	diss.	S. Cuprian
4	Dim.	S. Francés d'Assiso
5	dil.	Sto Tù'i
6	dim.	S. Evòsi
7	lim.	S. Baque
8	dij.	Sto Reparado
9	div.	S. Danis
10	diss.	S. Vergéli
11	Dim.	S. Castou
12	dil.	S. Veran
13	dim.	S. Geraud
14	dim.	S. Calist
15	dij.	Sto Tereso
16	div.	Sto Rousselino
17	diss.	S. Flourèns
18	Dim.	S. Lu
19	dil.	S. Gerard Tenco
20	dim.	S. Grapàsi
21	dim.	Sto Oorsulo
22	dij.	Sto Marlo Salomé
23	div.	S. Tederi
24	diss.	S. Mag òri
25	Dim.	S. Crespín
26	dil.	S. Flòri
27	dim.	S. Sauvian
28	dim.	S. Simoun
29	dij.	S. Narcisse
30	div.	S. Lucan
31	diss.	S. Cristòu

La luno ca dins soun plen lou 1, à 8
ouro 7 minuto de vèpre.
Intro à soun darriè quartoun lou 9,
à 6 ouro 23 minuto de matin.
Fai lou 13, à 11 ouro 14 m. de vèpre.
Intro à soun proumiè quartoun lou 21,
à 9 ouro 32 minuto de matin.
E. dins soun plen lou 31, à 11 ouro
13 minuto de matin.

NOUVÈMBRE

Li jour demenisson de 1 ouro 18 m

1	Dim.	TOUSSANT
2	dil.	Li MORT
3	dim.	S. Marcèu
4	dim.	S. Chamas
5	dij.	S. Zacarié
6	div.	S. Estève (d'At)
7	diss.	S. Ernest
8	Dim.	S. Goufrédi
9	dil.	S. Maturin
10	dim.	S. Just
11	lim.	S. MARTIN
12	dij.	S. Reinié
13	div.	S. Mitre
14	diss.	S. Ru, ev. d'Avig.
15	Dim.	S. Ougèni
16	dil.	S. Ouquèri
17	dim.	S. Agnan
18	dim.	Sto Audo
19	dij.	Sto Isabèu
20	div.	S. Einmound
21	diss.	PRESENT. DE N.-D.
22	Dim.	Sto Cecilo
23	dil.	S. Clément
24	dim.	Sto Floro
25	dim.	Sto Catarino
26	dij.	Sto Dénafino
27	div.	S. Sifrèn
28	diss.	S. So stène
29	Dim.	LiS AVÈNT
30	dil.	S. Audrièu

La luno intro à soun darriè quartoun
lou 7, à 1 ouro 16 minuto de vèpre.
Fai lou 14, à 11 ouro 5 minuto de
matin.
Intro à soun proumiè quartoun lou 22,
à 6 ouro 56 m. de matin.
E. dins soun plen lou 30, à 1 ouro
10 minuto de matin.

DESÈMBRE

Li jour demenisson de 14 min

1	dim.	S. Aloï
2	dim.	Sto Bibiano
3	dij.	S. Francés-Savié
4	div.	Sto Barbo
5	diss.	S. Sabas
6	Dim.	S. Micoulau
7	dil.	S. Ambròsi
8	dim.	COUNCEPCIOUN
9	dim.	Sto Loucaïo
10	dij.	Sto Valiero
11	div.	S. Damàsi
12	diss.	Sto Daniso
13	Dim.	S. O' Lùci
14	dil.	S. Nicàsi
15	dim.	S. Ousèbi
16	dim.	TEMPOURO
17	dij.	Sto Onlimpo
18	div.	S. Graci
19	diss.	S. Timouleoun
20	Dim.	S. Filougoun
21	dil.	S. Toumas lou m
22	dim.	S. Oounourat
23	dim.	Sto Vitòri
24	dij.	S. Ives
25	div.	CALÈNDO
26	diss.	S. Estève
27	Dim.	S. Jan, evangei.
28	dil.	Li S. Innoucènt
29	dim.	S. Trefume
30	dim.	Sto Coulumbo
31	dij.	S. Sivèstre

La luno Intro à soun darriè quartoun
lou 6, à 9 ouro 43 m. de vèpre.
Fai lou 14, à 1 ouro 43 minuto
de matin.
Intro à soun proumiè quartoun lou 22,
à 4 ouro 37 m. de matin.
E. dins soun plen lou 29, à 1 ouro
57 minuto de vèpre.

ARMANA PROUVENÇAU

CROUNICO FELIBRENCO

I

L'aparicioun de *Calendau* es esta l'esplendour de l'annado prouvençalo que vèn de s'escoula. Se *Mirèio* es lou tipe de la chato de Prouvènço, talo que l'on la rêvo quand la jouinesso nous enèbrio, e talo meme que la trouvaran sèmpre dins li fòrti famiho estacado à la terro pèr amour, lou valènt *Calendau* es lou tipe encarna de nosto raço masculino, es lou bèu juvenome que, pancaro gasta pèr uno fausso educacioun, aspiro libramen à touto causo que creï bono e counquièr virilamen tóuti sis aspiracioun.

Se *Mirèio* es la gràci, *Calendau* es la voïo ; e se l'uno es la bèuta, l'autre es la forço. *Mirèio* nous encanto pèr la fresco pinturo de l'amour naturau e di sceno campèstro ; *Calendau* nous boulego e nous enausso e nous emporto pèr l'espetaclè san' de la lueho erouïco e li trefoulimen de la naciounalita.

Aquéli dous pouèmo n'en fan qu'un : dins lou proumié, lou pouèto ispira nous coundus vers la naturo, aquelo grando maire qu'avian souto lis iue e que descouneissian ; dins lou segound, nous fai entendre que lou crid d'aquelo maire es la voues de la patrio, e que, pèr èstre naturau, devèn, avans que tout, èstre bon prouvençau.

A Sant-Chamas, sus la Touloubro, li vièi Rouman bastiguèron un pont, lou *Pont Flavian* : es compausa de dous arc-de-triounfle, e dessouto, despièi qu'es fa, i'a passa d'aigo emai de gènt. Pèr la memòri de noste païs, pèr la glòri de nosto lengo, emai pèr l'aveni de nosto bello raço, Mistrau perèu vèn de basti un mounumen bessoun, mounumen de triounfle e de patrioutisme ounte nosto Prouvènço pòu s'espoumpi dessouto, ounte lis an, dessouto, passaran longo-mai.

II

Acò-d'aqui n'es pas noste avis soulamen, mai es lou brèu, es tout-bèu-just lou brèu de tóuti li journau. Legissès ço qu'an di de *Calendau* MM. J. B. Gaut dins lou *Mémorial d'Air* (13 de janviè 1867), Henri Paul dins lou *Méridional* d'Avignoun, Emile Martin dins lou *Forum d'Arle* (27 de janviè), O. de Blowitz dins la *Gazette du Midi* (di 30 e 31 janviè), V. Thouron dins lou *Toulonnais* (2 de febré), Ernest Chauffard

dins lou *Nouvelliste* de Marsiho (4 e 6 de febrî), Lucas de Montigni dins lou *Courrier* de Marsiho (11 de febrî), A. Soucaille dins lou *Publicateur* de Beziès (15 de febrî), A. Bayle dins la *Revue de Marseille* (de febrî), Liotard dins lou *Courrier du Gard* (15 de mars), Timothée Trimm dins lou *Petit Journal* (23 de janviè), Jean de Paris dins l'*Indépendance belge* (30 de janviè), Elie Sorin dins lou *Courrier international* (febrî), Émile Zola dins lou *Figaro* (3 de febrî) e lou *Messenger de Provence*, Pierre Vèron dins lou *Monde illustré* (2 de febrî) e lou *Charivari* (1 de mars), Charles Bataille dins la *Gazette universelle* (3 de febrî), A. Marc dins lou *Messenger de la Semaine* (9 de febrî), Jules Gaillard dins la *Revue Gauloise* (20 de febrî), Amédée Pichot dins la *Revue britannique* (de febrî), Armand de Pontmartin dins la *Gazette de France* (11 de mars) e l'*Univers illustré* (13 de mars), Etienne Luck dins lou *Soleil* (25 de mars), Emmanuel Des Essarts dins la *Revue de l'instruction publique* (21 de mars), Nestor Roqueplan dins lou *Constitutionnel* (1 d'abrièu), H. Philibert dins la *Vogue parisienne* (6 d'abrièu), Paul Arène dins lou *Paris-Magazine* (7 d'abrièu), Xavier Eyma dins la *Liberté* (9 d'abrièu), Louis Ratisbonne dins lou *Journal des Débats* (26 d'abrièu), Saint-René Taillandier dins la *Revue des deux mondes* (1 d'abrièu), Amaury de Cazanove dins la *Revue de Paris* (Mai), Henri Lavoix dins lou *Moniteur universel* (20 de Mai), Laurentie dins l'*Union* (28 de juillet), Bosredon dins lou *Temps* (setembre), Aleide Dusolier dins si *Propos littéraires et pittoresques* (Paris, Achille Faure)..., emai tant d'autre que nous au escapa, legissès tout acò, s'avès lesi, e veirès un pau l'acuei que la critico literari a fach à l'epoupèio de noste capoulié. Autambèn, Émile Deschamps, l'ecelènt e venera pouèto, a pica just dins aquest poulit quatrin :

*On disait que MIREILLE en ce vaste univers
N'avait point de rivale aux grands tournois des vers :
CALENDAL paraît, et MIREILLE
N'est plus la splendeur sans pareille.*

III

Aro, parlen d'uno grandò fèsto que noste counfraire e ami William Bonaparte-Wyse a óuferto au Felibrige lou jour de l'Ascensioun de 1867. Veici la letro qu'au mes de Mai passa reçaupian tóuti :

• MOUSSU,

Amourousi que sién, despièi longuis annado, de la bèuta vierginello emai de la voïo sanico de nosto nouvello literaturo d'O, abrama sènsò mesuro de mousira

davans lou mounde ma simpatio prefondo e moun caud entousiasme pèr la meravilheuso rencissènço di letro roumano, m'es vengu l'inspiracioun de semoundre i cepoun e i mai afeciouna d'aquéu bèu movemen, espàrpaia dins li vilo e li campèstre d'ou Miejour, uno ôcasioun de se réuni de tout caire en uno fêsto franco, freirouso e pouëtico.

Prene dounc la liberta de vous counvida, Moussu, coume fidèu cepoun e afeciouna marcant de la noblo e santo causo que nous es à cor, à-n-un galoi banquet, ounte pourrès à bèl èime acampa pèr la man lis amistoussi man di counfraire, e turta coume se dèu e francamen lou vèire simpatique, entre l'estrambord di bèlli pensado.

La Felibrejado aura liou lou jour benastru de l'Ascensioun, lou 30 d'aquest mes de Mai, souto l'oumbrino fresco d'ou Castèu de Font-Segugno, tant counceigu deja dins nosto istòri literàri.

Lis ami que voudran bèn nous ounoura de sa coumpagno soun prega de grand cor de se presenta la vèio d'ou jour designa, encò d'ou felibre Mathieu (*Hôtel du Louvre*), que l'adoubara, en moun noum, uno ouspitalita coumplèto de tres jour en vilo d'Avignoun, aquelo ciènta famouso tant digno d'èstre vuei la Capitolo d'ou Gai-Sabé.

Moussu, counservas-vous!

WILLIAM. C. BONAPARTE-WYSE.

Avignoun, 15 de Mai 1867. •

Lou festenau s'acoumplignè coume èro di Trento pouèto, de tout caire d'ou Miejour, e jusquo meme de la Catalougno (representado pèr Victor Balaguer, Luís Cutchet, Ascensio de Alcantara e Pèire Genové), s'acampèron jouious au castelet de Font-Segugno.

La salo d'ou festin èro galantamen ournado. Sus li quatre paret l'avié de medaioun cenchas de lausié verd, e dins li medaioun li noum di principau que, dins t'outi li tèms e dins t'outi li countrado, an ilustra la lengo d'O ; e pièi, un pau pertout, de sentènci e de vers tira di libre felibren ; e trelusènto, à l'oumbro di bandiero de Catalougno e de Prouvènço, trelusènto dins un cadre de flour, uno taule d'aram pourtant gravado aqueto estrofo de *Calendau* :

Lengo d'amour, se i'a d'arlèri
E de bastard, ah ! pèr Sant Cèri !
Auras d'ou terradou li maselo à toun coustat ;
E tant que lou mistrau ferouge
Bramarà dins li roco, — aurouge
T'apararen à boulet rouge,
Car es tu la patrio, e tu la liberta.

La graciouso atencioun d'ou noble counvidaire avié tout fach à la belesso : li plat, li vin, la listo d'ou menu e li deviso di bonhon, tout èro prouvençau, e tout èro adouba e apresta de man de mèstre pèr lou cousinié Caire, mantènèire brihant de la cousino d'ou païs.

L'espaci nous manco eici pèr relata li bèlli causo que se dignèron aqui,

l'embrassamen freirous di muso catalano e prouvençalo, li vers e li cansoun que ressounèron, li brinde entousiaste qu'à-de-rèng se pourtèron, e l'estrambord sublime que regnè tout-de-long.

Despièi li plus encian fin-qu'i plus jouine, despièi M. Thouron, lou ravoï président de l'Acadèmi de Touloun e M. Azaïs lou valènt secretàri d'aquelo de Beziés, jusqu'au flanc cansounié Anfos Michèu e jusqu'à Félis Gras, l'ardènt e digne fraire de Roso-Anaïs Roumanille, tóuti s'aguèron gaiardamen sa plego.

Uno causo pamens que nous fai gau de remembra, es lou brinde courau que nous mandèron au dessert li bràvis estudiant dis Escolò de Paris, pèr nous dire qu'emé nautre avian l'allat de la jouinesso. Gramaci, nòbli jouvènt !

Uno bello, uno amirablo farandoulo, ounte li chato dóu vilage (Castèu-nòu-de-Gadagno) vengnèron s'entrena, coumpliguè la journado : Madamo Bonaparte-Wyse la menavo poulidamen, e lou felibre tambourinaire, lou galant Cadet Vidau, emé soun tambourin ie dounavo lou vane e lou balans. A la Font de Vau-cluso, l'endeman, recoumencèron li joïo ; e lou subre-endeman, en Avignoun. L'avié de que se crèire à la court de Mount-Ferrat o dóu Pue-Nostro-Damo.

IV

Acò 's pas tout. Voulènt donna de provo de soun afougamen pèr nosto lengo, aquèn grand festenau noun a sufi à M. Wyse.

Lou plus superbe testimòni que noste ami d'Irlando pousquèsse pourgi, es lou recuei de pouèsio, de pouèsio prouvençalo que publico aro meme, encò di fraire Gros en Avignoun, souto lou titre : *Li Parpaïoun blu*. Avisas-vous ! que noun anessias prene aquèn libre nouvèu pèr un simple refoulèri d'anglès ouriginau. William Bonaparte-Wyse es un pouèto abrasama, enebria, eisuberant ; es un peusaire audacious que founso à grand cop d'alo dins li toumple azuren de l'Ideau ; es un revaire tènèdre que sènt escourre emé regrèt la jouinesso e l'amour ; e de-vòuto es un galejaire que se trufo dóu rout coume de l'entiè.

Quant à la lengo, vès, sian ravi dóu gàubi emé lou quau l'a manejado : es la maniero lar o, galoïo e ufanouso de Belaud de la Belaudiero. En vesènt d'estrangié parla tant finamen, tant richamen noste lengage, i'a de que aqueira, de que faire sauta sus la cuberto lis arlèri franchot que sabon pas dire *de pan...* William Bonaparte-Wyse, tóuti li flour de Crau e dis Aupiho van bada, trefoulido, à ti *Parpaïoun blu*, e toun noun deja

's escri dins lis estello de Prouvènço, e toun ciétadinage es counquist en Avignoun.

A Loundre, sòuto lis auspice em' i frès de Louis Lucian Bonaparte, ounce de noste William, s'es empremi, en 1866, *le saint Évangile selon saint Matthieu, traduit en provençal marseillais moderne par Marius Féraud*. Es obro meritòri, naturalamen escricho.

V

Cadun sa part, noun es pas trop. An pareigu, dins l'an, en Avignoun, vers li fraire Aubanel, *Li Nouvè* de Francès Aubert, de Marsiho. Lou bon vièi M. Aubert es un di patriarcho dôu Gai-Sabé : passo vuetanto an, e n'es pas riche. Is abord de Calèdo, recoumandan soun libre i bon crestian : ie trouvaran plesi, e faran obro pio.

L'*Armana*, i'a quàuquis an, anounciavo la mort d'un autre encian de nosto armado, dôu dôtour D'Astros. Sa famiho vèn de publica sis obro, à-z-Ais, vers Remondet-Aubin, sòuto aquest titre : *Œuvres provençales du docteur L. D'Astros, avec une notice sur cet auteur par M. Castellan, président honoraire à la Cour impériale d'Aix*. Es uno quingeno de fablo, emé dous discours prouvençau, ounte petejo e beluguejo la sau de païs.

VI

A Paris, à la librarié Franck, a pareigu 'n recuei de sourneto gascouno : *Contes et proverbes populaires recueillis en Armagnac par M. Jean François Bladé*. Acò 's escri tau que se dis à la vihado, e pèr un ome inteli-gènt e entendu que saup ço que se fai e fai ço que se dèu.

De tout biais, e de pertout, de la Durènço à l'Ebre, e de la mar de Niço i mountagno d'Auvergno, lou Miejour desrouvelis sa vièio glòri e sèmblo s'alesti pèr de glòri nouvello. Es dins aquel esprit qu'un prou-fessour de la faculta di letro de Clarmount, M. Eugène Baret, vèn de retraire *Les Troubadours et leur influence sur la littérature du Midi de l'Europe* (Paris, librairie académique Didier et Cie) ; e 's peréu dins aquèu vènt de reneissènço e d'ourguei naciounau que J. B. Gaut, dins soun *Étude sur la littérature et la poésie provençales* (Ais, empr. Illy), nous a douna 'no esquisso de ço que s'es escri dins nosto lengo despièi li Troubadour jusqu'i Felibre.

VII

Es dins aquel esprit que lou Counsèu municipau de-z-Ais, coumpren- nèt dignamen sa pousicioun e sa messiou, a, lou 13 d'avoust 1867, sus

oupousicioun dóu counseïé Agard, voutá la creacioun d'un Cours de tambourin au Conservatòri de la vilo. Uno soumo de 300 fr. es atribuído au proufessour, e lou proufessour nouma es deja M. Michèu, president de l'Acadèmi dóu Tambourin. Ah ! que joïo pèr Vidau e pèr tóuti lis ami de la musico naciounalo !

Lou jour que noste pople sara cultiva, desvouloupa counfourmamen à sa naturo, e'noun à rebous de pèu, lis ome dóu Miejour, li Prouvençau, meno escarrabihado e souleiado, saran li proumié de Franco dins lis art. Regardas aquest an : nòsti cantaire e musicaire an cabussa lou Nord sus touto la ligno. Li musico e ourfeon de Tarascoun, de Carpentras, de l'Islo, de Bèu-caire, de Bedarrièu, Narbouno, Lraguignan, etc. an adu de Paris tóuti li courouno ; e se capito qu'es l'annado ounte Felician Dàvid, un enfant de la Durènço, a gagna pèr la musico lou grand pres de l'Istitut.

VIII

A Marsiho, la coumèdi prouvençalo vèn-ti pas de retrouva la veno franco de Brueys e li bon cacalas de *Maniclo? Leis amour de Misè Coutau*, vaudevilo en un ate de F. Peise, an òutengu sus lou tiatre dóu Ginnasi trenta representacioun, emai passo. I'a long-tèms que s'èro ren fa de tant gai, de tant vièu ni de tant poupulàri. Brave, Barjo-mau !

Fau tambèn signala, avans que de fini, un utile pichot libre dóu meme F. Peise, lou *Guide universel de l'étranger dans Marseille*, em'un plan de la vilo (Paris, Garnier frères), forço coumplèt, forço bèn fa ; pièi la publicacioun pèr M. L. de Bresc de l'*Armorial des Communes de Provence* (Draguignan, empr. Latil) ; pièi, li *Cris populaires de Marseille, locutions, apostrophes, injures, etc. par M. de Regis de la Colombière* (Marsiho, libr. Marius Lebon) ; pièi *Sainte Marie-Madeleine et les autres amis du Sauveur, apôtres de la Provence, par le R. P. Benoit Valuy* (Lioun, lib. Félix Girard) ; pièi uno *Dissertation sur les États de Provence, par l'abbé de Coriolis, d'Aix, ancien conseiller du Roi à la cour des comptes, aides et finances, ouvrage entièrement inédit.* (Ais, Remondet-Aubin) ; e pièi *Massillon, étude historique et littéraire par l'abbé A. Bayle* (Paris, A. Bray).

IX

E poudèn pas mièus claure que pèr un gramaci à dous ome de cor qu'an merita de la patrio, emai siegon sourestié :

Gramaci à M. Oppèr de Blowitz qu'en plen Coungrès Scientifi de Franco (tengu à-z-Ais à la fin de Desèmbre 1866) enaurè d'entousiasme

l'assemblado en ie parlant em' elouquenci dóu revei dóu Gai-Sabè, e de la delièuranço de la *Coumtesso* !

E gramaci à M. Henry Aron, proufessour de retourico au Lièu d'Avignoun, qu'en s'adreissant à la jouinesso de Prouvènço dins la sou-lennita de la destribucioun di pres, ie donnè pèr eisèmple la voio felibrenco, e pèr counsèu de se trempa lou caratèrè dins *Mirèio* e *Calendau*.

ANSÈUME MATHIEU.

Avignoun, 29 de Setèmbre 1867.

LA COUPO FELIBRENCO

I

En gramaci de l'acuiènço facho en Avignoun au pouèto catalan Don Victor Balaguer, despatria pèr causo poulitico, e tambèn en testimòni de la fraternita qu'a toustèms amiga la Catalougno e la Prouvènço, li pàtrioto catalan e lis ami de Balaguer an manda au Felibrige un presènt de grand pres. Es uno coupo d'argent adourablamen ciselado.

Prouvèn d'uno souscripcioun de dès-e-vue-cènt signaturo; e s'es facho à Paris encò de l'argentéi Jarry, pèr raport is evenimen d'Espagno, qu'an empacha de coumpli l'obro à Barcilouno.

Veiei coume es la coupo : es uno conco de formo antico, supourtado pèr un paumié. I'a, contro lou paumié, drecho e se regardant, dos gènti figurino que representon coume sorre la Catalougno e la Prouvènço. La Prouvènço a lou bras dre autour dóu còu de soun amigo, pèr ie marca soun amistanço; la Catalougno met la man drecho sus soun cor e sèmblo dire gramaci.

Es un group amirablamen crea, e rèussi, pèr l'estatuaire Fulconis, d'Avignoun, e que fai double onour à l'artista. Devèn dire eici, en efèt, que quand Fulconis, en quau aquèu travai s'èro fisa (car abito Paris), aprengùe la destinacioun patrioutico de l'òujèt, refusè pèr sa man tout pagamen, e generousamen donnè soun art divin à l'idèio pouètico e naciounalo.

Au pèd de chasco figurino, vestido latinamen e lou sen nus, i'a, dins un escussoun, lis armarié que la designon.

A l'entour de la conco e en deforo, escri sus uno veto envertouiado emè de lausié, se legisson li mot següent :

Record ofert per patricis catalans als felibres provenzals per la hospita-tat donada al poeta catala Vietor Balaguer. 1867.

E sus lou pedestau soun finamen gravado aquéstitis àutris iscripeioun :

*Morta diuhen qu'es,
Mes jo la crech viva.*

V. BALAGUER.

*Ah! se me sabien entèndre!
Ah! se me voulien seguí!*

F. MISTRAL.

II

A la recepcioun de la coupo, un bèu jour dóu mes d'Avoust, li felibre s'acampèron dins un banquet soulènne. Aqui, la coupo s'empliguè de Castèu-nòu, e Mistral la counsacrè pèr lis estrofo que van segre :

LA CANSOUN DE LA COUPO

Prouvençau, veici la coupo
Que nous vèn di Catalan :
A-de-rèng beguen en troupo
Lou vin pur de noste plant.
Cupo santo
E versanto,
Vejo à plen bord,
Vejo abord
Lis estrambord
E l'enavans di fort.

D'un vièi pople fièr e libre
Sian bessai la finicioun ;
E se toumbon li felibre,
Toumbara nosto nacioun.
Cupo santo
E versanto,
Vejo à plen bord,
Vejo abord
Lis estrambord
E l'enavans di fort.

D'uno raço que regreio
Sian bessai li proumié grèu;

Sian bessai de la patrio
Li cepoun emai li priêu !

Coupo santo
E versanto,
Vejo à plen bord,
Vejo abord
Lis estrambord
E l'enavans di fort.

Vejo-nous lis esperanço
E li rève d'ou jouvènt,
D'ou passat la remembranço
E la fe dins l'an que vèn.

Coupo santo
E versanto,
Vejo à plen bord,
Vejo abord
Lis estrambord
E l'enavans di fort.

Vejo-nous la couneissènço
D'ou Vrai emai d'ou Bèu,
E lis àuti jouïssènço
Que se trufon d'ou toumbèu !

Coupo santo
E versanto,
Vejo à plen bord,
Vejo abord
Lis estrambord
E l'enavans di fort.

Vejo-nous la pouësio
P'èr canta tout çò que viéu,
Car es elo l'ambrousio
Que tremudo l'ome en diéu.

Coupo santo
E versanto,
Vejo à plen bord,
Vejo abord
Lis estrambord
E l'enavans di fort.

Pèr la glòri dóu terraire
Vautre enfin que sias counsènt,
Catalan, de liuen, o fraire,
Coununien tóutis ensèn!

Coupo santo
E versanto,
Vejo à plen bord,
Vejo abord
Lis estrambord
E l'enavans di fort.

III

Em'acò Balaguer prounounciè, esmougu, un discours magnifique; la coupo circulè de man en man; l'entousiasme sacra gagnè tóuti li cor, e li cansoun nouvello flourignèron que vous sarias cresu dins lou paradis de Diéu !

GUI DE MOUNT-PAVOUN.

SOUSCRIPCION PÈR UN MOUNUMEN A SABOLY

La glòri dis ome marcant es la courouno di cièuta, e jamai s'èro mièus coumprès que vuci. Tóuti li vilo cercon dins sis annalo, e quand ie trovon quauque lièu ilustre, l'aubouron fieramen lou mounumen que l'es degu. Es ansin que lou baile Suffren a lou siéu à Sant-Troupez, l'amirau Brueys en Uzès, Adam de Crapouno à Seloun, lou chivalié d'Assas au Vigan, l'evesque d'Inguimbèrt à Carpentras, Massihoun à Iero, M. de Belzunce à Marsiho, M. de Gasparin en Aurenjo, lou rèi Reinié à-z-Ais, Crihoun en Avignoun, e Riquet à Beziès.

Le guerro, la marino, l'agriculturo e lou coumèrci, la benfasenço e lou devouamen, an déjà reçaupu sa part de gratitudo.... Sèmblo que li bèus-art emé la pouësisio devrien un pau avé soun tour. Nimes, dóu rèsto, s'ocupo de Reboul, e à l'Espousicioun universalò, avèn vist l'estatuo que la vilo d'Agen à voutado à Jaussemin.

T'a pamens tout un vòu d'ome qu'an jita sus lou Miejour uno lusour incoumparablo e que s'oublidon trop long-tèms : voulèn parla di troubadour. Rimbaud de Vaqueiras, Gui de Cavaïoun, Elias de Barjòu, Albertet de Sisteroun, Bonifaci de Castelano, etc., s'ameritarien bèn à tout

lou mens un buste dis endré que tènou en renoum desempièi tant de siècle.

L'ouro vendra pèr tout acò. Quand auran marida li richo, vendra lou tour di poulido. Mai sèns remounta tant aut, veici un noum trop pouppulàri pèr ie marcandeja l'ounour : es Micoulau Saboly. I'a dous-cènts an qu'es mort, lou bon Saboly; e pamens tout lou mounde saup si vièi novè de-cor, e se gaio musico regalo chasco annado nòsti fèsto de Calèndo. Saboly es couneigu, Saboly es ama, Saboly es la joio de nòsti vihado.

Uno androuno, en Avignoun, porto soun noum, mai n'i'a pas proun d'acò : ie fau un mounumen, un buste o 'no estatuo, davans aquelo glèiso de Sant-Pèire, ounte èro de soun tèms ourganisto e beneficié.

L'oucasioun pòu pas èstre plus bello : un enfant d'Avignoun, un remarquable estatuaire qu'a fa sa plaço dins Paris, un *felibre*, Fulconis, l'autour bèn ispira de la Coupo felibrengo, s'èi mes graciosamen à nosto dispousicioun.

Lou 22 de janvié 1867, lou brave Fulconis à Roumanille escrivié :

«... Quand vous-autre disès! Just au moumen ounte m'escrivès, moun bèu felibre, pèr me parla dóu mounumen qu'avès l'entencioun d'auboura, en Avignoun, à la glòri de Saboly, siéu eici, à Rouen, en plen jas de Betelèn : en cantant de novè, estúdie, pèr l'antar de la Santo-Vierge de la glèiso Sant-Ouen, tout ço qu'a tant bèn canta l'inmourtau beneficié de Sant-Pèire : la Vierge jacènt, lou Diéu-enfant, e li pastre e si presènt, e li rèi mage e soun estello.... Jujas se vosto letro m'a regala !

» En avans doune, en avans ! Réussirès. Se n'acampavias de sòu que pèr faire un mounumen en gip, pèr lou meme pres, iéu lou fariéu en pèiro; n'en aurias que pèr lou faire en pèiro, lou fariéu en brounze; aurias pèr lou faire en brounze, que vous lou fariéu en mabre. En avans !.... »

Es parla d'or. Anan doune en avans, emé la bello esperanço que nosto souscripcioun anara bèn, e que lou mounumen se fara.

Touro-louro-louro ! lou gau canto ! En avans !

Vèngue de sòu ! Zóu de sòu dins la barreto dóu Cascarelet !

Li sòu fan li peceto, li peceto li louvidor, e li louvidor fan de miracle !

Ah ! se souscrivien tóuti li leitour d'aqueist armana, lou poulit mouloun d'or qu'acamparian dins soulamen uno o dos mesado !

Sara fa bon acuiènço à touto soumo que nous sara mandado : s'èi grosso, nous fara gau; nous fara gau peréu, siegue-ti representado pèr de timbre blu, meme pèr un paure timbre verd !

Pourtas toujours, pourtas. Saboly l'a di : « Dison qu'es bon ami qu porto.... »

L'armana de 1869 publicara la listo de tóuti li souscrivèire.

Un Coumita pèr lou mounumen de Saboly s'èi fourma en Avignoun.

F. Mistral n'es lou presidènt, e Roumanille lou secrètari.

Touto souscripcioun dèu èstre adreissado *franco* à J. Roumanille, en Avignoun.

Touro-louro-louro ! lou gau canto !...

Avignoun, lou bèu jour de Sant Miquèu, 1867.

SE FA NUE

Mane nobiscum, Domine, quoniam advesperascit.

I

Quand de sa crous lou descendèron,
Quand fuguè mes au croues dins un susàri nòu,
Tóutei seis ami s'escoundèron,
Parlèron plus d'èu : avien pòu.

E n'avié dous que caminavon
Tèsto souto e lou couer doulènt.
Aro, esperavon plus ; pensatiéu, s'enanavon
A soun mas d'Enmaüs, luen de Jerusalèn.

Vaqui qu'un autre caminaire
Vers élei s'avanço en risènt :
— D'ounte vèn qu'avès l'èr plouraire,
Li dis, de que malur parlavias plan ensèn ?

— Tu soulet sables rèn ! Sies doune pas dóu terraire ?
Ounte ères avans-ièr, quand leis ome de lèi
An fa mouri lou Sant en crous entre dous laire ?
Rendié la vido ei mort dins lei bras de sei maire ;
Lei paure li disien : Moun mèstre ! moun sauvaire !
Nautre cresian qu'un jour lou saludarian rèi !

Tres femo de baume cargado,
Au pouncheja dóu jour, à soun croues soun anado.
Dien qu'an trouva que soun linçòu,
Que la pèiro èro devessado
Davans li sòudard mut de pòu.

E dien que Madaleno a fa trebouli Pèire
En cridant : Es ressuscita !
L'avèn vist ! à si pèd nous sian precepita !...
Vaqui ço que dien. Pèr va crèire
Faudriè l'ausi, faudriè lou vèire,
Faudriè touca sei pèd trauca pèr lei clavèu.
L'avèn trop bèn vist mort : tout es fini pèr èu...
A sei barco deja retournon lei pescaire,
Nautre retournan à l'araire.

— Couer catiéu ! diguè l'estrangé,
Avès gaire de sèn, e de fe n'avès ge.
Legissès mies la lèi, li proufèto, li saume.
S'a tant soufert, lou Crist, s'es mouert, lou Redemtour,
Va falié : poudié pas intra sènso doulour
Dins la glòri de soun reiaume... —

Em' élei repassè toutei lei predicien,
Despuei Adam, lou proumiè paire,
Jusqu'à Sant Jan lou batejaire,
E li faguè dóu Crist coumprendre la messien.
— Rèn qu'un diéu pòu de Diéu desarma la justici,
Rèn qu'un sang innoucènt pòu lava vouèstei vici.
Aquèu sang a paga pèr toutei lei nacièn ;
Aquèu sang dóu pecat reparo lei desastre.
Lei pople seran fraire e faran qu'un avé,
Auran qu'un jas, auran qu'un pastre,
Auran qu'un Diéu e qu'uno fe. —

E d'enterin que li parlavo,
L'un e l'autre sentiè que soun couer s'escaufavo...
Mai deja d'Enmaüs se vesien leis oustau.
Sus la drecho un draïou menavo au pèd d'un bau.
— Nous separan eici, vaqui vouesto bourgado ;
Descendès dins lou plan, iéu préni la mountado. —

Toutei dous, lou pregant, diguèron emé fue :
— Rèsto emé nautre : se fa nue !
Lei camin soun marrit, e li a foueço raubaire ;
Pèr te pauva trouvaras sousto en-luè ;
Vène dins noueste mas... Sian paure, avèn pas gaire,
Mai dounan de bon couer lou pan qu'avèn, pecaire !
Rèsto emé nautre : se fa nue ! —

Restè 'm'èlei. Qu'urous fuguèron !
Èro sourne quand arribèron.
Lèu cerquèron, pèr tauleja,
Lou pan, l'òli, lou vin ; metèron soun abounde.
L'oste que voulien festeja
Semblavo pas d'aqueste mounde :
Rèn qu'en lou regardant, sentien tant de douçour
Que disien : Es bessai un àngi dóu Segnour !

Aguè pas besoun de paraulo
Quand, prenènt lou pan sus la taulo,
Li lou partejè pèr mita.
Seis uei tout-d'un-còup se durbèron ;
Esmougu, lou recouneïssèron ;
Toucavo plus terro !... Cridèron :
— Sias noueste segne Dièu, lou Crist ressuscita ! —

II

Segnour, nautre tambèn marchan dins la sourniero.
Lou bèn a pòu, lou mau desplego sa bandiero.
De se trufa de tu se fan un orre jue !
Pertout lou cèu negrejo e leis astre palisson ;
Boufo un vènt de tempèsto, e lei nièu s'espessisson :
Rèsto emé nautre, se fa nue !

En cridant : Fau la pas ! lei pople se menaçon ;
En cridant : Liberta ! bèn mai s'encadenasson ;
La justici s'escounde e lou mounde es en fue ;
Vouelon un chapladis, countènt se tout s'aclapo,
Mai que mouere la Glèiso e que toumbe lou Papo :
Rèsto emé nautre, se fa nue !

L'Abat A. BAYLE.

Marstho, 14 de Setèmbre, 1867.

-
- Es triste lou gasan qu'adus la pèsto.
 - Ounte li capèu soun, li coufo dèvon rèn.
 - Tóuti li marit countènt dansarien sus lou quièu, d'un veïre.

LA COUSCRIPCION DIS ENDECA

En seguito de la guerroy di Prussian e dis Austrian, s'es recouneigu que li coundicion de la luche èron chanjado, e s'es mes à l'estudi, coume sabès, divers nouveù proujèt de recrutamen.

D'uni an prepausa la levado en masso, d'autre l'aloungamen o l'acourchimen d'ou service, d'autre enfin la coudiscipcion emé band e rèire-band ; e, parèis, es lou sistème que dèu trioumfa.

Mai ço que nous a frapa, es qu'entre tant de pouliti, de filousofe, de publicisto e d'estrategisto, que se soun oucupa d'aeò, n'a pas cap d'un qu'ague entre-vist lou nous de la questiou. Li leitour de l'Armana saran bèn aise, cresèn, de counèisse aqui-dessus l'avis d'ou grand pensaire, de l'engeniaire illustre que gratifico annalamen aquest recuei de si preciòusi descuberto : voulèn parla d'ou venerable Charle Dàvid.

— Veguen ! dis Charle Dàvid. L'estatistico recounèis que la pouplacion vai en demens e que la meno s'abastardis. Que i'a d'estouant ? t'ouli an la coudiscipcion lèvo la flour de la jouinesso, e la meno estroupia, amaluga, tua, sus li prat-bataiè ! Rèsto, pèr faire raço, quau ? li refourma, ço que v'ou dire aquèliq'an de deco, emé li retour d'armado, (que perèu, e pecaire ! tournon pas toujours entiè.)

Eh ! bèn, dis Charle Dàvid, prenen eisèmples i pastre que, pèr renouvela l'avè, chausisson li plus bèu de sis anouge, e mandon la curaio au coutèu d'ou bouchiè ! Prenen eisèmples i gardian camarguen, que, pèr ameioura lou sang de si manado, gardon li plus valènt de si grignoun e chabisson li autre à la fiero de la Crous ! Prenen eisèmples i meinagiè que cercon pèr semènço lou gran lou mièus nourri, e porton à la molo si soulèn e si grapiè !

Nautre de-meme, garden, pèr còungreia, la flour di drole, e bandissen au diable t'ouli lis endeca !

Zou ! uno bono lèi que rabaie li nousa, li gaima, li desnarra, li relassa e li tara ; li gibous, lis escroulous, li veiroulous ; li rascas, lis idroupi e lis escrebassi ; li goi, li bret, li tucle, guèche, borgne e bourniclet ; e li manchèt perèu, emai li cuou-de-bos, emai li pèd-de-bourdo ! en un mot, mis ami, pèr un bon cop, purguen la Franco !

E voulès que vous lou digue ? M'es avis qu'aquèli gènt, vès, farien de soudard d'ou tron de milo, car Dièu, coume se dis, lis a pas marca de-bado.

« Oh ! crido Charle Dàvid dins soun entousiasme, quouro me sara douna de vèire uno revisto de cent milo gibous, t'ouli p'ourtant sa gibo fieramen, e patriouticamen ! — Li panard, coume de juste, anaran à chivau ; — mai li gibous, faudra que marchon ! Toujours me rapelaraï que, quand tirère marrit, i'a 'n couquin de gibous que crebavo d'ou rire ! »

Sènso parteja lou ti ni li rancuro de noste ami Dàvid contro la taifo agibassido, nous permetèn d'apoundre que davans l'orre chaple di nouvellis armo, un marrit ome vau autant coume un bon. Or, tuo-gènt pèr tuo-gènt, counvèn de reserva li plus bèu de nòsti masele, pèr pas perdre l'escoussuro de la pauro umanita.

LOU CASCARELET.

LA RENEISSÈNÇO

A VICTOR BALAGUER, FELIBRE CATALAN

Èr : *Au paysan le bon Dieu donne.*

O gai felibre de Prouvènço,
Bràvis enfant dóu meme nis,
Dóu Var enjusqu' à la Durènço,
Canten la lengo dóu païs !
Fraire, que de la Catalougno,
De Barcelouno en Avignoun,
Venès vous metre à la besougno,
An, d'aut ! que seren jamai proun !

Es l'auro de reneissènço
Que se lèvo sus lou Miejour,
E boufo sus la Prouvènço
Di Pirenèu au Mount-Ventour.

Zóu ! durbès li labro,
Respiras aquèu san mistrau
Qu'abro
Lou fio dins li cor prouvençau.

Fau que nosto lengo roumano
Vuei repregue mai lou dessu ;
Es la plus richo e mai enciano,
E fai crento à nòsti inoussu...
Se pòu-ti que siegon tant ase
De renega tout ço qu'es bèu !...
Nous-autre sian pas tant viedase,
E defendèn noste drapèu.

Es l'auro, etc.

A tout moumen, de cade caire,
Dison : « Lou Prouvençau es mort,
E lou fau enterra, pecaire ! »
Mai avès doune rên dins lou cor ?
Qu'es que rajo dins vòsti veno ?
Es-ti d'aigo vo bèn de sang ?
E vosto amo de bren es pleno ?
Devès avé lou fege blanc !...
Es l'auro, etc.

Despièi qu' a la crous à la vèsto
Sus la peitrino de Mistran,
La Prouvènço dréisso la tèsto,
E sian fièr d'être prouvençau !
Pèr que la crous nous èi dounado,
Fuguen digne de la pourta !
Se nosto lengo es ounourado,
Sachen la faire respeta.
Es l'auro, etc.

Pèr lou païs, pèr la patrio,
O Prouvençau ! o Catalan !
Fraire d'Avignoun, de Marsiho,
Tenen-nous tóuti pèr la man :
Aubouren-la sus lis espalo ,
Que se tirasse plus au sòu,
Desplegara si largis alo
E la veirès prendre soun vòu.
Es l'auro, etc.

Coume l'aiglo qu'eilamont plano
Subre lou crestèn di roucas,
L'an visto parti de Maiano.
Emé *Mirèio* entre li bras.
« Toumbara ! » disié la poutraio
En la vesènt mounta tant aut...
Mai di nivo, ounte s'esparpaio,
A Ieissa toumba *Calendau* !
Es l'auro, etc.

Felibre, nosto glòri es bello :
La leissen pas estavani ;
A la porto sen sentinello :
Sian li sòudard de l'aveni.
Se quaucun nous vòu fa la mino,
Nous-autre fasen-ie lou eat.
Sourten lou lume de l'eimino,
E res nous lou vendra mouca !
Es l'auro, etc.

Quand la mort nous fara descèndre
Dins lou clausoun, nòstis enfant,
Coume lou Fènis de si cèndre,
De nòsti cèndre trachiran.
De si paire tirant de raço,
Caminaran dins lou draïou
E vendran prendre nosto plaço,
E coume nautre diran : Zòu !
Es l'auro, etc.

Enfant, gardas noste eiretage,
E lou pais qu' avèn ama...
Nautre nous avançan dins l'age,
E lèu faudra vous desmama.
Mai s'un jour lou draïou s'encoumbro,
Dreissas la visto e regardas :
Eilamount veirès nòstis oumbro
Que vous diran : Pichot, landas !
Es l'auro de reneissènço
Que se lèvo sus lou Miejour
E bouso sus la Prouvenço
Di Pirenèu au Mount-Ventour.
Zòu ! durbès li labro,
Respiras aquéu san mistrau
Qu'abro
Lou fio dins li cor prouvençau !

MARIUS BOURRELLY.

Marsiho, 10 de Jun, 1867.

— Enfant, richesso de paure.

LOU CAT QUE FAI LUME

A Camp, — un vilajoun que toco Brignolo, — i'avié 'no fes, — parle d'au-mens cinquante an, — un mèstre capeliè (à Camp touti fan de capèu) que ie disien Moussu Sifrèn. M. Sifrèn avié 'n enfant, e soun enfant, quand agué l'age, vouguè intra dins lou coumèrci. — Tè, ie diguè soun paire, d'abord que vos parti pèr negoucia, vaqui cent franc : se 'n-cop lis as doublo, t'entournaras.

Lou fiéu s'envai.

A la proumiero couchado, veici que, dins l'aubergo ounte anavo soupa, i' avié 'n gros cat que se venguè freta contro éu.

— Oh ! lou bêu cat ! diguè lou drole.

— Es pas tout d'èstre bêu, ie respoundeguè l'oste, a encaro un gàubi em' éu que vous fariè gau de vèire. Sabès que ? fai lume à-n-aquéli que soupou, e ie tèn la candèlo tout lou tèms que soun à taulo.

— Acò-d'aquí, venguè lou cadelas, voudriéu lou vèire pèr lou crèire.

— Ato ! ie diguè l'oste, vous jogue cent franc.

— Eh ! bèn, tène li cent franc.

Meton la taulo, li soupaire s'acampon ; lou cat mounto sus la napo e s'agrouvo sus soun quiéu. Entre sis arpo de davans l'oste ie bouto la candèlo atubado, e vejaqui Mounet que la tèn drecho coume un iéli, sènso branda d'un pouce tout lou tèms dóu repas.

Moun paure negoucian perdegùè si cent franc, e fauguè que s'entour-nèsse, pèr mai querre d'argènt.

Conto à soun paire la mau-parado.

— An ! diguè M. Sifrèn, es un piehot malur. Laisso-me faire iéu, vau cerca ti cent franc emai li cent franc de l'oste. Tu... m'es avis que faras miéus d'ana fouire la vigno que de coumerceja.

E M. Sifrèn part, en poutant ço que faliè, valènt-à-dire, un massapan ounte avié engabia dos furo. E vai coucha vers l'oste qu'avie tant bèn afina soun fiéu.

Enterin qu'alestisson lou soupa, veici moussu lou cat que vèn, coume de coustumo, se fringouia à si braio.

— Càspi ! la bello bèsti ! diguè M. Sifrèn. — Es pas tou d'èstre bello, ie respoundeguè l'oste, a encaro un gàubi em' elo que vous fariè gau de vèire. Sabès que ? fai lume à-n-aquéli que soupou, e ie tèn la candèlo tout lou tèms.

— Me devès prene pèr un Marlegau ! respoustè lou capeliè.

Basto, d'uno resoun à l'autro, s'escoumeton de dous cent franc. E taulo messo, lou cat pren la candèlo, is iue de l'aubergisto galoi e triounflant.

Mai coume aqueste viro l'ive, l'autre, en fasènt semblant de rèn, destapo la ratiero, e mi dos furo de s'esquiha...

Pataflou ma candèlo ! Lou cat tout trefouli partiguè coume un lamp pèr arrapa li rato, e l'oste aqueste cop sieguè rasa de-fres.

LOU CASCARELET.

A-N-UN POUËTO DESPATRIA

Se t'ères embarca pèr lis ilo Canàri,
Auriès gagna bessai lou capèu d'amirau ;
Se t'avien tounsura dins quauque semenàri,
Belèu pourtariès mitro e bastoun pastourau ;

Simplamen pourcatiè, deveniès miliounàri ;
Enroula pèr sòudard, sariès vuei generau ;
S'ères meme esta rèn, qu'un pacan ourdinàri,
Segur la pas de Diéu regnariè dins toun trau.

Mai coume te sies fa pouèto e patrioto,
Que ta voues a clanti sus tóuti li rioto,
Qu'as vougu sauva l'ome e cura lou poucièu,

Lou mounde, sèmpre dur i paraulo inmourtalo,
O, tau que lis aucèu en vesent qu'aviès d'alo,
T'a cassa de pertout, paure, à cop de fusiéu.

F. MISTRAL.

9 de Setèmbre, 1867.

UN MOT DE MOUNSEN DE MAZENOD

Mounseigne de Mazenod, l'evesque de Marsiho, mort i'a quàuquis an, oufriguè 'n jour, dins uno réunioun, uno prisò de taba à-n-un jouvènt que ie respondeguè :

— Mounseignour, gramaci ! n'ai pas aquèu défaut...

— S'èro un défaut, l'aurias, ie repliquè l'evesque.

LOU CASCARELET.

UN BRINDE A JAN REBOUL

UN JOUR QUE FELIBREJAVIAN A NIMES

A l'entour de la touaio blanco
Espandido pèr un festin
Qu'emplis li cor de joio franco,
Qu'emplis li vèire de bon vin,

Las ! i'a'n felibre qu'es de manco :
Nous a leissa long dóu camin :
Quand es maduro, de la branco
La frucho toumbo... Acò 's ansin !

Mai soun amo es eici presènto,
Mai soun estello trelusènto
Nous fai bêu lume d'amoundaut...

An ! que tout vèire tuerte e dinde !
Es à tu que porte moun brinde,
O Jan Reboul, mort inmourlau !

J. ROUMANILLE.

Nimes, 14 de Juliet, 1867.

LA PASSIOUN

Èro lou bêu Divèndre sant, dins la glèiso de Sant-Andiòu, e Moussu
lou Curat èro en cadiero, e, lou cor esmougu e la voues pietadouso,
presicavo la Passioun de Noste-Segne.

N'en èro au rode, que fai tremoula l'amo dóu cors, ounte li Jusiòu
fouiton lou bon Diéu, ounte lou sang dóu bon Diéu, souto li cop de
fouit, giselo e raio à faire pieta, quand Nanoun à sa vesino diguè
plan-plan :

- Peireto ?
- Que i'a ?
- Es aro que se plouro ?
- Pancaro.
- E quouro ?
- Te lou dirai.

LOU CASCARELET.

LOU MASET DE MÈSTE ROUMIÈU

Èr que Mèste Roumièu a fa.

Lou maset de Mèste Roumièu
Es un maset coume n'i'a gaire ;
De-segur, dins tout lou terraire,
Se n'en vèi ges coume lou sièu.

Poudès cerca dins la garrigo :
Se n'en trouvas un coume aquel,
Diéu de moun nas fague uno figo
E dous siblet de mi boutèl !...

Lou maset, etc.

Requinquiha, blanc coume l'île,
Courouna de flour e de grel,
Dins soun enclaus morgo, tranquile,
L'auro, la pluejo e lou sourèl.

Lou maset, etc.

Voulès lou véire ? An, d'aut ! en routo !
Alenaren i Tres-Pieloun ;
Vers Castanet béuren la gouto
O tastaren lou court-bouioun.

Lou maset, etc.

Sèn arriba. Mi camarado,
Digas-me se vous ai menti !
Quouro avès vist dins l'encountrado
Maset tant béu e miel basti ?

Lou maset, etc.

Intras : veirès sus li muraio
De tablèu rudamen pinta,
Un grand naufrage, uno bataio,
Paris dins touto sa bèuta.

Lou maset, etc.

Es pas bèn grand : i jour de fèsto,
Souvènti-fes sèn à l'estré;
Mai, se fai caud, pausan la vèsto;
Barran la porto, se fai fre.

Lou maset, etc.

Sarié tèms de se metre à taulo
E de faire un poutoun au vin.
l'a'n bon fricot de cagaraulo,
l'a de merlusso e de lapin.

Lou maset, etc.

Sèn court de biasso ? dins la vigno
l'a de tout ; trouvan, sèns sourti,
Un cros pèr la pesco à la ligno...
Pàuri peissoun, vous van rousti !

Lou maset, etc.

l'a d'aïet, de poumo-de-terro,
De nabet, de cebo, de fru....
le manco pas que la misèro,
O, se i'es, meno pas de brut.

Lou maset, etc.

Mèste Roumiéu, qu'aimo la casso,
I perdigau calo de las.
Tóuti li fes que fai fougasso,
Se counsolo em' un cacalas.

Lou maset, etc.

E, d'aquel tèms, quau jogo i boulo,
Quau s'amuso au viro-bouquet,
Quau derrabo de ferigoulo,
Quau pren de flou pèr un bouquet.

Lou maset, etc.

Quand vèn la niuè, tóutis en filo,
D'ùni risènt, d'autri cantant,
Davalan plan-plan à la viò,
E redisèn, en nous quitant :

Lou maset de Mèste Roumièu
Es un maset coume n'i'a gaire :
Bèn segur, dins tout lou terraire,
Se n'en vèi ges coume lou sièu.

MANDADIS

Es pèr tus, o moun brave paire,
Qu'à rima me siei mes en trin :
Longo-mai, s'a l'ur de te plaire,
Au maset digues moun refrin !

Lou maset, etc.

LOUIS ROUMIEUX, de Nîmes.

1867.

ALÈSSI E NANOUN

Alèssi e Nanoun se disputavon : — Sies acò, sies lou rèsto...

— Sies un ase, ie diguè Nanoun ; e i'a long-tèms qu'aurien degu te faire ferra.

Alèssi ie mandè 'n gautas que ie faguè vèire li lume :

— Me faire ferra !... Ah ! ço vai l bestiasso, que t'aurièu trop fa mau.

LOU CASCARELET.

LEI MAN DINS LEI POCHO

Mèste Franc, e d'ami, fasien partido ei bocho.

Passo lou Gouvernour de Prouvènço, un fringant :

— Sabès, dis Mèste Franc, perqu'èi qu'a gens de gant ?

Es per-ço-qu'a toujour lei man dins nouèsti pocho.

J. B. G.

Ais, 1867.

LOU PORC

l'a lou Bourniclet, — ie dison peréu Manjo-quand-l'a, es de Courtesoun, — qu'aviè 'n gros porc.

— Quant vos de toun porc ? ie diguè Jan Coudeno, qu'es car-saladié en Avignoun.

— Tant...

— Te n'en baie tant...

— N'en vole tant.

Pachejéron proun. Mai basto, toumbèron d'acord, la man dins la man.

— Es necite e bèn entendu, faguè Jan Coudeno, que gardes la bèsti encaro uno bono quingenado, pèr que fague tóuti si graisso, e que pièi me l'adugues en Avignoun. Avans de l'adurre, m'escriéuras pèr m'averti, e toun argènt sara lèst.

— Fugues tranquile.

— E afranquiras la letro.

— Rèn de plus juste.

Quand, à visto d'iue e au touca de la man, lou porc fuguè proun gras, lou Bourniclet faguè la letro, e lèu à la posto l'aduguè :

— Moussu, dis au Moussu dóu burèu, es pas que noun lou sachés, es iéu que siéu lou Bourniclet, que me dison peréu Manjo-quand-l'a....

— E que i'a pèr voste service ?

— l'a, Moussu, qu'ai fach un pache, la man dins la man, emé Jan Coudeno, qu'es d'Avignoun... Sabe pas se lou couneissès... Es un ome de voste age, de voste péu, e de....

— Vai bèn.... E pièi ?...

— E pièi, m'a di de l'escriéure pèr l'averti, e que moun argènt sarié lèst... e pèr ie dire peréu qu'arribaren après-deman sèns fauto en Avignoun, apereïça sus li dèò ouro, iéu, la femo, noste drole, e lou noble, en parlant pèr respèt.

— E bèn ! sourtès, sant ome, e trasès vosto letro pèr lou trau. Pièi iéu....

— Escusas se vous coupe, Moussu : m'a di de l'afranqui. Valènt-à-dire... ?

— Valènt-à-dire qu'en l'afranquissènt, pagara pas lou port.

— Hoi !.... Coume ? Pagara pas lou porc !

— Eto-mai, pagara pas lou port.

— Pagara pas lou porc !... Ah ! Moussu, fasès bèn de me lou dire ! Sias un brave ome. Quau vòu de bèu porc, que li pague ! Gramaci, Moussu !

E lou Bourniclet lèu virè brido. E se disié, en estrassant sa letro : Gràci à Diéu, sian pas dóu Martegue !

LOU CASCARELET.

LA CANSOUN DOU MATIN

A MADAMO LOUIS ROUMIEUX

L'auro dougo que s'envolo
Di cresten de l'auto colo
Vèn poutounça li flour
Que tout de-l'ing di draïolo
Esparpaïon si coulour.

Eseoundido dins l'oumbrino
Di bouseage, l'ancelino
Canto l'inne d'ou matin :
Que sa voues es argentino
E que dous èi souu retrin !

Emé li d'ouci boufado
Que nous vènon d'elamount,
Sènte mouu amo embaumado...
Ah ! li frèsqui matinado,
De Bèu-caire e Tarascoun !

Di branqueto mouvedisso
De la ramudo sebisso
Part uno tèndro rumour
Qu'es la gènte cantadisso
Di souspir e dis amour.

L'aigo d'ou flume s'escoulo
Tout plan-plan, e rên treboulo
Ni souu mirau pur e clar,
Ni souu erso que brandoulo
En davalant à la mar.

Ah ! l'auro ferigoulado
E li cant dis anceloun
E lis oundo àbounaçado !
Ah ! li frèsqui matinado
De Bèu-caire e Tarascoun !

Qu'ame ièn, au clar de l'aubo,
M'espassa soute ls aubo,
E pièi vèire lou soulèu
Qu'enmantello de sa raubo
La naturo e souu tablèu !

Qu'ame iéu dins la ramiho
Aproufoundi ma vediho,
Bouscant moun negre destin,
E pensant à ma patrio,
A ma patrio eilalin !

L'auro es puro e regalado
Coume s'èro de poutoun,
E douço la souloumbrado...
Ah ! li frèsqui matinado
De Bèu-caire e Tarascoun !

MANDADIS

Tëndro dindouletto — que voles pèr l'aire,
Cercant l'infini,
A la gènto damo — qu'abito Bèu-caire
Porto un souveni !
Ie diras : « Madamo, — perlo dōu terraire,
Caro de poutoun
E soulèu de roso, — d'un paure troubaire
Vaqui la cansoun ! »

VICTOR BALAGUER.

Avignoun, 9 de Juliet 1867.

LI DOUS BRET

— Bra... bra... brave ome, es eiçò, lou ca... ca... caca... camin de
Ca... Ca... Caca... Cavaïoun ?

— Ca... ca... ca... caca... cambarado, ca... ca... caca... caminas tout
dre... e... e... i'a... i'arribarès...

— Ca... ca... caca... capoun de bon sort ! vous mouca... ca... ca...
cacarias de iéu ?

— Ca... caca... cadenoun ! rèn me tèn... de... te...

Ca... ca... d'ici ; ca... ca... d'eila. S'empougnèron, e zan ! e zòu ! Li
cop de poung plouvien coume lis iòu pèr Pasco !

Pièi finalamen, s'espliquèron, e reconceiguèron qu'èron bret tóuti dous.

E se quitèron bons ami, e ensaunousi coume dous ecce-ome, l'un tirant
sus l'Islo, e l'autre sus Ca... Ca... Caca... Cavaïoun.

LOU CASCA...CACA...RELET.

LA POULEJO

FABLO

La poulejo d'un pous cava dins un enclau
Poudié pas se metre à l'oubrage
Sèns ensourdi tout lou vilage.
Disié que souto lou treïau
Soufrissié milo e milo mau :
Plouravo la cadeno, esclavo coundanado,
En trimant niuech-e-jour, à resta rouvihado ;
Li ferrat, segound elo, èron de peresous ;
Dins lou founs de soun lie l'aigo s'escouiandravo ;
Elo soulo fasié tout lou travail dóu pous,
Pèr li bèstio, li gènt e lis enfant merdous,
Pèr lou jardin passi, l'oustau que se brulavo...
E dempiei quant de tèms, moun Diéu ! acò duravo !

E li gènt se disien : — Coume faire teisa
Aqelo vièto masco ? Acò 's pas bèn eisa !
— Acò 's pas defecile, e vous lou farai vèire,
Respoundeguè lou *Maire*, ome de sèn : — Vesin,
Anas encò dóu revendèire
Me querre un moussèl de sahin.

Dóu moussèl de sahin la poulejo es ouchado,
E bèn lèu, sèns dire un soul mot
D'elo ni de si cambarado,
Virè sus soun double pivot,
Au grand estounamen de touto l'assemblado !

De noste tèms, quant de Brutus,
Quant de resfourmaire d'abus
Que rèn countentavo qu'à miejo,
Après èstre engreissa coume nosto poulejo
Oublidon lis ami que soun resta de gus,
E, que fague de vent, de sourèl o de pluejo,
Trovon que tout vai bèn, e roudinon pas plus !

J. REBOUL.

LOU PICHOT EIRETAGE

L'avié 'no fes uno pauro véuso qu'avié 'no fiho à marida.

La chato èro d'aquéli que n'ïa tant : ni d'acò tant bèu, ni d'acò tant laid, aguènt pèr doto si vint ounglo, mai escarrabihado, e risoulete, e de la bono.

Pamens tóuti li fes que la maire èro en coumpagno e qu'avié l'ouca-sioun de parla de sa pichouno :

— Iéu, disié, se 'n-cop maride ma fiho, vès, ie laisse un pichot eiretage.

Ma fisto, un calignaire, gagna pèr lou bon biais de la jouvènto, emai pèr la proumesso de la vièio, l'espousé ; e quauque tèms après li noço, vengué à la sogro coume eiçò :

— Bello-maire t mai aquéu pichot eiretage qu'avias proumés à vosto fiho ?...

— Aquéu pichot eiretage ? respoundeguè la maire, i' ai douna lou jour di noço...

— Pèr eisèmples !... E mounte es ?

— Moun gèndre, ve-l'eici : tóuti li fes que ma chato courduro, — avise-te-n'en bèn, — avans de planta soun aguhio, fai un nous au bout d'ou fiéu.

— E acò 's l'eiretage ? Mai vous trufas de iéu !...

— Noun certo, moun enfant ; car saubras que li fiho que nouson pas soun fiéu, — e vai, n'en manco pas ! — passon l'aguhio, era ! l'aguiado passo ; tiro, passo, tiro, passo, lou tèms cour, la cagno vèn ; e pèr pau que vanegue de mounde à la carriero, an lèu perdu... (te vole gaire dire) uno oureto pèr jour. Or uno ouro pèr jour, à la longo-dou tèms, fan de journado. E s'es vrai que maio à maio li fielat se fan, que gran à gran la fournigo emplis soun trau e que pichot proulié remplis la bourso, es peréu vrai, moun fiéu, que tèms perdu noun se recoubro, e que gouto à cha gouto se vuejo la bouto... Es doune un eiretage de jamai perdre un poun ; e pèr un poun, — lou sàbes, — Martin perdegue soun ase.

LOU CASCARELET.

Grand sartan pèr fregina,
Prim tamis pèr tamisa,
Em' uno mouié degaiero,
Bouton l'oustau à la lichiero.

LIS ENFANT D'OURFÉU

(MUSICO DE JULI COHEN)

Pèr la Soucieta couralo Lis Enfant d'Ourféu, de Marsiho, que lou cantèron en Abriéu 1867,
au Benefice de l'insurreicounn candioto.

I

Sian li fèlen de la Grèço inmourtalo,
Sian tis enfant, Ourféu, ome divin !
Car sian ti fiéu, o Prouvènço coumtalo,
E nosto capitalo
Es Marsiho, qu'en mar vèi jouga li dóufin.

De nòsti paire canten la glòri
Que dins l'istòri
An fa soun trau,
E que de-longo, nous dien li libre,
Soun resta libre
Coume la mar e lou mistrau.

II

Ounte lou jour se lèvo o se prefounde,
Immènsi mar, pourtas nòsti marin ;
Mai li païs li plus riche dóu mounde,
Emé tout soun abounde,
Fan jamai óublida lou son dóu tambourin.

De nòsti paire canten la glòri
Que dins l'istòri
An fa soun trau,
E que de-longo, nous dien li libre,
Soun resta libre
Coume la mar e lou mistrau.

III

Afeciounado e galoio, Marsiho,
Qu'au grand soulèu travaio, ivèr-estiéu,
Tèn à la bouco uno flour de cacio,
E noun plego li ciho
Que davans lou trelus de la Maire de Dièn.

De nòsti paire canten la glòri
Que dins l'istòri
An fa soun trau,
E que de-longo, nous dien li libre,
Soun resta libre
Coume la mar e lou mistrau.

F. MISTRAL.

LA PESCO

Un bourgès de Paris èro sus lou Pont-Nòu que pescavo à la ligno. Un prouvençau em'un gascon lou regardavon faire, e jamai lou parisen pescavo rèn...

— Ah ! ie diguè lou bourdelès, acò 's pas coume en Garono : nautre, eiçavau, n'avèn qu'à jita la ligno. e tira. — e jita e tira, e jita e tira, e chasco fes un pèis, car vès, dins la Garono, i'a aut int de pèis que d'aigo...

— Eh bèn ! nous-autre, faguè lou marsilhès. dins la Durènço es encaro plus bèu : i'a ges d'aigo, rèn que de pèis ! E rastelan li pèis, e n'en cargan de carreto !

LOU CASCARELET.

AU BORD DOU ROSE

Flume que plan-plan debanes
Toun riban d'argènt, tis ausso
Luson un moumen, poulido,
I poutoun di souleiado,
Lèsto soun camin seguisson,
Desparèisson e s'escafon...

O flume, coume tis erso
Soun, ai ! las ! mis esperanço :
Vènon de liuen resplendènto,
Remounton, brihou e passon.

VICTOR BALAGUER.

MAI LOU PORC

Bousièli, de Bedarrido, cousin segound de Jan-Janet, e qu'a pèr femo Nanoun-la-Pèco, tuè soun porc.

D'ourdinàri, quand tuon lou porc, és fèsto à l'ouïstau, e pamens, lou jour que sagatè lou sièu, Bousièli èro apensamenti.

E veici perqué : se saup qu'es d'usage, aquèu jour de fèsto, de manda de fricassèio i parènt, i vesin, is ami, e perèu à Moussu lou Curat : un pan de boudin aici, un pau de saussisso eila... que sabe ièu ? E, ma fisto ! emai fuguèsse pas de Carpentras, amavo mai tout que la mita, Bousièli, e se disiè : Malavalisco ! Eh ! se fau que rènde à Jaque, emai à Pèire, à Matièu, emai à Jan, emai à Tòni, li doumo que nous faguèron quand tuèron soun porc, me vai resta dóu mièu que la tèsto e la co !... Que lou diable lou porc emai lou porc !...

Èro proun dins l'emboui !

Que faire ?... Vai demanda counsèu à soun ami Trefume, qu'èron vesin, e ie dis : — Ai tua moun porc... E veici moun eas. Coumprenes bèn que se dève rèndre li present que m'an fa Jaque, Pèire, Tòni...

— Coumprene.

— Me vai resta dóu mièu que la tèsto...

— E la co. Coumprene. Acò t'enquieto ? Que sies nèsci ! Te fas pièi de crous de paio, moun brave Bousièli ! Ve, moun bèl ami de Dièu, s'ère tu...

— S'ères ièu ?

— S'ère tu... Escouto-me. Pendoularièu moun porc à la fenèstro, e lou leissarièu aqui touto la niue. Se saup que lou seren bounifico forço la car de porc. Aurièu pamens siuen de lou bèn estaca. L'endeman de bon matin, despendoularièu moun porc, l'estremarièu, e dirièu en tóuti que me l'an rauba. E, coume acò, farièu de present en res.

— Ah ! pèr aquelo, osco ! ie dis Bousièli. As resoun, Trefume. Sies un ome. Ansin farai. Gramaci !

Ansin faguè.

E, dins la niue, l'ami Trefume despendoulè lou porc, emai fuguèsse bèn estaca, e l'estremè.

Bousièli se levè d'ouro, e... adieu, moun porc ! Fai lou fio di pèd, se derrabo li pèu, em'acò part, esglaria : — Oh ! d'aquéli gusas ! crido, m'an rauba moun porc !...

Rescontro soun ami Trefume :

— Trefume, ie dis, m'an rauba moun porc !

— Bèn ! fort bèn ! ie respond plan-plan lou counseiaire.

— Es de-bon, te dise ! Me l'an rauba, li capoun ! Ah ! tenès, pièi, engreissas de porc !

— Acò 's acò ! fasèn bèn noste role ! es ansin que fau dire.

— Oh ! mai, sacre couquin de goi ! quand iéu te dise que me l'an veritablamen rauba !

— Brave ! acò 's bèn di. Bramo, moun bèu, bramo : dóu mai bramaras, dóu mai lou creiran. E, veses, ansin, moun ome, lou porc sara tout tiéu... emai la fricassèio !

LOU CASCARELET.

LA BOUI-ABAISSO

Se la boui-abaisso vous va,
Vau vous dire coumo si fa.

D'abord, ço que degun countèsto,
Li fau de pèis à grosso tèsto ;
Au-mai es grosso, au meiour es :
Lou bouioun si fa pus espès,
E 'usin la leseo es espoumpido
Coumo aquelo d'uno bourrido...
Basto, si pren un gros merlan
(Pas d'aquèlei dei Catalan :
Demoueron trèn dins la banasto,
E d'aquén biais lou pèis si gasto),
Un bouen rouget, quàuquet roueau,
Uno pauto de lingoumbau.
Li si pòu metre de girello,
Mai jamai ges de canadello.
Vous recoumàndi lei pagèu,
Lei carambot, lei suverèu,
Uno rascasso un pau grousseto,
Quatre sarran, douei galineto,..
Lou lingoustoun douno bouen goust,
E l'aurado rènde courous.
Sanbrès que dins la boui-abaisso
Si'mete jamai ges de graisso;
Car, se dins l'aigo s'es nourri,
Lou pèis dins l'òli dèu mourri.

Dounarès doune la preferènço
A l'òli de nouesto Prouvènço.
Lei cebo si meton proumiè,
Emé lou pebre e lou lausiè.
La sau, la fau pas tròu trissado ;
Lei bouéneis-erbo, bèn lavado ;
Un pichoun pessu de safran ;
En plaço d'aigo. de vin blanc ;
De girofle, n'en fau pas gaire :
Quatre clavèu faran l'afaire.
L'aïet, sènso tira la pèu,
S'escracho dóu bout dóu coutèu,
E n'en boutas vnech o dès veno...
Tout acò si fa sènso peno.
De grueio d'arangi, n'en fau
Coumo uno pèço de vint sòu.
Enfin, quand lou pèis es dins l'oulo,
Jitas un brout de ferigoulo.

SERAFIN CREMAZI, de La Ciéutat.

LA FORÇO DE L'ABITUDO

Alemand lou goi, de Seloun, èro esta de soun vivènt un juraire coume n'i'a tant, coume n'i'a malurousamen que trop ! E noun vèngon apoundre pèr escuso, aquéli qu'an la marrido abitudo de renega, que lou sènton pas faire, qu'es un flus de bouco, de mot en l'èr que l'auro emporto, car iéu l'asourtirai qu'acò 's laid, qu'acò 's orre, qu'acò vous crespo e vous treboulò... E, s'ère lou Bon-Diéu soulamen pèr un quart d'ouro, ie barrarièu li bouco en tóuti, si sàeri bouco, alenadou d'infèr, en li rendènt mut sus-lou-cop, tant lèu badarien pèr m'oufensa...

Mai noun, que s'ère lou Bon-Dieu. farièu coume éu : sarièu paciènt, pèr-ço-que sarièu eterne, e lis esperarièu au mau-passage quand mouririen dins soun peccat.

Alemand, panard que panard, proun lèu encaro l'arribè, à-n-aquéu marrit pas. Ero à l'angòni, trampelavo ; e lou prèire, segound l'us catouli, ie fasié l'ouncioun estrèmo : sus li pèd, sus li man, sus lis iue, sus lou nas, en disènt : « Pèr esto santo ouncioun e sa grandissimo misericòrdi

te perdoune Dièu tout ço qu'as fa de mau pèr lou camina, lou touca, l
visto, la sentido.... » E, coume l'anavo ougne la bouco : — Oh ! aqui,
— dis lou malaut emé 'n suprème esfors, countrit e repentènt de tant de
blasfème que n'èron sourti, — a... aqui (car saubrès qu'èro begagno), a...
aqui fi... fi... fi... fichas n'ien bèn 'l tr... tr... tron-de-pas-disque !...

LOU CASCARELET.

LA MORT DE BEZIÈS

(Roumanço prouvençalo en ritme catalan)

I

Nouvello soun arribado
De la cièuta de Beziès.
Oh ! maucouranti nouvello,
Negro coume negro nue !
Quand lis ausis lou Viscomte,
Rèsto pale e mourlineu ;
Demando soun chivau negre,
Mouto, e part coume lou vent.

Zóu ! zóu ! zóu ! moun chivau negre,
Lando coume lando l'èr !
Zóu ! zóu ! zóu ! moun chivau negre,
Zóu ! coume lou tron de Dièu !

O ma vilo tant amado,
O ma vilo de Beziès,
T'an passado à tièu d'espaso,
A-fioc-e-à-sang t'an mes !
Noun s'es espargna li femo,
Ni li jouine ni li vièi !
An passa tout à barrejo
Pèr lou tranchet dóu coutèu !
Jamai, de me : òri umano,
Se veguè plus grand segren,
E noun racontò l'istòri
Un plus grand chaple de gènt,
Car lou sang que vuei davalò
Di carriero de Beziès

Fai, de-long de la campagno,
Courre un flume rouginèu !
E de taus ome s'apellon
Soudard e crousa de Dièu ?
Noun soun crousa dóu Diéu-Ome,
Car soun crousa de l'infèr !

Zóu ! zóu ! zóu ! moun chivau negre,
Lando coume lando l'èr !
Zóu ! zóu ! zóu ! moun chivau negre !
Zóu ! coume lou tron de Diéu !

II

Mi vassau, is armo ! is armo !
A l'entour de moun drapèu
Fau que vèngon tóuti aquéli
Que se sènton cor valènt,
Em' espaso vo 'mé lanço,
Emé destrau o coutèu !...
Noun vous counvide pèr targo,
Pèr tourné vo carroussèu,
Vous counvide pèr venjanço,
Pèr venjanço de Beziès !
Aquéli que vuei arribon
Carreja pèr un mau vènt,
Fau que rèston sus la terro
Que caucigon de soun pèd !
De ma venjanço l'istòri,
Ah ! n'en parlara long-tèms !
N'en gardara souvenènço
Jusqu'i fièu de nòsti fièu !
N'en parlara pèr li siècle
Jusqu'i pèiro di clapié !
Sa crousado de demòni,
La trencarai coume un nièu ;
Sa nisado de vipèro
Caucarai souto moun pèd !...
S'acò noun fau pèr memòri,
Que jamaï me doune Diéu
Ni pas ni joïo en ma vido,
Ni repaus dins moun toumbèn !

Zôu ! zôu ! zôu ! moun chivau negre !
Lando coume lando l'èr !
Zôu ! zôu ! zôu ! moun chivau negre !
Zôu ! coume lou tron de Dièu !

Ansin parlo lou Viscomte,
Lou Viscomte de Beziès,
Que long dóu camin davalò
Coume un lamp fendènt lou vènt.

VICTOR BALAGUER.

Avignon, Juliet, 1867.

LA COUNFESSION ENTIERO

Jè, carretié de soun estat, ome bon e simplas, mai qu'avié countrata dins la coumpagno de si parié proun marrit vice, noun s'èro plus counfessa despièi sabe pas quouro. Venguè lou Jubiléu, e Jè, touca pèr lou sermoun d'un capouchin, empen subre-tout pèr un mouvemen de la gràci, s'anè jita i pèd de soun pastour.

— Eh bèn ! ie fai lou prèire, de qu'avès à vous acusa, desempièi que noun ai agu lou bonur de vous vèire eicito ?... Avès di de mau, parai ?

— Ah ! proun, que trop, moun Paire !

— De mau au Bon-Dièu ?

— Eto.

— Mai que vous avié fa ?

— Hòu ! quouro la rodo èro encalado, quouro lou miòu voulié pas tira... que sabe-ièu ? milo causo que vous desvarion !...

— Eh bèn ! falié vous n'en prendre au queiroun que coutavo, au testardige de vosto bèstio, e lou rèsto, e leissa ista lou Bon-Dièu, que n'en poudié pas de mai. Ah ! — Après.

— Ai tambèn dins la maliço, repren Jè, emai à tout prepaus larga de mot groussié, injurios à mi camarado : l'ai di moustre, l'ai di capoun, bregand, rascas...

— Avès tort, fau plus parla coume acò. Noste Segne nous afourtis dins soun sant Evangéli que quau dira *raca* à soun fraire meritara d'èstre coundana pèr lou Counsèu. Que l'avès mai larga ? n'oublidès rèn.

— l'ai di gusas,... escapa de galèro... l'ai di...

— Vous ensouvèn plus de rèn ?

— Nàni, pèr aro.

— An l rapelas bèn à vosto memento ço que pòu vous faire peno, que s'anavias, fauto de vous eisamina proun, óubrida quauque pecatas, o, à plus forto resoun, voulountarimen l'escoundre, la counfessioun sariè mancado. Declaras bèn tout en touto umelita davans Diéu que vous escouto.

Mai Jé avié bèn se grata lou su ; plus rên de rên ie regreïavo... quand de-retour à l'oustau, aguënt atala si bèsti, lèst à parti pèr Lioun : « Tèn li bèstio un moumenet, fai à sa femo, vau reveni. » E cour à la glèiso, furno la cahano de kós, intro à la sacrestio, varaio e cerco pèrtout... Gens de curat ! Moun to en clastro, l'atrovo fin-finale que dejunavo, e, entre descadaulta, en la presénci d'un segoundàri e de misè Margoutoun :

— Moun bon Moussu lou Curat, dis lou panto esmougu, trevira, siéu mai eicito !...

— Que i'a ?

— Ai óubrida de vous dire *coudoun*.

— Tambèn me n'en passave, — replico lou curat estabousi.... — Anas, moun ami Jé, anas-vous-en en pas, e me digués plus... *coudoun*.

LOU CASCARELET.

SUS LA NOUVELLO GLÈISO

BASTIDO A ROUSSET

Domus Domini.

O benurous Rousset ! o benurous terraire
Ounte crèisse à-bèl-èime e la vigne e lou bla !
Que jamai lou soulèu pèr tu siegue nebla,
Que jamai lou malur acipe tei lauraire !

De-fes, en manejant la piccolo e l'araire,
Se lei travaïadou soun mai o mens gibla,
Souto lou pes d'ou jour noun rèston desnoumbra,
Car Diéu mando en cadun sa boueno part de fraire.

Tambèn, pèr rëndre graci au Mèstre soubeiran,
Lei bràvèi Rousseten edificon subran
La glèiso e sei doues toure, e lei vòuto e l'absido ;

E seguissènt l'envane de soun nouvèu pastour,
Toutei, grand e pichoun, plen de fe, plen d'ardour,
An dreissa vers lou cèu soun obro benesido !

F. VIDAL.

DINS L'AUTRE MOUNDE

l'a'n brave capelan que me n'a counta vuei uno bono.

Un paure Fraire Recoulèt, dis, vente de mourir en òudour de santeta. Bello amo sènso deco, en paradis anè tout dre. Coume d'ou paradís la porto es pas badanto, l'atrouvé tancado, e piqué. Pan-pan ! — Rèn ! — Pan-pan-pan !... Rèn ! — I'a doune res eici ?... E z'ou mai à la porto, z'ou mai d'ou pèd e de la man ! Pan-pan-pan ! pan-pan-pan ! hòu de l'oustau !

Enfin Sant Pèire duerb soun fenestroun, e : — Se se p'ou, dis, faire tau boucan ! Santo Crous de bon Dièu ! soun piè pas resounable ! Quau pico ?

— Ièu, un paure Recoulèt, pechaire ! que ie fau faire uno plaço en paradis, e que, boutas ! l'a bèn gagnado ! —

— Ah ! es tu, Frai Bautezar ? ie fai lou celèste pourtaliè... Ve, moun ome, vèn de mourir un evesque, un eisèmples de t'ouiti li vertu, un grand sant ! l'alestissèn sa plaço, e, ma fisto ! avèn proun obro. Prene pacièncie encaro un pau, espèro : toun tour vendra proun, e te durbirai.

E Sant Pèire barrè loa fenestroun e boutè lou ferrou. — Pèr que fau espera, dis lou Recoulèt, esperarai.

E, pèr noun languir, (languis quau espèro), bouto pas un code dins sa pòchi, mai s'alongo sus lou sacra lindau, e coume èro fort las, s'endor.

Vaqui qu'un Paire Jesuïsto arribo tout susant. Avie fa touto causo pèr la pu grando gl'ori de Dièu, e meritavo, certo, un superbe sèti en paradis. Arribo, s'embrounce au Recoulèt, e lou revihò.

— Eh ! que fasès aqui, paure ome ?

— Lou vesès. bèu Reverènd, sièu eici qu'espèro moun tour.

— Coume, toun tour ?...

— Eto-mai, moun tour. Escoutas que vous parle : ai fa la mort d'un sant, (moun Dièu, vous rènde gràci). E fau eici un purgatoiri, qu'en bono justico devrièu pas faire... Mai basto !... Sièu doune mort, sièu vengu, ai pica. Lou clavaire m'a di :

— Ah ! es tu, Frai Bautezar ?... Ve, moun ome, vèn de mourir un evesque, un eisèmples de t'ouiti li vertu, un grand sant ! l'alestissèn sa plaço, e ma fisto ! avèn proun obro. Prene pacièncie encaro un pau, espèro : toun tour vendra proun, e te durbirai. — E vaqui !

— Ah !... E creses, tu, que van, ièu, resta 'qui tres jour, planta coume un terme, esperant que sorton Sa Grandour de sa capello ardènto ? Vas vèire eicò. Anan intra t'ouiti dous ensèn, e lèu, es ièu que te lou dise ! Laisso-me faire, laissez.

E lou Jesuïsto, — un oumenas, — acampo lou Recoulèt, l'aganto, e z'ou ! lou cargo sus l'esquino coume un sa de cuiero. E... pan-pan-pan ! pan-pan-pan-pan ! un boucanas d'infèr !

— Mai ? dis Sant Pèire, esfraia coume un jusiou, tabason mai ? Un moumen ! sias bèn pressa !... Ah ! bèn, pèr vuei i'a d'obro !

— Pan-pan-pan-pan !

— Quan èi ?

— Lèu, respond lou Jesuïsto, durbès lèu, grand Sant Pèire, qu'ai sus lis esquino, e que m'escrancon, li bagage de Mounseignour.

E lèu Sant Pèire levè la tanco e durbiguè, e lou Reverènd Paire descarguè li bagage.

E vaqui coume, avans soun tour, lou Fraire Recoulèt e lou Paire Jesuïsto intrèron dins la glòri dóu Paradis.

LOU CASCARELET.

SURSUM CORDA

A MADAMO O. S. *****

Mirano ad or ad or se raggio alenno
Spunti, o rischiari della notte il bruno.

T. TASSO. — *Gerusa'emme
liberata*, canto II.

Ero un vèspre de Mai ; lou calabrun toubavo ;
Dins l'aire silenciós l'angelus soul dindavo ;
Quàuqui nivo estrifa rougissien l'ourisoun ;
Veguerian tout-d'un-tèms veni la niue brunello,
E subran, ainoundaut, l'armado dis estello
Faguè lusi si bataioun.

Un piehot ventoulet fasiè brusi li fueio
Subre lou front ramu dis aubre de la lèio ;
L'auro molo courriè dins li sause plourous ;
Eilalin l'on vesiè se desplega dins l'oundo
Coume uno cherpo d'or la luno e lindo e bloundo,
E lindo e bloundo coume vous.

Aubourant vòstis iue vers la capo estelado
L'ounte vènon au cor li divini pensado,
L'oro d'aqueste monnde un moumen resterias ;
Vosto amo aviè fugi li touimпле de misèri ;
Quand, après un moumen, reprenguè soun empèri,
En souspirant me diguerias :

« Quand vese trelusi li plano radiouso
Ounte Diéu espandis si flour misteriouso,
Coume sènte la fe davala dins moun cor !
Noun, res que lou Segnour pòu escriéure dins l'aire
Emé li rai dis astre e lou fio dis esclaire
Soun noum qu'espavènto la Mort. »

E coume parlavias, vous vesiéu drecho e blanco ;
La clarta de la luno, en travessant li branco,
Venié de cauto à cauto escleira vòstis iue ;
E voste det, leva vers li colo auturouso,
Me moustravo, au pounènt, uno estello piouso
Que pounchejavo dins la niue !

E li fres ventoulet fasien brusi li fueio
Subre lou front ramu dis aubre de la lèio ;
L'auro molo courrié dins li sause plourous ;
Eilalin l'on vesié se desplega dins l'oundo
Coume uno cherpo d'or la luno e lindo e bloundo,
E lindo e bloundo coume vous.

G. CHARVET.

Remoulin, 21 de Mai, 1866.

LI DOUS LAIRE

Un laire èro asseta contro un pous. Un autre laire vengué, que ie fagué pòu. — Qu'as ? ie dis aquest. — Ai que veniéu dóu marcat vèndre mi fedo. Anave recoumta mis argènt. E coume aviéu pausa moun saquet sus lou rivet d'aquéu pous, lou saquet a resquiha, e, adessias mi bèus escut blanc ! Ah ! bregand de bon sort !

L'autre, alor, lèu se desvestis, e davalo dins lou pous, pèr pesca lou saquet e lou faire siéu. Enterin, lou qu'èro deforo raubé li vièsti d'aquéu qu'èro dedins, cercant un saquet que i'èro pas, prengué d'aquelo erbo, e.... d'aqui passon, quand s'envan !

Tant es vrai de dire que tau sort pèr ana toundre que s'entourno toundu.

LOU CASCARELET.

LA BAUMO DE ROCO-ROUSSO

A MOUN AMI LOUIS DE BOUCHAUD DE BUSSY.

Âi ! pecaire !

L. ROUMIEUX.

A Sant-Roumié, davans la Caumo,
Souto uno largo baumo,
Dins lou flanc dóu roucas s'aubouro, brancaru,
Lou pèje gris d'une figuiero
Que sus la roco nourriguiero
Espandis si ramèu verdau e loungaru.

Tre que lou roumanin bluiejo sus l'Aupiho,
De nivage d'abiho,
— Que trèvon tout l'estiéu li vau e lou bousecas, —
De Mai sentènt la calour douço,
Sorton dóu trau de Roco-roussou
E pièi s'acampon mai dins l'aselo dóu roucas.

Dison que, i'a dès an, eïça dóu tèms di figo,
Un Baussen e sa migo
Venguèron s'asseta sus lou tapis flouri
Que se desplego dins la baumo,
Quand succedisson li calaumo
I soufle de l'ivèr que vènon de mourir.

Dison que Madeloun, la gènto bastidano,
Talo qu'uno avelano,
Avié lou ten usela pèr li fio dóu soulèu,
Qu'avié 'n capèu de bourro bruno,
E dous iue blu coume de pruno
Que jitavon de rai amoureux, caudinèu.

Dison qu'Estevenet, bousecatié de l'Aupiho,
E dre coume uno quiho,
De la colo sabié tóuti lei carreiroun,
Que, de Vau-tordo à Vau-petiero,
Tout l'an trevavo li coustiero,
Qu'èro prim, qu'èro fort, e lèst coume un garroun.

Adounc lis amoureux venien de Vau-d'Areno :

Souto un fais que l'arreno

Lou valènt bouscatiè davalò lou proumié ;

La chato porto sus la tèssto

Soun fais de sàuvi e de genèsto...

— Dins l'oumbrino eilalin blanquejo Sant-Roumié.

Tout-d'un-cop vèn ansin, roujo coume uno amouro :

Despièi mai de dos ouro,

Caminan dins li pèiro : escouto, arresten-nous !

Vese lou trau de Roco-rousso ;

Nous pausaren subre la mousso...

N'en pode plus, mi pèd dèvon èstre saunous.

Uno fes arriba, la chato vèn au drole :

— Escouto-me, ièu vole

Qu'escales eilamount au bout d'aquèu calanc,

E que me tournes quàuqui figo...

An ! fai acò pèr toun amigo...

Te darai un poutoun, pièi ajustè ben plan.

— Acò 's di, ie respond lou jouine e bèu fringaire,

Espèro ! istarai gaire !... —

Lou vaqui tout-d'un-tèms qu'escalo la paret

Long de la baumo ; vai i branco

De la figuiero qu'espalanco,

Souto l'eissame blound que fai soun jafaret.

Pièi s'arrapant au ro, vièu coume uno rassado,

Au bout d'uno passado

Bandis à plen de man li figo pèr lou sòu,

E crido ansin : — Ma gènto fiho,

Eicamoundaut i'a 'n bruse d'abiho

Que me nèblo lis iue ! n'en eissamo de vòu !

— Davalo ! elo ie fai... Mai la bando ferouno

Lou poun e l'environno ;

Lou paure bouscatiè resquiho sus lou ro,

E, barrulant entre li broco

De la figuiero, sus la roco

Toumbo coume l'uiiau e rèsto sus lou cop.

La semana d'après, Madeloun de Vau-tordo
Prenguè la griso cordo
Di mourgo. — Desempièi au founs de soun couvènt,
Prègo en pensant à Roco-rousso
Ounte repauso dins li mouso,
Souto uno crous de bos, lou jouine e bèn jouvènt.

MARIUS GIRARD.

Sant-Roumié, lou 10 de Mai, 1866.

FAU BÈN S'ESPLICA

- Jousè ?
— Moussu ?
— Vène eici.
— Que i'a ?
— I'a que, deman, te levaras à tres ouro pèr faire béure lou chivau,
que parte à cinq.
— Bon ! E s'a pas set, lou chivau ?
— S'a pas set, béura pas.
— Moussu, es pas pèr dire...., mai.... vous esplicas mau, vous que, de-
longo, me recoumandas tant de me bèn explica. Aurias mies fa de me
dire : Jousè, deman te levaras à tres ouro pèr vèire selou chivau aura set.
— Jousè ?
— Moussu ?
— Vos que m'explique bèn ?
— Vole.
— Sies uno grosso bèsti !... Vai te jaire. Deman, te levaras à tres ouro.

LOU CASCARELET.

LOU BOS DE SANDAU

Is Indo, lou sabès, i'a lou bos de sandau
Qu'embaumò de prefum la destrau que l'estrasso :
Urous e tres fes urous, quau,
Dins aquesto pauro vidasso,
Coume aquèu noble bos, rènd lou bèn pèr lou mau !

LOU CASCARELET.

Avignon, 1867.

LOU PROUMIÉ MOUSTARDIÉ DOU PAPO

Èro dóu tèms que Jan, vint-e-dousen de noum,
Sus lou trone di papo istavo en Avignoun.
Lei papo avien fugi lei bord trebo dóu Tibre
Ounte la liberta lei leissavo pas libre,
E nous avien adu, sus lou sòu prouvençau,
Lou sèti de Sant Pèire em'aquéu de Sant Pau.
Lei Rouman, defauta de la triplo courouno,
Noumèron aquéu tèms : la fugo à Babilouno.
Jan Vint-e-dous, enfant dóu país caoursin,
Avié de parentèlo à jabo : de cousin,
D'eïssame de cousin, — gènt afama de raço, —
De-longo èron aqui pèr quista quauco plaço.
Avié bèu n'en plaça, n'en avien jamai proun ;
Voulavon de tout caire. Un bèu jour, de Dijoun
N'arribè pamens un, pèr éu plen d'amistança,
En qu voulié douna quauco boueno assistança.

— Veguen, en riant diguè lou Sant-Paire à-n-aquest,
Te vouéli bèn : à te casa me veici prest :
Que sables faire ? Anen, counsulto-te, regardo.
— O benura cousin, fèn rèn que de moustardo
A Dijoun, va sabès. — Te nóumi *moustardié* :
Un moustardié sera subre teis armarié ;
Auras un vièsti jaune, e li braio, e la capo...
Te dóuni pèr deviso, o moustardié dóu papo :
Iéu coutigui la lèngo e picòti lou nas....

A quauque tèms d'aqui, venguè de Carpentras
Un autre cousin, nus, se coume uno arencado.
En Avignoun peréu cercavo sa becado,
Voulié tira l'estafo atout de soun cousta ;
Coumo un téule toumbè subre Sa Santeta.
Lou papo, que n'avié prouvi quàuqui dougeno,
Crido : — Es tròu de cousin ! N'ai la soutano pleno.

Lou Moustardié pamens s'èro fa prouteitour
D'aquéu nouvèu vengu : l'apielavo à soun tour.
Lou Sant-Paire èro à bout... Dins sei dènt crenihavo,
De tant d'abrasama l'apetis l'enfetavo ;

Cercavo quauque bials de lei bandi toui dous...
Sabié lou moustardié s'oueo fièr, e jalous
De sa moustardarié. Doune, au nouvèn quistaire
Diguè : — Moun bouen cousin, pèr tu pouédi rèn faire,
Ai ges de plaço ; mai se Moussu counsentié,
Tant pourriéu te nouma moun segound Moustardié...
Mai Moussu voudrié pas, mau-grat soun parentàgi,
De soun poudé 'mé tu belèu faire partàgi.
— Oubeïrai toujour à Vouesto Santeta,
Pèr reverènci, e pièi, pèr lou bèn de l'Estat.
O, me fau un segound, li respouende lou guapo,
léu serai lou proumié dei Moustardié dón Papo :
Aumentarai de grade... Acò m'èro degu
Pèr mei serviçi. — Eh bèn ! avès doune óutengu
Ço que voulías ? faguè lou Papo galejaire,
Va pèr doui moustardié ! — Vous plairié-ti, Sant-Paire,
Dis lou nouvèn plaça, fissa moun tratamen ?
— De tratamen ? n'a ges ; mai, dins moun testamen,
Te leissarai doui mot de ma boueno escrituro.

Lou segound Moustardié frouncissè la figuro,
Pièi rebequè, pamens, em' un èr rabina :
— Sant-Paire, tant vaudrié moustardo après dina !

Jan Vint-e-dous troubè la replico plasènto,
E li faguè douna cinq-cènt flourin de rènto.

Lou proumié Moustardié, diguen en acabant
Que fuguè de soun rèng mai glourious qu'Artaban ;
E tant de vanita se gounflè, dins sa joio,
Que soun vièsti jaunas venguè coulour de croio.

Desempièi, quand quaucun fa tròu seis embarras,
— Que siegue de Paris o bèn de Carpentras, —
Pèr pinta soun ourguei l'on dis d'èu souto capo :
Se eres lou proumié Moustardié dón Papo.

J.-B. GAUT.

LOU FROUMAGE

— Maire, disié Mioun, baias-me dous sòu pèr croumpa 'n parèu de trancho de saussissot, pèr moun goustà.

— Ie sounjes, que, uganauo ! Sabes pas que vuei es divèndre ?

— Eh ! bèn, alor, de que fau manja ?

— Vaqui dous sòu : croumparas de froumage.

— De quinte, maire ?

— Eh ! que m'enchau, iéu ?... D'aquéu que voudras...

Mioun anè tout dre vers lou car-saladié, e se croumpè dous sòu de froumage-de-porc !

LOU CASCARELET.

LA BATAIO DE MURET

Roumanço prouvençalo en ritme catalan.

Metès en dòu vòsti violò,
O Troubaire, e vòsti cant,
Metès en dòu vòsti vièsti
E tambèn vòstis oustau ;
Barras li c. r à la joio
E lis iue à la clarta,
Qu'es mort aquéu que de glòri
l'an pas couneigu rivau !

Oh ! bataio mal-astrado !
O jour de dòu prouvençau !

Èro vengu lou rèi Pèire
E la flour di Catalan,
La bandiero desplegado,
La bandiero à quatre pau,
E sus lou camp de bataio
Rede mort éu es toumba,
La blessaduro à soun pitre,
L'espaso nuso à la man.

Oh ! bataio mal-astrado !
O jour de dòu prouvençau !

Que maudi siegue lou ferre
Que soun cor a trafica !
Subre soun cros li troubaire
Faran resclanti si cant ;
La Prouvenco lagremouso
Sa mort long-tèms plourara ;
E parlaran lis istòri
Sèmpe d'aquéu jour de sang !

Oh ! bataio mal-astrado !
O jour de dòu prouvençau !

Aro, Comte de Toulouso,
Aro doune de-que faras ?
Quau auras pèr toun ajudo,
Quau auras à toun coustat ?
Simoun de Mount-fort, l'indigne,
Sus ti terro toumbara
Coume un niéu de sautarello
Toumbo sus un champ de blad !

Oh ! bataio mal-astrado !
O jour de dòu prouvençau !

O Muret, dins toun campèstre
Soun mort lou trelus rouman,
Li chivalié li plus noble
E la flour di majourau,
E l'antico independènci,
E la santo liberta,
E lou cor de la patrio,
E l'aveni naciounau !

Oh ! bataio mal-astrado !
O jour de dòu prouvençau !

O Muret, perquè 's toumbado
En ti champ la liberta,
E qu'au noum dóu Diéu dis ome
S'es versa lou sang crestian,

Que toun sòu counserve sèmpre
Li róugi taco de sang,
Maladicioun de l'Autisme
E marco de l'Infernau !

Oh ! bataio mal-astrado !
O jour de dòu prouvençau !

Que jamai l'auro óudourouso
Vèngue tis èr embauma ;
E, — deserto ta campagno,
Deserto coume la Crau, —
Que jamai lou vènt refresque
Li cremour de tis ermas,
Ni jamai vèngue la plueio
Abéura ti gres brulant !

Oh ! bataio mal-astrado !
O jour de dòu prouvençau !

Jamai la douço auceliho
Aqui vèngue s'esgaia !
Jamai vegues li floureto
S'espandi dins ti relarg !
Jamai la planto d'un ome
Vèngue toun sòu caueiga !
E que toun noum rèste sèmpre
Noum d'ourroure e de malan !

Oh ! bataio mal-astrado !
O jour de dòu prouvençau !

VICTOR BALAGUER.

Avignoun, 8 de Juliet, 1867.

LA PREGAIO DI CAT

Quand li cat se lèvon, lou matin, fan si preguiero. E sabès ço que dison,
dins sis ouro ?

Moun Diéu ! fès-nous trouva forço marrit gouvèr,
E subre-tout forço armàri dubert !

LOU PROUMIER ALEN DOU PRINTÈMS

Lou cèu cargo sa bello raubo ;
A de flour blanco l'amelié,
E lou ventoulet que li raubo
De moun enclaus fai un nevié ;
Tout cascaio e s'escarrabiho,
Lis enfant e li passeroun .

Ai vist i flous courre l'abiho,
Ai vist voula de parpaïoun .

Passo dins l'auro amourosido
Coumo d'alo de serafin,
N'ai jamais trouva tant poulido
Li chato que rison alin :
D'ounte vèn qu'un iue blu que briho
Me fai aquelo pognesoun ?

Ai vist i flous courre l'abiho
Ai vist voula de parpaïoun .

Tout fernis, la terro e lis aire,
Lou flume, la séuvo e la mar ;
A grand pas lou divin lauraire
Ferouge e dous revèn dóu larg :
La bello nòvio se dreviho
E se viéuto i bais di raïoun .

Ai vist i flous courre l'abiho,
Ai vist voula de parpaïoun .

O triounfle d'uno alenado
Que tout ço qu'a vido ressènt !
L'eterno e siavo escandihado
Dins lou vièi fai canta 'n jouvènt ;
Sout sa rusco, coumo l'aubriho,
Lou roure a senti l'aguhïoun !...

Ai vist i flous courre l'abiho,
Ai vist voula de parpaïoun .

AU BAROUN GASTOUN DE FLOTTE

As resoun : es pas tout de faire un bèl oubràgi,
S'agisse de trouba l'ajudo d'un journau ;
Dins lou camin publi qu vòu faire bouen viàgi,
Qu vòu pas resquiha, dèu prendre aquéu fanau.

L'anounço a talamen de forço e d'avantàgi
Que fa meme lusi l'autour lou pu gournau,
E que lou pu grand noum, se reguigno à l'usàgi,
Mouere, coume un calèn souto d'un apanau.

Mai, d'avé la favour de tira la caroto
D'un article signa de tu, Gastoun de Floto,
Sàbi qu'es pas tout un : — m'arrisquèri pamen.

Ai russi, pèr bouenur ; m'as ausi d'uno lègo,
M'as escri : mi veirai trata coume un coulègo,
E, d'avanço, ti diéu : Gramaci, Sant-Janen !

LOU SOUQUET

Aqueste sounet prouvençau
Faci de rimo sènso sau,
L'ai fa pèr ti douna la provo
Que, tout en estènt resta lun
De Sant-Jan e de Ribo-novo
Despuei milo-vuc-cènt-trento-un
Dins ço que dien lou grand vilàgi
Ai panca perdu tout-à-fet
L'abitudò dóu vièi lengàgi
Qu'an parla Gros e Diouloufet.

BARTHÉLEMY.

Marsiho, 7 d'Outobre, 1863.

-
- Dono que noun manjo, lou béure la soustèn.
 - Quau a mau au det, souvènt lou vèi.
 - Bourso de calignaire, estaco de co de pòrri.
 - Fougnerié d'amourous, encagnamen d'amour.

L'AIET

Dins la carriero de Roumo, à Marsiho, un panto de bastido mount
dins un omnibus. Venié de dejuna, sentié l'aiet qu'empourracavo. Sou
vesin, despacienta pèr la pudessino, ie venguè coume eicò :

— Malavalisco, cambarado ! pudissès l'aiet !

— Oh ! respoundeguè lou piafo, me fai rèn, ie siéu acoustuma.

LOU CASCARELET.

AUBADO

(Tradu d'ou Catalan de V. Balaguer).

Sabe uno gènto vierginello
Qu'es touto gràci e touto cor,
Que de soun péu rous li trenello
Sèmblon uno madaisso d'or.
O ! bono aubado à la chatouno
Poulido e bloundo coumo un sòu,
Qu'un àngi la bèlo e poutouno
Acatado en sei blanc linçou !

— Reviho-te, nineto,
Reviho-te qu'es jour ;
Ause ma cansouneto,
Tèndre souspir d'amour.

Sabe uno gènto vierginello
Que seis ue bluiejon seren,
E brihon coumo dos estello
Brihon dins lou cèu azuren.
O ! bono aubado à la chatouno
Dei bèus ue blu, d'ou front de nèu,
Coumo un agnèu douço e mistouno,
Innocènto coumo un agnèu.

— Reviho-te, nineto,
Reviho-te qu'es jour ;
Ause la cansouneto,
Souspir de moun amour.

Sabe uno gènto vierginello
Que Mario es soun poulit noum,
Lou noum divin que leis angèlo
Canton de-longo aperamount.
O ! bono aubado à la chatouno,
Marieto dei péu bloundin,
Flour espandido galantouno,
E rèino de nòstei jardin !

— An ! lèvo-te tout-aro,
Nineto, meis amour,
E dei rai de ta caro
Esbrihaudo lou jour !

A. B. CROUSILLAT.

Seloun, 1867.

LOU MÈGE DE CUCUGNAN

I

Antan, lou Curat, aquest an lou mège.

Ero un medecin que n'en sabié long, car n'avié forço après ; e pamens, lins Cucugnan, ounte, despièi dous an, s'èro establi, i'avien pas fe. Que voulès ? toujour lou rescountravon em'un libre à la man, e se disien, li Cucugnanen : Saup rèn de rèn, noste mège ; fèbre-countùnio legis. S'estúdio, es pèr aprendre. S'a besoun d'apprendre, es que saup pas. Se saup pas, es un ignourènt.

Poudien pas se leva d'aquí, e... i'avien pas fe.

Un mège sènso malaut es un calèu sènso òli. Fau pamens gagna la vidasso, e noste paure mesquin gagnavo pas l'aigo que bevié !

II

Ero tèms, certo, qu'acò finiguèsse.

Un jour, pèr n'en vèire la fin, faguè dire dins tout Cucugnan que sa sciènci èro tant grandò, e tant poudèrouso, e tant soubeirano, qu'èro capablo, noun soulamen de gari un malaut, — ço qu'es un jo d'enfant, mai de ressuscita 'n mort, — ço que pòu se dire un bèu miracle de Dièu ! — Eto-mai, un mort, disié, mort e entarra !... E lou ressuscitarai quand voudran, en plen jour, en plen cementèri, davans tóuti !

III

Ah ! n'aguè gaire que lou creiguèron ! Lis incredule, pamens, se disien : Que riscan de lou metre à l'esprovo ? Fau lou vèire à l'obro : l'obro se recounèis l'oubrié. Pòu réussi : es un ome qu'à tant legi !... E se fai tant de bèllis envencion à l'ouro dóu jour d'uei... Hòu ! pièi, se fai lou miracle, picaren di man ; se lou manco, ie faren la bramado. Que n'en ressuscite un, es aqui que veiren s'a teta de bon la.

Basto ! fuguè counvengu que, lou dimenche venènt, à miejour sounant, Moussu lou mège, en plen cementèri de Cucugnan, deviè ressuscita 'n mort, dous se falié. L'aguè meme de femo que diguèron ùni nòu o dès !

IV

Dounc, bèn avans l'ouro dicho, aquéu Dimenche, lou cementèri sieguè plen, coume la glèiso à la messo dóu bèu jour de Pasco. Lou repli de miejour avié panca souna que Moussu lou mège, fidèle à sa proumesso, arribè, de negre tout vesti. Aguè proun peno e jouguè proun di couide pèr se faire un camin vers la crous e uno plaço sus soun pedestau...

Aqui, saludè, s'escurè, e :

V

— Mis ami, faguè, vous ai proumés de ressuscita 'n mort : tendrai paraulo. N'en lève la man. Vejan ! e silènci... M'es pamai defecile, vous dirai, de reveni Jaque o Jan, que Nanoun o Babèn, que Glaude o Simoun... Voulès que vous ressuscite... Simoun ? Coume ie disias... Simoun Cabanié... qu'es mort d'un marrit plevèsi, l'aura lèu un an ?

— Escusas, Moussu lou mège, diguè Catarino, vèuso dóu paure Simoun. Èro segur un brave ome, fasiè moun bonur, e lou plourarai tant que Diéu me gardara lis iue de la tèsto ! mai, lou ressuscitès pas, vesès, ear, vèngue la fin dóu mes, quitarai lou dòu... que me volon marida emé lou'long Pascau. De vuci en vue fan li erido, — proumiè, darriè. — Ai reçaupu li present.

— Ah ! que fasès bèn de me lou dire, Catarino !... Ebèn ! alor, se ressuscitave Nanoun Pèu-rouge, qu'entarrèron lou bèu jour de la Candelouso ?...

— Gardas-vous n'en bèn, Moussu lou mège, cridè Jaque Lamelo, Nanoun èro ma femo ! Sian resta dès an ensèn, dès an de purgatori, tout Cucugnan lou saup. Que Nanoun rèste ounte èi, pèr soun repaus e pèr lou miéu. Un pico-pebre, Moussu ! testardo coume un ase, e vanelouso, e garrouio, e chaupiasso, em'acò pièi li man traucado, em'uno lengo ! uno

lengo de serp, Moussu, qu'aurié fa batre la Santo Vierge emé Sant Jousé !
E... dise pas tout !

— Mai pamens... mis ami...

— Escusas se vous coupe, Moussu lou mège... Femo morto, capèu nòu :
coume Nanoun me leissè tres piétoun, que segur sèmbelon pas soun
paire, e coume, lou coumprenès, lis avièu sus li bras, me sièu remarida.
Es doune fort inutile...

— Vai bèn. Coumprene. Es clar que sarié veritablamen un orre
martire pèr tu s'aviès dos femo dins toun oustau. N'i'a proun d'uno ! e
de rèsto !... E bèn ! alor, ressuscitarai, — car, finalamen, fau n'en revieüda
un... tenès, lou brave Mèste Pèire.

— Mèste Pèire dóu Mas-vièi ? diguè Fèli Bono-Pougno.

— Èu-meme.

— Ah ! moun paure paire !... Que Dièu lou repause, Moussu lou mège !...
Un sant ome, segur. Lou ressuscitessias pas, que, se tournavo en vido,
atroubarié proun emboui dins nòstis afaire, e n'en aurié lou cor tranca,
èu que, pechaire ! amavo tant de nous vèire d'acord ! Nous sian parteja,
après proun batèsto, e un gros proucès, e à tiro-pèu, quàuqui pichot tros
de terro, aperaqui. Sian siès, quatre drole e dos chato. Avèn tóuti forço
enfant, e cadun tiro de soun bout, e viro l'aigo à soun moulin ; e i'a
res de bèn drut, boutas ! dins la famiho...

— Sara doune pas possible... ?

— Perdoun... Se nous lou ressuscitavias, faudrié faire, entre tóuti, uno
pensioun au paure vièi, rèn de plus juste. Mai, lis annado soun tant mar-
rido, Moussu lou mège ! Lou sabès, li magnan fan de chico, se fan quicon ;
li vigno an lou mau, li blad n'an rèn fa, lis óulivo an lou verme, plòu
pas, la garanço se douno...

— E bèn ! siegue ! leissaren dourmi Mèste Pèire. — Mai, coume eici
sièu pas vengu pèr enfiela de perlo, e tóuti vous, pèr me regarda faire,
reviharai... Quau voulès que vous revihe ?

— Gatouno ! revihes-me ma Gatouno ! crido alor uno bravo femo en
plourant coume uno Madaleno.

— Noun ! noun ! Moussu lou Dóutour, dis uno chato. Ah ! ma bello vierge,
qu'as bèn fa de mourir !... Avans de mourir me diguè tout... E ie metegue-
rian pièi sa raubo blanco, e de flour sus la tèsto !... semblavo uno nòvio.
En terro santo leissas-la, car em'uno autro vèn de se rauba soun amaire !

— Pauro, pauro Gatouno !... Vesès, tout acò me vèn en òdi. Vau
finalamen reviha lou Besuquet, qu'avalè sa lengo en manjant de mer-
lusso, l'a'no mesado ?

— Vole pas, iéu, vole pas ! cridè Louviset Gau-galin, li dous bras en
l'èr ! M'avié vendü sa vigno e soun maset à founs perdu. l'ai paga mai

que sa valour, dès an a-de-rèng, — en bèus escut blanc, e i'a jamai manca 'n sòu. Me faudrié tourna-mai ie paga sa pensioun ? Sarié pas juste, Moussu lou mège !

— Me n'en diras tant !... E bèn ! siegue !... Vejan ! n'en sabe un que mouriguè, leissant ni femo ni enfant, ni fraire ni sorre, mai l'eisèmples de tóuti li vertu, e si quatre sòu à voste espitau : vòste bon Curat, que tant vous amavo e que plourerías tant ! e que, pèr l'amour de vous, faguè, vous ensouvèn ? un tant rude viage dins l'autre mounde, bouscant, paure pelegre ! bouscant, pèr tout caire e cantoun, si Cucugnauen, e lis atrouvant tóuti, fin que d'un, ai ! malur ! dins l'infèr tout dubert ? Se lou ressuscitavian !

— Ah ! noun ! noun ! cridèron, uno d'eici, l'autro d'eila, quàuqui devoto dóu gros grun. Noun ! noun ! Moussu lou mège !...

— Dóumaci, fai Misè Rousselino, maire de la coungregacioun... dóumaci èro vièi, ah ! paure ! e sourd coume un toupin, bèn tant que... quand me counfessave, se ie parlave figo, me respoundiè rasin. Leissas-lou dins la glòri de Diéu ; ear pièi, avèn aro un curat qu'es jouine e qu'a bon biais ; es brave coume un sòu ! E canto coume uno ourgueno, predico coume un serafin, e meno sa barco coume se dèu...

— Que vous dirai ?... Pèr qu'acò 's ansin, viren-nous d'un autre caire. Vese, aqui-davans, uno piehoto crous de bos : dirias que l'erbo flourido e li blanc cacalausoun an vougu n'escoundre la tristo coulour negro, tant de pertout cacalausoun se ie soun empega, e tant à soun entour à bèn grandi e flouri l'erbo. Es lou cros d'un enfant de la. Avié dès mes quand mouriguè : l'escritèn lou dis. Sarié peccat segur de lou ressuscita : es tant uros d'être mort, de pas vièure dins un mounde ounte s'ausis... ço que me disès, mis ami ! Se pamens voulès que lou revèngue, tambèn lou revendrai.

— Moussu lou Dóutour, fai alor uno pauro vièio en plourant, 'aquéu piehot mort es nostre, ai ! las ! e sièu sa grand. Ma fiho l'avié panca desmama, e traucavo si dènt de l'ïue, quand, peccaire ! mouriguè. Ah ! s'avias vist coume èro bèu, noste nistoun ! Diéu nous l'a pres, e bèn ! siegue facho sa voulounta !... Vesès, aro n'avèn un autre que teto. Diéu fai bèn ço que fai, e rènd pièi d'uno man ço que nous pren de l'autro. Lou reviéundes pas que poudrian pas n'en nourri dous, e sian trop paure pèr lou metre en baillo.

VI

Alor lou mège :

— N'i'a proun pèr aro, diguè. D'abord que voulès pas que fague vœi

lou miracle, assajarai de lou faire un autre jour, noun en ressuscitant un trespasa, car m'es veritablamen impoussible, lou vesès, mai en aparant la vido agarrido pèr la mort. Adessias.

E s'esbignè.

VII

Quau vous a pas di que, despièi aquéu Dimenche marcant, noste mège faguè de miracle dins Cucugnàn ! Ressuscitè pas li mort, mai sauvè la vido à mai que d'un. Li Cucughanen l'aguèron grandò fe, car enfin, disien, se tenguè pas sa proumesso au cementèri, es pièi pas éu, fau èstre juste, que n'en fuguè l'encauso.

Em'acò bello finido.

LOU CASCARELET.

SOUNET

Èro lou darriè jour, la darriero dansado
Dóu carnava galoï ; poulido coumo un sòu,
A-n-un gènt cavaliè viraves embrassado...
E meis ue vous seguien dins vòstei viravòut...

E d'aquéu gai tablèu avièu l'amo blessado,
E, lou front pensatièu emé lou cor en dòu :
— Ai ! que lèu, jouventuro, es ta glòri amoussado !
Que de tei van plesi lèu s'escapo lou vòu !

(Disièu) : que joio alor es veritablo joio ?
Ounte niso un bonur digne de nosto voio ?
Que soulas a de bèu aquest vièure catièu ?

E me disiè 'no voues : « Amour douço tendresso !
Amour sourgènt de vido ! amour puro alegresso !
Amour unioun e forço ! amour mauno de Diéu ! »

A. B. CROUSILLAT.

Seloun, 1864.

-
- Mourre de chin, geinoun de femo, nas de gavot e quièu de cat,
soun quasimen toujours jala.
 - Souto l'oumbro d'un ase, lou chin intro au moulin.

AMOUR

Amour, tis estrambord clafisson d'alegrosso,
Mai que, souvènti-fes, fan escampa de plour !
Ounte que, plen d'espèro, anen euli ta flour,
Nosto man trovo, ai ! las ! l'espino d'amaresso !...

Pamens, ame d'amour ma gènto Felibresso,
N'ame qu'elo, e jamai milo e milo doulour
Tempraran de moun cor l'amourouso calour :
Oublide tant de mau, ièu, pèr uno caresso !

I'ai di tóuti mi peno e mi trèsfoulimen :
N'a ris, elo, e quau saup ? belèu n'en ris encaro !
Enterin, de moun dòu, de moun reboulimen,

Tout lou mounde legis li marco sus ma caro :
Triste, sènte toujour nouvèu bourroulamen,
E d'un negre segren moun amo se mascaro !

LOUIS ROUMIEUX.

Bèu-caire, 1867.

BEGUDO

A TEODOR AUBANEL

Èr : *Le langage des cloches* (CLAPISSON).

L'ome n'a subre la terro
Que segren e que doulour :
Vuei s'estrasso dins la guerro,
Deman nado dins li plour.
Sèmpre ansin se falié vièure,
Que lou tron curèsse tout !
Aïni, n'avèn qu'un grand bëure
Pèr nous tira de dessout.

Beven ! beven, cambarado !
Beven ferme e beven pur !
Beven de bôni rasado !
Lou bon vin fai lou bonur,
Beven, beven, beven, beven !
Beven ferme, cambarado !
Lou bon vin fai lou bonur.

Quand l'on béu, lou tèms s'esquiho
Risènt coume un cèu d'azur ;
Lou segren, alor, soumiho,
E trouvan dins lou vin pur
Li courouno de la glòri,
Li poutoun de la bèuta,
Li lausié de la vitòri,
Li plesi de l'amista.
Beven, etc.

l'a proun gènt que fan la fougno
Quand nous veson flasqueja,
E que nous traton d'ibrougno :
Acò's d'ase bateja !
Que nous traton de viedase,
Que nous traton de gourrin,
Fau leissa brama lis ase
E fau bëure lou bon vin !
Beven, etc.

Lou bon vin rescauso l'amo
E rènd l'ome plus galoi ;
Es, acò, la puro flamo
Que nous tèn san e ravoï.
L'amour es de bachiquello :
Si plesi soun bèn mesquin ;
E lou regard d'uno bello
Vau pa 'n flasque de bon vin.
Beven, etc.

Bëure es uno lèi divino,
Car dins l'univers tout béu :
Lou soulèu béu li plouvino ;
Li flour bevon lou soulèu ;
Li prat bevon l'aigo puro,
L'abiho, lou mèu di flour...
Se tout béu dins la naturo,
L'ome dèu bëure à soun tour.
Beven, etc.

L'ELISSIR DIS AUPIHO

Es di que lis Aupiho devendran renoumado coume antan lou mount Imète. Antan, lou mount Imète èro celèbre pèr sis erbo qu'embaumavou lou mèu djs abiho de l'Atico, e dóu mèu de l'Atico se nourrissien li muso grèco. Nòstis Aupiho, ounte la muso prouvençalo a deja culi tant de mèu, soun peréu richo que-noun-sai en planto aromatico.

Dóu mage Bautezar se saup qu'un descendènt
Èro vengu d'Étioupio
Planta bourdoun sus lis Aupiho,
E semena dins si clapiho
Lis erbo aromatico emai lou sang ardènt.

(CALENDAU, c. I.)

Tambèn, pèr erbeja dins si vau e sus si moure, li boutanisto vènon de la part dóu loup.

Or, un fiéu dóu païs, Bonein, de Sant-Roumié, après avè lounгамen estudia li vertu d'aquélis erbo, vèn de n'en destila, emé la savènto ajudo dóu chimisto Turrier, un elissir esquist e que s'apello *l'Elissir vegetau dis Aupiho*. Vès, es un baume dins lou cors ! de noumbrous medecin an deja coustata soun cicelènci dins forço malautié, car, sèns parla dóu rèsto, escounjuro li fèbre emai lou colera ; pèr li plago es soubeiran, es un famous contro-verme, e es la man de Diéu contro lou mau de mar. . . . E pièi, après dina, se vous sentias besoun d'un pichot vèire d'acò bon, rèn de meiour pèr l'estouma. . . . Escoutas, mis ami, i'a proun tèms que li remèdi soun pire que lou mau ; ve-n'èici un qu'es bon e agradièn : arresten-nous, e tasten-lou.

GUI DE MOUNT-PAVOUN.

LI BRINDE

De medecin taulejavon,
Tout en risènt, flasquejavon,
Bevènt à la santa dei savènt d'espitau.
Un diguè : Se vous es egau,
Beven à la santa, peccaire ! dei malaut.

Aïs, 1867.

J.-B. G.

Bèn pau vau l'ase que noun porto soun bast.

-A DON VICTOR

Ères parti, la tèsto claro
E lou cor gounfle de valour ;
Lou front escur, t'entournes aro,
E toun iue negre escound de plour.

Ounte cresiés la nòvio caro
A toun rescontre em' uno flour,
As trouva la meirastro amaro
Emé lou vas di sèt doulour.

Ansin, de-longo, nosto visto
Contro uno toumbo duro e tristo
Fau que se roumpe, ami ! mai, ve,

l'a 'n fièr soulas dins lou martire !
Es la grandour de pousqué dire :
Ai fa moun obro e moun devé.

F. MISTRAL.

8 de Setèmbre, 1867.

L'OUNESTETA

Lou varlet d'uno aubergo, en empielant de cledo
Trobo uno pèço de mounedo :
Vòu la rèndre au perdèire. Èu li dis : Gramaci !
Pèr toun ounesteta, gardo-la, moun ami !

Quatre o cinq jour après, lou vouiajour estraïo
Uno cadeno d'or e 'no bello medaïo :
— L'as pas visto, varlet ? — L'ai visto ! — Que n'as fa ?
— L'ai gardado, moussu, pèr moun ounesteta.

J.-B. G.

Ais, 1867.

Isto quet après dina,
E permeno après soupa.

LA CASTELANO

Noun èro aqui, ma damo douço e bello !
Mai sus si terro e sus soun blanc castèu,
Lou soulèu gai, la luno sounjarello,
Brihavon sèmpre, e tau qu'i jour de mèu
Ounte èro aqui ma damo douço e bello.

Soun pesquié lisc gardavo sa clarour,
Si verd pavoun fier se pavounejavon ;
Soun ort de roso avié la memo óudour ;
E, dous pèr dous, si blanc cièune trevavon
Lou pesquié lisc que gardo sa clarour.

Noun èro aqui ma gènto castelano !
E, triste, iéu, coume un aubre ivernen,
Dins chasco flour qu'ournavo lis andano,
Dins chasco flour retrouvave l'alèn
De moun amado e gènto castelano.

Pèr quau aman coume es dous de souffri !
Pèr la bèuta qu'es plasènt lou martire !
Iéu, pensatiéu, soulet, alangouri,
Tant lèu me manco, elo, fau que redire :
Pèr quau aman coume es dous de souffri !

G.-WILLIAM BONAPARTE-WYSE.

1867.

A XISET

En ie mandant un dedau en or, à la plaço d'un de latoun que l'autour i'avié rauba.

Lou vos ? aga-l'aqui, crento de te despleaire ;
Mai te lou rènde à contro-cor :
L'ai tant poutouneja, inigueto, que, pecaire !
Lou couneiras pas pus, es lusènt coumo d'or.

BALTAZAR FLORET.

(Tira de la *Bourrido Agatenco*).

Agte.

LI TRES PAUSO DE LA VIDO

A MARIUS BOURELLY

Èr : Ne parle pas, Rose, je t'en supplie

(LES DRAGONS DE VILLARS).

Pichots enfant, viéutas-vous dins l'erbeto !
Coussejas bèn li poulit parpaioun !
Sautas ! courrès ! zóu de cambareto !
Pèr vous la joio a panca d'agubioun.
Sias fresc e pur coume la margarido ;
Couneissès pas lou mau nimai lou bèn ;
Sias tout-bèu-just au matin de la vido :
Enfant, jougas ! tout lou rèsto es pas rèn.

Vous sias fa grand. Li plesi d'un autre age
A voste cor aro fan cremesoun.
D'uno chatouno en vesènt lou coursage,
Aro sentès de fòrti pougnesoun :
Es que vosto amo à l'amour vous counvido,
Es que fau béure au soubeiran sourgènt...
D'abord que sias au miejour de la vido,
Jouvènt, amas ! tout lou rèsto es pas rèn.

Avès viscu dins la grando famiho ;
S'avès ama, venès dounc de soufri :
Coume l'aucèu malaut dins la ramילו,
Triste e doulènt, esperas de mourir.
Dins li draïou samena de caussido
Avès leissa lis ami, li parènt...
Aro que sias au tremount de la vido,
Bon vièi, pregas ! tout lou rèsto es pas rèn.

ANFOS MICHEL, de Mourmeiroun.

1867.

-
- Quand lis ase tiron, creson d'estrangla soun mèstre. ...
— Maire, Jan me toco ! (Jan, toco-me).
— Quand coumaire se courrousson, li verita se descuerbon.

SOULAS

Uno flous entussido,
Languissènto, passido
Fauto d'amour,
Que, se lou nièu noun founde,
Passara d'aquest mounde
Dins quatre jour,

Es ièu, de mal enuge,
Proun devourant secuge,
Encebenqui,
Qu', à ma tristo magagno
Se noun vèn douço eigagno,
Me more aqui.

L'eigagno, o gènto Neno,
Es ta lucado pleno
D'un charme pur,
De soulas e de joio,
E d'amourouso voio
E de bonur l...

S'aquéu bèn me defauto,
Moun amo, proun malauto,
Tant patira
Que lèu dins leis aureto
S'enanara, paureto !
Ount Diéu voudra...

· A.-B. CROUSILLAT.

Seloun, 5 de Mai 1864, jour de l'Ascensioun.

LA FOURTUNO

A seissanto an (se fasié tèms),
Calist, qu'a fa fourtuno, a quita lis afaire.
Pèr joui de soun bèn, manja bon e rèn faire,
A tout ço que ie sau : ie manco que li dènt.

LOU CASCARELET.

Avignon, 1867.

AU SOULÈU

Diéu nous garde que s'escounde,
Car sarié la fin de tout.

MISTRAL.

Quau vai béure à la mar pèr m'adurre l'eigagno ?
Quau maduro lou gran de blad que me nourris ?
Quau largo l'armounio e debano l'escagno
Di mounde, iluminant li teté de Cipris ?

Es-ti la grando mar ? Es-ti la grand mountagno ?
Sarié-ti lou mistrau que bramo e coumbouris ?
— Noun. La mar fai lou mau, quand lou mistrau l'encagno,
La mountagno noun a que de vòu de perdris.

Aquéu qu'adus soulas e vido sus la boulo
Dóu mounde, e mantèn tout, e jamai rèn treboulo,
Davans quau de-clinoun fau douna lou salut,

Lou long salut que fan soute vènt li piboulo,
Es l'astre majourau que chasque jour aboulo
D'un bout à l'autre bout l'espaci dóu cèu blu.

FÈLI GRAS.

Avignoun, 29 d'Avoust, 1867.

A L'AUDIÈNCI

Uno vièio se presènto pèr testimòni.

Lou Prèsidènt, segound l'ourdinàri, ie demando :

— Coume vous dison ?

— Teresoun.

— E voste ome ?

— Francés.

— Que fasès ?

— Hè ! Moussu lou juge, nous fasèn vièi, nous fasèn vièi !

LOU CASCARELET.

L'ase amo mai la paio que l'or.

INNE A LA MAR

Bello e lindo mar de Prouvènço,
Ti cantarai, iéu toun enfant,
Qu'à grand eissam tei souvenènço
A l'estrambord de ma jouvènço
S'envènnon ispira de cant ;
Mai qu'à ma voues, dintre sei baumo,
Tei tounple sourne agon calaumo,
Que toun jafaret fague chaumo,
E que s'afloque un pau mai plan.

Que sies bello, quand l'alénado
O dóu Labech o dóu Mistrau
Boufo, e qu'alin la marinado
Coucho tei erso destrenado,
E quand rounflo toun marmur rau :
De nègrei nivo ennèblon l'aire,
Lei tron peton, e lou pescaire,
Espanta, gardant lou teraire,
Poutiro à la sablo sa nau.

Un uiau l... pièi un tron qu'estrasso
Lou sourne... e dins lou nivoulas,
Plus rèn qu'alin la nue negrasso
E lou brounzimen de l'aurasso
Triste coume dei mouert lou glas ;
E quand de-fes lampo uno flamo
Sus l'escumo blanco dei lamo,
Dei negadis sèmblo leis amo
Que trepon autour dei roucas.

Ausès la campano esglariado,
Alin, d'un veissèn que peris ;
Lou plagnun de sa voues mesclado
Ei raisso de la mistralado,
Canto un pietous *De-profundis* ;
Leis erso enjusqu'au cèu boundejon,
E souto li nièu que trounejon
Leis aucèu de mar voulastrejon,
E lei gabian quiton soun nis.

E pièi t'abouques, o ferouno !
E, trelusènto que fas gau,
Coume la fiho galantouno
Que d'uno voues douço zounzouno
De cant d'amour sus soun lindau,
O mar, de tei bouco sereno
Cantes en poutounant l'areno,
Retrasènt la lugano pleno
Dins toun amistadous mirau...

As de Touloun, as de Marsiho
Dins ta faudo lei vâstei port ;
Soun tei courouso e bèlei fiho
Que de l'Europo e de l'Asio
A la man porton li clau d'or...
Ah ! li prouvençau dei coustiero,
Antico raço mariniero
A l'amo ardènto, libro e fiero,
T'amon mai que touei lei tresor...

M. F.

5 de Juliet, 1867.

MANJO-MAU

Manjo-mau a lou ti de fa dina lei gènt,
Sus sa tauo pamens l'i'a gaire mai que rên :
Li serve, chasco fes, pèr tout plat, tout poutâgi,
La soupo maigro, un pau de léume e de froumâgi.

Après un tau regôli, un bêu jour, Manjo-mau
A-n-un ami disié : — Que? qu'ouro, à moun oustau,
Me faras lou plesi de veni dina 'ncaro?
L'autre, qu'èro afama, li respouende lèu : Aro.

J.-B. G.

Ais, 1867.

Femo e vin,
Enébrion lou plus fin.

CAVAIOUN E ROUBIOUN

Èro dóu tèms que Cavaïoun èro evescat. Lou curat de Roubioun à Cavaïoun èro vengu pèr vesita Mounsegnour l'Evesque e reçaupre sa benedicioun. Mounsegnour ie diguè :

— Quant vous rènd vosto euro, moussu lou Curat ?

— Eh ! Mounsegnour, ma euro ! ma euro me rènd autant que l'evescat de Vosto Grandour : lou paradis o l'infèr, segound l'usage que faren de nòsti talènt.

LOU CASCARELET.

LOU PORTO-AIGO

Sus l'èr : *O pescator dell' onda.*

A M. AMADIÉU PICHOT, ARLATEN

En Arle, au tèms di Fado,

Flourissié

La rèino Pounsirado,

Un rousié !

L'emperaire rouman

Ie vèn demanda sa man ;

Mai la bello en s'estremant

Ie respond : Deman !

— O blanco estello d'Arle,

Un moumen !

Escoutas que vous parle

Umblamen !

Pèr un de vòsti rai

Vous proumete bèn vrai

Que ço que voudrés farai,

O que mourirai.

— Eh bèn, diguè la rèino,

Siéu à tu ,

E jure, malapèino !

Ma vertu,

Que tiéuno siéu de-bon

S', à travès Crau e Trebon,

De Vau-cluso sus un pont

M'aduses la font. —

Ravi de la demando,
Èu s'envai,
E tout-d'un-tèms coumando
Lou travai :
Cènt milo journadié,
Terraïoun coume eigadié,
Lèu se groupon i chantié,
Paston lou mourtié.

Aturon vau e baisso
Niuech-e-jour ;
Mau-graṭ lis antibaisso
Van toujours ;
Lou plan es bèn traça ;
Lou valat es enqueueissa,
Betuma, cubert, caussa :
L'aigo pòu passa.

Esvètron li mountiho,
Li touret ;
A travès dis Aupiho,
Tiron dre :
L'espetaclous eigau,
Lou porto-aigo sènso egau
Sus l'estang de Barbegau
Marcho que fai gau.

En Arle enfin la Sorgo,
O bonur !
Un bèu matin desgorgo
Si flot pur :
Au toumbant clarinèu,
En trepant coume d'agnèu,
Tout un pople palinèu
Bèu à plen bournèu.

— Vaqui, bello princesso,
Lou coundu :
Sènso repaus ni cesso
L'ai adu...

Ai espera sèt an ;
E pèr querre l'Eridan
Se n'en fau encaro autant,
Reparte à l'istant,

— Merci, grand emperaire,
Sias trop bon !
Mai au sòu poudès traire
Voste pont :
I'a 'n pichot barralié
Que iéu ame à la foulié
E que m'adus l'aigo au lie...
Adiéu, cavahé !

Lou prince miserable
Mouriguè ;
Lou porto-aigo amirable
Periguè...
Jouvènt, anas-ie plan
Em' aquéli bèu semblant,
Car la fe dóu semelan
Passo gaire l'an.

F. MISTRAL.

Maiano, 7 de Juliet, 1867.

MAI A L'AUDIÈNCI

Un avocat, que ie disien me souvène plus coume, èro un pau camus e forço bas de vistro.

Aquèu jour, noste avocat avié oubliada si bericle. Pèr pleideja n'avié pas trop besoun, dóu-mens pèr parla. Mai vous atroubarès que fuguè proun empacha pèr legi certan papié que devié ie faire gagna soun proucès. Viravo soun papié de tóuti li coustat, mai ie vesié que de negre emé de blanc.

Lou Président, qu'avié 'n nas coume un pebroun, mai pas tant de paciènci que de nas, lou Président, despaciènta de vèire noste avocat virotia soun papié dintre si man, sènsò pousqué prendre lou fièu, sono l'ussié e ie dis :

— Pourtas un parèu de bericle à-n-aquel avocat, senoun coucharen eici.

Noste avoucat, qu'avié pas la lengo au couissin : — Es que, moussu lou
Prèsidènt, ie respoustè, se me mandas pa 'n tros de voste nas, jamai pou-
drai me servi de vòsti bericle.

Lou Présidènt se fachè pas, e l'avoucat finiguè pèr atrouva lou fièu.

LOU CASCARELET.

LA CIGALO E LA FOURNIGO

Quand sian au gros de l'estiéu,
La fouligando Cigalo
Tout lou franc jour se regalo
Emé soun cant agradiéu.

Bravo bèsti dóu bouen Diéu,
Cregne pas que la fringalo
A la sesoun ivernalo
Rènde seis èr plagneitiéu.

Dóu tèms, coumaire Fournigo,
Sènsò jamai s'aplanta,
Elo, acampo leis espigo ;

Ansin l'on fa de mita :
Fau d'oubrié pèr la fatigo,
Fau d'artisto pèr canta.

F. VIDAL.

A-z-Ais, pèr Sant-Blàsi, 1867.

LA BATÈSTO

Dous dogo se batien pèr un os de gigot :
Enterin qu'enrabia l'un l'autre s'estrassavon
E que li niero s'espoussavon,
Venguè 'n pichot carlin qu'empourtè lou fricot.

LOU CASCARELET.

Avignoun, 1867.

LI SOURNETO DE MA GRAND LA BORGNO

LOU MAU-PARLANT

Un cop i'avié 'no femo qu'avié 'n drole que ie disien Janet, e qu'èro pè coume se pòu pas mai. Un jour sa maire lou mandè au moulin pèr faire moudre un sa de blad.

— E preu-te gardo, ie diguè, que lou mounnié, — qu'es un voulur, — prengue pas pèr sa peno mai d'uno cosso pèr eimino. Pèr lou pas destenbra, repetiras tout-de-long dóu camin : *Uno cosso pèr eimino.*

— O, maire, uno cosso pèr eimino.

E Janet part, emè lou sa de blad sus l'ase ; e pèr noun oubli la recomandacioun, repetissié : — Uno cosso pèr eimino ! uno cosso pèr eimino !

Au bout d'uno passado, vai rescountra de gènt que semenavon.

— Uno cosso pèr eimino ! uno cosso pèr eimino !

— Ah ! margoulin, diguè lou mèstre, vos que ma semenço me rende qu'uno cosso pèr eimino ?... Zóu, ablasigas-lou, cridè à si bouié.

E li bouié, à cop de mouto e d'aguhiado, toumbon sus Janet.... e l'ablasigon.

— Adoune coume fau dire ? demandè lou paure drole.

— Fau dire : *Diéu la benesigue !*

Janet tourno parti.

— Diéu la benesigue ! Diéu la benesigue !

Au bout d'uno passado, vai rescountra tres ome qu'anavon nega 'no chino solo.

— Diéu la benesigue ! Diéu la benesigue !

— Ah ! marrias, diguèron li tres ome, vos que Diéu benesigue uno marrido cagno que voulié mordre li gènt ?

E toumbon sus Janet à grand cop de bastoun, e lou desrenon.

— Adoune coume fau dire ? demandè lou paure drole.

— Fau dire : *Van nega la souiro.*

Janet tourno parti.

— Van nega la souiro ! van nega la souiro !

Au bout d'uno passado, vai rescountra 'no noço que menavo à chivau uno nôvio à la glèso.

— Van nega la souiro ! van nega la souiro !

— Ah ! bastard, diguè lou nôvi, tu me vos faire escorno ? Espèro, espèro-mel..

E à grand cop de fouit lou nôvi toumbo sus Janet, e l'abasimo.

— Adounc coume fau dire ? demandè lou paure drole.

— Fau dire : *Tóuti conne aquéu !*

Janet tourno parti.

— *Tóuti coume aquéu ! touti coume aquéu !*

Au bout d'uno passado, trovo un oustau que brulavo.

— *Tóuti coume aquéu ! touti coume aquéu !*

— Ah ! miserable ! ie cridèron li gènt que carrejavon d'aigo, vos que nòstis oustau cremon *tóuti coume aquéu ?...*

E à cop de caiau toumbon *tóuti sus Janet, e l'amalugon.*

— Adounc coume fau dire ? demandè lou paure drole.

— Fau dire : *Diéu amosse aquéu pichot fio !*

Janet tourno parti.

— *Diéu amosse aquéu pichot fio ! Diéu amosse aquéu pichot fio !*

Au bout d'uno passado, vai rescountra 'n fournié que poudié pas abra soun four.

— *Diéu amosse aquéu pichot fio ! Diéu amosse aquéu pichot fio !*

— Ah ! sacre enfant de garço, ie cridè lou fournié, vos pas qu'abre moun four ?

E toumbo à cop de fourco sus Janet, e lou met tout en sang.

— Adounc coume fau dire ? demandè lou paure drole.

— Fau dire : *Bèu fio s'alume !*

Janet tourno parti.

— *Bèu fio s'alume ! bèu fio s'alume !*

Au bout d'uno passado, vai rescountra 'no femo qu'en fiellant au calèu avié mes fio à sa fiellouso, e que d'encaro un pau sa couifo s'alumavo.

— *Bèu fio s'alume ! bèu fio s'alume !*

— Ah ! pesouious, cridè la vièio, vos que me brule touto vivo ?

E toumbo sus Janet à grand cop de fiellouso, e n'i'en donnè tant que n'en pousquè pourta.

— Adounc coume fau dire ? demandè lou paure drole.

— Taiso-te, pè ! qu'à parla mau noun se gagno que foutrau. *

LOU CASCARELET.

* Dins si *Contes et proverbes populaires recueillis en Armagnac*, M. J. B. Bladé a douna poulidamen la versioun gascouno d'aquelo sourneto.

A l'ome douno ta fiho,
E noun à camp ni à vigno.

LI DOS PROUMIÈRI DÈNT DE L'ENFANT JÈSU

A LA PICHOTO MARIOUN-TERESET-FELISO R...

Moun Diéu ! qu'es arriba dins la Santo Famiho ?
Soun triste, parlon d'aise, e Mario es en plour !
Em' un enfant divin es uno meraviho
De li vèire aclapa d'uno talo doulour !

Tout apensamenti, Jousè dins sa boutigo
Fai gaire de coupèu, n'es plus atravali.
Dirias que lou chagrin i'a douna l'enterigo,
Manjo quasimen rên, paure ! es anequeli !

L'enfant Diéu dins soun brès souspiro e rangoulejo,
La fièvre lou counsumo e soun front es brulant.
Quand sa maire lou pren, dous agneloun, eissejo ;
Mario lou tintourlo e lou baiso en plourant...

Coume deviè soufri, la jouino e tëndro maire,
De vèire soun enfant devouri pèr lou mau !
E lou brave fustié ? ... reboulissié, pecaire !
Tant gounfle èro soun cor que n'en èro malaut !

Pàuri gènt — Pèr bonur, durè pas soun martire ;
Au bout de quàuqui jour sieguèron mai countènt :
Lou dous agnèu de Diéu reprenquè soun sourrire,
Entre qu'aguè trauea si dos proumièri dènt.

MANDADIS

Tu que dins toun oustau sies vengudo avaus l'ouro,
Pèr counèisse pulèu e pèr ama toun Diéu,
Viergeto de Jèsu, douço e blanco tourtouro,
Recebe aquest nouvè qu'un capelan t'eserièu.
Se 'ncop sies mai grandeto e que diras tis Ouro,
Jougneiras ti menoto e pregaras pèr ièu !

AUBERT, curat de Malamort e capelan dóu Felibrige.

LA FOUTOUGRAFIO E LOU RETRACH A L'OLI

FABLO

A Moussu Jùli Niel, bibliotecari dóu Menistèri de l'Enteriour.

— Dis-me coume se fai, vièio pinturo uiado,
Qu'agues li joïo dóu Saloun,
Dóu tèms que iéu mau partejado
Ai just ma plaço en un cantoun ?
Pamens sies que l'enfant d'un ome, d'un artistico ;
Toun brès n'es pas pus aut que bèu ;
Lou miéu es celestiau, esbrihaudo la visto ;
Siéu l'enfant dóu soulèu ! —

Ansin uno foutougrafio,
Que se cresié 'no meraviho,
Agarriguè 'n retra vivènt,
Bèl image d'un jouvènt.

— Sies l'enfant dóu soulèu ? ie respond la pinturo,
E vounte soun li rai
De ta cabeladuro ?
Sies negre coume un jai.
Tout soulèu qu'es toun paire,
Acò ie sièr de gaire ;
N'a pas mai d'esperit qu'un aubre, qu'un frejau ;
Es resplendènt, mai noun lou saup ;
Es bèn-fasènt e degun amo ;
Basto es un cors sènso amo.

Alor lou trop glourious retra :

— Ai de que dire encaro
Pèr l'ounour de moun paire, e de que l'apara !
Pèr bèn reproudurre uno earo,
Noun, res jamai l'apaiara ;
Eu fai li causo en counsciènci ;
N'oublido pas lou mendre tra ;
Ie manco rèn... Oh ! quento sciènci ! —

L'òli aquito : — Es lou dedin
Qu'aman de vèire, e noun l'escorço !
Faire rido e berrugo, acò's un tour de forço,
Nous moustra l'amo, acò's divin !

Vaqui perqué cante uno gamo
Que vai au cor, vaqui perqué
Iéu, fru d'uno amo, vau à l'amo
E que rebrounde toun caquet. —

Enfin la mouracho encagnado :
— Moun paire amount, dóu fiermamen,
D'un dous cop d'iue tant soulamen,
M'a coungreia sênso ramado ;
Pèr t'espeli, lou tiéu, a mes uno mesado.

— Vite e bèn
Van gaire ensèn. —

Es la darriero rebeccaado
De la pinturo mespresado.

Just au moumen d'aquéu discord,
Lou segne-grand de la famiho,
Qu'avie pausa au souléu pèr la soutougrafio,
Es sega pèr la mort ;
E soun fiéu plourejant de la paret la garo,
La porto à-n-un bon pintre, à fin qu'aquelo caro
S'agrandigue à soun soufle e prengue uno amo d'or.

AGOSTIN BOUDIN.

Avignoun, 1867.

BENVENGUDO

I FELIBRE, UN JOUR QUE VENGUÈRON A NIMES

Eiçò nous fai, pamens, vièi de quàuquis annado !
Noste grand Jan Reboul un jour trefoulissié :
Èro dóu mes de mars uno gènto vesprado ;
Li lausié de soun front, éu, vous li pourgissié.

Vous boufavo enterin la tant fresco alenado
D'aquelo liro d'or que dóu cèn descendié ;
Dis ange e dis enfant l'aletto prefumado,
Semblavo que sa man sus vous l'espandissié.

Pièi : « Enfant — vous diguè — que Diéu vous benesigue,
Cantas en prouvençau ! A quau que vous caucigue
Lou bon Diéu levava lou veïre emai l'ausi. »

A vautre, benvengu d'Avignoun, de Bèu-caire,
Se noste paure Jan espelissié d'un caire
Vuei dirié : « Mis enfant, Dièu vous a benesi ! »

ERNEST ROUSSEL.

Nîmes, 14 de Juliet, 1867.

MENU PROUVENÇAU

DÓU FESTIN ÓUFERT PÈR WILLIAM C. BONAPARTE-WYSE

I POUÈTO DE PROUVÈNÇO E DE CATALOUGNO

Lou bèu jour de l'Ascensioun, au castèu de Font-segugno.

PITANÇO FREJO.

Burre de Làuris. — Clauvisso d'Aigo-morto. — Oulivo d'Ais. — Saucisot d'Arle. — Cambajoun de Ceirèsto. — Tapero de Cujo.

PITANÇO CAUDO.

Pastissoun d'Avignoun. — Cousteleto d'agnèu. — Couquiho de chambre. — Levadeto de Crau.

INTRADO.

Boui-abaisso dóu Martegue. — Gardiano de Camargo. — Filet de biòu à la prouvençalo. — Catigot d'anguielo de Sorgo. — Tian de Mountéu. — Aiòli de Cassis.

ROUSTIT.

Pintado d'Auzelet. — Dindounèu de la Bartalasso. — Pavon d'Eiglun. — Troucho de Vau-cluso.

LIÉUME.

Pese groumandoun. — Poumo-d'amour. — Faioulet de Durènço. — Bourrido de la Ciéutat.

ENTRE-PLAT.

Rampau de chambre. — Rampau de favouio. — Pastis au sucre counjala. — Froumajoun glaça.

DESSERT.

Counfituro d'At. — Frago de Barbentano. — Añrange de Maiorco. — Grafioun de Font-segugno. — Canissoun e biscoutin d'Ais. — Brassadèu

de Faiènço. — Gimbeleto de Bèu-caire. — Buscatello de Carpentras. — Coco de Nîmes. — Panso d'Antibo. — Pruno de Brignolo. — Figo de Marsiho. — Pero de Sisteroun. — Papihoto de Jaussemin.

VIN.

Vin blanc de Santo-Cèio. — Clareto d'Eirago. — Claret de Tavèu. — Vin de Sant-Jorge. — Vin de Langlado. — Vin di Felibre (de Castèu-nòu-de-Papo). — Semoustat de la Nerto. — Vin de Ferigoulet. — Vin de Rochogudo. — Granacho de Mazan. — Muscat de Frountignan. — Cafè. — Aigo-ardènt e andaio. — Coudounat. — Agrioutat. — Ratafia de Gòut. — *E tout pèr escudello.*

LOÚ CASCARELET.

DIDO E TOUNIN

— Emé ièu sus l'erbeto
Perqué noun vos veni ?
Es tant brave, Dideto,
De parla d'amoureto,
Soul, quand l'aire a bruni.

— Tounin, se 'n jour ie sièu anado,
En aquesto ouro m'es avis
Qu'à travès de la bouissounado
Li pastre nous an vist.

— Souto li broues d'agreno,
De-long dóu ribeirès,
Lou grihet se permèno
E d'aise l'auro aleno :
Vène, vène ! i'a res.

— Nani, se 'n jour ie sièu anado,
En aquesto ouro m'es avis
Qu'à travès de la bouissounado
Li pastre nous an vist.

— Pamens, quand sies vengudo
Sus l'alo d'un bon vènt,
A moun amo esmougudo
Noun te sies plagnegudo,
Plagnegudo de ren.

— Verai, Tbunin, ie siéu anado,
Mai d'aquesto ouro m'es avis
Qu'à través de la bouissounado
Li pastre nous an vist.

— Eh ! que m'enchau di pastre ?
Es fèsto en aquest jour' ;
Vène emè iéu, moun astre !
Setu sus lou mentastre,
Parlaren mai d'amour !

E si dos amo embessounado
Creiguèron d'èstre en paradís.
Mai de-long de la bouissounado
Li pastre lis an vist.

Bèn lèn dins lou vilage
Eicò s'esbrudiguè ;
L'aguè de bavardage,
Mai ges de maridage,
E Dido mouriguè.

ROUMÉ MARCELIN.

Carpentras, 1867.

LA MORTO VIVÈTO

O Prouvènço benurado,
L'astre de ta destinado
Resplendis de rai novèu :
Sies encaro la patrio,
D'amour e de pouèsio,
La patrio dóu soulèu ;
Toun cèu a de rai de glòri,
Ta terro, d'ome de cor ;
Li pajo de toun istòri
Soun tóuti de pajo d'or.

Toun pous vai vite, as uno bono caro...
Prouvènço, vai, vai, sies pas morto encaro !

Li cant de ti calignaire,
Lis inne de ti troubaire
Au bord dóu Rose ai ausi ;

E d'ausi si voues ardènto
E sis estroso lusènto,
Moun amo a touto ferni.
Ti troubaire van pèr-orto
Escampant lou fio de Dièu...
Quand la lengo n'es pas morto,
La patrio encaro vièu !

Toun pous vai vite, as uno bono caro...
Prouvènço, vai, vai, sies pas morto encaro !

As un aveni de glòri ;
Pèr acò t'a mes l'istòri
Courouno d'or à toun front.
Se charres d'amour, encantes ;
Se la Marsiheso cantes,
Ta man relargo lou tron.
An ! lou mounde te pòu vèire
Frèro d'un nouvèu destin...
As lis outhro de ti rèire
Pèr te moustra lou camin.

Toun pous vai vite, as uno bono caro...
Prouvènço, vai, vai, sies pas morto encaro !

Te fasien passa pèr morto,
Mai, encaro as la man forto
Pèr auboura lou drapèu :
Te cresien frejo, paurouso,
Mai, i'a la terro poumpouso
Souto lou lançòu de nèu.
Quand lou païs fau defèndre
Lou cor s'eseranco jamai...
Dón recalièn de si cèndre
Toujour lou fènís renai.

Toun pous vai vite, as uno bono caro...
Prouvènço, vai, vai, sies pas morto encaro !

MANDADIS I FELIBRE FREDERI MISTRAL E BONAPARTE-WYSE

Vai, o cansoun. A Font-Segugno,
Dins sa charmanto sôuvajugno
Dous prince trouvaras, William Wyse e Mistrau.
Vai dre camin, alerto e lèsto,

Vestissènt ta raubo de fèsto,
E clinaras ta fièro tèsto
Pèr faire tout ounour i mèstre prouvençau.

Je diras : Sièu umblo, paureto,
Sièu rèn qu'uno simplo floureto
Perdudo dins li gres de vosto inmènso Crau ;
Sièu rèn qu'uno cansoun, pecaire !
Que de valour noun ai pas gaire,
Mai vuei m'a 'sericho moun troubaire
Soulamen pèr l'amour dóu drapèu prouvençau.

Lou troubaire dóu Mount-Serrat,

VICTOR BALAGUER.

Avignoun, 25 de Jun, 1867.

EPIGRAMO

Con chiuse mani e aperta bocca.

TH. GARGALLO.

La bourso dins la pocho e la lengo proudigo,
Coumtaves triounfla, Sarret, de toun amigo :
Crèi-me, pèr atendri soun cor de diamant,
Met la lengo à la pocho e la bourso à la man.

BALTAZAR FLORET.

(Tira de la *Bourrido agatenco*).

Agte.

DOUS MOT DE CRIHOUN

Noste brave Crihoun, — qu'es vuei quiba en Avignoun sus un pedestau
de glòri, — un bèu jour que pregavo davans un crueifis, disié : « Ah !
Segnour, se ie fuguèsse esta ! vous aurièn pas crueifica ! »

Un autre cop , que i'ensignavon à dansa, lou mèstre de danso ie ven-
guè : *Plegas, reculas...* — N'en farai rèn, diguè Crihoun : Crihoun pleguè
jamai, e jamai reculè.

Tallemant des Reaux, que raconto la causo, ajusto eiçò : *Se peut-il rien
de plus gascon ?*

GRAMACI A NOSTRO-DAMO DE LA GARDI

T'ai prega, bono Maire, e toun noum benesi,
Dins moun cor, sus mi labro a pas pulèu brusi
Qu'au signe de toun det l'afrouso Mort estrèmo
Sa daïo, touto presto-à meissouna ma femo !

l'avié tout-aro un an que, parèu bèn chausi,
Menavian lou bonur di cor amourousi ;
E l'enfant, espera dins uno joïo estrèmo
A marca soun moumen pèr d'amàri lagremo !

Mai, Vierge pouderoso, as vougu me garda
Ma mouié, de tout iéu la meiouro mita !...
Sian mounta tóuti dous à ta santo capello.

E Marsiho que fumo e la mar que s'entènd
Redison ti lausengo, e nautre, o rèino bello !
l'apoundèn noste cant, urous e bèn countènt !

A. TAVAN.

Marsiho, Setèmbre, 1867.

LOU MOULIN

Èro proun ladre, Moussu Vint-pèr-cènt ! Pèr pas gausi de lume se couchavo coume li galino ; quand eserivié, pèr espargna soun enero, boutavo ges de poun sus lis l ; quand dinavo, metié d'aigo à soun vin ; e Francés, soun serviciau, metié ges de vin dins soun aigo. Ausin lou mèstre l'ourdounavo. Pòu arriba que, d'escoundoun, Francés faguèsse lou coutràri....

Un matin, Francés tuavo lou verme, e dins l'aigo claro lou negavo, quand Moussu Vint-pèr-cènt, que venié vèire... se tout èro dins l'ordre, ie diguè :

— Eh bèn, Francés, aquèn moulin ? viro doune de-longo ?

Francés le respoundeguè :

— Levas l'aigo, Moussu, se voulès pas que vire.

LOU CASCARELET.

En onstan de loup noun boutes ta car.

LA BAROUNO

L'a 'no barouno en Avignoun
Qu'es avenènto e jouino e bello ;
Li long fièu d'or de si péu blound
Long de soun còu fan de trenello.

Sa bouco es un rasin de Crau,
Si gauto dos poumo reineto,
E soun front lisc es lou mirau
D'uno amo bono, e franco, e neto.

Si grands iue verd soun azurin
Coume lis aigo de la Sorgo ;
Plen de fierta, soun jougne prim
Soustèn l'esplendour de sa gorgo.

Urous quau d'un bais tremoulant
Un jour frustara sa man blanco,
Desnousara lou riban blanc
Qu'estren lou countour de sis anco !

E que, sus soun front vierginèu,
Plan-plan pausara la courouno !
Urous quau reçaupra l'anèu
E li coulour de la barouno !

ANSÈUME MATHIEU.

Avignoun, Jun, 1867.

LOU TRIN DE PLESI

Jan va querre un doulour pèr sa femo malauto,
Que mouere d'enterin. — Ero pas de sa fauto ! —
E d'arriba dins Ais tout-just a lou lesi.
Recebe uno despacho, e li dien : « Tourno vite.
» Femo mouerto. Pensan medecin pas necite.
» Entarramen deman. Pren lou trin de plesi. »

J.-B. G.

Ais, 1867.

LI VINT LOUVIDOR DE MOUSSU LOU PRIÉU

Uno fes, m'an di, un curat de vilage (un Dimenche en cadiero), fasié fioc e flamo de la lengo e di bras. Voulié prouva net e clar à soun auditòri qu'après aquesto vido, qu'es pas la veritablo, n'iavié pèr nous uno outro, ounte, se lou meritan, saren urous, e de-longo.

« Mi fraire, disié, la provo que sian pas fa pèr aquest mounde, es que degun i'es countènt de soun sort. Es uno verita pu vièio que nòsti bàrri. Pèr èstre urous, toujours quicon nous manco, desiran toujours quicon. Vejan ! quau, de tóuti vautre que m'ausès, quau pòu se dire urous e countènt de soun sort ? Res !... »

E vague de brasseja, e de se despoutenta !

« Res, vous tourne a dire. Eh ! s'es pas vrai, que perde vint louvidor !... Tenès, li proumete, e li dounarai, — bèu vint louvidor en or, — en quau, ome fa o femo facho, dins tres jour, à la elastro, vendra me dire e me prouvara qu'es countènt, qu'es urous e que desiro rên... »

Pas d'alongui !... Digen lèu que li vint rousset faguèron gau e lingueto en mai que d'un. E quand sourtiguèron de la glèiso, aurien tóuti vougu poudé lis aganta. Es que... vint louvidor s'atrovon pas souto la bato d'un ase !... E, pèr gagna trento sòu ounestamen, fau s'estrassa la pèu ! Mai, cadun sabié ço que bouié dins soun oulo, e sentié proun ounte lou bast lou macavo.

Lou proumié jour, res en elastro venguè, nimai lou segound. Lou tresen, après soulèu fali, un bon vièi se presenté :

— Hoi ! èi vous, brave Mèste Ounourat ? Moussu lou Curat ie diguè.

— Ato pièi, que voulès, Moussu lou Prèire ? me sièu decida de veni, car... crese d'avé gagna li vint louvidor, e li vène querre.

— Tant mies, moun ami ! Sias doune bèn urous ?

— Coume un pèis dins l'aigo, Moussu lou Priéu. Ai mi sèt erous, emai passo, e sièu dre coume un l. Ai tóuti mi dènt, vès !... Dorme pau, manje bèn, beve pur, — lou bon vin fai lou bon sang, e pièi, dison, èi lou la di pàuri vièi ; — ai ges de deco ; coume s'avièu vint an, vous fariéu d'entrechau !... Se sièu urous ! ma pauro femo èi morto, — Diéu la repause ! — moun drole es establi, ai chabi ma chato... e soun drut tóuti dous... E iéu sabe ounte dor Jano e ma vao a bon pèd.

— Avès tout di, Mèste Ounourat ?

— Que vous dire de mai ? Sièu ounèste, pode passa pertout, res a d'escorno à me faire. De religioun, n'ïa pas n'ïague, mai n'ïa proun pèr pas perdre moun amo, (lou grand Sant Ounourat me n'en preserve !) E, ma fisto, l'estiéu cerque l'oumbro, e, l'ivèr, lou soulèu, s'es bon ; e, quand plòn, sièu à la sousto.

- Mèste Ounourat ?
— Moussu lou Curat ?
— Siéu bèn facha de vous lou dire, sias pas countènt de voste sort.
— Coume ?
— Ah ! ço, anas ! sant ome, s'erias countènt de voste sort, aurias rèn
desira.
— E pièi ?...
— E pièi, li vint louvidor vous aurien pas fa gau, e sarias pas vengu
i querre !

LOU CASCARELET.

A MOUN AMI FÈLI GRAS

To be weak is miserable

MILTOUN (*Lou Paradis perdu*).

Ami, i'a de moumen de doulour sènso egalo,
Quand la terro de Diéu me sèmblo de Cifèr,
E miserablamen, dins moun amo estivalo
Gingoulo e fai tripet un auragan d'ivèr.

Alor, mai linde e dous que cansoun pastouralo,
De la doulènto Mort ause dinda lis èr ;
E vole m'empega sus si bouqueto palo,
E me jita, galoi, subre soun pitre fèr...

Ah ! que la vido es vuejo ! ah ! que la vido es tristo !
E quant d'esfors perdu ! La feblo vouldounta
Jamai mounto au nivèu dóu desir enaura !

Ambicious, arderous, voudriéu bèn, pèr ma fisto,
Escambarla lou mounde en valènt cavalié,
Iéu que siéu rèn de mai qu'un paure menestrié !

WILLIAM C. BONAPARTE-WYSE.

Avignoun, 6 d'Avoust, 1867.

Marcho dre,
Emai lou camin siegue estré.

MA PROUVENÇALO

Èr : *L'Andalouse* (d'Alfred de MUSSET)

Se counceissias dins lou vilage
La chato qu'a rauba moun cor,
Rèn que pèr vèire soun visage,
le vèire jougne soun coursage,
Vendrias vosto amo e voste cors !

Dièn ! la poulido vierginello !
Que si grands iue negre soun bèu !
Luson tant souto si parpello
Que li prendrias pèr dos estello
Beluguejanto dins lou cèu. *(Bis)*

N'es qu'uno elhato de Prouvènço,
Es qu'un enfant na dins un mas ;
Mai, pèr lou biais, pèr la jouvènço,
Richie castèn ; auto neissènço,
Soun mens que rèn eici-debas.

Fau lis iue negre e la pèu blanco,
Lou jougne prim e lou cors dre ;
Fau de pèu tombant sus lis anco.
S'avès acò, plus rèn vous manco,
E sias la rèino de l'endrè. *(Bis)*

Aliscas-vous, mi damisello ;
Empoumadas vòsti pèu faus ;
Alestissès vòsti dentello ;
E pièi, se rescountras ma bello,
Vous escoundrès dins voste oustau.

Pamens es gaire farlouqueto :
N'a qu'un coursage de cadis,
N'a qu'un coutihoun de laneto ;
Mai quand sa bouco es risouleto,
lèu crese d'èstre au paradis ! *(Bis)*

Acò's la rèino di chatouno,
Acò's la flour de mi pantai ;
Es ma countesso, es ma barouno ;
Acò's lou vin que l'amour douno
E que fau béure au mes de Mai.

ANFOS MICHEL.

1867.

LI POUMO

Ère jouine, aviéu dès an tout au mai, e, vous dirai, ère adeja proun
cascarelet : l'espino poun quand nais.

Moun paire avié tres drole : iéu, que gagne ma pauro vido en fasènt de
Cascareleto, — lou vesès ; lou cadet Jan-Baudèli, qu'es, pecaire ! mort
à l'armado, e Jouselet, lou cago-nis, qu'a fa fourtuno en derrabant dedènt.

Moun paire avié doune tres drole, uno pichoto terro, e, dins sa pichoto
terro, un poumié, que fasié, tóuti lis an, de supèrbi poumo sant-janenco.

Un an, pèr Sant-Jan, talamen li poumo me prengueron pèr l'ïue, que,
ma fisto, tóuti li jour, d'escoundoun, n'en raubave quaucuno.

Moun paire, que lis avié countado, nous dis ansin, un bon vèspre :

— Enfant, me raubas mi poumo !

— Es pas iéu, diguère.

— Es pas iéu, dignè noste cadet.

— Es pas iéu, diguè Jouselet.

— Oh ! nous repliquè moun paire, es pas iéu ! es pas iéu !... Mai iéu
ou sabe quau èi, car... lou raubaire de poumo a lou nas mascara.

Quau vous a pas di que me fretère lou nas !

Ah ! n'aguère uno, d'espoussado !

LOU CASCARELET.

LI DOUS MÈGE

Un jour, dous medecin disputavon ensèn,
E l'un eridavo à l'autre : O, n'èi plus un mistèri,
Nouesto idèio pertout gagno foueço terren. —
L'autre vèn : Es vrai ! mai es au cementèri.

J.-B. G.

Ais, 1867.

DESENCANTAMEN

A M. JOAQUIN ASCENSIÓ DE ALCANTARA

Perqué linde lou riéu fai plus si cascagnòu?
Perqué lou calabrun rose, coulour d'arange,
Perqué l'aubo de Diéu, 'mé soun dous ramagnòu,
Me laisson plus amount vèire coume un vòu d'ange ?

Perqué, quand nòsti chato à regard espagnòu
Enébrion lou jouvènt de pensamen estrange,
E que la flour sourris au cant dóu roussignòu,
Iéu soulet rise pas, iéu soulet jamai chanje?...

Sus moun pitre ai aquito un coudoun, un queiroun ;
L'enauration pèr iéu n'es plus qu'un fio de paio,
Car vese, o liberta, que noun sies qu'uno baio !

Dins lou vèntre di pople ai senti l'esperoun,
E souto vièsti d'or ai vist mai d'un larroun
Rauba lou tros de pan de l'ome que buscaio.

ROUMIÉ MARCELIN.

Carpentras, 1867.

LA PENITÊNÇO DELEMBRADO

A la velho d'afiança
Jan Pibre va se confessa.
Acò 's uno grosso bugado
Que demando foço lessiéu ;
Lou curat, quand l'a prou lavado,
Dono à Pibre l'absouluciéu,
E tanco la pichoto porto...

Mai aqueste d'uno voues forto
Li crido : « Venès d'oublida
De m'ourdouna la penitênço. »

— « Podes, amie, t'enana sènso :
M'as dich que te vas marida ! »

GABRIEL AZAIS.

Beziés, Setembre, 1867.

BEATUS ILLE, QUI PROCUL NEGOTIIS

(OURACI, *Epod.*)

Urous qu luen dóu mounde, e de soun sort countènt,
Saup vièure à la campagno e li passa soun tèm !
Èu-meme, emé sei buou, en siguènt soun araire,
Si fature lou bèn que l'a leissa soun paire :
Es libre, saup encuei ço que fara deman ;
Seis ensert, sei maiòu soun sourti de sa man.
Planto, fa de cabus, securo uno figuiero,
Sègo, meissouno, menco, engarbeirouno l'iero.
A lesi va glena lou gran que si perdiè,
Enserto un óulivastre, acano un amendiè,
Boulego ; saup que l'a ges de bèn sènso peno,
E, segound la sesoun planto, cueie, sameno.

Dins l'oustau qu'en mourènt soun paire l'a douna,
L'es mouert soun rèire-graünd e soun enfant l'es na.
Dins la pas, sènso mau, sa vieïesso s'escouelo,
Lou pichot de soun fièu li ris, lou reviscouelo,
Es soun peirin ; belèu lou veira marida,
Dóu-mens v'espero, e Dièu va li pòu acourda.

Quand l'ivèr es vèngu rescourcha la journado,
Abro un fue ; soun calèn pènde à la trau arnado ;
Es aqui que presido ; à sei pichots enfant
Liege lou catechime e la vido dei Sant,
E l'ensigno, en rendènt lou vici detestable,
La mouralo dóu Dièu qu'es na dins un estable.
Ei souin de soun meinage emplego tout soun tèm,
A ni proucès ni dèute, e s'endouerme countènt.

Mai d'autre entandóumens que l'ambicien tracasso,
Quiston uno favour e guèiron uno plaço ;
L'un vòu èstre prefèt, un autre deputa ;
Encuei es en favour, deman es rebuta.
Tau lou mespreso alor que li fasié cachiero ;
La paureta 's ingrato e la richesso es fièro.

N'a que soute lou cèu d'un climat dangeirous,
Van, pèr desclapa l'or que dèu lei rèndre urous ;
D'autre, dessus la mar afrountant la tempèsto,
Ei coumbat, à la mouert, van espausa sa tèsto.
Pèr trouva lou bonur, éu, cerco pas tant-luen,
E si nourris dei fru qu'a culi dins soun bèn.

Es vièi, mai es ravoï ; ei bèn jour de l'annado,
Un meinagiè qu'es vièi fa 'ncaro sa journado,
E dins lou gros dóu caud, un aubre qu'a planta
Li proueuro soun ouble e soun fru pèr goustà.
Mourra : fau puei mourir... Quaud sa courso es finido,
Mouere sènso remors, es countènt de sa vido.

Un autre qu'aura 'sta menistre, embassadour,
Qu'aura trahi soun rèi, o bèn soun emperour,
Un autre qu'ajouca sus lei plus àutei plaço,
Aura sounja surtout a bèn garni sei biaço,
Tambèn faurra que mouere... A l'estrème dangiè,
Qu'aura meïour counsciènci, éu, o lou meinagiè ?

V. THOURON.

Touloun.

Un pople que laisso tounba
La lengo e lis us de si paire,
Noun merito que de creba
Soute lou pèd dis usurpaire.

GUI DE MOUNT-PAYOUN.

LA TACO DINS L'IEU

— Moussu lou mège, vène prendre uno counsulto : crese qu'ai uno taco dins l'ieu.

— Anan vèire acò. Tenès-vous dre, e regardas-mo bèn, regardas-mo bèn dins lis ieu.

— Esperas, Moussu, que bouto mi luneto : vous veirai mies !...

LOU CASCARELET.

LIS ESTELLO

Tout manit quand de l'escolo
Revenièi à jour-fali,
Regardave sus li colo
Lis esteleto espeli :
Uno d'abord pouncejavo,
Pièi uno outro espinchounavo,
E disieù, jounnèt li man :

Lis estello,

Que soun bello !

E lou cèu coumo es grand !

Quand l'amour e soun aurige
Plen d'iue blu vo negrinèu,
Me dounè si trefoulige,
De moun cor faguè 'n calèu.
Au plus fort de sa chamado,
Disièi à la bèn-amado,
Mai sounjaire que galant :

Lis estello,

Que soun bello !

E lou cèu coumo es grand !

Pièi quand la chavano folo
Jitè ma vido i sablas,
Quand sus ma verdo draiolo
Descendien li nivoulas,
Quand vesièt plus que de glàri,
E pèr l'ome l'ome esglàri,
Me revirave subran

Vers l'estello

Sèmpre bello,

Vers lou cèu sèmpre grand.

Vuei moun iue savènt mesuro
Lis abime celestiau,
E seguis dins si planuro
Lou brande dis astre siau :
Mai que d'amour se prefume,
O, la sciènci es un bèu lune ;

Sabe e vese coumo antan,
Lis estello
Sèmpre bello,
Dins lou cèu Dièu plus grand.

JAN DE LA TOURMAGNO.

Nîmes, Abriéu, 1867.

LOU CHIN DE L'AVUGLE

— Hoi ! ve, 'quéu chin ! meno, pecaire !
Soun mèstre, que marchò de caire ;
Gingoulo en nous arregardant ...
E que nous dis en gingoulant ?
Viro sa tèsto amistousino,
E de-vers nautre s'acamino ;
Brando la co balin-balant ...
Perqué gingoulo, e que se plan ?
E que nous dis soun iue moulan ?

Ah ! ie manco que la paraulo.
— Soun cop d'iue fin, en catamiaulo
Nous dis : — Sian bèn mesquin !... e pièi :
Moun paure mèstre es bèn tant vièi
Que vers la terro s'en retorno
Avugle, en demandant l'òumorno !
Ah ! sian bèn paure, bèus enfant !
Se poudian achata de pan !
Es tant marrit quand avès fam ! —

— Vai ! sias bèn de plagne, pecaire !
Brave chin, coume pourrian faire ?
Sugaren ges de berlingot !...
Vâqui nòsti dous sòn, Cocot !
Ansïn pournès, emé loum mèstre,
Pèr aujourd'uei, un pau mies èstre...
Tenès, achâtas-vous de pan,
D'abord qu'es tant marrit, la fam ! —
— Oh ! gramaci, brâvis enfant,

Diguè l'avugle ; e, pèr ma fisto,
Que Dièu vous mantèngue la visto,

E bon cor, e bello santa !
Sabès faire la carita.
Que toustèms Diéu vous acoumpagne,
E que jamai fuguès de plagne ! —
Lou chin lipavo lis enfant ;
Sis iue disien : Emé de pan,
Gramaci vous, n'auren pas fam !

JAN BRUNET.

Avignoun, Outobre, 1867.

LA BAUDUFO

Lou cleisoun d'un curat, (l'istòri es de Gardano),
Souvènt èro pas matiné,
E quand pèr lei tres cop dindavo la campano
Eu jugavo eïçavau dins lou prat de Pountié.
— Ah ! lou droulas, fau que l'acipi,
Se diguè lou prèire un matin :
L'atroubarai perelalin,
Li dounarai de bouen principi.
Parte lou prèire ; arribo sus lou pouent,
Sabès quint ? Lou pouent de Voulouno,
Aquéu que visajo la fouent,
Lou segound en venènt de la Boueno-Persouno.

— E lou drole, l'aurias pas vist ?
Venguè lou prèire assoufladis
A-n-un segaire de civado
— Vès, lou vesès ? aquest li dis,
Tèn dins la man sa baudufo engramado.

Dou tèmms que parlavon ansin,
La baudufo reboumbo en ça de la muraio.
Lou curat, que subran s'avango e la rabaiho,
Dis au drole : Aquest cop !i tèn, galoupin !

Lou prèire e lou cleisoun arribon à la glèiso.
Lou prèire dis pas mot ; e lou cleisoun si taiso,
— Serve la messo em' atencien,
Emé respèt, fin-qu'à la coumunien ;

Mai dins soun su couvavo uno malici.
Quand lou curat, eis ablucien,
Crouso lei det sus lou calici,
Pèr recebre d'aigo e de vin,
Lou cler li dis emè soun èr de trufo :
— Metrai pas rèn aquit dedin,
Se mi rendès pas ma baudufo !

V. BOURRELLY.

Roussel, (Bouco-dou-Rose), 22 de Jun, 1867.

LOU BUGET

Bigourdan e Coucourdan sourtien, l'autre dimenche, dóu counsèu municipal, e Bigourdan faguè :

— Aquéu Buet, coumpaire, nous arrouino, aquest an !

— Iéu sabe pas, Coucourdan respoundeguè, despièi que siéu à la Coumuno, parlas jamai que de buget, que lou buget nous costo, que lou buget es fort, que mouto forço aut, que sabe iéu ?... E pièi, tóuti lis an es à refaire... Capoun de bon goi ! pèr uno bono fes, vouten uno muraio !

LOU CASCARELET.

LA PROUCESSIÈU DESFLOUCADO

Lous pelerins Serignauens,
Ambé soun capoulié Cugnens,
Lou prumié Mai, dins lou vilage,
Fasiòu la proucessièu d'usage.
Sàbi pas pla ço qu'avenguèt,
Mais la troupo se desfouquèt ;
La tèsto sèmpre caminabo
Que la cougo darrès restabo...
Tant lèu que vèi aquel rambal,
Cugnens, erissat coumo un gal,
Se bouto à crida : — Miserables,
Tibas l'arquet, que lou Crist es al diables !

GABRIEL AZAIS.

Bezons, Setembre, 1867.

PÈR FAIRE PLOURE

L'an dóu gros eissu, plouguè pas de tout l'an ; i' aguè 'no secaresso que roustiguè tout. Se meissounè lou 20 de Mai, e n'ia que vendemièron ou 29 d'Avoust. A Jounqueireto, èron dins la desoulacioun : li font, li pous, tout èro se, vès, coume d' esco ; semblavo que lou fio avié passa dins soun terraire. Lou counsèu de la coumuno s'assemblè.

— Messiés, diguè l'Ajoun en durbènt l'assemblado, es pas que noun achés que Jounqueireto es desoula pèr l'eissuchino, e vous ai acampa èr qu'entre tóuti recerqués un remèdi à la mau-parado.

— Crese que lou meïour, diguè Tounin dóu Pous-Tapa, sarié 'no bono lueio.

— Acò parlo soulet, diguè lou gros Cadau. Mai rèsto à saupre lou vejant pèr faire ploure.

— De-que ? pèr faire ploure, diguè lou Calu de la Granjo-novo, i'a èn de plus eisa : ai toujour ausi dire que i'avié que de s'entèndre.

— Es vrai, cridèron tóuti, ie sounjavian pas. Pèr faire ploure, faut s'entèndre. Entenden-nous doune !

— Entenden-nous, e faren ploure !

— Entenden-nous ! entenden-nous...

— Eh bèn ! diguè l'Ajoun, sian tóuti entendu ? tóuti bèn entendu ?

— Tóuti !

— Alor ploura... Vèjan ! quouro voulès que plougue ?

— Lou pulèu es lou meïour.

— Eh bèn ! alor, deman.

— Ah ! deman.... deman, diguè l'un, la femo fai bugado.

— Ah bèn ! alor, dimars.

— Ah ! dimars, diguè l'autre, cauque mi garbeiroun.

— Eh bèn ! alor, dimècre.

— Dimècre, un autre vèn, crese bèn que moun fen'sara lèst. Un jour de mai, un jour de mens, acò fai gaire, meten-à dijòu.

— Mai, sacrebièu ! un jardinier cridè, mi faiòu ! mi faiòu que s'entre-secon !

— Vès, diguè 'n travaiaire, remanden acò à dimenche : es un jour de repaus, e ansin l'aura ges de tèms perdu...

— Eh bèn ! diguè l'Ajoun, Messiés, levèn sesiho : lou darrié de vèspro sono... A dimenche que vèn nosto nouvello réunioun ! E se nous entendèn, coume dison, faren ploure.

LOU CASCARELET.

Li fièu di manescan an pas pòu di belugo.

LA LAMBRUSCO E LOU CAULET

D'un óume en arrapant la rusco,
Escalavo de-longo uno jouino lambruseo,
E se trufavo d'un caulet...
Lou caulet ie diguè : Fau moun créis tout soulet,
E pèr me teni dre n'ai pas besoun de rusco.

LOU CASCARELET.

Avignoun, 1867.

LA VACO

Lou paure Boufo-troucho, quauque tèms avans Pasco, venguè se counfessa ; e quand sieguè au pourtissòu :

- De que vous acusas ? ie diguè lou capelan.
- Ai trouva, Boufo-troucho respoundeguè, uno cordo long dóu camin.
- E que n'avès fa ?
- Moun paire, l'ai gardado.
- Anen, acò 's pas rèn Countunia s.
- Mai au bout de la cordo, es que.... i' aviè 'no vaco...
- E qu'avès fa d'aquelo vaco ?
- Moun paire, l'ai vendudo...
- Ah ! moun ami, aqui vous sias manca. l'aliè cerca lou mèstre e ie rèndre sa vaco.

— E pèr queto resoun ?
— Pèr-ço-que la Glèiso dis : Restitucioun o danacioun. Quand, après vosto mort, au jujamen darriè, vous faudra coumparèisse davans Dièu, la vaco, moun ami, vous sera representado, e èu-meme, lou mèstre, vous la reclamara...

- Hoi ! amoundant, au jujamen darriè, i' aura la vaco ?
- I' aura la vaco, emai lou mèstre.
- La vaco emai lou mèstre?... Eh ! sant ome de Dièu. es lou *Pater* dis ase... Iéu ie dirai, au mèstre : Que venès reclama ? eh ! velaqui vosto vaco !

LOU CASCARELET.

Es bèn grasso la galino,
Quand se passo de sa vesino.

LOU REINARD E LOU LOUP

De la pèu d'un aret Reinard s'èro para
Pèr pas faire pòu i galino.
Un loup vèn : ie trosso l'esquino.
Se vous fasès moutoun, lou loup vous manjara.

LEON ALÈGRE.

Bagnòu, 1867.

L'ESCLUSSI

Lou barbié de Pue-Ricard èro en trin de rasa 'n ome, lou bèu jour
de l'esclùssi. Tout-en-un-cop s'aviso que lou soulèu s'escound ; quito,
espanta, lou mentoun de la pratico, e crido coume eiçò :

— Quand me parlas di causo ! tenès, vaqui pas un esclùssi, dins un
marrit endré coume lou nostre ?

LOU CASCARELET.

DINS LOU BOS

(Parla de Lengadò)

E m'enanave douçamen
Au soum d'ou bouscas vispre e negre...
E fins aqui venié me segre
De moun amour lou pensamen.

Èro à l'ouero qu'es sourn encaro,
Mai que lou jour, preste à sourti,
De la terro fara parti
Bèn lèu la niue que la mascaro.

E ièu disiéi : O bos espès !
End'aquesto ouero, oh ! que sies orre !
Coumo tu moun amo, ta sorre,
De la niue porto aussi lou pes.

Perdu dins toun escuresino,
Moun pèd pourrié, dins tous bartas,
Caupisa mai d'un serpatas
Qu'a 'n lengou que poun e brounzino :

Iéu dins moun cor à mita mort
Ai tambè quicon que boulego,
Que lou rousigo e se desplego
Coumo fai la serp dóu remor !

De tous aubres, quand l'auro bramo,
Oh ! qu'es tristo la voues que sort !
Sus iéu boufo lou marrit sort,
Gingoulo tambè ma pauro amo !

Mai toun dòu duro pas toujours :
Laisso que la niue s'avaligue,
O bos ! que la roso espeligue
As rais amoureux d'aquel jour ;

E souto ta croto, bressado
Pèr l'aureto, tout chanjara,
Lèu l'aucelet s'aigreja,
D'un riéu-chiéu-chiéu dins sa nisado ;

Lou sourèl, dintre tous brancas,
S'espouscara 'n jauno pousseïro
Que béura la flou bouseassiéiro ;
Pièi à toun oundro, o vièl bouseas,

Lous droles menaran las jouves :
Sus l'erbo que trepejara,
L'un l'autro s'acampejara,
Fouligauds, à l'entour das rouves.

Deja de ta niue que me plai,
Ve, blanquejo la negro ranbo ;
Vas èstre lèu, o bos ! à l'aubo,
Pu bèn que ço qu'aro sies laid.

Iéu siéi toujours la memo causo,
E lou mati retrais au sèr ;
Pa 'no lusido, pa 'n espèr...
E d'aquel mau quau n'es l'encauso ?

Quau n'es l'encauso ? Es un efant,
Es uno drolo tant poulido
Que l'aubo d'ou jour, e qu'oublido
Que de soun cor lou mièune a fam !

ALBERT ARNAVIELLE.

(Tira di *Cants de l'Aubo*).

Alès, 1867.

SERMOUN

• Lou trôn tard au labouràgi es la rouino d'ou meinàgi. •
Aquélei paraulo soun tirado dei prepaus deis encian, que parlavon, coumo
nt Pau, emé la bouco duberto.

MEI FRAIRE,

A tout pecadou misericòrdi. Fau qu'un bouen moumen. La se sauvo
mo. Aqui dessus, vous endourmirés, se vous atendès au mounde ; qu
ause qu'uno campano n'ause qu'un son. Prenès l'Evangile, — vount
crit soun, lei barbo calon, — e veirés que *la se sènso leis obro es uno se*
ouerto. En efèt, qu vòu un bouen bèure, fau que si lou prengue. Lou
lut es noueste proumier affaire ; e se voulèn pas un jour jita lou manche
près la destrau, li devèn trabaia d'ouro. La matinado fa la journado.
al es lou sujèt de moun discours. Pèr avé de boueno aigo, fau
na à la boueno fouent : es pèr acò qu'implouraren lei lumiero d'ou
ant-Esprit. E, coumo jamai sausso n'a gasta pèis, dirès encaro emé ièu :
ve Maria.

Imités pas, mei fraire, la mouié d'ou pourquié, que, quand vèn lou
ro, s'entrino. Lou tèms perdu si pòu pas recoubra ; qu fa pas quand
ou, fa pas quand vòu. Pan de vieirssio si dèu pasta 'n jouinesso. Esperès
us que vous agon rauba l'ai... pèr fa la pouerto novo : es justamen
ire veni après la mouert lou medecin, o la moustardo après dina. Jamai
i darriè n'an gagna lei joio. E Sant Sivèstre, mi dirès ? Sant Sivèstre ?
e courrèsse pas lèu, li poudié plus èstre. Voudrias èsse à Dièu e au
mounde : l'ai de dous mèstre, la coue li pelo. Lou mounde n'es que las
leco ; tout ço que luse n'es pas d'or. A quinge an, lou Diable èro bèu,
quand pousquè plus fa de mau, si faguè ermito ; quand lei pouerc
oun sadou, lei cereïo soun amaro. Va dièu à tu, fiho, entènde-vo tu,

nouero ! Ço que lou beguin adus, lou suàri v'empouerto. Talo vido, talo mouert ; qu es na pounchu, pòu pas mourì carra.

Mi dirès, mei fraire, que fau pas tua tout ço qu'es gras, que li a tèms pèr tout. Vous respoundrai que fau batre lou fèrri quand es caud. Ajustas qu'es escri qu dèu pourta lou bast ; que n'es dón salut coumo dei mariàgi : que, quand soun acourda dins lou cèu, en terro s'accomplisson, e qu'au rèsto, en qu Dièu vòu bèn, sa trueio fa de cadèn. Es proun vrai mai, quant li a de Dièu ? Uno dindouletto la pas lou printèms. Dièu di aussi : Ajudo-li, ièu l'ajudarai. — Fau que jouinesso passe ; lou sèn es goi, vèn lou darriè ; emè lou tèms, lei nèspo si maduron. — Mei fraire qu comto avans l'oste, comto douei fès. L'ome prepauso, e Dièu dispauso. Uei ça sian, deman ça sian plus. La mouert regardo degun, e fau qu'un còup pèr tua 'n souisse. Es ansin qu'ei pu fin lei braio li toumbon, e es au debasta de l'ai que si counouis la macaduro.

Pèr bèn fini, fau bèn coumença, e es surtout dins l'afaire dóu salut que fau la countini ; aqui, fès n'en cènt, mancas-n'en uno, avès rèn fa. Pèr un poun, Martin perdè soun ase.

Qu bèn fara bèn trouvara, e bèn rira qu rira lou darriè. Aquesto vido n'es qu'un passàgi : un jour siegue l'autre, e gouto à gouto si vuejo la bouto. Se manjas voueste pan blanc proumiè, se vous gardas pas un pero pèr la set, serès à la fin pus en fatigo qu'un courdouniè qu'a qu'une fourmo, o que lou bourrèu quand vòu faire sei Pasco ! Li a rèn de pu mal eisa à escourtega que la coue : es au founs que soun leis espèci, e qu aura begu lou vin, faurra que begue leis escourriho. Aurès bèl alor crida : Au secours ! au secours ! aurès lou secours de l'iso : tres jour après la bataio.

Sièu pas, mei fraire, d'aquèlei gènt que troubarien d'oues en un lèu. Lei roucas soun dur pertout, n'en counvèni : sàbi que li a pertout sa lègre de marrit camin, qu'au peiròu dei doulour tonei l'avèn nouesto escudello e cadun saup ço que bouie dins soun oulo. Hòu ! bèn, au mounde li a gè de soulas que noun siegue segui d'un ai ! las ! Après tres jour, l'or s'enueio de fremo, d'oste e de plueio ; mai au-mens, après la plueio vèn lou bèn tèms, e fremo mouerto, capèu nòu. Qu a paciènci a Paradis.

Li a rèn sènso peno, e bouen dre meme a besoun d'ajudo. *Fès-vous d'ami en fènt de bèn ei paure* ; l'oumouerno a jamai apauri degun. E puei còup d'argènt es pas còup de mouert. Argènt fa tout, bèn faire passò tout. Lou bèn s'envai e la vertu rèsto. Pèr countràri, qu'es que vesèn ? Cadun eici prècho pèr sei biasso ; lou gras saup pas de que vièu lou maigre. Qu a bèn dina cres leis autre sadou ; s'es generous, v'es de ço qu'es pas sièu ; de la pasto de moun counpaire, grosso poumpo à moun fihòu. Es pas lou tout, sènso si souveni qu'ourguei e graisso, Dièu l'abaisso, n'en

voulès mai saché que Mèste Mouscho ; quand v'avès à la tèsto, v'avès pas
 i pèd ; cadun si fouito à sa modo, cade jardinié lauso sei ponèrri ; l'i'a
 pouérri e pouérri ; au jue e au vin, l'ome si rènde couquin ; leis enfant
 nichoun fan fouleja, mai quand soun grand fan enrabia ; lei fiho, que vous
 lirai ? qu fiho gardo e pouere meno (parlant sènsò respèt), a proun peno ;
 ei fremo, coumo lei carrello, se noun soun vouncho, soun renarello ;
 l'ounte dêurrié veni la clarta vèn la sournierio ; se sias mascara, va sias
 que pèr de carbounié ; se recebès de mau es que dei vouestre ; fès de bèn
 Bertrand... Lou tròu es tròu ; d'aboundànci de couer ma bouco
 parlo ; qu es rougnous que si grate.

M'arrèsti, mei fraire, pèr-ço-qu' tóntei lei verita soun pas bèn dicho, e
 au-mai va boulegas, au-mai sènte ; d'aiour, lei paraulo longo fan lei jour
 court, e puei, coumo si dis, es perdre soun sermoun que de precha en de
 court. Ensin, sènsò cerca miejour à quatorge ouro, finirai en vous
 lisènt : Qu bèn manjo e bèn bêu, fague tambèn ço que si dèu... Au parti
 l'aqui, mei fraire, ço que si coui pas pèr nautre, leissen-vo rabina ; qu a
 sei fuado, que lei debàne. Iéu siéu d'Auruou.... Adieu-sias !

L. D'ASTROS.

Ais, 1814.

Tira dis *OEuvres provençales du docteur L. d'Astros*. Aix, Remondet-Aubin, 1867).

MA DARRIERO CANSOUN

Èr : *Le Célibataire* (LÉRANGER).

M'an toujours di : « Semblable à la cigalo,
 » Voudriès canta tant que duro l'estiéu ;
 » Mai quauque jour sentiras la fringalo,
 » E toun iver sara di plus catiéu.
 » Laisso-me 'sta lou vin e li chatouno !
 » Te fau, painens, carga 'n pau de resoun ! »
 — Anen, Babèu ! encaro uno poutouno, { *Bis*.
 E cantarai ma darriero cansoun.

Aco's fini, me brouie emé la Muso.
 Sus moun passat vole estèndre un lançòu.
 Pèr faire avans n'auriéu plus ges d'escuso.
 Duerbe lis iue e l'ivèr me fai pòu !...

Galois amour, gardas vòsti courouno !
Aro pèr ièu sarien plus de sesoun.
Anen, Babèu ! encaro uno poutouno,
E cantarai ma darriero cansoun.

Vole acampa, coume fan li sournigo,
Pèr mi vièi jour de pitanço e de pan.
Mai pèr acò, ma gènto e douço amigo,
Fau dire adieu i pantai de vint an.
Tóuti li cant que la Muso nous douno
Fan pas toumba dous sòu dins lou boursoun :
Anen, Babèu ! encaro uno poutouno,
E cantarai ma darriero cansoun.

E pièi, vejan ! se l'òme sus la terro
Escóuto plus que la voues de l'argènt,
Perqué veni, troubadour en coulèro,
Canta lis us e-li mour d'encian tèm ?
Lou cansounié vanamen s'espòmouno ;
A l'ouro d'uei res seguis si leigoun.
Anen, Babèu ! encaro uno poutouno,
E cantarai ma darriero cansoun.

Pamens l'aucèu canto sout la ramado
Sèns trop saché s'atrouvâra de gran,
E l'enchau pas se la foulo apreissado
S'arrèsto o noun pèr escouta si cant.
Se canto ansin es qu'uno voues l'ourdouno,
E, quand voudrié, pòu pas dire de noun...
Anen, Babèu ! ta darriero poutouno,
O cantariéu de novèlli cansoun.

Sènte peréu, dins moun cor de troubaire,
De cant noumbrous que voudrien s'envoula,
E, pèr que Diéu m'a di d'èstre cantaire,
Enjusqu'au bout vole resta 'ntaùla.
La pouësio es ma santo patrouno ;
Plen de respèt me traïse à si geinoun...
Anen, Babèu ! gardo-me ti poutouno,
E cantarai de novèlli cansoun.

MORTUORUM PROUVENÇAU

I

D'Ortignes (Jousè-Louis), nascu à Cavaïoun lou 22 de Mai 1802, es mort à Paris lou 20 de novèmbre 1866. Coume soun coumpatrioto e ami Castil-Blaze, M. D'Ortignes s'èro fach uno bello reputacioun dins la critico musicalo. S'es particularimen ôcupa de la musico de glèiso. Musicaire éu-meme, a compausa, entre àutris obro, uno *messò sèn paraulo* digno d'un grand mèstre. Despièi 1829, dato de sa proumièro publicacioun, enjusqu'à sa mort, a dignamen tengu la plumo, e se pòu dire que, bon ôubrié, es mort à soun obro. Amavo soun brès e sa lengo, e devon, sis enfant, avé trouva, dins si papié, de vers prouvençau alisca poulidamen, e qu'ameritarien d'èstre publica.

II

Reinaud (Jousè-Toussant), nascu à Lambesc (Bouco-dou-Rose), lou 4 de desèmbre 1795, saberu dins la lengo e la literaturo aràbi, a long-tèms escri dins lou *Journal Asiatique*, e a publica, despièi 1829 enjusqu'à sa mort, forço ôubrage que ie fan ounour. Membre de l'Istitut de Franço, es mort vers la fin de mai 1867.

III

Ingres (Jan-Doumenge-Aguste), nascu à Mount-auban lou 15 de setèmbre 1781, es mort à Paris lou 14 de janvié 1867. Un di plus grand pintre de vuei, uno di glòri dóu Mièjour, coume Delacroix, soun rivau ilustre. Soun celèbre tablèu, lou *Vot de Louis XIII*, èro esta proumés pèr éu à Mount-auban. M. de Villèle, menistre de l'Enteriour souto la Restauracioun, n'ïen semoundeguè, au noum dóu gouvèrnamen, 80,000 fr. Mai Ingres refusè : — « Lou souveni de Mount-auban, de ma vilo natalo, diguè, m'es trop dous, pèr que defaute à-n-uno proumessò doublamen sacrado. » E la telo magnifico anè à Mount-auban.

IV

L. J. F. Pascal, nascu is Are (Var) lou 28 de desèmbre 1812, despièi avocat à-z-Ais, representant dóu pople à la Coustituènto de 1848, es mort à Genève, lou 3 d'avoust 1867.

V

Barthélemy (Agusto-Marsiho), lou celèbre autour de la *Némésis* e de tant d'autri pouèsio que publiquè à miejo emé Jousè Mèry, es mort à Marsiho, ounte èro nascu en 1796. Lou sounet prouvençau que l'on legis souto soun noum dins aquest armana (pajo 59), e l'*Epistò à Benedit* (que l'on trovo dins lis obro d'aquest darriè troubaire), provon que s'ounou-
ravo de pas avé ôubrida la lengo de si rèire. s. s.

Avignoun, Outobre, 1867.

ENSIGNADOU

Calendié de Prouvènço.....	3	A Dom Victor.....	69
Esclüssi.....	4	L'ouonesteta.....	69
Cronnico selibrenco.....	9	La Caslelano.....	70
La Coupo selibrenco.....	15	A Xiset.....	70
La Cansoun de la coupo.....	16	Li tres pauso de la vido.....	71
Souscripcioun pèr Saboly.....	18	Soulas.....	72
Se fa nue.....	20	La fourtuno.....	72
La Couscripcioun dis endeca.....	23	Au soulèu.....	73
La Renèissènço.....	24	A l'audiènci.....	73
Lou Cat que fai lume.....	27	Inne à la mar.....	74
A-n-un pouèto despatria.....	28	Manjo-mau.....	75
Un mot de Mounsen de Mazenod.....	28	Cavaïoun e Roubioun.....	76
Un brinde à Jan Reboul.....	29	Lou porto-algo.....	76
La Passioun.....	29	Mai à l'audiènci.....	78
Lou Maset de Mèste Roumieu.....	30	La Cigalo e la Fournigo.....	79
Alèssi e Nanoun.....	32	La batèsto.....	79
Lei man dins lei pocho.....	32	Sourneto de ma grand la borgno.....	80
Lou porc.....	33	Li dos proumièri dènt de l'enfant Jèsu....	82
La Cansoun dou matin.....	34	La fountougrallo e lou retrach à l'oli.....	81
Li dous Bret.....	35	Benvenugdo i Felibre.....	84
La Poulejo.....	36	Menu prouvençau.....	85
Lou pichot eiretage.....	37	Dido e Tounin.....	86
Lis enfant d'Oufieu.....	38	La morto vivènto.....	87
La Pesco.....	39	Epigramo.....	89
Au bord dou Rose.....	39	Dous mot de Crihoun.....	89
Mai lou porc.....	40	Gramaci à Nostro-Damo.....	90
La Boul-abaisso.....	41	Lou moulin.....	90
La forço de l'abïtudo.....	42	La Barouno.....	91
La morti de Bezlès.....	43	Lou trin de plesi.....	91
La counfessioun entiero.....	45	Li vint louvidor.....	92
La glèiso de Rousset.....	46	A moun ami Feli Gras.....	93
Dins l'autre mounde.....	47	Ma Prouvençalo.....	94
<i>Sarzun Corda</i>	48	Li Pounno.....	95
Li dous laïre.....	49	Desenchantamen.....	96
La Baumo de Roco-Roussu.....	50	La penitènço delenbrado.....	96
L'au hen s'esplica.....	52	<i>Beatus ille</i>	97
Lou hos de sandau.....	52	La taco dins l'ue.....	98
Lou proumiè Moustarié dou Papo.....	53	Lis estello.....	99
Lou fromage.....	53	Lou chin de l'avugle.....	100
La batalo de Muret.....	55	La baudifo.....	101
La pregalo di cat.....	57	Lou buget.....	101
Proumier alen dou printèms.....	58	La proucièssiè desfloucado.....	102
Au baroun G. de Flotte.....	59	Per faire ploure.....	103
L'alet.....	60	La Janbrusco e lou Caulet.....	104
Auhado.....	60	La Vaco.....	104
Lou Mège de Cucugnan.....	61	Lou Reinard e lou Loup.....	105
Sounet.....	65	L'esclüssi.....	105
Amour.....	66	Dins lou hos.....	105
Hegudo.....	66	Sermoun.....	107
L'elissir dis Aspiho.....	68	Ma darriero cansoun.....	108
Li brinde.....	68	Mortuorum.....	111

ARMANA
PROUVENÇAU

PÈR LOU BÈL AN DE DIÉU

1869

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople dóu Miejour

AN QUINGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIERO DE SANT-AGRICÒ, 19

1883

AVIGNON. — EMPRIMARIE DI FRAIRE GROS.

CALENDIÉ DE PROUVÈNÇO

LI PRINCIPAU MILÈIME DE PROUVÈNÇO

Foundacioun de Marsiho pèr li Fouceien.....	(av. J.-C.)	600
Annibal passo lou Rose, d'ou coustat d'Avignoun.....	(av. J.-C.)	218
Foundacioun de-z-Ais pèr lou generau rouman Caius Sextus Calvinus.....	(av. J.-C.)	123
Domitius Barbo-Roussou aubouro l'arc-de-triounfle d'Aurenjo, en memòri de la desfacho dis Alabroge.....	(av. J.-C.)	122
De-vers Aurenjo, li Cimbri e li Tèutoun escrapouchinon 80,000 Rouman.....	(av. J.-C.)	109
Au pèd d'ou mount Santo-Venturi, lou Conse Caius Marius fai un tau chaple de Tèutoun e d'Ambroun que lou prat-bataié s'apello enca <i>Pourriero</i>	(av. J.-C.)	103
Juli-Cesar mando à-n-Arle, pèr couloun, li veteran de la legioun seienco.....	(av. J.-C.)	47
L'empeire Coustantin se fai basti un palais en Arle, e baio à-n-Arle lou noum de Coustantino.....	(ap. J.-C.)	311
Establiment d'ou reiaume d'Arle.....		932
Lou Comte de Prouvènço, Guihen proumié, subrenouma <i>Paire de la patrio</i> , deliéuro la Prouvènço di barbare Sarrasin.....		972
Li Comte de Prouvènço de la famiho de Bousoun.....	948—	1112
Li marin prouvençau envènton la Boussolo.....		1100
Li Comte de Prouvènço de la famiho Barciloneso. — Espandiment e flouresoun de la lengo prouvençalo, s'outo li Ramoun-Berenguié.....	1112—	1246
Proumiérou réunioun dis Estat de Prouvènço, à Tarascoun.....		1146
Guerro dis Aubigès.....	1207—	1229
Li Comte de Prouvènço de la proumiérou famiho d'Anjou. — Glòri d'ou Gai-Sabé, s'outo lou rèi Roubert.....	1246—	1382
Court d'Amour de Signo, ounte brihavo Clareto di Baus.....	1270—	1275
Lou Papo Clemènt V adus la Papauta en Avignoun.....		1309
Establiment de Jo Flourau, à Toulouso.....		1323
Court d'Amour de Roumanin, ounte brihavo Estefaneto de Gantèume.....		1332
Court d'Amour d'Avignoun, ounte brihavo la bello Lauro.....	1340—	1348
Lou Papo Gregòri XI entourno la Papauta à Roumo.....		1376
Li Comte de Prouvènço de la segounde famiho d'Anjou.....	1382—	1481
Réunioun de la Prouvènço à la courouno de Franco.....		1482
Establiment de l'emprimarié en Avignoun, pèr Micoulau Lepe.....		1497
— à-z-Ais, pèr Marius Roux, que venié d'Avignoun.....		1572
— à Marsiho, pèr Pèire Mascaron (lou proumié libre qu'estampè sieguè lis <i>Obro e Rimo prouvençalo</i> de Bellaud de la Bellaudiero).....		1594
— à Touloun, pèr Benoist Collomb.....		1650
Establiment d'ou Parlamen de Prouvènço.....		1501
Bello defènso de la villo de Marsiho contro l'armado de l'empeire Carle-Quint.....		1536
Pèsto de Marsiho.....		1720
Darriérou réunioun dis Estat de Prouvènço, à-z-Ais, dius la glèiso d'ou Coulége.....		1787
La Countat d'Avignoun devèn franceso.....		1791
Establiment d'ou Felibrige. — Reviéure de la lengo prouvençalo. 21 de mai.....		1854

ESCLUSSE

Lou 27 de Janvié, esclussi parciau de luno, envesible en Avignoun.
Li 10-11 de Febrié, esclussi anelàri de soulèu, envesible en Avignoun.

FÈSTO CHANJADISSO

Cèndre, 10 Febrié.
Pasco, 28 Mars.
Rouguesoun, 3, 4, 5 Mai.
Ascensioun, 6 Mai.

Pandecousto, 16 Mai.
Ternita, 23 Mai.
Fèsto-de-Diéu, 27 Mai.
Avènt, 28 Nouvèmbe.

LUNO MECROUSO

Luno de Nouvèmbe, que fai lou-3.

Luno mecrouso
Femo renouso
E auro bruno,
Dins cènt an n'i'aurié trop d'uno.

TEMPOURO

Febrié.....	17, 19 e 20	Setèmbe.....	15, 17 e 18
Mai.....	19, 21 e 22	Desèmbe.....	15, 17 e 18

Lou printèms coumenço lou 20 de Mars ;
L'estiéu coumenço lou 21 de Jun,
L'autoun coumenço lou 23 de Setèmbe ;
L'ivèr coumenço lou 21 de Desèmbe.

Trento jour an Setèmbe,
Abriéu, Jun e Nouvèmbe ;
De vinto-vue n'i'a qu'un ;
Lis autre soun de trento-un.



JANVIER	FEBRIER	MARS	ABRIL	MAI	JUN
Li jour crëïsson d'uno o. 3 m.	Li jour crëïsson d'uno o. 33 m.	Li jour crëïsson d'uno o. 49 m.	Li jour crëïsson d'uno o. 39 m.	Li jour crëïsson d'uno o. 46 m.	Li jour crëïsson de 16 m.
D. Q. lou 5. N. L. lou 42. P. Q. lou 24. P. L. lou 28.	D. Q. lou 5. N. L. lou 14. P. Q. lou 19. P. L. lou 26.	D. Q. lou 5. N. L. lou 13. P. Q. lou 21. P. L. lou 27.	D. Q. lou 3. N. L. lou 12. P. Q. lou 19. P. L. lou 26.	D. Q. lou 3. N. L. lou 11. P. Q. lou 48. P. L. lou 25.	D. Q. lou 2. N. L. lou 40. P. Q. lou 47. P. L. lou 21.
1 JOUR DE L'AN 2 s. Clar 3 s. Genevivo 4 s. Ferrou 5 s. Simen 6 s. Luein 7 s. Lucien 8 s. Severin 9 s. Julian 10 s. Pau l'ermite 11 s. Teondost 12 s. Gaspard 13 s. Veronico 14 s. Alari 15 s. Bounel 16 s. Onourat 17 s. Antoni 18 s. Flourido 19 s. Canut 20 s. Sebastian 21 s. Agues 22 s. Vincen 23 s. Ramoun 24 s. Babi 25 s. C. de s. Pau 26 s. Ansile 27 s. Mari 28 s. Cesario 29 s. Constant 30 s. Martino 31 s. Marcello	1 s. Ignati, ev. 2 CANDELOUSO 3 s. Basi 4 s. Agusto 5 s. Agusto 6 s. Doré 7 s. Richard 8 s. Gimon 9 s. Jan-de-Mala 10 CENDRE 11 s. Adofe 12 s. Oulato 13 s. Doumin 14 s. Valentin 15 s. Quenin 16 s. Armentari 17 TEMPOUSO 18 s. Favian 19 s. Vallé 20 s. Ouqueri 21 s. Feli 22 s. Agues 23 s. Merant 24 s. Mattas 25 s. Alessandre 26 s. Nestou 27 s. Onourino 28 s. Cassian 29 s. Nestou 30 s. Nestou 31 s. Nestou	1 s. Antonino 2 s. Simplic 3 s. Cuneogundo 4 s. Casimir 5 s. Ambrosi 6 s. Couleto 7 s. Perpeto 8 s. Jan-de-Dieu 9 s. Francesco 10 Li-to Martire 11 s. Gregori 12 s. Massemin 13 s. Oufasto 14 s. Matieulo 15 s. Passoun 16 s. Abram 17 s. Reho 18 s. Cerile 19 s. Jousé 20 s. Jounquin 21 s. Ramrau 22 s. Reu-veug 23 s. Vitourin 24 s. Gabriel 25 s. N. d. de Mars 26 s. Massemin 27 s. Natalo 28 s. PASC 29 s. Sisl 30 s. Anadien 31 s. Benjamin	1 s. Ugue 2 s. Fr. de P. 3 s. Ricard 4 s. Isouer 5 s. Vincen F. 6 s. Prédendi 7 s. Gautie 8 s. Aubert 9 s. Soudo 10 s. Machi 11 s. Leon 12 s. Juli 13 s. Ido 14 s. Benezet 15 s. Frutuous 16 s. Lambert 17 s. Anice 18 s. Apouloni 19 s. Oufene 20 s. Anseume 21 s. Ouspice 22 s. Leonido 23 s. Jorgi 24 s. Vitori 25 s. Marc 26 s. Clet 27 s. Zeto 28 s. Vidau 29 s. Caltar, de S 30 s. Estropi	1 s. Jaque e s. P. 2 s. Alanasi 3 BORGUESOUN 4 s. Moumco 5 s. Sereno 6 s. ASCENSOUN 7 s. Estanislau 8 s. Preseli 9 s. Gregori 10 s. Antonin 11 s. Matou 12 s. Branchel 13 s. Ghiebro 14 s. Boumilaci 15 s. Pons. 16 s. PANDECOUSTO 17 s. Pasteau 18 s. TEMPOUSO 19 s. Celestin 20 s. Bernadin 21 s. Estello 22 s. Julio 23 TEINTA 24 s. Douanclan 25 s. Mario Jac. 26 s. Feli de N. 27 FÊSTE-D-DIEU 28 s. Vinc. de L. 29 s. Massemin 30 s. Feli 31 s. Peirounello	1 s. Janro 2 s. Marcelin 3 s. Cloutieudo 4 s. Quenin 5 s. Boumilaci 6 s. Gaudi 7 s. Nourberl 8 s. Medard 9 s. Pelagio 10 s. Felicia 11 s. Damasi 12 s. Oulimpo 13 s. Antoni de P. 14 s. Basile 15 s. Mondesto 16 s. Geri 17 s. Verune 18 s. Ouzias 19 s. Cervasi 20 s. Flourenço 21 s. Leufre 22 s. Estropi 23 s. Agrevo 24 s. JAN-BATISTO 25 s. Tres. de s. Aloj 26 s. Davi 27 s. Antèume 28 s. Irenej 29 s. Pere e s. P. 30 s. Lucide

JULIET	AVOUST	SETÈMBRE	OCTOBRE	NOUVÈMBRE	DESÈMBRE
Li jour demenisson de 58 m.	Li jour demenisson d'uno o. 36 m.	Li jour demenisson d'uno o. 43 m.	Li jour demenisson d'uno o. 44 m.	Li jour demenisson d'uno o. 18 m.	Li jour demenisson de 14 m.
D. Q. lou 2. N. L. lou 9. P. Q. lou 16. P. L. lou 23. D. Q. lou 31.	N. L. lou 7. P. Q. lou 14. P. L. lou 22. D. Q. lou 30.	N. L. lou 6. P. Q. lou 12. P. L. lou 20. D. Q. lou 28.	N. L. lou 5. P. Q. lou 12. P. L. lou 20. D. Q. lou 28.	N. L. lou 3. P. Q. lou 11. P. L. lou 19. D. Q. lou 26.	N. L. lou 3. P. Q. lou 10. P. L. lou 18. D. Q. lou 26.
1 s. Marcian 2 s. VESTACIACON 3 s. Anatoli 4 s. Fountat 5 s. P. de Liss. 6 s. Angelo 7 s. Aubiergo 8 s. Isabèu 9 s. Bres 10 N. D. DE SANTA 11 s. Pie 12 s. Oumèste 13 s. Anaclet 14 s. Bonaventur 15 s. Enri 16 N. D. DOU M. C. 17 s. Alessi 18 s. Toumas 19 s. Vincèn 20 s. Margarido 21 s. Vitou 22 s. MALALANO 23 s. Cassian 24 s. Crestino 25 s. Jaume 26 s. Anò 27 s. Pantali 28 s. Sautri 29 s. Mario 30 s. Loup 31 s. German	1 s. Péire encad. 2 s. Estève 3 s. Lidio 4 s. Doumergue 5 s. Ion 6 s. Sauvaire 7 s. Galetan 8 s. Justin 9 s. Rouman 10 s. Laurens 11 s. Rustelo 12 s. Cloro 13 s. Pourcart 14 s. Chiapoli 15 N. D. D'AVOUST 16 s. Ro 17 s. Jacinto 18 s. Eleno 19 s. Louis de B. 20 s. Bernat 21 s. Privat 22 s. Safourian. 23 s. Sidoni 24 s. Bartoumièu 25 s. Genès 26 s. Zeirin 27 s. Cesari 28 s. Jolian 29 s. Jan degoul. 30 s. Roso 31 s. Lazari	1 s. Baudeli 2 s. Agricò 3 s. Alou 4 s. Rousalio 5 s. Leugie 6 s. Amable 7 s. Galetan 8 N. D. DE SET. 9 s. Veran 10 s. Pouquerié 11 s. Paclet 12 s. Bono 13 s. Antounin 14 s. Eliss. de la Cr. 15 TEMPORE 16 s. Cournèli 17 s. Lambert 18 s. Estevencelo 19 s. Jenouviè 20 s. Estaki 21 s. Maieu 22 s. Maurice 23 s. Teilo 24 s. Salabergo 25 s. Fermin 26 s. Ourtas 27 s. Cosme e D. 28 s. Ceran 29 s. mroce 30 s. Girome	1 s. Roumié 2 Li s. Ange g. 3 s. Cuprian 4 s. Franc. d'As. 5 s. Tuli 6 s. Eossi 7 s. Baque 8 s. Reparado 9 s. Danis 10 s. Vergeli 11 s. Caston 12 s. Veran 13 s. Gerand 14 s. Calist 15 s. Tereso 16 s. Rousselino 17 s. Flourèns 18 s. Lu 19 s. Gerard T. 20 s. Grapasi 21 s. Ourculo 22 s. Mario Sal. 23 s. Tederi 24 s. Maglori 25 s. Crespin 26 s. Flori 27 s. Sauvan 28 s. Simoun 29 s. Narcisse 30 s. Lucan 31 s. Cristou	1 TOUSSANT 2 LI MORT 3 s. Marcèu 4 s. Chamas 5 s. Zacarié. 6 s. Estève 7 s. Ernest 8 s. Goufrèli 9 s. Maturin 10 s. Just 11 s. Martin 12 s. Reinié 13 s. Mire 14 s. Ru, èves. 15 s. Ougèni 16 s. Ougèri 17 s. Agnan 18 s. Audo 19 s. Isabèu 20 s. Elmourad 21 PRES. DE N. D. 22 s. Cecilo 23 s. Clément 24 s. Flo 25 s. Catarino 26 s. Déulno 27 s. Sifren 28 LIS AVENT 29 s. Savonmin 30 s. Andrièu	1 s. Alol. 2 s. Riblano 3 s. Francès-X. 4 s. Barbo 5 s. Sabas 6 s. Micoulau 7 s. Ambrosi 8 s. COUVERCOUR 9 s. Loucalo 10 s. Valero 11 s. Danasi 12 s. Daniso 13 s. Lucel 14 s. Nicasi 15 TEMPORE 16 s. Azalais 17 s. Oulimpo 18 s. Grèli 19 s. Timouleoun 20 s. Flougoun 21 s. Toumas 22 s. Ounourat 23 s. Vitori 24 s. Ives 25 s. CALENDO 26 s. Estève 27 s. Jan, ev. 28 Li s. Innochènt 29 s. Trefume 30 s. Gouloumb. 31 s. Sivèstre

ARMANA PROUVENÇAU

CROUNICO FELIBRENCO

I

Aquest an, es aquéli de la ribo drecho dóu Rose, es li Felibre dóu Lengadò qu'an tengu lou let.

Di cause di Ceveno, di coumbo carbouniero de Bessejo, uno voues claro e valènto s'es enaurado vers lou cèu : es la voues d'Albert Arnavielle, un jouine felibre d'Alès, que nous a douna si *Cants de l'Aubo* (Nimes, empr. Roumieux, 1868). Bello jouinesso ! eternalo font d'amour, d'estrambord e de gràci ! lou vers d'aquéu jouvènt es ardit coume un cat-fèr, nouvèu, beluguejant e fres coume l'eigagno. Coume i'a, m'es avis, de pouèsio bloundo e molo, eiçò 's de pouèsio nervihouso e bruno. Acò gisclo dóu cor, acò sourgènto pur de la roco cevenolo ; acò 's escrincela, acò 's acoulouri pèr uno man d'artista : Arnavielle es dóu païs, Arnavielle es disciple dóu Marquès de La Faro-Alès, mai disciple passa mèstre. Counèisse rèn de mai sincère, de plus vièu, de plus ardènt, que sis amour emé Teldeto ; e sabe gaire en-lío de moussèu mai lusènt, mai coulourènt, mai barbelant e mai terrible que soun *Estatuio*. Li Ceveno an soun pouèto, soun pouèto naturau, terrenau, valerous ; es li Ceveno que se revihon à la vido, à la vido sanitouso de nosto lengo d'O. Mai, avans de quita lou troubaire raiòu, encaro un mot : quand se prouclamè lou dogmo de la Councepcioun Immaculado, la bulò apoustoulico fuguè traducho e publicado dins tóuti li lengo... Or, sabès quau fuguè carga de la versioun en lengo d'O ? Albert Arnavielle.

II

Dins la *Revue critique* dóu 13 de jun 1868, Paul Meyer, en rendènt comte de la reneissènço Catalano, dis eiçò : *Des auteurs qui, il y a dix ou quinze ans, composaient en Castillan, reviennent maintenant à leur langue maternelle*. Aquèu signe energi de resurreicioun coumplèto se remarco perèu en Prouvenço. Coume Adoufe Dumas, coume Amadiéu Pichot, coume Reboul, coume A. Daudet, veici un escrivan di proumié dóu Miejour que maïstralamen a reprès poussessioun de sa lengo meiralo. Jùli Canonge, lou pouèto nimausen qu'a fa revieüre, dins tant d'obro lisco e puro, e subre-tout dins *Arles en France*, la flour e la coulour di causo antico de

Prouvenço, a espeli un pouèmo que tóuti li journau an aculi 'mé grand favour. Voulèn parla de *Bruno-la-Bloundo* (Avignoun, libr. Roumanille, 1868). Au còu d'aquelo chato, bloundo e gènto gardiano dis Aliscamp d'Arle, l'autour a fa lusi tout un rèst de legèndo, tau qu'aquèli couliè de sequin d'or que porton li mouresco. E à prepaus d'acò, veici ço que Mistral à Canonge escriviè : « Es bèn acò la pouèsio que sort dis Aliscamp : uno mescladisso armouniouse de toumbèu e de flour, de Roumano morto e d'Arlatenco vivo, de gravita e de familhiereta, d'amour e de malancounié. Vòstis obro franceso èron tant embeimado de sentour prouvençalo que i'a long-tèms, se saup, qu'erias classa au proumiè rèng di pouèto prouvençau ; mai, en ome de bon e d'ounour e de sèn, avès vougu prouva que la lengo di Felibre vous èro pas estranjo, e tout lou Felibrige vuci se rejouïs en vous. » Poudrian pas mies dire. *Bruno-la-Bloundo* n'es dóu rèsto à sa segoundo edicioun.

III

Louis Roumieux, peréu de Nimes, souto lou noum de *La Rampelado*, a douna lou recuei de sis obro coumplèto (libr. Roumanille, 1868). *La Rampelado* de Roumieux, un voulume superbe de 400 pajo, grand in-8°, em' un fin avans-prepaus de Roumanille, revertò, sabès que ? la fiero de Bèu-caire. Dins aquèu recuei sarra, bigarra, barracana, dins aquelo galoïo e solo mescladisso, trouvas de tout coume à la fiero : lis anèu d'or lusènt e lis anèu de vèire em' un gârri dessus, li gimbeletò eascarello e li bèu dàti rous, lis aucèu de touto mènò que bresihon dins si gâbi, li papagai e li mounino, li galejado e esquichado, li bôumian e lis arlèri, li crid, li cacalas, li cansouneto e li plagnoun... Vaqui lou charlatan que sus soun tiatre fai bragueto : e chin-nana-chin ! e chin-nana-poun ! acò-d'aqui s'apello la *Carreto di chin*, o li dous *Rachalan*, o l'*ase mort*. Vaqui d'un autre càire li parèu amoureux que s'envan pensatièu, adoulenti e benura, dins lis andano enfestoulido : acò-d'aqui se noumo *Flour d'azur*, soun *Iroundello* o *Ai ! pecaire*. *La Rampelado* de Roumieux es bèn un libre dóu Miejour, es un libre vivènt e escarrabiha, es un gai chamatan, es un eissame d'abiho qu'an lou mèn e l'agubhioun. Quaquearèn de poulit e de lestamen counta es l'amirable *Viage di Felibre en Catalougno*, un interessant recit de 4 o 500 vers que termino lou voulume. Diguèn lèu que lou soucès a fach ounour à l'obro, perqué li souscrivèire an quasi abena la prouniero edicioun.

IV

Un autre de nòstis ami de Nimes a publica, souto lou séudounime de

Jan de la Tour-Magno, *Lou Carré de Nîmes* (Nîmes, empr. Clavel-Ballivet). Es lou renouvelamen dins uno formo vivo, mai un paquet burlesco, d'un pouèmo franchimand (dôu cieles carlin) relatièu is aventuro de Guihèn dôu Court-Nas. Dôu meme autour, vers lou meme empremeire, *lou Viel e li tres Garçon*.

V

L'Acadèmi de Beziès a decerni soun rampau d'ouliviè d'argènt à-n-un pouèto catalan, M. Courtais, de Banyuls (Pyrenèu-Orientau), pèr soun pouèmo l'*Omèro rossillonès*. A menciouna ounourablamen : *lou Plat de Madeloun*, dôu frai Juvencian, dis escolo crestiano ; *lou Pedas de l'Enfant Jèsu*, de M. Eimound Hugues, estudiant en dre de Digno ; *la Velhado*, de M. Ipoulito Fargues, de Mount-Riau (Aude) ; l'*Odo à Beziès*, de Marius Bourrelly, d'Ais ; *lous Paures*, de M. Leyris, d'Alès ; lou *Viage de Carcassouno as bans de Carcaneiros*, de M. Ounourat Prache, e enfin trege sounet de Moussu Gadrat, de Carcassouno.

VI

Siân en retard em' uno publicacioun entitulado : *les Vies des Troubadours, écrites en roman par des auteurs du XIII^{me} siècle et traduites en français par un indigène* (Magradous, librariè roumano de Pèire d'En Sagnos, e Toulouso, vers Bompard, 1866). L'autour d'aquèu travai es un determina e noble patrioto que s'es douna pèr but de reviha dins lou Miejour la flamo santo, emé de libre naciounau que reedito à bon marcat (1 fr. 75). Li *Vies des Troubadours* es lou tresen de sa couleicioun. Li dous proumiè soun l'*Histoire anonyme de la guerre des Albigeois* e li *Portraits et généalogies des Comtes de Toulouse*.

VII

Paul Meyer, lou valènt filoulogue, en quau devian deja la publicacioun de *Flamenca*, a descubert un novèu rouman prouvençau de l'encian tèms, *Guilhem de La Barra*, dôu troubadour Arnaud Vidal ; de Castèu-nòu-d'Arri, e n'a douna 'no savènto noutiço acoumpagnado d'un gloussari (Paris, librariè Franck, 1868).

Lou meme Paul Meyer, dins la *Revue Critique* dôu 21 de mars 1868, (Paris, libr. Franck), a demouli coume se dèu la sciènci escasso d'un libre boufiga, *les Français du Nord et du Midi* (Paris, libr. Didier, 1868), escri contro l'idèio selibrenc e particulieramen contro F. Mistral, pèr un ex-felibre e un encian ami, Ougèni Garcin. Pichoto especulacioun, aquelo d'escupi contro lou cèu de soun país e contro lis amour de sa jouvènço ! Mai falié qu'acò fuguèsse. En un moumen que i'a, lis enemi servon autant

que lis ami. I bon chivau de courso fan sauta d'entravadis, de valat, de baragnò : lou chivau felibren n'en sautara bèn d'autro, de baragno, qu'aquèli 500 pajo. Se pamens,

Garcin, o liéu ardènt dóu manescau d'Alen.

(coume dis Mistral dins *Mirèio*), se pamens creses necite, pèr lou salut de la Franco, de countunia la guerrò contro lou Felibrige, de lou menaça meme de *la colère des flots*, te counseian la bono fe, valènt-à-dire, de plus tradurre *Arasso ! arasso !* pèr *écrase, écrase*, nimai de denouncia coume roupèire de l'unita franceso aquèu qu'a di :

Li Prouvençau, flamo unanimo,
Sian de la grando Franco, e ni court ni coustié.

Ah ! s'acò 'ro roupèire de l'unifourmita, o !

VIII

Li cant entousiasto de noste ami d'Irlando, li *Parpaioun Blu* de William Bonaparte-Wyse, an desplega d'uno brihanto maniero sis aletto d'azur. Lis aplaudimen di plus aut lis an aculi reialamen en tout país. Entre tóuti lis autre, veici dos letro que fan gau. Lou fin pouèto parisen, Théodore de Banville, i'a escri :

J'ai relu dix fois vos odes si fraîches, si pures, si vivantes. Je ne serai pas de ceux qui s'étonnent que vous ayez pu composer des œuvres si achevées dans une langue qui vous a été étrangère ; car je sais, depuis longtemps, que le vrai poète peut s'approprier toute forme, tout instrument, et que le difficile, c'est d'être poète ! Mais je n'en admire pas moins un si heureux effort, grâce auquel vous avez agrandi et renouvelé votre domaine. Je comprends aussi l'ardente sympathie qui vous a fait courtiser cette muse provençale, jeune, libre, parée de sa seule grâce, et glorieusement étrangère aux corruptions trop civilisées ! Un tel amour purifie et renouvelle ceux qui l'éprouvent, et c'est revivre déjà que d'aimer à voir s'épanouir cette fleur de sang !

Croyez-moi, etc.

Votre tout dévoué,

THÉODORE DE BANVILLE.

E d'Haute-ville-House, en Guernesey, escoutas ço que i' escrièu Victor Hugo, lou 14 d'Abrièu 1868 :

J'ai lu votre beau-recueil.

C'est de la poésie vraie, parfois touchante. J'aime cette vieille langue provençale qui a pour frontières, au Sud, la langue latine ; au Nord, la langue française ; au Sud, Virgile ; au Nord, Voltaire. Vous écrivez là merveille, et avec une noble aisance, en ce vivant et lumineux idiome. Je vous remercie de m'avoir adressé votre livre, et je vous envoie mon applaudissement. Nous sommes frères dans la grande fraternité de l'idéal.

L'idéal, ciel de l'art, est la patrie des poètes.

Je vous serre la main.

VICTOR HUGO.

En presènci d'oumage coume aquéli e de testimòni tau, trouvas pas que li messiés que frouncisson encaro lou nas au prouvençau fan poulido figuro ?

IX

Apounden à-n-aco ço qu'a di aquest an de nosto lengo un autre grand pouèto, Théophile Gautier, carga pèr lou Menistre de l'Estrucioun publico de ie faire un *Rapport sur les progrès de la poésie* :

La France du Midi a pour langue maternelle la langue d'Oc, que parlait le roi René, et dans laquelle Richard Cœur-de-Lion et Frédéric de Hohenstauffen rimaient leurs sirventès. Cette langue, qui ne s'est pas fondue dans le français comme la langue d'Oïl et demeure fidèle à son antique origine, a fourni un admirable instrument à un grand poète en pleine activité de génie, etc.

X

A l'estrangè païs l'ounour di Prouvençau vai resplendissènt que mai.

En Finlando, lou proufessour C. G. Estlander a publica en suèdès la proumièro partido de soun travai counsciencious sus la literaturo prouvençalo : *Bidrag till den provençaliska litteraturens historia* (Helsingfors, 1868). Vai despièi li Troubadour jusqu'à Belaud de la Belaudiero. La segoundo partido, despièi Belaud jusqu'au Felibrige, sara publicado en francès. En rendènt comteforço favourablamen d'aquelo tèsi d'Estlander, que soun autour a soustengudo davans l'Universita finlandeso, M. Gastoun Paris, de la *Revue critique*, ajusto doç boni causo :

Si on soutenait cette thèse dans une de nos Facultés des Lettres de province, combien d'examineurs seraient en état de la juger ?...

E pièi :

Jusqu'à présent, les patriotes provençaux ont trop négligé la science; ils devraient ne laisser à personne le soin d'étudier et d'apprécier leur ancienne littérature.

En Anglo-terro, ounte lou pouèto Longfellow avié déjà tradu l'*Abuglo de Castèl-Culhè*, de Jasmin, uno traducioun de Mirèio devenié necessari. Un anglès, M. C. H. Grant, establi à Marsiho, n'a fa parèisse uno souto lou titre : *An english version of M. Frederic Mistral's Mirèio from the original provençal*.

En Catalougno, D. Victor Balaguer a douna lou recuei de si *Poesias catalanas completas* (La Bisbal, libr. de D. Antòni de Torres, 1868). Aquéli dous voulume souleious, barbelant, ounte bat lou grand cor, ounte briho l'esprit libre, ounte canto l'amo ardènto de la raço catalano, poudèn à proun de titre li counsidera coume nostre. Es d'abord au Felibrige que soun dedica : *Provènsa ha estat pera mi lo que un jorn fôu*

Catalunya pèr aquells trovadors provensals que sobrevisquèren à la cayguda de la dinastia tolosana, etc. ; un bon noumbre de pèço, e de pèço magnifico, ie soun à la glòri de noste païs ; uno partido meme d'ou recuei, *la Morto vivènto, la mort de Beziès, la bataio de Muret, etc.* es escricho en prouvençau, que l'autour, coume sabèn, gaubejo autant abilamen coume sa pròpro parladuro. L'obro de Balaguer es un mounumen d'amour, de fe, de patrioutisme, pèr li dos nacioun bessouno.

D'aiour, en Espagno, gràci i relacioun seguido que se soun establidò entre t'outi li troubaire de la lengo d'O, la pouèsio prouvençalo es autant couneigudo coume eici. Lou viage di Felibre en Catalougno (que poudès legi après, dins aquest armana) a coungreia eilavau un grand noumbre d'escri en l'ounour de Prouvènço. *Calendau* es tradu en catalan pèr D. I. Roca y Roca dins lou journau barcilounès *Lo Gay-Saber*. Vrai que lou terren èro esta prepara de longo toco pèr l'illustre proufessour de l'Universita de Barcilouno, D. Manuel Mila, dins l'obro intitulado : *De los trovadores en Espana, estudio de lengua y poesia provenzal*. (Barcilouno, libr. Vendaguer, 1861), ounte soun espasado e esclargido pan pèr pan li relacioun antico d'ou Miejour de la Franço e de la Catalougno, nosto influènci prouvençalo sus la literaturo de delai li Pirenèu, e l'estrecho parentèlo di dos lengo. En Itàlio enfin, la *Comtesso*, de Mistral, es estado traducho pèr lou celèbre tragedian Ernesto Rossi.

XI

Cadun saup qu'à Marsiho, emai à-z-Ais, li pastouralo poupulàri sus la neissènço d'ou bon Diéu, i'a long-tèms que soun en yogo. Aquest ivèr, un troubaire avignounen, Danis Cassan, autour emai atour, a fa grand foulo, touto la quaranteno de Calèndo, davans lou tiatre prouvençau qu'aviè dubert en Avignoun. Sèns coumta l'enavans, lou biais que fau pèr ourganisa 'no troupo, Cassan a mai-que-mai lou plan coumique, e de soun rire noun counèis que la mita aquèu que noun a ris qu'à si *Parpello d'Agasso*.

XII

Uno antro causo que nous a fa plesi : à l'uberturo de la Court de Casacioun (novèmbe 1867), l'avoucat generau Bédarrides, ounourable e fidèu enfant de-z-Ais, a prounnuncia 'n poulit discours d'intrado sus noste vièi *Dre prouvençau* e lou grand avoucat de Prouvènço, Bonaventuro Des Pèriers.

XIII

Dins un article, l'Armana de 1867 citavo li raris iscripcioun roumano

counaigudo jusqu'eici. La Soucieta arqueoulougico de Beziés vèn de n'en publica uno magnifico. Es uno taulo de mabre blanc, pourtant, en letro goutico e en 68 vers, la coundanacioun d'un conse de Beziés qu'avié fa de mal-adoubat. Coumenço coume eïço :

L'an. m. cccc. l. viii
del. mes. de. Jul. a. xviii
regnan. en. sa. hauta. poissansa
Karles. lo. noble. rey. de Franssa
fouc. aquest. eserich. ordonat. etc.

A prepaus d'iscripcioun, diguen eici que la vilo d'Eiguiero, qu'a pèr armo parlanto tres *eiguiero* o eigadiero, vèn de prene pèr deviso e de faire grava souto sis armarié : *L'aigo fai veni poulit*. Se poudié pas mies chausi, car aquéu galant prouvèrbi, tout en retrasènt *l'aigo*, etimoulougio d'Eiguiero, rapello en meme tèms que la soubrieta es maire de la bèuta.

Di gravaduro à l'esculturo i'a qu'un saut : au Saloun parisen d'aquesto annado, s'es forço remarca uno bello estatuo nuso, de l'avignounen Fulconis, la *Princesso Clemènço*, obro ispirado pèr aquèstis estrofo de *Ca-lendau* :

Dins l'uno apercevias Clemènço,
Fiho dóu Comte de Prouvènço
Carle Segound lou Goi, emé li mandadou
Dóu rèi de França, qu'en mariage -
Vòu l'enmena : mai es lou viage
A coundicioun que d'abihage
Elo se mostre nuso, e qu'i regardadou
Se manifèste sènso deco, etc.

XIV

Un jouine savènt de Lioun, M. J. Fourreau, qu'a courregu d'à-pèd e erbeja curiosamen pèr tout lou ribeirés de noste Rose, vèn d'empremí uno obro que devèn revendica pèr felibrenco. Es lou *Catalogue des Plantes qui croissent le long du cours du Rhône* (Paris, libr. F. Savy.) ounte es reabilido uno ilustracioun provençalo, car l'autour a restabli emé resoun que-noun-sai de gènre crea pèr Tournofort, lou grand boutanisto d'Ais, e mal-à prepaus deshateja pèr Linneus. De mai, en l'ounour dóu pouèto qu'a poupularisa la Floro de la Crau, de la Camargo e dis Aupiho, M. Fourreau a nouma *Mistralia* un nouvèu gènre de planto coustituí pèr éu (lou garou o canto-perdris).

Oubliden pas nimai *l'Historia del siti do Girona* pèr Don Lluís Cutchet, obro simpla, toucanto, poupulàri, dedicado peréu *Als felibres de Provença*.

L'Acadèmi franceso semound un pres de 2000 fr. en quau tratarà lou mies lou sujèt següent : *Etude sur les dialectes de la langue d'Oc au moyen-âge*. Li councurrènt cercaran a marca li caratère d'aquéli dialeite d'après li doucumen que i'a, e d'après subre-tout lis encartamen di quau l'age e lou païs soun bèn couneigu. Lou pres sara douna en 1870.

Dins l'armana de 1867, noste brave Cascarelet, qu'a jamai agu, segur la pretencioun d'enventa tout ço que conto, countè, à la bono franqueto, l'istòri dóu curat de Cucugnan. Aurié pas manca de dire, s'avié pouseu lou saupre, quau avans éu l'avié countado. Aquest an soulamen, avèn sachu lou noum de l'escrivan d'elèi que, i'a ùni nòu o dès an, faguè counèisse Moussu Martin i leitour de la *France littéraire*. Aro que nous es possible, nous fasèn un devé de lou nouma : ie dison Blanchot de Brenas.

E acaben en anonciant la segoundo edicioun de la *Farandoulo* d'An-sèume Mathieu, revisto e aumentado, e toujours fresco e poulideto coume tóuti lis obro d'inmourtalo pouèsio ; uno granda edicioun dóu *Siège de Cadaroussa*, ilustrado em' uno voio dóu tron-de-l'èr, pèr M. Ch. Combe, de Dièu-lou-fet, e tirado soulamen (e malurousamen) qu'à 50 eisemplàri (Lioun, empr. Stork) ; un bouquet de *Cuntico à l'ounour di Santi Mario e de Santo Saro*. (Avignoun, empr. Chaillot) ; un librè gascon, *Moumens perduts*, de J.-D. Rigal (Agen, emp. Quillot) ; epèr parèisse aquest ivèr, soute lou titre *Long dóu camin*, un voulume de vers de Roumié Marcelin.

G. DE M.

25 Outobre 1868.

SOUSCRIPCION PÈR UN MOUNUMEN A SABOLY

Se lou recit di fèsto de Catalougno e de Sant-Roumié avié pas pres tant de large dins lou presènt armana, aurian douna, coume l'avian proumés, li noum de tóuti li souscrivèire au mounumen de Saboly. Sara pè un autre an. — Sian countènt dóu resultat òutengu. Se la soumo acampado es pancaro proun grosso, nombrous soun li que l'an fourmado, e de tout cor li remercian.

L'afecioun qu'an agu pèr la memòri dóu rèire Saboly tant de bravi gènt, s'espandira de mai en mai, l'esperan bèn ansin ; e faren l'argènt que nous es necite pèr auboura nosto colono en pèiro sino, e sus la colono, lou buste en riche maubre blanc dóu glourious cantaire de Betelèn. E pèr pau qu'Avignoun nous segounde, auren lèu en Avignoun la *Font de Saboly*.

Touto souscripcioun deü èstre adreissado à J. Roumanille, libraire en Avignoun.

LA CABRO DE MOUSSU SEGUIN

I

Moussu Seguin avié jamai agu de bonur emé si cabro.

Li perdié touti d'uno memo façoun : un bèu matin roumpien sa cordo, s'escapavon dins la mountagno, pièi eilamoundaut lou loup li manjavo... Ni li bôni maniero de soun mèstre, ni la pòu dóu loup, rên poudié li retenir. Èro, parèis, de cabro forço fêro, qu'avien besoun, coume qu'anèsse, de grand èr e de liberta.

Lou brave Moussu Seguin, que còumprenié rên au biais de si bèsti, èro pas countént. Disié : Es fini ! l'oustau vên en ôdi à mi cabro : n'en gardarai pas uno, veirès...

Pamens tenguè lou cop; e 'mai aguèsse deja perdu sièis cabro de la memo façoun, n'en croumpè 'no setenco. Soulamen, aquesto fes, la prenguè touto jouineto, se cresènt qu'ansin la bèsti s'acoustumarié mies.

Ah ! mis amj, qu'èro poulido, la cabro de Moussu Seguin ! qu'èro poulido emé sis iue dous, sis esclop negre e trelusènt, si bano barracnado e si long péu blanc, que ie fasièn, aurias di, un bèu jargau de velout... E pièi amistouso, bravo, pourgènt si pousseto sènso boulega, sènso reguigna malicioussamen pèr faire enversa l'escudello : un tresor, aquelo cabreto !

Moussu Seguin avié darriè soun oustau un pichot prat : ie meteguè sa cabro, estacado au mitan coume se dèu, e 'm'acò venié veïre de tèms en tèms se la bèsti èro bèn... S'èro bèn !... Lou crese ; fasiè gau de la veïre trissa l'erbetò. Lou bon Moussu Seguin n'èro tout galoi : Enfin, se disié lou paure, aquelo au-mens s'enuiara pas, à l'oustau !...

Moussu Seguin s'enganavo : la cabreto s'enuiè.

II

Vous trouverès qu'un jour la simplasso se diguè, en regardant la colo :

— Coume dèu faire bon eilamoundaut ! que chale d'escala dins li brueio, sènso aquelo marrido cordo que vous estrasso lou còu... Es bon pèr un ase o pèr uno vaco de passa sá vido dins un pradoun... Nautre, la cabruno, nous fau mai de large...

Subran l'erho dóu prat ie semblè aïsso. Se languiguè. Venguè maigro. Tout lou jour estiravo sa cordo, lou mourre vira vers la mountagno, e disié : Mè ! mè ! que fasiè traire peno.

Vesiè bèn, Moussu Seguin, que la cabro avié quicon, mai sabié pas ço

qu'èro. Un matin, que soun mèstre acabavo de la moute, la cabro se revirè, e ie diguè dins soun parla de cabro :

— Escoutas, Moussu Seguin, me languisse à voste oustau : leissas-m'ana dins la mountagno...

— Ai ! moun Diéu ! emai aquelo ! cridè lou bon Moussu Seguin. E d'esfrai leissè tounba lou toupin. Pièi, s'assetant dins l'erbo, au coust de la cabro :

— Coume, Blanqueto, ie venguè, te vos enana ?

Blanqueto respoundeguè :

— Me vole enana, Moussu Seguin !

— As belèu pas proun d'erbo, dins lou prat ?

— Oh ! si, Moussu Seguin !

— Alor es que t'an estacado trop de court.... Poudèn, se vos moula 'n pau mai de cordo...

— Nàni ! Moussu Seguin, prenguès pas la peno !

— Mai de-que vos alor ? de-que te fau ?

— Me vole enana dins la mountagno, Moussu Seguin !...

— La mountagno, malurouso ! ie sounjes pas... I'a lou Loup, dins la mountagno... Se 'n cop te vèn dessus, coume faras ?...

— Ie mandaren de cop de bano, Moussu Seguin...

— Pecaïre ! de cop de bano !... A bèn pòu de ti baneto, aquèu grand gusas de Loup ! Vai, a fa si fretò de mis àutri cabro, qu'èron bèn plus grosso e plus forto que tu, petouso !... Sabes bèn : la grand Reinaudo, qu'èro eici avans tu, un foutralas de cabro, plus auto qu'un vaco, em'un parèu de bano !... Eh ! bèn, Reinaudo se bateguè 'mé lou Loup touto la niue, pièi lou matin lou Loup la manjè...

— Pauro Reinaudo !... Es egau, Moussu Seguin : leissas-m'ana dins la mountagno.

— Malan de Diéu ! (que me fariès dire), faguè Moussu Seguin, sara pas di que lou Loup te manjara coume lis autro !... Te vau embarra dins l'estable, e 'm'acò pas mai !

Faguè coume aviè di, enmenè la cabro dins l'estable, un laid establas tout negre, e clavè lou pourtau, cri ! era ! à tres o quatre tour... Malurousamen, — li gènt s'avison pas de tout, — Moussu Seguin oubliè de barra la fenèstro, e pèr la fenèstro Blanqueto s'enanè.

III

Quand la cabro de Moussu Seguin arribè dins la mountagno, fuguè uno fèsto, cilamoundant, universalò ! Jamai li pinedo avien rên vist de tant poulit : la reçaupèron coume uno pichoto rèino ; li pin-pignoun ie

fasien de grand salut, e davans elo li floureto embaumèron tant que pou-dien. Touto la colo èro en joio.

Se nosto cabro èro countènto, es pas necite de lou dire... Ges de cordo ! ges d'estaco ! Es aquí que n'i'avié, d'erbo, e de touto merço e pèr-dessus li bano... La bauco dóu pradoun èro rên à respèt.

La cabro blanco, en aio, folo e embriago, se ie viéutavo dedins, li cambo en l'èr... E zôu de saut ! zôu de cambareto !... La vaqui aro sus un piue, aro eilavau au founs d'un vabre, à drecho, à gaucho, per-tout... Aurias di que i'avié dès cabro de Moussu Seguin dins la moun-tagno.

Es qu'avié pòu de rên, nosto Blanqueto ! D'un vanc afranquissié li cataracho, pièi touto ttempo e blanco d'escumo, s'enanavo eidraca au bon soulèu sus un roucas. Un cop, en rihejant lou bord de la peno, em'un brout de genèsto i dènt, veguè eilavau, pereilavau dintre la coumbo, l'oustau de Moussu Seguin, emé lou prat darriè. Acò la faguè bèn rire !

— Quet oustaloun ! pensavo... Qu'es pichoutet ! Mai es poussible que iéu aquí-dedins ague pouscu viéure !

Pecaire ! de se veïre quihado tant aut, la petouseto se cresié pèr lou mens autant grosso que la mountagno...

A la bono dóu jour, en barrulant dins la séuvo, nosto Blanqueto res-countrè quàuquì chamous en trin de faire riboto à l'entour d'uno lam-brusco. De veïre aquelo chatouno en raubeto blanco, aquéli moussirot fuguèron esbalauvi, e ie faguèron, pensas-vous, un acuei magnifique. Me siéu meme leissa dire qu'un chamoussèu negroun aguè l'ounour de plaïre à Dono Blanqueto... Li dous calignaire passèron dins lou bos uno mie-choureto ensèn ; e 'm'acò se voulès n'en mai saupre, anas lou demanda i sourgènt invésible que babihon dins li moufo.

IV

Subitamen lou tèms se refresquè, e la colo devenguè vióuleto...

— Deja la niue ! es pas poussible ! faguè la cabro. E chaurihè touto esmougudo. La coumbo, eilavau, èro negro ; lou prat de Moussu Seguin despareissié dins lou calabrun, e de l'oustau nouu se vesié qu'un pau de fum que mountavo.

La cabro regardè lou fum, escoutè lou din-din dis avé que rintravon à la jasso... Un gerfaut, que passavo dins la niue, la frustè de sis alo... Avié pòu... Pièi tout-en-un-cop s'ausiguè 'n long ourlamen dins la mountagno : — Hou ! hou !

Blanqueto pensè au loup : aquelo simplasso i'avié pas pensa de tout lou jour. Un moumenet après, lou biéu de Moussu Seguin s'entendeguè

boumbi adavau dins la coumbo. Lou paure ome fasié 'n darrier esfors.

— Hou ! hou ! venié lou Loup.

— Retourno-te ! retourno ! bramavo la troumpo dóu mèstre.

Blanqueto aguè proun envejo de s'entourna ; mai en sounjant au pichon prat e à l'estaco, pensavo, ma fisto, qu'aro qu'avié tasta la liberta, pourrié jamai recoumença la vido de presoun.

Lou biéu sounavo plus...

La cabro entendeguè à rèire un brut dins lou fuiage, se revirè, e destousquè dins l'oumbro dos anribo courto, lóuti drecho, emé dous iue de braso qu'alucavon... Èro lou Loup !

V

Grand, gros, espaventable, asseta sus soun quiéu, lou Loup èro aqu qu'espinchavo la cabreto ; e se n'en coungoustavo pèr avanço. Coum sabié bèn que la pauro Blanqueto poudié pas i'escapa, lou seran se pressavo gaire. Soulamen quand la bereto se revirè, lou bregand se meteguè à rire malamen :

— Ha ! ha ! la pichoto cabro de Moussu Seguin !..

E m'acò s'esperlicavo, passant sa lengo roujo, sa grosso lengo rouja sus si brego d'amadou.

Blanqueto se veguè perdudo. Em' aquéu grand bourrèu la lucho èr impoussiblo... Un moumen, en se souvenènt de la grand Reinaudo qu s'èro batudo touto la niue pèr èstre manjado lou matin, Blanqueto s'è diguè que vaudrié mies se leissa manja tout-d'un-tèms ; mai pièi se ravisé e se meteguè en gèrdi, la tèsto basso e li bano en avans, coume uno bravo cabro de Moussu Seguin qu'èro... Esperavo pas manja lou Loup, — peccaire ! jamai cabro an manja loup ; — soulamen voulié vèire se pourrié teni bon jusqu'au matin coume la grand Reinaudo.

Alor lou moustre s'avancè, e li pichòti bano se boutèron en danso.

Ah ! la bravo cabreto ! coume l'anavo de bon cor ! Au-mens dès fèses la verita, faguè recula lou Loup. Entre-tèms la galavardo arrapavo de galapachoun un brout d'erbetò, e tournavo à la bataio, en roumiant... e coume acò touto la niue.

De tèms en tèms la cabro de Moussu Seguin regardavo lis estello qu dansavon dins lou cèu clar, e se disié :

— Ah ! se poudiéu teni jusqu'au matin ! A cha uno lis estello s'evaliguèron.

E zóu li cop de bano ! e zóu li cop de dènt ! Eilalin, lou cèu blanquejé Lou cacaraca d'un gau enraumassa mountè d'uno bastido...

— Ie sian ! enfin !... diguè la pauro bèsti. E se couchè sus l'erbo dins soun bèu jargau de velout blanc tout ensaunousi.

Alor lou Loup se jità sus la pichoto cabro, e la manjè.

E vaqui, mis ami, d'ounte vèn lou prouvèrbi que se dis en Prouvènço ,
*A dóu mau de la Cabro de Moussu Seguin, — que se bateguè touto la niue
'mé lou Loup, e pièi, lou matin, lou Loup la manjè.*

ANFOS DAUDET.

Paris, Avoust, 1868.

LA MASCO DOU CASTELAN

I

De la draio dóu cementèri
Part un draiòu plen de mistèri,
Que vai montant e davalant ;
Dis auciprès l'oumbro negrasso
E lou bram rau di tartarasso
Fan orre esfrai à quau ie passo :
Èi lou draiòu dóu Castelan !

Au Castelan, dison li chato,
Dins un vièi tourrihoun s'acato
Uno masco à l'ïue treboula ;
Dintre li merlet di muraio,
Lou béulòli sèmpre varaio ;
La Masco, dison, se gaugaio
Quand l'Esperit ie vèn parla.

Li grand fèsto, vèn au vilage :
Raubo pas lis iòu di meinage,
Fai pas tort is enfant paurous ;
Mai i chato qu'an de fringaire,
I paréu, urous calignaire,
Dardaio un regard galejaire,
Mort o vido dis amourous.

II

Un sero, la luno dounavo :
Souleto, uno chatouno anavo
Dins lou draiòu dóu Castelan ;

Soun brut de pèd dins li clapiero
le fasié pòu... A la sourniero
Entre-vesiè de la sourciero
Lou lumenoun... ; e, reculant :

— Nàni ! nàni ! disié 'sfraiado,
Dins la tressusour, esglariado,
l'a que la mort dins este infèr !...
Te veirai plus, moun bèl amaire !
Me veiras plus, ma pauro maire,
Car, l'ai ausi lou cant bramaire
De la Masco e de l'aucèu fèr !... —

E l'aucèu fèr, dins li muraio,
Sèmpe que mai bramo e varaio !
Subran la Masco sort : — Quau, dis,
Quau a lou front, souto mi tourre,
A talo ouro, de veni courre ?...
Ah ! ah ! fai pièi, un poulit mourre,
Un perdigau de Paradis !...

Vène, e veirai, o vierginello,
Resplendi ta caro brunello
Au fio sacra de moun fougau. —
E pèr la man pren la chatouno,
Que d'esfrai quilo e s'amoulouno...
— Te parlarai d'èu, o tendrouno !
E moun parla te fara gau.

III

Pièi atubo au fougau, la vièio,
Sa regalido de bourrèio ;
E sa voues routo, en tremoulant :
— Aro, dis à la piéuceleto,
Lou fio crèmo, e sian plus souleto :
L'Esperit parlo, o ma pouleto !
A la Masco dóu Castelan ! —

E l'amourouso, espavourdido :
— Masco, moun amour es ma vido !
More, s'enmasques moun amour.

— Noun vole amoussa toun estello :
Pamens, s'un nivo l'enmantello,
Iéu noun poudrai, ô jouvencello,
Ie tourna rèndre sa clarour...

Porge eici, porge te manoto... —
Quatecant un crid de machoto
Estavanis la pauro enfant...

— Ai ! malur ! fai la vièio Masco !...
Ai ! ma chato, quand vendra Pasco,
A Nosto-Damo-de-Venasco
Calignaras pas aquest an !

Liuen dóu Coumtat, liuen dis Aupiho,
Iéu vese alin uno tourriho...
Ie sies anado t'embarra...
Uno raubo de lano blanco,
Pecaire ! escound ti bèllis anco...
E quand tout ris dins ta calanco,
T'entènde soulo souspira.

Iéu dins lou dóu vese un troubaire,
Iéu ause, en Prouvènço, un cantaire
Que dis, en plourant, sa doulour... —
E s'aubourant, atremoulido :
— Masco, moun amour es ma vido !
Mourirai doune, la chato crido !
M'as passi moun bèl ile en flour !...

IV

E pièi, quand reflouriguè Pasco,
A Nosto-Damo-de-Venasco
Li chato venguèron... Ai ! las !
Ie veguèron plus la jouvèntó
A soun amaire sourrisènto...
Aro prègo, mounjo doulènto,
E soun prega fai soun soulas.

ROS0-ANAÏS ROUMANILLE.

Ame uno bello chato, un ange d'amoundaut :
La vos vèire, Beloun ? Vai davans toun mirau. — L. R.

LA PICHOTO

La vièio maire Bounet, qu'es de Sant-Jan-de-Saut, — dise vièio, ca
aura bèu cènt-un vèngue la Madaleno ; dise maire, car a 'no fiho qu
n'aura quatre-vint-dous pèr Paseo, — venien ensèn, maire e fiho, d
buscaia, e, lou fais sus la tèsto, tournavon, tóuti dos, chanchaneto,
l'oustau.

— E bèn ! maire Bounet, ie diguè lou Breca, que li rescountrè, vou
lès doune mouri soute lou fais ?

— Que vos ? ie respond la maire. Venèn d'acampa quàuqui busco, ape
raqui, iéu emé la pichoto.

LOU CASCARELET.

EN QUAUCUN

Arrapant li cisèu que porto à soun clavié,
Uno chato a culi dius sa como uno treno
Que t'a dounado pièi... Se la bello savié
Qu'acò te fai ploura coume uno Madaleno,

Que ta pensado, ami, finqu'ador tant sereno,
Elo l'a treboulado enjusqu'à la fouhé,
Que tu la seguiriés, quand sarié la Sireno,
Te descrestianariés pèr elo, se falié,

Un jour, au bord di mar mesclarias vòstis amo ;
Quand chascun aurié dich à l'autre coume l'amo,
Quand dins l'amour unen vous sarias amudi,

L'iue terne e claus à mie, li gauto dins la flamo,
E de la vido plen, soute la memo lamo
Ensèn trouvarias dous de vous aproufoundi !

FÈLIS GRAS.

Octobre, 1868.

L'autre jour à l'Ecò Bourtonmièn demandé
Se Simoun èro un bon pagaire.
L'Ecò subran ie respoundè :
Pas gaire !

FELIP VIGNE.

UN MOT DE JAN DOU CAILAR

Un generau de l'encian regime, Jan dóu Cailar, — qu'èro de Sant-Bounet-de-Touiras en Lengadò, e manescau de François souto Louis XIII, — anavo un jour douna bataio à l'enemi. Un de sis òuficié tout-en-un-cop s'avanço e ie demando un counjiel pèr ana vèire soun paire malaut. Lou manescau ie refusè pas, mai soulamen ajustè eiçò :

Ti paire e maire ounouraras,
E coume acò long-tèms viéuras.

LOU CASCARELET.

LI MORT

AU FELIBRE CATALAN F. BARTRINA

Al trist so branda funeral campana...
F. BARTRINA.

Dindas, campano de la mort,
Lugubre councert que trebouro !
E ièu, à vosto voues que plouro
Apoundrai li planh de moun cor !

Sounas à brand ! d'aut ! sounas fort !...
Ah ! pousquessias me dire quouro
Un clas ansin picara l'ouro
Que dèu finí moun triste sort !...

Savès, moun Diéu ! savès se l'ame,
Ma douço amigo... e ie reclame
De-bado un soulet mot d'amour !

Alor, de-longo dins la peno,
Malamen ma vido s'abeno,
E bèle après moun darrié jour !

L. ROUMIEUX.

Ah ! poulido, ai ploura despièi que sies partido ;
Despièi que sies partido ignores tout moun mau ;
Ignorees tout moun mau, enfant adoulentido !
Enfant adoulentido, un cor èi bèn malaut ;
Un cor èi bèn malaut : es lou mièune. Ah ! poulido !...

L. R.

UNO ARLATENCO

AU R. PAIRE O... RELIGIOUS MARISTO

En Arle, moun noble païs,
Iéu s'abe uno gènto fihto
Qu'a 'no puro e fresco bouqueto,
Uno bouqueto que sourris :
Es la plus galanto floureto
Di flour qu'espelis la Rouqueto,
En Arle, moun noble païs.

Quand la vertu vous enmantello,
Ah ! jôuini fiho que sias bello !...

Elo n'a gens de vanita ;
Se pren pas gardo qu'es poulido ;
Es douço, es bouniasso, es coumplido.
Li jour que se fau ajusta,
Quand lou mounde au plesi counvido :
Se n'enchau gaire Margarido :
Elo n'a gens de vanita.

Quand la vertu vous enmantello,
Ah ! jôuini fiho, que sias bello...

Li gènt, en la vesènt passa,
La bèlon que poudès pas crèire ;
Tôuti la bèurien dins un vèire...
Tèn sis iue douçamen beissa :
Soun anâmen a tant de graço
Que li gènt : — Lou bèl ange passo,
Dison, en la vesènt passa.

Quând la vertu vous enmantello,
Ah ! jôuini fiho, que sias bello...

Elo es toujours de bono imour
Dms soun oustau ; l'urouso maire
Jouïs de vèire que si fraire
Toujour que mai, de jour en jour,
L'amon, l'amiron, ie fan fèsto ;

Risènto, douço, umblo e moudèsto,
Elo es toujours de bono imour.

Quand la vertu vous enmantello,
Ah ! jòuini fiho, que sias bello...

Quand es au pèd di sants auta
Pèr adoura lou Diéu-Sauvaire,
Dirias qu'es un ange adouaire,
Se vesias soun umelita.
En recebènt lou pan de vido,
Ah ! quèti rouito a Margarido,
Quand es au pèd di sants auta !...

Quand la vertu vous enmantello
Ah ! jòuini fiho, que sias bello...

Dins aquelo ouro de fervour,
Sus sa figuro vierge e semo
Perlejon de dóuci lagremo,
De dóuci lagremo d'amour.
Soun cor parlo, sa lengo es mudo ;
Dins lou cèu soun amo es perdudo,
Dins aquelo ouro de fervour.

Quand la vertu vous enmantello,
Ah ! jòuini fiho, que sias bello...

Es un ange de carita ;
Tóuti li paure la benisson.
Lis iue di malaut la seguisson,
Quand vèn l'adurre, emé bounta,
De pichòti douçour, pecaire !
E ie parla dóu Diéu-Sauvaire...
Es un ange de carita.

Quand la vertu vous enmantello,
Ah ! jòuini fiho que sias bello...

Mai cresès que sa devoucioun
Rènd Margarido sournò e tristo ?...
Es d'uno gaieta requisto,

Vivo coume un perdigaloun.
Ris de bon cor dins la coumpagno :
Coungreio pas la malamagno
Sa bono e santo devoucioun.

Quand la vertu vous enmantello,
Ah ! jôuini fiho, que sias bello...

Es d'un gâubi tant avenènt
Que li fiheto de soun age
Tóuti l'amon ; sus soun passage
Tóuti ie parlon en risènt...,
Lèu, lèu ie porjon si maneto
Lis enfant ; ie fai risereto
Em' un gâubi tant avenènt !

Quand la vertu vous enmantello,
Ah ! jôuini fiho que sias bello...

Lou mounde injuste e mau-parlant
Souvènt douno de hòni coto
Subre la tèsto di devoto...
Pèr Margarido a 'n autre cant :
Oh ! pèr aquelo, es uno santo.
La vertu, dis, ie vèn de planto,
Lou mounde injuste e mau-parlant.

Quand la vertu vous enmantello,
Ah ! jôuini fiho, que sias bello...

Fiho de moun noble païs,
Perlo fino de la Rouqueto,
Faguès pas coume l'alauveto
Voulant an mirau que luisis.
Lou mounde es plen de causo salo :
l'enfangousirias vòstis alo,
Fiho de moun noble païs.

Quand la vertu vous enmantello
Ah ! jôuini fiho, que sias bello...

LOU CHAMBROUN

l'a dins un caire lou carriòu,
l'a de titèi abandounado,
l'a si jouguet, i'a pèr lou sòu
Sa camiseto festounado.

Li perlo que poutavo au còu
A-n-un clavèu soun pendoulado ;
E la pousso coume un linçòu
Cuerbe la brèssò desoulado.

Si soulié blu, tant lèst, tant vièu,
Soun au mitan, e proun, moun Diéu !
Soun esta courrèire e jougaire...

Mai vèn quaucun... Barras, e chut !
Sus aquèu chambroun fugués mut :
l'es pancaro intrado la maire !

ROSO-ANAÏS ROUMANILLE.

1868.

BERETO

I

Roufia, — couneissès pas Roufia ? — Roufia-di-Courbiero es un galant país dóu bas Lengadò, qu'a bèn 220 amo, en coumtant Bernadou : Bernadou, lou veirès, es uno amo que comto.

Se Roufia èro un anèu, Bernadou n'en sarié la bago, car es bèn veritablamen un perlet d'ome, pagès ounèste, abarous, un pau distra, mai intèligènt. Saup legi, saup escrièure, talamen qu'à l'armado, d'ounte es tourna, l'avien fa capourau. E pas fièr, dins acò. Tambèn, dins lou país e lis environ, a bon renoum e hèu trelus.

Es lou tout-obro de Roufia : es èu que rampello quand fau faire assaupre quicon i Roufiaquen de la part de Moussu lou Maire ; à la glèiso, coucho li chin ; e, quand i'a grand messo, li bèlli fèsto, li chin se lou dison, car Bernadou canto au letrin ; dins lou champ, gardo, lou sabre sus l'anco, la placo sus lou pitre ; trignolo au clouchiè ; basto, entarro li mort, e.... mounta lou reloge es sa founcioun d'ounour !

Car i'a 'n reloge à Roufia, e di bon, e que pico li quart. Eh ! se l'avié pas un reloge aqui, ounte, diàussi ! n'en aurié ? Roufia es la bello patrio dis Abadié, reloujaire d'elèi e renouma bèn liuen.

II

Fau doune vous dire qu'un vèspre, après soulèu tremount, Bernadou tournavo de rustica, la biasso sus l'esquino e lou bechas sus l'espalo, uno cordo à la man, e pièi, au bout de la cordo, li pouisso boudenflo de la, Bereto, la bravo Bereto, uno bello cabro negro e blanco, bano auto e pèu lusènt, escarrabihado, e fouligaudò, e vivo coume l'ambre, ço que pòu se dire un tresor de cabro.

Èro l'ouro de l'angelus, emai passavo, quand Bernadou s'atròuvè davans la glèiso. Leissè soun bechas à la porto, intrè dins la glèiso emé Bereto, e sounè l'angelus. E sourtiguè.

En passant pièi davans la grand tourre dóu reloge :

— Tè ! perqué ie sian, se diguè, se mountavian lou reloge. Sarié tant de fa. Li pes dèvon èstre bas.

Efetivamen, li pes èron bas...

E Bernadou pauso soun bechas, estaco sa cabro, e mounto à la grand tourre... Mounto que mountaras ! Fai lèu soun obro, e, l'obro facho, davalo en siblant, — quand Bernadou 's countènt, siblo, — davalo galoi d'avé coumpli journado, e d'ana vèire, à l'oustau, se Marioun avié mes la taulo e se la soupo èro espoumpido.

III

Quand fuguè davala, trovè soun bechas, mai la cabro... ges de cabro !

Cerco à soun entour, viro, tourno, aqui, eila, dedins, deforo... Ges de cabro !

— Ma cabro !... mai ounte a passa ma cabro ?

E la sono : — Bereto ! Bereto ! tè, Bereto !

Bereto respond pas !

— M'aurien rauba ma cabro ? Quau m'a rauba ma cabro ?.... Tè, tè, Bereto, tè ! I'a qu'un capoun coume lou Barbarin que pòu m'avé rauba ma cabro !...

Em' acò sor esglaria, lou paure Bernadou, e, dins tout Roufia, demando, despoutenta, sono e crido Bereto : Tè, tè, Bereto, tè !

Ah ! ço, vai ! res a vist Bereto, res, pas meme lou Barbarin.

IV

Desalena, intro pièi dins soun oustau...

— Mai, qu'arribo, Bernadou ? ie dis Marioun, espaventado, quand lou vèi susant à gros degout, desfacia, trevira, tremoulant coume la fueio de l'aubre e pale coume un mort.

— Bereto !... l'as eici, Bereto ?

— Noun. Sabes bèn qu'adematin, l'as menado à la terro ?

— Adièu, ma cabro ! Uno font de la ! Oh ! lou gusas ! me l'a raubado.

E conto à sa Marioun ço qu'arribo, coume acò s'es fa, que passavo, qu'èro tard..., que l'angelus..., que lou reloge..., qu'a estaca sa cabro, qu'ansin, autramen...

— E bèn ! sian poulit, dis alor Marioun en plourant... Uno cabro que valiè soun pesant d'or, e que l'amave tant ! nous rendié tant de sòu !... Tè, Bernadou, esquicho-te, rustico, suso ; tè, gardo, rampello, coucho li chin de la glèiso, canto grand messo, sono vèspro ; tè, entarro li mort, mounto lou reloge ! Te faudra proun rebouli pèr t'espargna 'no cabro ! Ai ! ai ! ai !

V

Basto ! Marioun e Bernadou anèron se jaire, triste e mut, e noun ple-guèron l'iue, pecaire ! Ie semblavo toujour qu'anavon ausi lou bè-bè ! de Bereto ! E, coume se dis, coumtèron lis ouro. Ah ! que trop n'en coum-tèron ! e fuguèron pas li soulet ! Anas vèire....

— Qu'es acò ? cridè subran Bernadou, en s'aubourant, esfraia, sus la lietocho. Ai ! ai ! ai ! un malur vèn jamai soul ! Auses, Marioun ?

— O. Lis ouro sonon. Dès ouro.

— Tout-bèu-just s'es nòu ouro, e n'en a souna vounge ! Auses ?... Dan ! dan ! dan ! Sono, sono de-longo ! Tout se tèn, lou proumiè cop e lou re-pli... Miejo-niue, uno ouro, dos... Dan ! dan ! Coume se despacho ! des-memòrio.

— E bèn, dounc, moun paure Bernadou ?...

— E bèn ! veses pas, garço ! que moun reloge repepio, e que sièu un ome perdu ? Que van dire de ièu, deman, dins tout Roufia ? Me van faire li bano e sarai la machoto !...

— Jèsu, Maria, Jòusè !... te faran de bano !

— Un reloge ansin, ounour de Bernadou e di Roufiaquen, qu'aviè jamai brounca ! Queto mino tendrai ièu quand me faran escorno ? Pode plus vièure....

Se Marioun lou retenguèsse pas, se sariè tra segur de la fenèstro en bas !

E lou reloge vague de souna ! Auriàs di que sounavo li clar de la pauro Bereto. A Roufia, aquelo niue, n'aguè de bèu, m'es esta di, que la passeròn blanco, e proun que se levèron pèr courre, courre au fio.

VI

La niue fuguè longo, longo coume un jour sèns pan. A la fin pamens pounchejà l'aubo, e fuguè pièi grand jour. Alor, avans l'angelus d'ou matin, Bernadou cour à la tourre d'ou reloge.... que sounavo encaro ! mounto pèr vèire eilamoundaut lou mal-adoubat, e ie pourta remèdi, se se pòu. Duerb, intro, e vèi....

Ai ! grando santo Vierge, misericòrdi, moun Diéu ! vèi Bereto, o, Bereto, sa Bereto, pecaire ! pendoulado en l'èr, eilamont, e redo-morto ! Bernadou s'atrouvè mau.

La vueio, avans d'escala la grand tourre, avié 'staca Bereto au gros pes d'ou reloge ; en montant soun reloge, avié mounta Bereto !

LOU CASCARELET.

A MARIO JENNA

Autour de ÉLÉVATIONS POÉTIQUES ET RELIGIEUSES

Dise qu'as dos courouno, e degun dis de noun,
O bello amo que prègo, o douço voues que canto !
E, touti, coume iéu, cridon à ti geinoun :
Es la voues d'uno Muso, es l'amo d'uno Santo.

EMILE DESCHAMPS.

GASCOUN E NOURMAND

Dous coumpagnoun d'ou tour de François, l'un Nourmand, l'autre Gascon, travaïaven ensèn.

— Vau, diguè lou Nourmand, escriéure à mi parènt de me manda quinze franc.

— Bello boufounado ! faguè lou Gascon. Iéu quand prene la peno d'escriéure pèr d'argènt, demande toujour à mi gènt de quatorze à quinze cent franc....

— E l'escrives souvènt à ti parènt ? demandè l'autre.

— Iéu ? jamai, respoundeguè l'enfant de la Garono.

LOU CASCARELET.

LOU PERESOUS

Un cop i'avié 'no damo qu'avié 'n fiéu tant peresous que poudié de ges le modo lou faire leva matin.

— Moun drole, un jour la maire ie venguè coume eiçò, an ! lèvo-te !... Regardo toun fraire Père que, pèr èstre matinié, aièr trouvè 'no boursou pleno de louvidor !...

— Hè, maire, respoundeguè lou fiéu en se virant de l'autre coustat, lou que l'avié perdudo s'ero leva bèn plus matin !

LOU CASCARELET.

A-N-ANFOS TAVAN

Tavan, moun paure ami, plegues en aquesto ouro
Souto lou fais de la doulour,
E, d'un cop de daioun tranca, lou cor te plouro
Mai que tis iue tóutis en plour.

N'as pas tort de ploura, qu'à toun linçòu de noço
A fa, la Mort, un grand estras ;
Souto soun alen fouse toun bèu lume s'amosso...
Ami, plouro que plouraras !...

Leissen, pièi, li lagremo à la desesperanço,
Car nàutri, cresènt Catouli,
A travès dóu toumbèu vesèn la delièuranço,
E l'aubo dins lou jour-fali.

Sabes, tu, que la vido es coume un roumavage
Que tóuti fan, gai o doulènt,
E que di fraire e sorre, avans la fin dóu viage,
N'i'a d'ésvai proun e souvènt.

Ta perdo, de-segur, noun pòu èstre plus forto.
Adièu la joïo, adièu l'amour :
Ta femo, bono, amado, ai ! las ! ta femo es morto,
O, morto, mai pas pèr toujours !

Quand ai vist l'ouro negro escrièure sa sentènci,
I pèd dóu Mèstre te sies tra :
Moun Diéu, gardas, disiés, tant preciouso eïstènci... —
Dins lou cèu Diéu l'a facho intra...

Lou cèu, vaqui la toco e l'eterno calamo
Pèr l'ome las de trampela,
Lou cèu, trelus de Diéu, chale di nòblis amo :
E ie sian tóutis apela.

— En esperant fau vièure, e, nosto caro palo
Au mounde moustrant nòsti dòu,
Fau mai sourrire au mounde, e sus nòstis espalo,
Carga la crous que Diéu nous vòu.

Ansin, triste, mai fort, caminen au suplice
Darrié lou Crist ; e se 'n anjoun
Vuei, umble e pietadous, te porge lou calice,
Vai, deman sara toun Simoun !

Tavan, moun paure ami, perdounno à moun courage
De veni, iéu, pèr lou mau-sort,
éu que cantère antan voste urous enliassage,
Vuei te traire un saume de mort !

A. VERDOT.

Marsiho, lou jour de Sant Miquèu, 1868.

A MOUN AMI S. R.

SUS LA MORT DE SA JOUINO MIGO

Ploures pas, moun ami, se sus la bouco bello
De ta migo, pos plus ti bouqueto pausa :
Pèr tu Diéu amistous, e noun encourroussa,
Es vengu te ravi ta blanco paloumbello.

En aquèu siau reiaume, ount rèp, pòu desbaussa
La Bèn-amado, vuei entrounado ès ta bèlo,
D'innourtalo bèuta devengudo aro estello,
Aro roso d'amour que pòu plus s'espoussa.

S'èro vivènto, lèu, lèu pèr tu sarié morto ;
Dóu mounde li ventas la coucharien pèr orto,
Dessecant de soun cor lou mèu e la clarour :

Es morto ! mai, pamens, elo es pèr tu vivènto,
Alin trasfigurado en divesso lusènto,
Que rèp pòu desmama de bèuta ni d'amour !

W. C. BONAPARTE-WYSE.

LOU TAMBOUR D'ARCOLO

A M. SAINT RENÉ TAILLANDIER

I

PROULOGUE

Anen, enfant de la patrio !
Cantavon li bèu regimen :
Prouvençau, Champagnòu, e Bretoun e Flamen,
Souto li Tres Coulour, au pas, tóuti coutrio,
Poussejavon terriblamen
E marchavon contro l'Austrio.

Eslùci fourmidable estrassant lou tèms sour !
De la Franco ñ pople, aguènt de sa susour
Trempa, qu mai, qu mens, li vigno dóu terriare,
S'èron di : « Lou rasin es madur ! isso, fraire !
Au meme bouldidou fasen bouie ! sara
Lou vin nouvèu, mai encre, e se counservara ! »

E zóu lou fio ! que tout s'embrande !
Zóu ! la vendémio à plen barrau !..
Avien pièi à-de-rèng begu lou vin de Crau
A la Coucourdo unenco, e pièi, se dounant d'ande,
Autour de l'Aubre liberau,
Avien, ébri, dansa lou brande.

Or, de vèire aquéu boui, de vèire aquéu desbord
De moust, de nouvelun, de vido, d'estrambord,
Li vesin Alemand, li bevèire de hiero,
Emé si prince blound passèron la ribiero ;
Mai pèr bouta dins l'ordre aquélis embria,
Atrouvèron, se dis, proun de garbo à lia.

II

LA BATAIO

A l'armado italico
l'a 'n pichounet tambour
Que pèr la Republico
Boumbounejo d'amour.

Es un verme de terro
Sourti de Cadenet ;
Mai aro van en guerro
Li grand e li nanet.

Marchon dre coume d'ïeli ;
Lou mounde es espanta,
Lou mounde es tout contro éli,
Mai an la liberta !

Brusisson li chamado ;
Li courpalas an fam...
Armado contro armado
A l'endavans se van.

Li ribiero, li colo
Vènon li separa ;
Oh ! mai, lou pont d'Arcolo
Vuci li reünira.

Pèr quatre couloubriño
Es defendu lou pont ;
Oh ! mai, dins li peitrino
l'a 'n cor que ie respond.

Ai ! la proumiero tiero
Que vòu passa lou riau
Cabusso touto entiero
Dins lou tron e l'uiiau...

La segoundo bregado
Que sus lou pont parèis,
Ai ! ai ! embrenigado
I mort vèn faire crèis.

Trelusènt, Bonaparte
Aganto lou drapèu :
« Lou pont, dis, fau que parte ! »
E, l'espaso au capèu :

« Granadié, zóu ! » — Abaisson
La tèsto li plus fort,
E, sournaru, se laisson
Escarni pèr lou sort.

Adounc, François erouïco,
Ti fiéu vuei calaran,
Ti fiéu, o Republico,
Espaïme di tiran !

Noun ! un enfant de troupo
Perdu dins lou coumbour,
Un enfant, vès, se groupo,
Ardènt, à soun tambour :

Esglaria, l'amo en fèsto,
Batènt, batènt lou rau,
Cour se metre à la tèsto
Davans lou generau...

Noun es qu'uno bouscarlo,
Pauret ! mai soun tambour
Terrible parlo, parlo
De liberta, d'ounour ;

En coulèro, en furio,
Parlo di vièi, di fiéu,
Parlo de la patrio
E fai dreïssa li péu.

E bèu jouvènt que trenon
E plouron quatecant,
E vièi sôudard que renon
Souto si catagan,

Batènt, batènt la cargo,
Ensèn li fai boumbi,
Li buto, lis alargo,
Bourro-bourro, enebi :

Dins l'esparrado sournon
Que trono sus lou pont,
L'armado s'encafourno,
A bôudre, touto en front ;

Emé lou sang que tubo,
Li crid, li rangoulun,
La poudro que s'atubo,
La mort, lou revoulun,

Cantant la Marsiheso,
Cantant la liberta,
Pèr l'armado franceso
Lou pont es empourta.

III

LOU PANTEON

Ah ! lou pichot Tambour devenguè flòri !
Davans touto l'armado, en plen soulèu,
Pèr estela soun front d'un rai de glòri,
L'ilustre generau ie donnè lèu
Dos masseto d'ounour, d'or e d'evòri,
E lou certificat dins un tablèu.

Pertout, sus li journau, dins lis escolo,
Se citè pèr moudèle e pèr leïçoun ;
Soun noum sauté la mar emai li colo,
Em' aquèu di plus grand quàsi bessoun ;
E meme, dóu pichot Tambour d'Arcolo
Se n'en faguè d'image e de cansoun.

Pièi triounfalamen l'èro marcialo
Au rounfla di canoun se despleguè ;
Dóu Tage souleïous i mar glacïalo,
L'Aiglo sus li nacioun esbarluguè ;
E dins li resplendour emperialo
L'estello dóu Tambour s'esvaliguè...

Pièi passè d'aigo au Rose e d'aigo au Rose,
L'Empèri espetaclous tombè subran,
(Qu vòu tout engoulí, fau que n'en cose),
Passè, passè de rèi, pichoun e grand...
E lou Tambour nadè, cruvèu de nose,
Sus l'aproufoundimen di soubeiran...

Or, à Paris, un jour que s'espaçavo,
Creta, rampous e gris, ear èro vièi,
E que, sounjaire, entre éu se repassavo,
Soun jouine tèms, sa glòri e soun desrèi :
Quatre-vint-nòu, aquèu desbord de savo,
La Republico à brand, la mort dóu Rèi ;

De noste Mirabèu la trounadisso,
E, montant sus Paris, li Marsihés ;
De la Revouluciou la bramadisso ;
E la levado en masso ; e lis Anglès,
Lis Alemand, li Rùssi, en mescladisso,
Espoussa, repoussa toui à la fes ;

Éu-meme, pèr lou brut, lou son en flamo,
Lou fernimen valènt de soun tambour,
Fasènt, Patrio, ausi ta voues que bramo
E s'amourra lis ome à ta sabour,
Fasènt dins l'estrambord canta lis amo
E trefouli li cor dins ta flambour !

Renounciant au femèu, dous languitòri,
Pèr ama soun païs à cors perdu ;
Si coumpagnoun de guerro, à la vitòri,
Au coumoulun d'ounour, pèr éu coundu :
Massena lou Niçard taïant l'Istòri,
E Lanno lou Gascoun devenènt du ;

Rèi de Suèdo, amount, Jan Bernadoto ;
Rèi de Naple, Murat lou Caoursin ;
Bonaparte emperaire, emé sa boto
Caucant nacioun e rèi coume rasin ;
E lou paure Tambour, après la voto,
Tambour coume davans... Acò 's ansin !

E pièi l'oublidamen, l'amar vicioungé,
L'eterno annegacioun que fai escor,
E la gamello enfin, coume li mounge,
Emé la soulitudo e lou mau-cor...
— « Oh ! s'escriidè subran, ia glòri ! soungé,
Folo embriagadisso e van decor !

De quant, dis, valié mài leissa la guerro
E 'n ribo de Durènço, à Cadenet,
Ana tranquilamen fouire la terro,
E m'acampa femeto e pichounet,
Coume tant d'autre fan, alin ounte èro
Lou nis, la pas de Diéu, estènt jouinet ! »

Uno lagremo aqui bagnè la gauto
Dóu vièi couseri. Pamens, camin fasènt
Dins li lòngui carriero à paret auto
E de Paris dins lou trafé crussènt,
Plan-plan s'èro gandi, l'amo malauto,
Au pèd dóu l'anteon esbléugissènt.

Pereilamount en l'èr, santo Mario !
Dins lou frountoun gigant, tout nòu alor,
Ressourtien d'estatuo en simetrio,
E sus lou releisset, de letro d'or
Pourtavon : I GRANDS OME LA PATRIO
RECOUNEISSÈNTO ! Quand parlas dóu sort !

— « Tambour, ausso la tèsto ! un que passavo
le crido, aquéu d'amount, l'as agu vi ?... »
Vers lou tèmple ufanous que se dreissavo
Lou vièi levè soun front esbalauvi...
Enterin lou soulèu, gai, espóussavo
Sa como d'or sus tout Paris ravi...

Quand lou sódard veguè 'mé sa coupolo
S'enaura dins lou cèu lou Panteon,
E qu'emé soun tambour à la bricolo,
Batènt lou rau coume s'èro de-bon,
Èu se recouneiguè, l'enfant d'Arcolo,
Amount contro lou grand Napoleon,

Embriaga de soun proumié simplige,
En se vesènt tant aut, en plen relèu,
Sus lis an, sus li nièu, sus lis aurige,
Dins la glòri, l'azur e lou soulèu,
Sentiguè dins soun cor un dous gounflige
E rede-mort toumbè sus lou carrèu.

F. MISTRAL.

Maiano, 24 de Jun 1868.

L'OSTE ABRASAH

— Garçoun ! — Que i'a, Moussu ? — Dins moun uou à la coco
Tròvi un poulet ! — Segur ? — La cavo me pretoco.
— Chut ! Parles pas tant fouert. — Perqué doune ? — Sian soulet ?
Se l'oste va sabié, pagarias lou poulet.

J.-B G.

LOU CHIN DE BOURNAN

Bournan èro barbié. Quau a pas counaigu Bournan ? Soun rasour avié lou tai fin, sa lengo avié lou tai de soun rasour. Avié lou teta-dous, Bournan, e sa man èro coume soun teta.

l'avié, subre-tout li dissate, de-vèspre, proun animau dins la boutigo de Bournan, d'aquéli que parlon, coume d'aquéli que dison rên.

Lou chin de Bournan, car Bournan avié 'n chin, disié rên, mai se n'en pensavo pas mens..., un galant chin, negre coume un jai, e que lou péu ie lusissié, emé de bellis auriho pendouletto, uno co que fasié lou rampau, emé d'ïue beluguejant, dous coume un sucre, pounchu coume d'aguhio. le disien Japo-à-l'ästi.

Japo-à-l'ästi, dounc, enterin que Bournan sabounavo li gauto e toumbavo lou péu de la pratico, s'assetavo sus soun quiéu, e, planta coume un terme, regardavo faire, atentivamen, e semblavo, en clinant la têtes, dire : Acò vai bèn !

Un jour, noste barbié barbejavo un Baussen, e lou chin, aplanta davans éu, lou perdié pas de visto un soulet moumen.

— Que me vòu voste chin, diguè lou Baussen, pèr ansin me reluca coume se m'avié jamai vist, o se ié deviéu d'argènt ?

— Ato pièi, brave ome, ie fai Bournan, un chin regardavo bèn un evesque !

— Voste chin, vous tourne à dire, me regardo de-caire, e, m'es avis, a tout l'èr de se trufa de iéu. Es que...

— Oh ! noun !... que sias bon !... Es aqui qu'espèro... coume toujours...

— Eh ! qu'espèro, lou badau ?

— Vesès, sant ome, quand, de-fes, sènso lou voulé faire, moun rasour copo un tros de nas, o de gauto, o de mentoun, o d'auriho....

— Eh bèn ?

— E bèn ! es Japo-à-l'ästi que lou manjo !...

Lou Baussen fichè lou camp tout sabouna. Es desempièi que porto touto la barbo.

LOU CASCARELET.

LOU PRINTÈMS DE BREGIDO

Avès segur, bello Bregido,
Mai de printèms que la flour dei bastido.

La flous qu'embaumo n'en a qu'un :
Vous n'en avès quaranto, e bèn lèu quaranto-un !

J.-B. G.

LE TOURNARAI

ÈR : *Le Cabaret.*

A MIS AMI DE MOURMEIROUN

Siéu nascu dins uno bourgado
Qu'es meme au pèd dóu mount Ventour,
E que, sus la roco empegado,
N'a que de colo à soun entour.
Aqui lou printèms de moun age
Coume un fiéu d'or s'es debana.
Ie tournarai, dins moun vilage, { *Bis.*
Vèire lou nis ounte siéu na,
Lou nis galant ounte siéu na.

Tout pichounet, subre lis iero,
Is escoundaio jougavian ;
Un pau plus tard, dins la ribiero,
Li cambo nuso, gafavian ;
A cha parèu dins li bouseage
Anavian, pièi, nous permena...
Ie tournarai, dins moun vilage,
Vèire lou nis ounte siéu na,
Lou nis galant ounte siéu na.

Pièi di Felibre de Prouvènço
Ausère aqui li proumié cant :
Cant de bonur, de reneissènço,
Pèr moun cor jouine erias toucant.
A toun aflat, divin lengage,
Quant de pantai i'ai desgruna !
Ie tournarai, dins moun vilage,
Vèire lou nis ounte siéu na,
Lou nis galant ounte siéu na.

Coume la flour de la pradello
Se duerb i rai dóu caud soulèu,
Ansin moun amo sounjarello
I bais d'amour se durbè lèu.

Aro ounte soun, amour voulage,
Tóuti li bais que m'as douna ?
Ie tournarai, dins moun vilage,
Vèire lou nis ounte siéu na,
Lou nis galant ounte siéu na.

Pèr Sant-Laurens, qu'es nosto voto,
Ère toujour lou bouto-en-trin ;
Ère de tóuti li riboto ;
Cantave tóuti li refrin ;
Car pèr li vot, li roumavage,
Ère segur lou mai fenat...
Ie tournarai dins moun vilage,
Vèire lou nis ounte siéu na,
Lou nis galant ounte siéu na.

Ie tournarai ! De ma jouvènço,
Pantai, cansoun, amour, plesi,
Ie sarès plus qu'en souvenènço,
Car, bèu passa, sies desglesi.
Avans de faire lou grand viage,
Vole, pamens, me l'entourna ;
Vole mouri dins moun vilage,
Dins lou bèu nis ounte siéu na, } *Bis.*
Lou nis galant ounte siéu na.

ANFOS MICHÈU.

L'IBROUGNO

Me dison aquesto, e vole vous la dire :

Un nòvi e sa nòvio anèron à la coumuno pèr se marida.

La nòvio èro bello, e lou nòvi sadou.

Moussu lou Maire au nòvi diguè : Vendrés deman, quand aurés fa vòsti cadèu e qu'aurés vosto resoun.

L'endeman tournèron à la coumuno. La nòvio èro mai bello, e lou nòvi enca mai sadou.

— Avès pas crento, diguè Moussu lou Maire à la nòvio, d'adurre ansin davans li taulo de la lèi un ome sadou coume un porc ?

— Que voulès, Moussu ? respoundeguè la nòvio, siéu bèn proun malurouso ! Quand es pas sadou, vòu pas veni.

LOU CASCARELET.

GARIDET

Parte de soun oustau la jouino Maussanenco
Dins la puro frescour de sa flous vierginenco ;
A tout-bèu-just quinge an, li dison Garidet ;
La grâci es sus soun front, lou gâubi dins sei det ;
Mai, tëndro e primacholo, eis obro dêu terraire
Noun se plego qu'à-peno, en fènt sôuco à sei fraire.
Sa sorre Mianoun la ramplaçara lèu,
Proun gaiardo bruneto, afacho au grand soulèu,
Que deja, voulountouo, sauclo, arroso, rastello...
Noun soun nado, parèis, souto la memo estello :
Aquesto, en rusticant, va trachi dins l'ermas,
L'autro, plus douçamen, s'abari liuen dêu mas :
Soun sort, bon o marrit, la coundus au serviei
Dins la vielo, sejour trop sedusènt dêu vici.

Plagnen-la, jouino e bello, emé soun biais charmant,
Que l'or e lei jouièu van plòure dins sei man.

Parte, e la segne-grand, que fielo dins un caire,
Leissant dourmi lou fus entre sei det, pecaire !
Plouro, e seco sei plour emé soun vièi faudau.
Lou paquetoun sus l'anco, un pèd sus lou lindau,
Sènte soun couer perèn proun gounfle, la chatouno,
Quand sa maire tres fes l'embrasso e la poutouno,
En li disènt : « Moun sang, te perdre m'es de-fèr,
« Car t'enaures tourtouro au mitan dei cat-fèr.
« Siegues toujours bèn sajo, e dre camin camino,
« Ientres dins un oustau que noun cren la famino,
« Se m'an di lou vrai, cò de bràvei moussu
« Qu'au plus verd adeja li blanquejo lou su ;
« Fagues que pèr toun biais t'amon coumo sa fiho !
« Dièu benesigue en tu nouesto pauro famiho !.. »

Plagnen-la, jouino e bello, emé soun biais charmant,
Que l'or e lei jouièu van plòure dins sei man.

E Garido aparèis coumo uno outro Mirèio,
Coumo un ângi d'amour tounba de l'Empirèio !
Dèves, — tóuti li fan — èstre proun lasso, que ?
Tè, croco de bescue ; tè, bêu un bon chiquet...

Pièi, n'i'a lèu un de pres qu'en soun amo barbèlo
Plen de milo atencien, e li charro e la bèlo :

— Pichoto, as bèn manja ? pichoto, as bèn dourmi ?

Regardo-me, pichoto, e saren bèn ami.

Hoi ! lei poulit vistoun mai lusènt que l'eigagno !

Hoi ! lou poulit parla que sa douçour vous gagno !

Qu d'aquèu rèng de perlo a tei bouco flouca ?

Flouri tei gauto coumo un pessègue musca ?

Daura toun large front pure e lisc coumo un vèire ?

Garidet, Garidet, fas touto gau de vèire. —

Plagnen-la, jouino e bello, emé soun biais charmant,
Que l'or e lei jouièu van plòure dins sei man.

— Iéu entènde que, vuei, noun toques l'aigo fresco ;

Avèn pèr ana au rièu la gavoueto Francesco ;

Tu, t'espacejaras, rèino, dins lou jardin,

Dispausant à toun grat de ço que li a dedin :

Desverdego lei fru, derrabo lei floureto...

Es bèn fa ço que fas... Uno galanto oubleto,

Se poudié t'agrada, lèu te la croumparièu :

Pèr tu, ma bello enfant, o ! ve, me counfoundrièu...

As qu'un vièi panouchoun que te peso sus l'anco :

Te fau la crenoulino... emé la raubo blanco !

Toun desprouvesimen, chato, me fai pieta :

Iéu vouele de bonur courouna ta bèuta !...

Un coulié de courau ?... de finei pendeloto ?...

Parlo, e faras deman ligo ei damiseloto !... —

Plagnen-la, jouino e bello, emé soun biais charmant,
Que l'or e lei jouièu van plòure dins sei man.

E Garidet jamai noun s'es visto tant flòri...

Engausido, tambèn, se chalo dins sa glòri,

Quand déurrié, vergougno, rougi davans lei gènt,

Que dison : S'es poumpouso, espas de soun argènt.

Mai elo, fièro, — acò n'es plus la memo chato, —

Li gènt, dis, ièu lis ai tóuti sout ma sabato.

E va dreissant la tèsto... e, lou coutet badièu,

Sèmbo jusqu'en la glèiso afrounta lou bon Diéu...

D'un gai sourrire faus cuerbe mau sa magagno...

Soun èr damiselen-maucouero sei coumpagno,

Quàsi lei coumproumete... e la vouelon quita...
— Courre, courre, ninoio, après lei vanïta :
Elei se chabiran, simplo, à l'ounour dóu mounde ;
Tu, ta croïo, o Didet, coume un aiet se fonde. —

Plagnen-la, jouïno e bello, emé soun biais charmant,
Que l'or e lei jouïeu an plóugu dins sei man !

A.-B. CROUSILLAT.

Seloun, 25 de Juliet 1868.

LA TRINITA

L'autour celèbre dóu *Siège de Cadaroussou*, lou galoi abat Favre, dins sa parròqui de Cello-novo, un dimenche, prechavo sus la santo Trinita ; e pèr faire coumprene aquèu mistèri à soun umble auditòri de pagès e de simple, ie venié coume eiçò :

— La Trinita, mi fraire, es coumparablo, parlant sèns respèt, à moun capèu à tres pouncho : li tres pouncho fan tres bano, e pamens fan qu'un capèu ! La Trinita, mi fraire, es tambèn coumparadisso à-n-uno fourco, à-n-uno poulido fourco, d'aquéli fourco de salabreguè que fan à Sauve. La fourco es en tres pivo, e pamens li tres pivo noun fan bèn qu'uno fourco ! La santo Trinita perèu a tres persouno ; ansin li tres persouno fan qu'un Dièn...

E lou bon prièu de Cello-novo, countènt e trioufflant de soun resou-namen, soun sermoun acaba, davalè de cadiero pèr fini li vèspro.

Or, un fraire quistoun pèr asard, aquèu jour, assistavo à l'ouïfice ; e s'atrovo, parèis, que li coumparesoun de l'abat Favre l'escandalisèron. Memamen que tout-d'un-tèms, en cresènt de bèn faire, anè trouva l'evesque, e ie repourtè tout.

L'evesque, à la proumièro oucasoun que rescountrè l'abat :

— Hè ! hè ! moussu lou Prièu, ie faguè 'nsin, de-que m'an di ? que rebalas li sant mistèri emé de coumparesoun... descounvenènto ? e qu'aparias la Trinita em'un capèu à tres pouncho, em'uno fourco !...

— Mounseignour, respoundeguè lou capelan, segound li gènt, l'encèns. Mis ouviho, — o mi fedo, pèr mies dire, — an la coumprenèço duro, e me n'en fau coumprene coume pode. Me permetrai dóu rèsto de vous representa que Noste Segne, dins sis Evangèli, se coumparo de-fes à-n-un massoun, d'autri fes à-n-un pastre, de-fes à-n-un prestaïre que fai courre la barioto, e de-fes meme à-n-un voulur....

— Basto, basto, respoundeguè l'evesque, moussu lou Prièu, sigués prudènt, e anas-vous-en en pas !

Lou respectable Priêu tournè à sa parròqui. L'an venènt, coume es la modo di quistaire, noste fraire quistoun passè mai à Cello-novo... — Bon ! diguè Moussu Favre, deman l'agantarai. E l'endeman, à vèspro, lou prèire galejaire, en cadiero mountant :

— Mi fraire ! dis, ai à vous faire uno pichoto courreicioun à-n-un sermoun que vous prêchère, l'an passa tau jour que vuei, subre la tres fes santo Trinita. Vous coumparère, se vous ensouvèn, aquèu divin mistèri à-n-un capèu à tres pouncho, emai à-n-uno fourco.... En ie pensant, ai despièi trouva quicon que lou retrais encaro mièus.

Vès, regardas un pau aquèu bon fraire capouchin que paternejo, eila, coume un sant one qu'es, au pèd d'aquèu pieloun...

Tóuti li parrouquian revirèron la tèsto vers lou fraire.

— Eh ! bèn, lou vesès bèn ? reprenguè lou gai curat, es barbu coume un bòchi, es cengla coume un ase, es descaus coume un chin... e lou tout fai qu'un capouchin...

LOU CASCARELET.

MARGARIDETO

A MADAMISELLO GABRIELLO AZAIS, QU'ES NOVIO

I

An ! mete lèu toun velet blanc,
Toun velet blanc de nòvio, o douço jouvencello !
Car, ve, se languis lou galant,
Lou galant nòvi que te bèlo,
An ! mete lèu toun velet blanc.

II

Emé toun nòvi au bras, bello, fas gau de vèire !...
Anas-vous-en i pèd dóu prèire,
Anas-vous-en i pèd de Dièu...
E que, dins voste nis s'auson lèu de pièu-pièu,
Tèndro espèro di jouine e gai soulas di rèire.
Anas-vous-en i pèd de Dièu.

III

Longo-mai Dièu vous benesigue !
E vosto estello, longo-mai
Dins voste cèu pur trelusigue

E vous couroune de si rai !
Longo-mai Diéu vous benesigue !

IV

E dins la vido ensèn caminas benurous.
Se voulès que jamai la vido fugue amaro,
Bèu nôvie, fugués amoureux
Tout de-long dóu camin, coume aro.
Siau de-longo, e risènt, caminas benurous.

V

As vougu, — gramaci, chatouno ! —
Que dins toun gourbelin metèsse quaquearèn :
Tè, vaqui moun pichot présent :
Es pau de causo, mai es lou cor que lou douno.
Uno margarideto, açò de-qu'èi ? pas rèn !
— O. — Mai sara, se vos, quicon de resplendènt :
As qu'à l'apouudre à ta courouno.
Gramaci, gramaci, chatouno !

J. ROUMANILLE.

Avignonn, lou bèu jour de l'Ascensioun 1868.

L'AGILITÉ

Madamo Lag rousso, de Marsiho, èro vengudo au bèu tèms passa quàu qui semano à sa bastido ; e souvènti-fes, eïça vers lou tremount, d'asse-toun sus uno saumo, anavo s'espaca dins li draïo d'alentour.

Un jour se rescoutrè 'mè 'n bastidan que venié de sa terro, rescambarla sus soun bourrisco. L'ase naturalamen, — au mes de mai lis ai soun lèri, — s'aprouchè de la saumo pèr ie dire quaquearèn ; la saumo, noun estènt d'umour de galeja, s'enarquè sèns erida garo, e patallòu ! ma damo faguè lou viro-passo...

Mai, lèsto coume un cat, la boujarrouno mies que d'òli s'acampè, e sautant mai sus la bastièro :

— *Paysan*, ie fai à l'autre, *as-tu vu mon agilité* ?

Lou païsan, ma fisto, emé lou plan bagasso ie respond :

— Noumas açò l'*azilité* ?... Nautre li dian lou tafanàri !

LOU CASCARELET.

LOU MES DE MARIO

CANTA PÈR LI CHATOUNO ARLATENCO

Tout canto au mes de Mai... La terro revieüdado,
Bello coume un autar engarlanda de flour,
Emé li milo voues di baus, di valounado
Mando un inne soulènne à Diéu soun creatour.

Vers tu, dins aquéu mes, o Vierge benurado !
Mouton, emé l'encèns, li cantico d'amour ;
Dins la glèiso à ti pèd li chatouno acampado
Dison em' afecioun ta glòri e ti lausour.

Bessai n'èi pas plus dous de la court angelico
L'hosanna celestiau que toun noum glourifico !
E bessai qu'en ausènt li poulit cant maien,

Pèr lou counceert dóu Cèu, o Maire pietadouso,
Prenes l'umblè counceert de la terro amistouso,
E lis ange mourtau pèr li paradisèn !

G. AZAÏS.

Beziés, 15 de mai 1868.

A LA DOUTRINO

Un dimenche, — ère enfant, — lou Curat de moun endrè nous fasié la
dóutrino. Vese encaro tremoula sa bello tèsto blanco, vese si bouco sour-
risènto, e soun èr bounias...

— Veguen, Nouvè, à tu, faguè. Digo-me, siès crestian ?

— Sièu crestian pèr la gràci de Diéu.

— Acò 's bèn di, forço bèn. Se siès crestian, queto èi la proumiero causo
que fas, quand te lèves. Vejan, que fas, quand te lèves ? lou matin ?

— Oh ! Moussu lou Curat, diguè Nouvè tout vergougneous....

— An ! moun enfant, fugues pas crentous. Responde-me. Que fas, tu
que siès crestian ?

— Acò se fai, Moussu lou Curat, mai se dis pas.

— Anen ! Nouvè, digo-me-lou, digo.

— Eh ! bèn, Moussu lou Curat, se voulès que vous lou digue... lou
matin m'embraie, boutè lèu mis esclap, que prèssò, e courre darriè li
bàrri.

LOU CASCARELET.

LOU BALOUN

Fablo.

A DON VICTOR BALAGUER

Dins un immense enclaus tout clafi de badaire,
Un baloun espetaclous,
Tenié plus que pèr un nous
A l'anèu fort de nosto maire ;
Soun vèntre tresanant
D'un regounfle de vido,
Maucoura de la brido,
Voulié prene soun vanc !
Lèu uno jouveinello,
Vestido de dentello,
L'èr gai, touto en coumbour,
Sauto dins la gourbello
Em' un bouquet de flour !

Un vièu applaudimen sort de la moulounado
Au brut dóu nana-poun :
Zóu la cordo es lachado !
A parti lou baloun !

Dins lou plan celestiau rapidamen s'enauro.
D'eilamoundaut, la pauro,
Sus lou pople esmougu que brassejo e que cour,
Jieto poutoun e flour.

— Mai d'ounte vèn que sa mountado
Tant lèu s'es enclado ?
Fai ausin un enfant
A soun paire eridant.

— Per-ço-que lou baloun a trop de terro encaro ;
Fau que n'en traigue de sa plen :
Alor, alóuja de sa taro,
Boumbira vers lou siermamen !

La paraulo dóu vièi subran se verifeco :
Oh ! causo magnifico !
Coume un eigloun parti dóu nis,
Dins li rai dóu soulèu lou baloun s'esvalis !

— Moun enfant, apound lou paire,
Pèr que nosto amo mounte à Diéu
E capite un tresor que cregne pas li laire,
Fau qu'escampe sa terro e rourke fin qu'un fiéu !

AG^{tin} BOUDIN.

Avignon, 1868.

LOU BON SÈN

I

Bèn tant, à la fin, li Pamparigousten fuguèron enfeta de s'entèndre dire pertout qu'avien ges de sèn, que lou counsèu de Pamparigousto s'acampè, e que Moussu lou Maire :

— Lou bon sèn manco dins l'endré, faguè. Fau qu'ansin siegue, car tout lou mounde lou dis, à vint lègo à la roundo. Vous ai doune counvouca pèr saupre, finalamen, se, uno bono fes pèr tóuti, nous sarié pas pousible, en pagant, d'avé dius Pamparigousto tout lou sèn que nous fau. Noste ounour lou reclamo, e voste Maire lou vòu.

Alor s'aubouré Chichourlo, proumié counseïé, que diguè :

— Parlas d'or, Moussu lou Maire. Es clar que nous fau de sèn, e que quau vòu de sèn, fau que n'en croumpe. L'argènt pago tout, e plago d'argènt n'es pas mourtalo. D'aiour, la coumuno èi sus soun courrènt...

— Croumpa de sèn ! croumpa de sèn ! repliquè Pèire Boulegoun, es bon à dire, certo ! Lou tout èi de saupre ounte e quant se vènd.

— Bougre d'ase ! alor faguè lou Pouchu...

— Pouchu, dis Moussu lou Maire, te rapelle à l'ordre. Sies mau embouca. Parlo coume se dèu.

— Vouliéu dire, d'abord, que lou sèn dèu pas trop cousta, car n'en sabe que soun pas forço drut, e que n'an soun abounde. Es pèr vous dire, pièi, que sian à Bèu-caire, e qu'anarié bèn mau s'en fiero de Bèu-caire, ounte se vènd, de-que ? de tout, se vendié pas de sèn, e dóu meïour, en lou pagant.

— Lou Pouchu parlo coume un ome, dis lou president. Trouven quaucun de fisable, vouten-ie li founs, e manden-lou croumpa de sèn.

— Precisamen, faguè Chichourlo... i'a moun vesin Cor-de-Lèbre que vaideman en fiero de Bèu-caire, emé soun carretoun, pèr achata d'escoubo.

— Fas bèn de me lou dire, respond Moussu lou Maire : es un brave ome. Lou veirai, e ie parlarai.

— Vague pèr Cor-de-Lèbre ! diguè tout lou counsèu.

Voutèron la soumo, e la sesiho fuguè clauso.

II

Moussu lou Maire anè trouva Cor-de-Lèbre :

— Cor-de-Lèbre, ie diguè, deman vas à Bèu-caire ?

— Eh ! que mau i'a, Moussu ? Ah ! tron-de-pas-diéune ! es que sièu pas libre, ièu, d'ana ounte bon me fai plesi ? Ah ! pèr aro ie sian !...

— T'esmògues pas, que vène pas te cerca reno... Bèn lou countrari, moun brave Cor-de-Lèbre. Pourriès pas me rèndre un service ?

— Dous, s'èi poussible...

E Moussu lou Maire ie diguè de s'entrevà, perqu'anavo en fiero de Bèu-caire, de cerca 'n marchand de sèn, de n'en croumpa pèr cinq franc, i frès de la coumuno. Ie baiè la soumo, e ie recoumandè d'adurre de la proumiero qualita.

— Sufis, Moussu lou Maire ! faguè Cor-de-Lèbre. Sarès countènt de ièu !... :

III

E l'endeman, Cor-de-Lèbre atalè soun ai, e, ja ! i ! partiguè pèr Bèu-caire.

Arribo, desatalo, establo, croumpo sis escoubo, e cerco la boutigo ounte vèndon lou sèn. Tau, un an, Jan-Janet di Baumeto barrulavo dins Cavaïoun cercant un marchand d'iòu de saumo.

En barrulant dins Bèu-caire, Cor-de-Lèbre vèi subran, sus la porto d'un car-saladié, un grand escritèu que disiè :

AU BON SANG DE PORC.

— Hoi ! fai, *au bon sang* ?... *Au bon sang* ! Dèu èstre eici.

Intro :

— Bonjour ! voudrièu croumpa de sèn : vendès de sèn, eici, dóu bon ?

Lou car-saladié reluquè Cor-de-Lèbre de la tèsto i pèd, e veguè lèu, lou galejaire, qu'èro pas l'en-causo que li granouio an ges de co.

— Se vènde de sèn, ie diguè ! Ah ! certo, moun bèl agnèu, n'en pode pas teni, e poudès pas mies toumba. Proumiero qualita. Lou vesès, li pau-de-sèn vènon eici coume l'avé vai à la sau, naturalamen. M'estouno pas, en vous vesènt, que siegues vengu tout dre. Gramaci ! vau vous servi.

— Sièu pas vengu, vous dirai, pèr ièu soulamen. Mai, n'aurai ma part, lou sabe, car sièu de Pamparigousto, en parlant pèr respèt.

— Ah ! sias de Pamparigousto !

— A vous faire plesi. Es Moussu lou Maire que me mando. Se nous dounas dóu bon, nous serviren eici, e nous veirès souvènt !

IV

E lou car-saladié, dóu sóumié despendoulo uno boufigo de porc bou-denslo de vènt :

— Tenès, brave ome. Vaqui. Es tout pesa. N'i'a pèr quatre frane dès.

— Me ie levarias rèn ?

— Pas uno maio. Lou bon sèn se faire rare, lou sabès, e n'i'a tant, à l'ouro dóu jour d'uei, que n'an de besoun, forço besoun !

— E bèn ! vague ! quatre franc dès. E... n'i'aura proun pèr tóuti ?

— Pèr tóuti, fuguessias cinq-cènt, fuguessias milo. Escoutas que vous parle : n'aurès, pèr douna de sèn i Pamparigousten, qu'à desnousa, en plen èr, au mitan meme de Pamparigousto, aquelo courdeto, — la vesès ? E, d'aquelo emboucadero, lou sèn s'escampara e s'espandira. I'a rèn de tant fin, de tant sutièu que lou sèn. E, lou coumprenès bèn, quand tout lou sèn sara dins l'aire, cadun, en respirant, n'avalara sa part. E pèr pau que cadun n'avale, n'aura proun, car, acò se saup, d'un pata de sèn, l'ome n'a proun pèr sa vido, à mens que lou perde, — que Dièu nous en presèrve !

— Acò sara di, e ansin faren.

E Cor-de-Lèbre pago, tout urous e galoi d'espargna dès sòu à la cou-muno. Vai lèu atala, cargo sis escoubo, em'acò part en siblant, pourtant religiousamen la boufigo de porc pendoulado à soun còu.

V

Enterin lou troumpetoun de Pamparigousto fasié soun tour : « *Tourou-toutou ! tourou-toutou !* Moussu lou Maire fai assaupre que lou bon sèn vai arriba, e que se n'en fara vuei, à quatre ouro de tantost, uno soulo destribucion, à gratis, sus lou planet de la coumuno, e que ie vague quau n'aura besoun. »

VI

Quand ansin la bono nouvello se fuguè 'spandido dins tout lou païs, i'aguè, vous responde, meme avans quatre ouro sounado, i'aguè, sus lou planet, un brave escaufèstre, un terrible chafaret, e de caucigage e d'esquichado e de batèsto ! Ah ! n'i'en venguè, pèr prendre de sèn !... malavalisco !...

VII

Mai, las ! ai ! ai ! ai ! Anas vèire eiçò !

Orro tentacioun de l'infèr !... En couchant soun ase, Cor-de-Lèbre, de-long dóu camin, se diguè : Sièu lou rèi di bedigas !.. Coume ! Cor-de-Lèbre, as tout lou sèn, n'en sies mèstre, e mèstre assoulu... Toun paire t'a tou-

jour di que lou sèn es un bon moble, que n'aviés pas de rèsto, que lou sèn vau mai que l'or... e quand, soulet, as agu la peno, auriés pas lou proufié d'èstre lou proumié servi ? Eh ! que crime i'auriè, véjan, de n'en prendre d'abord ma bono part ? Anarié bèn mau, finalamen, se se counaissié.... Counvèn, d'aiour, de vèire se m'an douna dóu bon...

Lou diable fuguè lou pu fort : Cor-de-Lèbre aplantè soun ai, e sa man tremoulanto desnousè la courdeto...

E la boufigo de porc se desgounflè ! Adièu, lou sèn, tout lou bon sèn de Pamparigousto !

Davans un tal auvàri, li cambo de Cor-de-Lèbre ie manquèron. S'au mens n'avièu avala 'n brisoun, faguè !... E, paure ! s'escagassè ! e s'afflaquiguèron lis auriho de l'ai !...

VIII

Cor-de-Lèbre acampè pièi sa car ; e... que faire ? Trantraiant, despoutenta, tèsto souto, countuniè soun camin.

De mai en mai ausiè lou voun-voun d'impaciènci dóu gros pople acampa, e li campano que sounavon à brand.

Proun à l'endavans ie sarien vengu, se, sus lou planet, i'aguèsson garda sa plaço...

Subran dóu elouchiè lou campaniè eridè : Lou sèn arribo !

— Lou sèn arribo ! bramè tout lou pople.

E l'aguè de tresanamen e d'estrambord, uno trounadisso d'ourlamen e de picamen de man.

IX

Cor-de-Lèbre arribè. Countè soun auvàri, afourtissènt... que lou nous s'èro desfa... e que s'èro escampa tout lou sèn...

Lou venguèron pas crèire !!

Faguè lèn de camin, la marrido nouvello ! E quatecant lou pople, tout lou pople s'enmaliciè. Li tèsto s'abrasèron, lis iue flamejèron, reneguèron li brego, e li poung se sarrèron.

— A bas Cor-de-Lèbre ! Zou ! zou ! sus lou laire ! Zou ! qu'a rauba li sòn de la coumuno, la susour dóu paure mounde ! Zou ! que nous a rauba noste sèn !

E, enrabia, endemounia, escumant eoume de chin fòu, l'aqueirèron, lou matrassèron, l'aclapèron !

Faguèron de sis escoubo un fio de joio au mitan dón planet, e ie faguèron, à l'entour, un brande fourmidable.

Finalamen, l'ase n'en mouriguè !

X

Ah ! quant de pau-de-sèn, ah ! moun Dieu ! quant, au brande espeta-clous venguèron s'apoundre !

Ie venguè lou Farot, qu'es en trin de s'arrouina pèr li bèus iue de la damo de pico ;

Lou vièi Jousè Gougouio, que crèbo de fam, pecaire ! despièi qu'a par-teja soun poulit bèn e si quàuqui sòu à si gusas d'enfant ;

Nanoun Pèd-fin, qu'a ges de camiso, e se fai de raubo de sedo e de mantelet de dentello, e s'empego sus la tèsto, pèr darriè, grosso coume li dous poug, uno escagno en trenello de péu que soun pas siéu ;

Tòni Cacarot, qu'à seissanto an passa, si sièis crous, emai mai, vèn d'es-pousa la Cabreto, un perdigau de chato, qu'aura dès-e-vuech an pèr Pasco ;

Danis lou Darboun, qu'amoulouno e lasso enrouveli tant de bèl argènt blanc e tant de bèl or rousset, e porto li braio routo au quiéu, e se plan, dessena, lou pan d'òrdi que manjo e l'aigo tousco que béu ;

Ie courriguè lou Balucere, que, despièi dès an, testard coume un buto-rodò, pleidejo e... malautejo, dóumaci, dis, lou tribunau jamai ie vòu rèndre justico ;

Ie landè Simoun Tèsto-souto, que jità la raubo sus un bouissoun, e que, despièi, reno coume un pore e renègo coume un carretiè, tre que vèi uno raubo negro o qu'ausis un son de campano ;

Ie venguè Babeleto Nas-en-l'èr, que soun paire vai fouire à trento sòu pèr jour, e que, ai ! pauro ! escouto, d'escoundoun, Teoufile, lou jouine e poult garçoun de Moussu lou Noutàri, e crèi que la prendra ;

Ie venguè Jaque Tripeto, qu'èro bèn dins sis afaire tant que fuguè grou-liè, e que, despièi qu'es courdouniè, crèbo de malo fam ;

Cresès qu'aurié pas vougu se ie metre, Jano la Bassaco, que passè sa bello jouinesso, emai mai, emé lou riche Moussu Flòri, e l'arrouinè, e que, — aro, — vièio espeiandrado, pèr gagna sa vidasso, l'estiéu, buscaio e vai à l'erbo, e, tout l'ivèr, vai d'uno porto à l'autro en demandant soun pan ?...

Ie venguè Barbo-jan, qu'espousè sa gourrino ;

E perèu Jaque Bounboun, l'intrepide teto-fiolo, que saup tant bèn canta : Manje soun bèn quau voudra, iéu ame mai lou béure ;

Ie venguè... ie venguè la Groulineto, que, tres o quatre an a-de-rèng, èro anado à la vilo pèr ie pausa soun paquet, e que proun peno se douno, en van, tant a plòugu sus sa marchandiso, pèr n'en acampa 'n autre...

Ie venguè Patiras, que s'èro fa marchand de merlusso lou dissate-sant, e Cambelot, qu'empruntè pèr basti, e que bastiguè pèr vèndre, e que pièi s'es fa patiaire.

Iev enguè... la Mau-pignado, lou Boumbu, lou Breca, Tounin, Cri-
queto... Eh ! que sabe ieu !

Ah ! n'ï'en venguè !...

XI

E vaqui coume i'a ges de sèn encaro à Pamparigousto.

E, d'oumaci, lou vesès, res, d'aro-en-la, en sounjant au mau-sort de
Cor-de-Lèbre e de soun ai, ausara se carga de n'ï'en adurre, es de crèire
que n'ï'aura jamai ges.

LOU CASCARELET.

LOU ROUCAS DE GLÈISO-BLANCO

A MADAMO G. D'ASSAILLY

Arrèrre, Amour ! Cerco de plaire
I cor moulan !...

~ *Calendau* (F. MISTRAL).

En Eigaliero, — eiçò 's de crèire, —

A passa tèms, lou comte Pèire

De Moulegés

Veguè la bloundo Estevenino,

Veguè pèr la proumiero fes

Esteveneto la bloundino.

Lèu amoureux e calourènt :

— Sièu, dis, segnouir de noble rèng,

Madamisello...

Pèr m'enebria de vòstis iue,

De voste amour, dins la tourrello

lèu vous espère à miejo-niue.

Lou clar de luno alor s'amosso :

Soul, lou grihet canto li noço

Dón terraïoun ;

Dor la bouscarlo dins lis éuse,

Sus li rousié lou parpaïoun,

E lou lésert souto li fèuse.

— Jouvènt, amount, liuen de tout brut,

Sus li crestèn, — rouge de fru

Leissas que perle
Lou verd mourven, — iéu di calanc
Pèr amourous aurai li merle :
N'ai pas besoun d'autre galant.

E se voulès ausi moun dire,
Se noun pieta, me fasès rire :
Vòsti prepaus,
D'un galejaire iéu li crese...
Siguessias-ti prince di Baus,
Talo noublesso noun la prese.

Ausès-me bèn : — Gui de Laudun,
l'aura dous an au mes de jun,

En caravano
Fuguè sousprés noun liuen d'eici
Pèr lou trounèire e la chavano;
E tout-d'un-tèms dison, veici,

Qu'au vièi roucas de Glèiso-Blanco,
Roujo taiolo autour dis anco,

Eu s'assoustè...
Noun liuen d'aquí passavo Agreno ;
Gui, tre la vèire, l'acoustè :
— O vierginello blanco e leno,

Fado di vau e di roucas,
Douço tourtouro dóu bouseas,

Pèr vous entendre
Me dire : T'ame ! voulountié,
Emai jalèsse à pèiro fendre,
Iéu restariéu l'ivèr entié

A vòsti pèd ! — Mai de-que dise?
Ie mouririéu ! Cresès que rise ?

Se lou cresès,
De moun amour fasès l'esprovo...
Iéu vous adore !... lou vesès,
Moun trebouléri n'es la provo.

Agreno, ai ! las ! lou creseguè ;
Tres mes après despareiguè

Lou traite noble,
E la chatounô, aquêu matin,
Se penjê, dison, â-n-un mobile
Emê sa cencho de satin...

Estremas dins vosto memòri,
Bêl amoureux, aquelo istòri.
Noun sias proun fin.
Siêu bastidano, e iêu desdegne
Voste blasoun. Sèmpe e sèns fin
Fau ama Diêu, e lou fau cregne !

MARIUS GIRARD.

Sant-Roumié, 20 de Jun 1868.

L'ENTARRAMEN

En Avignoun, pourtavon en terro un mort à la modo nouvello : en grosso veituro negro à quatre rodo, emê pièi de grand plumet negre i quatre caire de la veituro ; emê dous chivalas negre cubert d'un negre mantêu, em' un bêu plumet negre chascun sus la tèsto ; e pièi, sus lou sèti, apereilamoundant, un couchié de negre tout vesti, emê soun long fouit e soun grand capèu de gendarmo.

Ginjourloun e Trissèti regardavon passa lou riche entarramen :

— Que, Trissèti ! li dous bêu chivalas ! faguê Ginjourloun... E coume soun siau e doucile !...

— Vos pás que siegon, Trissèti ie fai, triste que dirias que plouron, auriho basso, tèsto souto e co malancôni ? Quau sarié pas doucile e siau ? Ah ! te voudriên bèn vèire, tu, Ginjourloun, s'ères atala e arnesca coume èli, s'aviés un mors i brego, e pièi un mort au quiêu !

LOU CASCARELET.

Noste vesin es mort de fam e de misèri...

— Quete ? — Mèste Rousset, peccaire ! — Lou recors ?

— Just ; e manco vint franc pèr entarra soun cors ;

Sènso acò volon pas l'adurre au cementèri...

— Vint franc pèr metre au cros un recors, Santo-Crous !

Tè ! vaqui n'en quaranto, e que n'entarron dous !

L. R.

(*La Rampelado*).

LI DOS FURO

A LA CHATOUNO DE MOUN AMI ROUMIEUX

Tóutis an mes dins ta canesteleto
Lis un de flourin d'or, lis autre de floureto ;
E me vaquí, paure mesquin !
Sèns jouiéu, sèns flour, sèns escut ni sequin.
Ve, fau te contenta, ma bravo chatouneto,
Dóu-mens pèr aquest cop, d'uno *Cascareleto*.

Diguen coume se dis : Uno fes l'avie 'n rèi,
Un rèi coume segur n'a gaire desempièi :
Ero un fénis de rèi !... En bon pastre menavo
Coume se dèu, plan-plan, ribeja soun troupèu,
E toundié pas trop ras, quand ie toundié la pèu ;
Se fisavo en degun, tout soulet lou gardavo :
— L'ieue dóu mèstre, disié, fai lou pèu dóu chivau.
S'enanavo d'à-pèd, d'escoundoun, pèr li vau
De soun pichot reiaume. Un jour que barrulavo,
S'acalè d'un soulèu de Jun que dardaïavo
A l'oumbro d'un bouissoun, sus lou bord d'un valat ;
Tranquile, faguè 'n som coume un ome enchusela.

Mai li eïgalo que cantavon,
Li mouissalo que vounvounavon,
Li lagramuso que bouigavon,

Revihèron lou rèi. — Or, pèr faire miejour,
— Disian que fasié caud, qu'èro dóu tèms dis iero, —
A l'oumbrino, tambèn, vènon tout en coumbour,
Un pacan, sa mouié, cerca 'n pau la fresquiero.
Lou rèi, de rebaloun, lis ausié que distien :
— O bon Dièu ! queto caud ! E vague, se plagnien :
Oh ! couquinas de sort ! fai uno bravo luno !
Co qu'aièr a jala, desjalara tout d'uno !
Ès proun dur de fougué se rabina la pèu
Au souleias l'estiéu, l'ivèr à la jalado.
Tàli causo, pamens, sarien pas arribado,
Se noste proumié paire, Adam, lou bartavèu,
Aguènt de mèu, de la, de figo, emai de toumo,
Pèr plaïre à sa mouié, tastèssè pas la poumo.

Li badau l'fasien rên, avien tout bèu e bon,
Manjavon s'avien fam, e dourmien s'avien som ;
Mai dempièi, sacrebièu ! la vidasso es proun duro.
Adam faguè lou mau, n'avèn la macaduro ;
E nous fau matrassa, trima tóuti li jour
Pèr manja 'n tros de pan coulanta de susour. —

Noste rèi li coupè : — Vous es de bon à dire !
Au-llo d'Evo e d'Adam, belèu n'aurias fa pire !
E n'aurias, pèr lou mens, fach autant de-segur.
Mai leissen tout-acò. Farai voste bonur.
Venès à moun palais : trouverès la pitanço,
Aurès de-que ? de tout pèr vous casì la panso,
Rên à faire lou jour, e la niue pèr dourmi.
Anas, sarès countènt, avès proun pregemì.
Vole vous rëndre uròus coume lou proumiè paire.
S'acò vai, toucas man e leissas-me l'araire. —

Tant lèu di, tant lèu fa. Rèston doune au palais,
Bevènt, manjant, dourmènt, fasènt ço que ie plais,
Vesti de nòu, cubèrt d'or e de pampiheto.
Mai la femo bèn lèu devenguè besuqueto,
E dempièi, quàuqui-fes, souvènt noste oumenas,
Tout en parlant au rèi, badaïavo à soun nas.
E lou rèi se disié : — La drudiero li gasto !
Eiçò sara pas long, sian à la fin. — Mai, basto !
Un jour em' éu lou rèi li fasié festina :
Son page adus un plat, au mitan dóu dina,
E dis au rèi : — Segnour, un ome vous demando.
— Ie vau, dignè lou rèi. Moun devè lou coumando.
Vous-autre, manjas tout, à despart lou moussèu
Qu'an mes, esprès pèr ièu, soute aquèu curbecèu. —
E s'envai. — N'iaguè proun. La femo, sounjarello,
Vouguè plus rên tasta, fougnavo i bescutello.
L'ome, tout en cheant, ie disié : Mai de-qu'as ?
Manjes plus. — N'ai plus fam. — E se gratant lou nas,
Fasié : — Lou rèi vèn plus, soun fricot se refrejo :
Acò voudra plus rên. Ai uno bello envejo,
De lou tasta 'n brisoun. — E se lou rèi lou saup ?
— Quau ie dira ? lou cat ? — l'a ges de serviciau... —

E curiouse coume Evo, ausso la curbecello :
Mai... frou... d'ou plat badant, dos furo blanquinello
Coume de diabloutin lampèron de presoun.
Lou cat diguè pas rên ! — lis aguè lèu rejoun.
Nòsti dous palamard s'enmandavon la fauto
L'un, l'autre, — quand lou rèi cridè d'uno voues auto :
— Ai tout vist !.. Foro, foro ! e brames plus, vielan,
Contro vosto maire Evo e voste paire Adam !

Avignoun, 1868.

JAN BRUNET.

LIS AN

— Sies pas mau counservado, Zounet, pèr toun age. Quant as d'an ?
quaranto ?

— Ièu ? Mai crese que te trufes ! Tout-bèu-just agante la trenteno.

— Ah ! tè, vai ! parèisses forço pu vièio qu'acò.

— Oh ! d'aquelo Nanoun ! Mai crese que repepies, de me dire que pa-
bisse tant vièio. Tè ! vejeici Moussu lou Curat. Vas vèire.

Ero tout-bèu-just Moussu l'abat Saurèu, l'encian curat de Mazan, que
enié d'ou coustat ounte aquéli dos femo s'atrouvavon.

— Moussu lou Curat, ie diguè Zounet quand sieguè pròchi d'èli, quant
e dounarias d'an ?

— Eh ! n'as panca proun coume acò ? ie respoundè l'abat. Quant vos
ie te n'en doune, que, vièio sartan ?...

E filè soun camin.

LOU CASCARELET.

LOU MEDECIN

En soustenènt sa tèsò de d'outour,

Un elèvo de medecino

Negavo l'essènci divino,

Pretendé que jamai l'avié 'gu 'n Creatour,

Qu'avian ges d'amo e qu'erian que matèri :

— Que visquen bèn, que visquen mau,

Uno fes qu'avèn fa lou saut,

E que dourmèn au cementèri,

Sian coumo soun leis animau.

— S'acò 's ansin, es gaire necessari,

Li respoundè lou celèbre Dupin,

Que vous fès nouma medecin :

Fès-vous nouma veterinàri.

usset (B.-d.-R.) 1868.

V. BOURRELY.

LI DOS-PECOLO

A la fin de Carèmo, dos pecolo s'anavon counfessa. E veici que se gnavon, e charpavon memamen, pèr passa tóuti dos la proumiero.

— Vèn à iéu, disié Nanoun.

— Vèn à iéu, fasié Gueraudo.

— l'anarai !

— l'anaras pas !

E pouosso-tu, e pouosso-iéu. Basto, s'anavon batre.

Lou capelan, impacienta d'aquéu senòdi, sort dóu counfessiouna, vèn i dos saumeto :

— De que vous charpinas, aqui, bestiasso ? Sounjas pas que sian la glèiso ? Veguen, que passe aquelo qu'a lou mai de pecat...

Deguno di pecolo vouguè plus passa proumiero.

LOU CASCARELET.

EI SOCI DE L'ACADÈMI

E AU PROUFESSOUR DE TAMBOURIN E GALOUBET

Ami dóu Galoubet, s'aprocho la grand fèsto !

Veici veni lou jour que desiravian tant :

Lou *maëstro* Michèu, caminant à la tèsto,

Galoi, nous menara, mau-grat sei vuetanto an.

Encuei, lou Tambourin jugara de soun rèsto,

Aboueant leis inquiet, esperit maufatan ;

Pèr lou metre en ounour vesèn que tout s'aprèsto :

L'estrumen prouvençau brihara coumo antan.

Aro qu'avèn un cours dins lou Counservatòri,

O fraire musician, poudèn canta vitòri,

Car de nouesto Musico es la resurreicien ;

Anan faire, dóu còup, e meissoun e vendèmi...

Sian uros mai-que-mai, sòci de l'Acadèmi,

En vian dóu Capoulié la glourificacien !

F. VIDAL.

LI MASC

I

Dins lou tèms di Sourcié (car se pòu pas nega qu'autre-tèms n'ën sèsse, talamen que li brulavon, e qu'encaro se dis à quaucun que de-
o : *Aviso-te, que noun te brulon*, e que se dis tambèn à quaucun de
spèt : *Sèntes la pato rabinado*, valènt-à-dire lou fagot), dins lou tèms
Sourcié, li gènt que s'adounavon à-n-aquéli marridi causo, aquéli
avien legi lou libré d'Agripa, o qu' em'uno Poulo Blanco avien souna
Diable à la flour de quatre camin, li jitaire de sort, escounjuraire e
miniero, s'acampavon, se dis, au cop de miejo-niue, dins de rode desert,
te, liuen de pertout ; e se noumavo *païs ategri* li rode sôuvertous
te li Masc fastien di siéuno.

A Gadagno, pèr eisèmple, aquéli négriis assemblado se tenien sus l'au-
as de Camp-Cabèu ; à Castèu-nòu-de-Papo, èro dins li Coumbo-Masco ;
arascoun, dins l'iloun di Matagot ; à Marsiho, dins l'androuno de la
so-d'Argent ; de-vers lou Luberoun, dins la Vau-Masco, etc.

II

En Avignoun, se masquejavo sus la Roco-de-Dom, ounte encaro se vèi
Trau-di-Masco ; mai èro, d'aquéu tèms, escalabrouso e nuso, e l'avié
tamen quàuqui moulin-de-vènt que brassejavon e renavon au rounfla
vènt-terrau.

Dison qu'uno vesprado, un gibous d'Avignoun — nouma Fresqueto —
venturè soulet eilamont sus la Roco, après lou cuerbe-fio (o lou *casso-
baud*, coume disien alor). Soun counfessour l'avié douna pèr penitènci
na dire amoundaut sèt *pater* e sèt *ave*, pèr quauque gros pecat que
so doute avié coumès.

Èro uno niue de luno, e lou mistrau boufavo. Mai dins acò, parèis,
e pas fre, car Fresqueto lou gibous, quand aguè fa sa penitènci, s'ama-
e s'oublidè, dins uno conço de roucas, pèr escouta lou cant de la civèco.
navo meme s'endourmi quand Jacoumart piquè lou proumiè cop de
jo-niue.

Fresqueto, tout-d'un-tèms, s'auhourè pèr davala. Mai quau vous a pas
qu', au clar de la luno, vèi alor oundreja e boulega diversì formo que,
galapachoun, de-rebaloun o d'à-pautoun, escalavon la Roco de tout
re. Pensas-vous l'escaufèstre ! Lou cor de noste gibous se virè coume
o toamo... Vitamen s'embournè mai dins soun amagadou, e tenguè
n alen tout en aparant l'auriho.

De pau à pau lis oundro s'aprouchèron, un chafaret de voues s'enten-

deguè, de marridi resoun e de *patèr* bourret passèron emé l'auro, e Fresqueto coumprenguè que se trovavo en plen Sabat...

III

L'aviè d'ome, de femo (quasimen tóuti vièio), emai quàuquis enfant, e pièi pu liuen, à la sournuro, d'espèci de trevan, de gènt de formo e de tranjo, qu'èro impoussible de destria.

Or, à mesuro qu'arribavon, Masco e Masc se saludavon :

- Bon vèspre, cousin Cat !
- Bono sero, cousin Chin !
- Bono niue, coumpaire Loup !
- Coume vai, misè Limaço ?
- E vous, mèste Lesert, vous carrejas pas mau ?
- Pas mau, pas mau, coumaire Jano !
- Li cacalaus banejon bèn ?
- E lou juvert es gaiardèt ?
- Jan Chaucho-vièio, pourgès un pau la man...
- Alor, Dono Pèd-d'auco, fasès encaro *pet sus fueio* ?
- Digo, bèl arcavot, es tu qu'aro me toques ?
- Arri, vièio sartan, l'ase te quihe !... etc.

IV

Mèste Fresqueto pau à pau s'assegurè, e à forço d'escouta, de chaur e d'espinchia, recouneiguè aquí forço gènt d'Avignoun qu'auriè jamai e segu que sè fuguèsson douna au Diable... Basto, un laid persouna qu'èro ni gènt ni bèsti, diguè la *malo messo*... Pièi faguè l'aubre-dre tóuti li sourciè, emai sourcièro, lou venguèron à-de-rèng beisa souto co... Après, passè de gros nivo davans la luno blanco ; s'entendeguè cacalas e de chut-chut... Enfin, quand de si nivo la luno sourtiguè, no gibous veguè li Masc que, tóuti arrapa e trefouli, fasièn lou brande, mesurant soun pas sus aqueste verset que cantavon ensèn :

Dilun, dimars, — e dimècre, tres !

Dilun, dimars, — e dimècre, tres !

Ma fisto, lou gibous, enclaus e fachina pèr talo farandoulo, pous plus se teni, e, 'mé l'escuresino, venguè de quatre pauto se mesela d'lou mouloun, e dansant e trepant, cantè coume lis autre :

Dilun, dimars, — e dimècre, tres !

Mai coume sabié gaire ni ço que se fasiè ni ço que se disiè, ajustè d'esper

Dijòu, divèndre, — e dissate, sièis !

— Oh ! lou brave gibous ! tóuti li Masc cridèron, que vèn de nous rene lou segound coublet !

Dilun, dimars, — e dimècre, tres !

Dijòu, divèndre, — e dissate, sièis !

Oh ! lou brave gibous ! Se ie garavian sa gibo ?... Zóu ! leven-ie sa bo !...

Pan ! ie lèvon sa gibo, e se la fan sauta coume uno paumo d'un à utre : gibo d'eici, gibo d'eila... Vague de rire li sourceié !

Quand aguèron ben ris, empeguèron la gibo contro lou roucas, e l'ou egre-tout-Negre (sabès quau vole dire) vejè d'uno bevèndo dins uno sso d'argènt, e tóuti à soun tour beguèron à la tasso ; pèr fini, faguè la go, d'or e d'argènt en tóuti : n'en vos ? tè, ve-n'aqui !...

Pièi, dins la Bartalasso, alin, un gau cantè. E li sourceié rapidamen, tau d'eici, quau d'eila, s'esvaliguèron dins l'oumbro fourmidablo dóu lais-di-Papo.

V

Quand l'endeman Fresqueto pareiguè sènso gibo, e fièr coume Artan, dins li carriero d'Avignoun, fuguè 'no causo espetaclouso. Lou ven en vèire pèr miracle, ie lastavon soun esquino, lou badavon, lou belavon, e tóuti li gibous èron dins l'amaracioun.

Mai Fresqueto, lou finocho, s'engardavo bèn de dire ounte sa gibo aviéssa ; risié, fasié lou mut, o batié la barloco.

Pèr founs que lou fio siegue, fau pamens que lou fum sorte : a forço e vira e de tourna d'un biaïs, de l'autre, i'aguè 'n autre gibous, nouma prestèu, que faguè parla Fresqueto. E aquest ie countè tout.

VI

Ah ! n'i'aguè proun ! A la proumièro niue de luno, vaqui noste Frestèu l'escalo sus la Roco e se vai encauna de-vers lou Trau-di-Masco, à l'es-ero dóu Sabat.

Just capitè : au cop de miejo-niue, lou chaurit di Sourceié coumencè ai soun trin.

— Bon vèspre, cousin Cat !

— Bono sero, cousin Loup !

— Bono niue, coumaire Jano !

Emè lis àutri mascarié e diablarié acoustumado. Se nousè pièi lou ande ; lou gibous arrapè, e cantèron en Cor :

Dilun, dimars, — e dimècre, tres !

Dijòu, divèndre, — e dissate, sièis !

E Dimenche, sèt ! apoundeguè Frestèu, en cresènt de bèn dire...

— Quau es lou fièu de puto qu'a parla dóu *Dimenche* ? tóuti li Masc cri dèron, en roumpènt lou brande.

— Es lou gibous ! — Es lou gibous ? — Aquèu marrit gibous ! — Aquèu sacre gibous ! Zóu ! foutrau sus la gibo !

De cop de pèd, de cop de poung, vous ie fichèron uno rousto, tant qu n'en pousquè pourta.

— Eh ! se i'empegavian la gibo de Fresqueto ?...

— Zóu ! la gibo de Fresqueto !

Desemplastron la gibo qu'èro contro lou roucas, e pan ! i'empegon sus lou pitre...

— Gibo davans ! gibo darrié !...

Vague de rire li Sourcié !

VII

Grand gau encaro d'escapa la pèu. Emé sa doublo gibo, long-tèms dins Avignoun aquèu mesquin fuguè la farço. Quau dóu paure Frestèu n'a pas ausi parla ?

A la longo pamens dison que se desenmasquè, en fasènt bouli d'aguhio car lis aguhio (nous disié ma grand), quand l'aigo pren lou boui, pougnon la car d'aquéli que vous an jita 'n sort. Coume que vague, fai vèire que ma grand avié resoun, quand nous disié : En aquest mounde, vai jamais bèn pèr l'un que noun vague mau pèr l'autre.

GUI DE MOUNT-PAVOUX.

1868.

LI COUMANDAMEN DE DIÉU

1. Un soulet Diéu adouraras
E de tout toun cor amaras.
2. Toun Diéu en van noun juraras,
Encaro mens renegaras.
3. Lou sant Dimenche óusservaras,
Li jour óubrant travaïaras.
4. Ti paire e maire ounouraras,
E coume acò long-tèms viéuras.
5. Jamai degun noun tuaras,
De ges de modo, en ges de cas.

6. Lussurious tu noun saras,
E de toun cors t'avisaras.
7. Lou bèn d'autru noun raubaras,
Ni gardaras ni gastaras.
8. Faus testimòni noun faras
Contro degun, ni mentiras.
9. Jamai noun coubesejaras
Que la mouié qu'espousaras.
10. De toun prouchan n'envejaras
Ni l'oustalado ni lou jas.

AQUÉLI DE LA GLÈISO

1. Li fèsto santificaras,
Quand coumandado li saupras.
2. Li Dimenche messo ausiras
E li fèsto noun mancaras.
3. Ti pecat, li counfessaras
Un cop de l'an, se mies noun fas.
4. Au-mens à Pasco, lou front bas,
Toun Creatour tu reçaupras.
5. Tempouro e vueio junaras
E la Carèmo noun roumpras.
6. Divèndre car noun tastaras
Nimai dissate manjaras.

LOÛ CHANJA DE CAMISO

Après un long camin, embriga pèr la caud,
S'aplanton de sourdat. — Pèr que prengon pas mau,
Alor un vièi serjant à la moustacho griso
Coumando : Atencien ! fau que changès de camiso !
— N'avèn gies pèr chanja, respouende un bouen troupié.
— Camarado, venès de dire uno bestiso :
Entre vautre, sourdat, chanjarès de camié.

J.-B G.

LI FELIBRE EN CATALOUNGNO

I

Au coumençamen de l'an, lou Felibrige de Prouvènço reçaupè counvidacioun de la part dóu Counsistòri di Jo Flourau de Barcilouno.

Coume la Catalougno, — senoun pèr mar, au-mens pèr terro, — encaro proun liuen de la Durènço, e que Diéu e lis afaire noun an douna lesi en tóuti, quatre felibre soulamen respoundeguèron au rampèu William Bonaparte-Wyse, Frederi Mistral de Maïano, Louis Roumieux de Nimes, emé Paul Meyer de Paris, tóuti quatre messagié de la Prouvènço, e anant, — qu l'aurié di ? —, après cinq siècle de silènci d'òublit, de guerro e de separacioun, renouvèla lou liame di vièi pople dóu Miejour e lou councert antique de nosto lengo d'O.

Parti lou 27, à 10 ouro de matin pèr lou camin de fèrri, dins la niue de l'endeman arribèron à la Jounquiero di Pirenèu, qu'es la frountiero de la Franco e de l'Espagno. Lis esperavo uno coumessioun de Catalan que venguè li reçaupre en veituro especialo, e intrèron dins Figuiero vers 7 ouro de matin. Aguènt après, li Figueiren, que lou paire de Mistral avié, coume sòudard de l'enciano Republico, fa lou sèti de Figuiero, e que noste pouèto counservavo d'acò un pious souveni, pèr uno prevenènço delicato e toucanto avien ourganisa dins la glèiso de Figuiero un soulènne canta; e coume li Felibre aguèron descendu, li campano sounèron, e Mistral aguè lou bonur, entre metre lou pèd sus la terro catalano, de vèire tout un pople veni prega em'èu pèr l'amo de soun paire.

Pièi venguè lou banquet douna dins lou saloun dóu Casino *el Lazo*, e poulidamen servi pèr de chato catalano. Don José Gironella, president dóu festin, n'en faguè lis ounour i Prouvençau em'uno gràci e de paraulo mai que gènto.

II

Veici adounc lou brinde que Mistral ie pourtè :

A la memòri de nòsti rèire,
Di Berenguié, dón rèi En Pèire,
Aussen li vèire,
Prouvençau, Catalan, Limousin e Gascoun !
A la memòri dóu rèi En Jaume
E dón reiàume
D'Aragoun !

Prouvènço e Catalougno, ami, soun dos compagno,
Dos sorre qu'en risènt la lumiero enfautè.
Un jour, lis amoureux intrèron en campagno,
Adièu ! uno donnè sa man au rèi d'Espagno,
Em'aquéu di Francés l'autro se maridè.

Es egau, vivo Diéu ! li raço noblo e forto
Noun óublidon jamai li trelus de soun sang ;
An bèu dire : Estas siau ! vòsti glòri soun morto !
Nous-autre, que sabèn ço que l'Istòri porto,
Ensèn toucan lou vèire au bout de cinq cènts an.

O fraire ! que nous fan li frountiero enemigo,
E li noum diferènt de Francès, d'Espagnòu ?
Mau-grat tout, mai que tout, l'amistança nous ligo :
S'es inmènso la mar, s'es vasto la garrigo,
Tambèn li passaren, car sian de roussignòu !

Counserven dóu Passat li gràndi foundamento :
Lis aubre que van founs soun li que mounthon aut.
Mai tenen l'íue dubert autant'que la memento :
Vers lou libre Aveni, lus que toujours aumento,
Fisançous caminen, sènso pòu ni ressaut.

Enterin, se quaucun trovavo entrapachouso .
Nosto caùso, jouvènço, avans toujours ! es bèu,
Coume Maiorco en flour, de lucha, courajouso,
Contro lou picadis de la mar envejouso,
E de jamai subí l'uniforme nivèu !

III

D'aplaudimen entousiasto aculiguèron aquéli vers, e entre-mesclant si
brinde, Prouvençau e Catalan long-tèms se saludèron e a-de-rèng diguè-
ron ço qu'avien dins lou cor. D. José Boix, e D. Francesch Pagès, D. Al-
bert de Quintana, D. Antòni de Torres, D. Antòni Masferrer, e lou Señor
Paiò e lou jouine e valènt Enrich Terradas, etc. faguèron i Felibre, en
proso coume en vers, uno amirablo benvenuto. « Que li Catalan de Fi-
guiero, diguè Paul Meyer, se souvèngon que i'aguè, au siècle tregen, un
troubaire liberau sus tóuti, e que ie disien *Guilhem de Figueras* ; e que
se souvèngon perèu qu'après la guerro dis Albigès, es en Castiho, en
Aragoun, en Catalogno, que se refugiavon li troubaire, aquélis ome
que, cassa de sa patrio, èron en cerco de la liberta... »

E Louis Roumieux diguè :

A Figuiero iéu brinde, à la xilo avenèto
Que la proumiero vèn de nous pougi la man,
Que vèn de nous reçaupre, urous e calourènto,
Sus la terro di Catalan !

Enterin de tèms en tèms uno soucieta couralo, drecho sus uno es-
rado, regalavo li nostre di cansoun naciounaló dóu païs. Fuguè 'n jour
e bonur, de pouèsio e de lagremo.

IV

Uno coumessioun nouvello vèn, au noum de Girouno, counvida cerca li Felibre prouvençau ; e à la negro niue, l'on intro dins Girouno l'inmourtales cièuta, coume dison li Catalan, qu', en 1809, soustenguè ' terrible sèti contro li Francès.

En tèsto dis ami e dis ome marcant que recebon aqui li Felibre, i'a Victor Balaguer, lou celèbre pouèto catalan ; es éu que coundusiè la coumessioun de Barcilouno, car chasco vilo s'èro facho un devè de veni : l'endavans di pouèto prouvençau, emai de ie semoundre uno espitalité de rèi.

Un banquet magnifique reünis counvida e counvidaire dins lou saloun d'ou seïnor Camps, deputa de la prouvinço. Au dessert, Balaguer, dins un brihant discours, saludè l'embassado prouvençalo ; e l'èminent pouèto d' *Parpaïoun blu*, W. B. Wyse, dins un d'aquèli brinde que saup band tant aut, enaurè lis estrambord de la taulado ilustro. D. Manuel Angelon roumansiè destingui e juge à Barcilouno, diguè que n'èro pas la paraule di rèi, ni lou camin de fèrri, ni l'eleitricita qu'avien agu l'ounour d'aplan li Pirenèu, mai bèn la pouderoso, la divino pouèsio. Pièi parlèron Mistral e Roumicux e Meyer ; pièi brindè lou pouèto e crounisto de Girouno l'amistous Claudi Girbal ; pièi lou pouèto Jacinto Labaila ; pièi Albert de Quintana, lou pouèto ouratour de Torroella de Montgri ; pièi noste viè ami Calvet ; pièi Gilabert, lou galant pintre de Girouno ; pièi Barallat tradutour de *Mirèio* en castihan ; pièi lou bon Andreu Pastells, e D. Francesch Franqueza, e D. Francesch Sala, e li fraire Sitjar, que retrouvaren pu liuen, etc. etc. La vihado s'acabè pèr uno representacioun au tiatre de la vilo, ounte, en l'ounour di Prouvençau, se jouguè lou bèu dramo de Victor Balaguer, *Don Joan de Serrallonga* : l'autour fuguè aplaudi, e aclama cinq o sièis fes, e óubliga de se moustra e remoustra subre la sceno. A miejo-niue enfin, l'ourfeon de Girouno venguè canta la serenado soute li balcoun di Felibre.

L'endeman de-matin, qu'èro lou 29 d'abrièu, vesitèron la cièuta, e subre-tout la resplendènto Catedralo, ounte poumpousamen se mounto pèr un escaliè gigantesco.

V

Vers li miejour, acoumpagna di coumessioun de Barcilouno, de Girouno, de Figuiero, La Bisbal, etc. l'on s'embarquè au camin de fèrri pèr la capitalo de la Catalogno. Eici fau rèndre gràci à la direicioun d'ou *Ferro-Carril* catalan, que moustrè i pouèto uno galantariè coumplido. Tóuti fuguèron pourta gràtis, dins li vagoun reïau ; e l'amable Direitour

l'aquelo ligno , D. Antòni Ferratges, vengué li reçaupre éu-meme e lis coumpagna e i'oufri tout-de-long de refrescamen esquist. Se pòu rèn èire de plus bèu que lou païs que se desplego de-long d'aquéu camin-de-èrri, subre-tout de Mataro à Barcilouno. Es uno plajo mervihouso, embaumado e flourido pèr li bos d'arangié, lis aloues, li roso, li flour e touto meno, emé de gai vilage que blanquejon e que rison sus la costo de la mar, emé la mar d'azur qu'esbrihaudo la visto, cuberto de barquet a velo blanquinello, e li pescaire à bounet rouge que tiron si fielat. Es coumparable soulamen à la Ribiero de Gèno o de Naple.

Nous veici à Barcilouno. De meme qu'à Marsiho lou proumié quartié qu'abordon li que vènon d'Espagno es lou quartié di Catalan, de meme, à Barcilouno, la proumiero bourgado que veson li Felibre es Sant-Martin-dels-Provensals. Un grand noumbre d'ami, e de letru, e de curieux, lis acueion à la garo, e li menon en triounfle dins lis oustau princié que ie soun destina.

M. Bonaparte-Wyse es louja 'mé sa mouié vers Victor Balaguer ; van Mistral e Roumieux dins lou palais de mabre de D. Valentin Marin ; e Meyer esoundu encò de D. Josè de Ratès, deputa prouvinciau.

Or, quau vous a pas di qu'enterin qu'èron mena e qu'intravon dins la vilo, nòstis ami esbalauvi entendien davans èli li marchand de journau arida pèr li carriero : *La vinguda, la vinguda dels il-lustrissims poetas provensals, un real ! un real !...*

Mai dóu tèms que sa pauson en esperant li Jo Flourau, qu'auran lio ou 3 de mai, permenen-nous un pau dins Barcilouno.

VI

Enciano capitalo dóu Principat de Catalougno, memamen encian sèti de la Court d'Aragoun, Barcilouno es une vilo forço bello, e la segoundo de l'Espagno pèr la populacioun. Lou boulegadis, la vido, lou mouvement commerciau, endustriau, enfestouli, que l'on remarco emé plesi dins li carriero, reversion quasimen la prèisso de Marsiho. De grand jardin pèr l'espaça, de cous superbe, coume lou *Paseo de Gracia*, lou *Paseo de San Joan*, la *Muralha del mar*, e subre-tout la *Rambla*, dounon à Barcilouno un aire de grandour e de ben-èstre que fan gau.

VII

Basto, veici lou 3 de mai. Tout lou mounde se gandise vers la coumuno, *Casa de la Ciutat*, ounte van se teni li Jo Flourau, dins lou Saloun di Cènt. Aquelo istourico salo es lou tèmple venera di tradicioun de la patrio. Sus uno grando estrado prenon plaço li Mantenèire di Jo, emé li cènt

Ajoun, emé li membre de la municipalita. Li cadiero d'ounour soun reservado i pouèto counvida, tant prouvençau que castihan; car lou gai Counsistòri avié peréu envita l'Acadèmi de Madrid, en meme tèms qu'aquele de Prouvènço. Au burèu soun asseta lou señor Gobernador de Barcelouno, D. Victor Balaguer, presidènt d'ou Counsistòri, emé li Mantènèire à soun entour.

Balaguer duerb li Jo pèr un discours, aculi en chasco fraso pèr un trounadisso de picamen de man : « La Prouvènço, ie disiè, es l'Ouriènt de la literaturo catalano, e nòsti Jo Flourau soun fiéu de la Prouvènço. » Se vèi que l'ouratour saup boulega lou cor de si coumpatrioto; e à l'entousiasme que règno dins la salo, ounte s'esquicho la meiuoro soucieta de Catalougno, se vèi qu'es un grand jour pèr lou païs, e que la glourificacioun de la lengo meiralo es regardado pèr tóuti coume la reneissènço de la naciounalita.

Lou secretàri, D. Francesch Miquel y Badia, legis pièi lou comte-rendu d'ou counours pouèti, e sus li 365 coumpousicioun mandado, es lou pouèto Adolfo Blanch qu'outenguè la proumièro joio, *la Flour naturalo*. L'oufriguè tout-d'un-tèms à-n-uno gènto damisello, Dona Carinen Mercader, que fuguè, segound l'us, la rèino de la fèsto, e venguè s'asseta au fautuci majourau pèr destribuï li pres i pouèto courouna.

VIII

Un immense banquet reüniguè, lou vèspre, tóuti li counvida, laureat e letru, qu'avien pres part i Jo Flourau. D. Victor Balaguer ouenpavo de juste un di sèti majour. A sa drecho avié Mistral, Capoulié d'ou Felibrige, e à sa gaucho lou celèbre Zorrilla, proumiè pouèto de Castiho qu'a segui au Meissique, coume ami e coumpagnoun, lou malurous Massimilian. D. Antòni de Bofarull, qu'es esta lou restauraire di Jo Flourau barcelounès, oucupo l'autre sèti de la presidènci. A sa drecho es asseta lou pouèto castihan Ruiz Aguilera, e à sa gaucho, Bonaparte-Wyse. Piè vesès Nuñez de Arce, un di meior pouèto d'ou tiatre espagnòu; piè Aguilò, lou savènt maiourquin, acampaire inteligènt di cansoun pouputlari de la Catalougno; pièi noste Louis Roumieux, galoï representant de l'alegresso prouvençalo; pièi Joaquim Rubió, capoulié d'ou parnasse catalan; pièi li troubaire valencian, nòstis ami Labaila e Llorente e Querol, charmant representant de la Ciènta di flour; pièi Paul Meyer, lou mèstre di filoulogue prouvençau; pièi Louis Cuchet, l'autour de *Catalunya vindicada*; pièi D. José de Letamendi, proufessour d'anatomio; pièi li pouèto dramati Ascensio de Alcantara, Teodoro Baró Pelay Briz, Eduart Vidal, Damas Calvet; e pièi l'ilustre D. Manue

Mila, que sa reputacioun filoulougico es europenco ; e Albert de Quintana, lou felibre de Torroella ; e Luis Roca, aquén de Lerida ; e l'amistous Miguel Amer ; e D. Josep Vergez, tant generous e tènre ; e i dous Torres, e Caietan Vidal ; Verdaguer, Barallat, Sala, Roure, Maspons, Llausas, Aixala, Sol, Ferrer, Valls, Sitjar, Morera, Riera, Picò, e lou prefèt de Lerida, D. Rodriguez Trellez, e tant d'autre que si noum nous vènon pas d'aquest moumen.

Tampau noun es possible de retraire li brinde que se pourtèron aquí en l'ounour de Prouvènço, Castiho e Catalougno. Menciounen soulamen lou de José Zorrilla, dedica i Prouvençau ; aquèu de Balaguer, rapelant li Felibre qu'èron pas pouscu veni ; e lou discours enfin de Frederi Mistral, que finiguè d'aquesto sorto :

Dieù-merci an uno amo, li pople éli pèreu, e lis amo soun inmourtalo ! Vaquí perqué, Messiés, au bout de tant de tèms sian vengu renousa la cadeno simpatico de nosto istòri paralèlo, la cadeno interrompudo pèr la bataio de Muret, e restabli aquéli gènti relacioun que fasien, àutri-fes, cavauca li Troubaire de la court de Toulouso à n-aquelo d'Aragoun, e de la court di Berenguié de Barcilouno à la di Berenguié de la Prouvènço ! Brinde, Messiés, à nòsti paire ! e brinde à la memòri li 20,000 Catalan que se faguèron tua, emé soun rèi En Pèire, pèr nosto independènci ; e brinde à l'espandido, à la nouvello espandido de nosto Lengo d'O en Catalougno e en Prouvènço.

IX

Sian fourça de coupa court : l'endeman, subre-endeman, fèbre-coun-ùnio, li fèsto, li festin, li representacioun au tiatre, lis ounour de touto neno, lis *obsequios*, coume dison en Espagno, noun aguèron fin ni rêvo. Es necite pamens de dire quaucarèn de la vihado literàri que se tenguè dins li saloun de l'Atenèu Catalan, davans un auditòri de 2,000 persouno. Aquí lou poulari e bon Aguilera faguè tóuti trefouli emé soun amirablo *Balada de Catalunya* ; aquí l'autour de *Calendau* estre-mentiguè li cor emé soun odo i *Troubaire catalan* ; aquí Roumieux aguè n triounfle, en atendrissènt emé si vers sus Antounieto de Bèu-caire, dièi en rejouïssènt emé *Lou Maset de Mèste Roumieux* ; aquí Mila, aquí Quintana, aquí Bonaparte-Wyse, fuguèron aplaudi ; aquí enfin Damas Calvet moustrè soun amo bello en disènt, au lio di sièu, de vers de Roumanille e d'Ansème Mathieu.

X

Lou 7 de mai, s'organisè lou roumavage à Nosto-Damo de Mount-Serrat. Lou Mount-Serrat es uno auto mountagno, à sèt lègo de Barcilouno, e de 1,100 mètre o enviroin subre la mar. Mai es de formo tant estranjo, e talamen escalabrouso, e segrenouso, e fèro, que noun i'a dins lou mounde autro mountagno que la sèmble. Li baus que la coumpauson soun taia ta-

lamen dre, e li serre innoumbrable que n'en fan la courouno soun talamen bijarre, que dirias uno cièuta, uno fourtaresso inmenso, coulousalo, eirissado eilamont de fourmidàbli tourre, è abitado antan pèr de gigant. Soun aspèt misterious a dóu rèsto impressiouna l'imaginacioun dóu pople, e se dis eilalin qu'à la mort de Jèsus-Crist, lou Mount-Serra se sòulevè d'ourrou e s'estràssè afrousamen, coume se vèi, en milo serre. Vaqui ounte escalèron au nombro de quaranto, li pouèto catalan valencian e prouvençau. Èro niue quand arribèron au couvènt, que se trovo peramount, empega dins li baus au rode lou plus aspre.

Oh ! jamai de la vido óublidaran tau souveni ! Li nèblo de la niue coume uno mar oundenco, barrulavon blanquinouso souto éli ; e la campano santo dindavo dins lis èr e ie disié : Venès prega !

Intrèron dins la glèiso. Li mouine, de si voues gravo e largo, mes elado au son de l'orgue e i voues clarinello dis Enfant de Cor, entamavon lou *Salve*. Tant liuen dóu mounde van, tant aut sus la mountagno e dins de tàli circoustànci, uno emoucioun desparaulado gounflè lou cor de tóuti, e mai que d'un plourè. La religioun trèvo li cimo.

XI

A l'aubo, l'endeman, s'escambarlè de mióu, e se mountè à Sant-Jeròni qu'es lou plus aut cresten de tout lou Mount-Serrat, emai bessai de la Catalougno entiero. Coume nosto Santo-Baumo, d'ounte perèu s'embrasso em'un soulet cop d'iue l'estendedou de la Prouvènço, dóu piue de Sant-Jeròni la visto esperlougado embrasso l'estendudo de la Courouno d'Aragoun, valènt-à-dire Catalougno, Aragoun, e Valènço e eilalin, li Balearo. Eilalin, pereilalin, à la fin de la mar bluio, li Feli bre pèr idèio entre-veson la Prouvènço, e la mostron esmougu à s'counfraire catalan.

Alor, i proumié rai dóu soulèu que se levavo, empen e trefouli d'ou estrambord divin, tombèron en plourant dins li bras lis un dis autre, e li dos branco reflourido de la vièio lengo d'O s'embrassèron en Diéu soulennamen... Pièi, d'aquel autar sublime, lançant i quatre vènt li simbole patriau, eridèron : Catalougno ! e eridèron : Prouvènço ! e lis ecorrespoundeguèron : Prouvènço ! Catalougno ! e, lou cor plen d'amour davalèron alor d'aquéu Sinai pèr ana vesita la *Moreneta*, qu'es lou noun famihié de N.-D. de Mount-Serrat.

XII

Lou 9 de mai, se davalè de la mountagno, e l'on venguè à Monistro reprene lou camin-de-fèrri. Mai veici qu'à l'arrasso, fauguè mai s'arresta

un pople entrefouli, impaciènt de se jougne i fèsto pouëtico, esperavo la caravano à l'estacioun.

Bras dessus, bras dessouto, li roumiéu ispira fuguèron enmena vers d'ouvacioun nouvello. Sus la porto dóu Coulège de la vilo, lis escoulan arrengueira lis esperavon ; e l'un d'èli en catalan ie faguè 'n coumplimen que coumençavo ansin :

Poetas, que deixant la terra tant galana
De Provensa e Castella joyosos heu vingut
A visitar la terra que s' diu vostra germana,
Eix Català Col·legi à tots vos diu : Salut !

Après aguè vesita li glèiso, lis escolo, e li fabrico principalo (car es Tarrasso un di grand cèntre de l'endustrio catalano), fuguèron counvida en un banquet reiau, ounte li proumié de la vilo vouguèron prene part. En seguido, l'aguè au tiatre uno representacioun consacrado i pouèto, emé lis armo de Prouvènço que briharon dins la salo contro li de Catalougno. Dousjòuni Tarrassen, dous laureat di Jo Flourau, Ventallò e Roca y Roca, presentèron aquí, subre la sceno, la plus gènto benvangudo au Felibrige. La niuchado s'acabè pèr un bal esbrihaudant, ounte fraternisèron patroun e mestirau, ounte resplendiguèron li gracióusi Tarrassenco, que passon, à juste titre, pèr teni en Catalougno lou scètre de bèuta.

XIII

De Rèus, de Sabadell, de Lerida, de Tarragouno, vènon mai de coumessàri pèr envita li Prouvençau ; mai li forço de l'ome noun podon sufrire au bonur meme. Rassacia de fèsto, tournon à Barcilouno faire sis adessias.

Un acuei mai-que-mai grand li reçaup encaro un cop dins la cièuta coumtalo. Uno semano avans, lou tiatre dóu *Liceo* lis aviè regala d'uno *funció* ounourifico ; aquesto fes, es lou tiatre *Romea* que dedico *als insignes poetas de Provenza* la representacioun dóu bèu dramo catalan *Bach de Roda* de nosto valerous e bon ami D. Pelay Briz. Dins lis entreate, la soucieta couralo *Castalia* canto la *Magali* dóu pouèmo de *Mirèio*, e lou *Vin di Felibre* (paraulo de Bonaparte-Wyse, e musico de Dau).

Lis adessias aguèron ho au *Prado catalan*, dins un darrié festenau au quau Barcilouno entiero se pòu dire qu'assistè. Lou grand artisto D. Anselme Clavé, pouèto e musicaire d'aut merite, foundatour e direitour de l'ourfeon d'*Euterpe*, ie faguè ausi e aplaudi li Cor óuriginau de sa compousicioun, tant couneigu, tant poululàri de de-lai li Pirenèu. Li segnour Balaguer, Bofarull, Lasarte, Roure, Pons, Alcantara, Roumieux

Zorrilla, Roca, etc. prounouncièron a-de-reng li paraulo toucanto de la despartido, e Mistral esmougu se levant à soun tour :

Adiéu, diguè, adiéu e gramaci à l'ilustro ciéuta de Barcilouno, que reçaup l'pouèto coume s'èron sis enfant, que courouno li pouèto coume s'èron de rèi ! Adiéu au noble pople, au valènt pople catalan ! Adiéu à nòsti fraire de la magna nimo Espagno, adiéu e à revèire !... A revèire dins lou prougès de Diéu ! à revèire dins la pas universalò ! à revèire dins la lumiero de l'amour ! à revèire Messiés, dins lis embrassamen de l'Aveni !

E li journau de Barcilouno disien lou lendeman en parlant d'aque adiéu :

El publico saludó à Mistral y los otros Felibres con una frenetica salva de aplausos jamás oída : los panuelos y los sombreros poblaban el aire, y los gritos y los aclamaciones poblaban el espacio. La ovacion fué inmensa.

Pèr tout coumpli, la reialo Acadèmi de Barcilouno reçaup lou Felibridge dins soun sen.

XIV

Lou 12 de mai, dos veituro, tirado caduno pèr cinq miolo, — pèr cinq miolo garnido e caparrassounado coume aquéli de Sant-Aloi, emé lou poustihou qu'ha sus la proumièro e eridant : Arri ! — dos veituro empourtavon l'embassado felibreco sus la routo de Girouno à La Bisbal. La Bisbal, à touto forço, avié vougu faire un renos. A La Bisbal, l'entousiasme sigué fòu. La vilo entiero, à l'arribado di pouèto (que tourna-mai sigué de vèspre), èro galantamen aluminado de lanterno de coulour ; la vilo entiero esperavo li pouèto, e coume pareiguèron, li erid : *Viva Provenza ! e viva Catalunya !* partiguèron fourmidable. Tres jour de tèms, sigué que de rejouissènço, de danso e de banquet. Dins li bal e pèr carriero, se balavo la *Cerdana*, qu'acò 's la farandoulo d'aquéli païs, ounle s'aganton pèr la man, e que se danso em'uno graci, e 'm'uno gravita touto grèco. A la fin di banquet, e au tiatre dins l'entre-ate, se bandiguè d'aucèu, bouscarlo o tourtourello, en simbole d'amour emai de liberta ! Au tiatre se dounè 'no pèço esprès e en l'ounour di Prouvençau, emprouvisado pèr D. Josep Vancells, laureat di Jo flourau. En un repas, óufert especialamen pèr li óubrié de La Bisbal, la plus part di counvivo, mesteirau o païsan, èron vesti en veritabli catalan, emé la *barretina* roujo, la taiolo o *faxa* roujo la *manta* barioulado e lis esparديو i pèd. Tóuti li plat èron plat dóu païs *carn-d'olla*, merlussado, cacalausado, aiòli, etc. E ges de vèire sus la taulo : cadun à soun coustal avié 'n flasco de vin, un grand flasco de vèire qu'éli noumon *purro* ; e quand venié li brinde, vesias dous o tres cènts ome que chourlavon ensèn, e à la *regalado* !

Gramaci à Vancells, i fraire Joaquin e Juan Sitjar, à Francesch Sala, à alvador Genis, e subre-tout à l'eicelènt D. Antòni de Torres, direitour ou journau lou *Faro Bisbalense*, gramaci à-n-aquéli franc pouèto que eçaupèron si fraire tant caudamen e largamen ! E coume ie diguè lou antaire de *Mirèio*, dins sis adieu soulènne au pople bisbalen :

La Bisbal es la flour de l'Empourdan : que Diéu fague espan di e flouri aquelo our ! La Bisbal dins sis armo porto em' ourguei uno crous d'or : dins l'azur de l'oste cèu, de voste cèu tant bèu, Diéu fague trelusi la crous de La Bisbal !

XV

Enfin, pèr se pausa de tant de fèsto, nòstis ami s'envan à Torroella de Montgri, ounte D. Albert de Quintana, pouèto calourènt, ouratour pouulàri, savènt agricultour e ami devoua, li desalasso quàuqui jour dins lou epaus de soun castèu.

Basto, regagnon la frountiero, acoumpagna de Balaguer, persounificacioun de la patrio catalano, acoumpagna de Torres, que lis èro à la frountiero perèu vengu cerca ; e s'entournon esmougu, meraviha, estaboussi, d'avé trouva tant liuen, darrié li Pirenèu, un amirable pople que embriago encaro i cansoun di pouèto, que trefoulis encaro au mot de l'èrta, e que regardo la Prouvènço coume sa sorre bèn-amado.

GUI DE MOUNT-PAVOUN.

21 de Mai 1868.

PÈIRE E JAN

Pèire e Jan discutien de la bèuta d'Agueto :

— De moun cor, disié Jan, Agueto es la brouqueto.

— Pèr un ome de goust toun amour me souspren,

Disié Pèire ; à bèn dire es rèn mens que poulido.

— Mai coume ! de gràci es coumplido,

A taio facho au tour emé d'iue azuren...

— Iéu nègue uno bèuta que noun es artistico ;

A lou nas trop courtet, e trop large lou front.

— Laisso aquí, moun bèu, ta plastico ;

A ti gran mot de dougmatico

Moun cor pèr un prouvèrbi en prouvençau respond :

Cambarado !

N'es pas bèu ço qu'es bèu, mai es bèu ço qu'agrado.

MARQUES DE SAINT-PAULET.

Counseié de la Court Imperialo d'Argié.

1868.

AU PONT-DOU-GARD

A F. MISTRAL

Lou pont espetaclos qu'encambo lou Gardoun.

(MIRÈIO, c. V.)

De l'engèni rouman superbo meravaho,
Sus ti pielo auturouso, o fraire dis Anpiho,
Quant de pople divers soun vengu trepejant !...
Quant de sièele an fusa davans tu sèns mistèri !
As vist mouri li pople e tounba lis empèri
E sies encaro jouine e bèu coume à quinge an.

De-qu'as pas vist passa dessouto tis areado ?...
Li rèi, li bèlli damo e li gràndis armado :
Pàuri pichot nanet que te fasien pieta !
Tu, sèmpre escambarla sus ti roucas sôuvage,
Li pèd dins lou Gardoun, lou front dins li nivage,
Davans tu li vesies, em' esfrei, s'aplanta.

Mai, que te fan, à tu, li rèi e lis empèri,
Li grand segnour, si damo e tóuti sis arlèri ?...
Queto grandour umano adeso à ta grandour ?
Sies pus bèu, milo fes, enfant de l'Italio,
Dins ta bèuta sereno e pleno d'armounio
Que touto vanita dedins sa resplendour.

Que sies bèu, dins l'ivèr, quand la nèu t'enmantello !
Redrèisses fieramen ta tèsto blanquinello
Coume un rèi usanous qu'es de tóuti ounoura ;
L'auro que boufo e siblo, en raselant ti cournisso,
Retrais lou chamatan, retrais la eridadisso
Di manobro qu'antan venguèron t'auboura.

E quand, dedins la niue, la luno sounjarello
Laisso, em' elo, lusi que li gràndis estello,
E davalo, plan-plan, sus li bos plen d'oumbrun,
Sèmbles clina toun front, toun front carga d'annado
E de ti souveni batre la rampelado
D'aquí-que la primo-aubo adague soun clarun.

O moun bèu Pont-dou-Gard, ami de ma jouvènço,
Poudriéu-ti, de tu, perdre la souvenènço ?

A ti pèd m'as vist naisse e me veiras mourir.
 Siéu eici que d'aièr e toque à la vieiesso...
 Mai tu, sies courouna d'eternalo jouinesso,
 E tout aura pres fin que noun auras peri.

G. CHARVET.

Remoulin, 1868.

A L'ESPITAU

Jaque Rousset, — ie disien Troumpo-la-Mort, — e sa mouié Jano, — ie disien la Petassado, toubèron malaut touti dous, d'uno marrido indigestioun de cacalaus.

Li pourtèron à l'espitau, car èron paure, e vièi, e proun ipouteca ; car soun einado, soun cadet, si bessoun, soun cinquen e sa jouino èron touti marida, establi un aqui, l'autre eila, e, paure coume paire e maire, pou-dien pas li secouri.

A l'espitau, coume de juste, n'aguèron bèn siuen, rèn ie manquè. Jaque Rousset, de pau à pau, anè de mies en mies, bèn tant que lou mège l'avié mes à la miejo pourcioun.

E la pauro Petassado ? Ah ! la pauro Petassado, pechaire ! de pau à pau anè de mau en pire, bèn tant que n'en crebè.

La sorre qu'èro de service quand la malauto acampè si pato e faguè si darrié badaï, la sorre que l'ausiguè, à l'angòni, ie faire, pèr soun brave Jaque Rousset, tant de recoumandacioun, anè pourta la tristo nouvello au véuse. E, prenènt de precaucioun, pèr l'adouci lou cop e l'adurre de liuen :

— Brave ome, ie faguè, Noste Segne vous counserve ! Coume sian, vuei ?

— Toujours bon apetis, moun Diéu, vous rènde gràci ! respond lou counvalescènt.

— Tant mies ! tant mies !...

— Gramaci ! toujours bon apetis....

— Anen ! acò n'en sara pas mai... fau l'espera... emé la gràci de Diéu... Vosto mouié... segur... vai bèn, d'aquesto ouro... Car, vesès, sian touti dins la man de Diéu... e... fau pièi se faire uno resoun... E bèn ! vosto mouié, aquesto niue... finalamen... vèn d'acaba de souffri.

— Es morto, parai ?

— Es morto. Diéu la repause !

— E bèn, alor, ma bravo sorre, poudrias pas me faire douna pourcioun entiero ?

LOU CASCARELET.

LA FLOUR DE LERIN

Pulchrior in toto non est locus orbe Lerina...
Martyribus plus quam quingentis insula dives.

ISIDORUS CREMENSIS.

Es sus d'un sòu bagna pèr leis erso marino
E pèr lei riéu de sang dei martire, à Lerin,
O flour, que si durbè ta courolo sanguino,
Bressado plan-planet pèr l'auro dóu matin.

S'entre milo t'ai presso, o flour ! dins lei rouïno
Dóu triste mounastié vèuse de cant divin,
Es que lou sang vermèi poumpa pèr tei racino
Briho coume un courau sus toun velout tant fin.

Rouseto, desempièi que ma man t'a culido,
As perdu tei prefum, emai te sies passido ;
Oh ! mai de-longo auras uno mistico óudour :

Es l'óudour dei vertu que Lerin, relicàri
Que gardo emé respèt lei sòci de Pourcàri,
Au couer de tout fidèu rapelara toujours.

LOU NOUVÈU MOUNGE DIS ISCLO D'OR.

1868.

LA VIGNO

En Lengadò, un vièi richas, avare ! après proun de pensamen e de trànsi, e de si e de noun, se decidè, finalamen, pèr arredouni la doto d'uno nèço, qu'aviè tengu e qu'anavon marida, à ie douna un poulit clausoun de vigno qu'èro à soun bon.

Oh ! mai, — lou vièi chin ! — se reservè la vendémio venènto, e, pèr que la vigno dounèsse soun tout, l'espoudassè.

Quand la nèço intrè pièi en jouïssènço, e vendemiè :

— E bèn ! nèço, ie dignè, n'a de rasin ?

— Peirin, un abounde ! la benedicoun de Dièn. Nous fau croumpa de bouto !

E l'avaras virè lou quièu en remièutejant : — L'avièu pamens poudado à la mort !

LOU CASCARELET.

UNO NIUE DE NOUVÈMBRE

Idoulo, aguieloun ! gingoulo, mistrau !
Dins l'aubre e lou cèu, o tempèsto, bramo !
Esfarlo la terro, envèssò l'oustau,
Qu'ausirian belèu pèr tèms de calamo
Plour de malurous, crid de pople esclau !

As destéulissa la bòri, o bramaire !
As dins sa bressolo escracha l'enfant,
Sus l'enfantounet aqueira la maire,
As bèn fa, vai, vai ! mourissien de fam !
Acabo toun obro, e sus lou bestiàri,
Sus l'avé, lou pastre e lou pastrihoun
Eicavau trevant, fugitièu di mount,
Espandis la nèu coume un blanc susàri !

Idoulo, aguieloun ! gingoulo, mistrau !

Davans ta furour i'a ges de calanco :
Barco e bastimen, tout s'aproufondis ;
Li grand chivau verd à crenieiro blanco
Fan un brande fòu sus li negadis ;
Descato l'abime e li baumo fèro
A l'iué dis estello, i lum d'eilamount ;
Bourroulo lou globe, e jito, o demoun,
Li vilo à la mar, la mar sus li terro !

Idoulo, aguieloun ! gingoulo, mistrau !

Gramaci ta voues que se lèvo d'ouro,
Tout-just s'entendèn, aurasso de Diéu,
Qu'eissejo l'enfant, que la femo plouro
E que l'ome toumbo i cop de fusièu ;
Tout just se sounjan, souto un cèu de ferre,
Que van dins la niue, tout desvaria,
Liuen de si fougau li despatria,
Pèr lis erme alin, amount sus li serre.

Idoulo, aguieloun ! gingoulo, mistrau !

Toustèms li massacre an fa la famino,
Di pople i catau s'enauron li flèu ;

Lou voulame en man, la pèsto camino,
Sus l'escoutela couchant li bourrèu...
Quèti nègri vòu dins li nivo passon,
Dóu miejour au nord sèmpre virouiant !
Es, la narro au vènt, e niffant lou sang,
Li grand courpatas que s'escacalasson !

Idoulo, aguieloun ! gingoulo, mistrau !

Dins lou brounzimen de ti gràndis alo,
Dins lou brut d'infèr de ti revoulun,
Di crucifica, troupelado palo,
Nègo lis espaimè e li rangoulun :
Crid de desespèr e plagnun de paure,
Au cèu porto-lèi ; nous-autre ciçavau
N'en manjarian plus, n'en dourmirian mau,
E cantarian pas, se falié s'en chaure !

Idoulo, aguieloun ! gingoulo mistrau !

JAN DE LA TOUR-MAGNO.

Nîmes, 2 de novèmbre 1867.

LA GALINO RAUBADO

Noste ami Pelay Briz publico en Catalougno un armana coume lou nostre, e fai tóuti lis an à l'*Armana Prouvençau* l'ounour de quauque emprunt ; anan à noste tour douna quàuqui boufounado dóu *Calendàri Catala*. Ve-n'èiei uno qu'es pas marrido :

Avien rauba 'no galino à-n-un mas. L'endeman dóu raubatòri, lou masié counvido tóuti li vesin à veni faire uno begudo, après soupa. Venguèron vint-e-cinq. Quand li vèi acampa, tanco la porto e dis :

— Aièr me raubèron uno galino ; e arò anas vèire coume iéu vau devina lou que me l'a presso.

Pauso un peiròu tapa au mitan de la cousino :

— Aqui-dintre, pièi ven, i'a lou gau : tóuti l'anas touca. ... Mai quand lou toucara lou qu'a pres la galino, lou gau cantara... Acò 's ansin, e fau que se fague à la fousco.

Zóu ! amosso lou lume.

Coumençon à faire la passado. Lou proumié que mando la man crido :

— Ai ! i'a ges de gau ! toque quaucarèn de bagna.

— Es d'aigo, dis lou mèstre, fau qu'acò se fague ansin..... Avès acaba ?

— Si, si, respondon tóuti.

S'atubo lou lume. Lou mèstre regardo li man : tóuti lis avien negro. Lou peiròu èro plen d'aigo de sujo. Lou mèstre fai :

— 23, 24... Ounte es aquéu que fai 25 ?...

Se viro, e vèi un bidourias au pèd dis escalié, emé li man plantado à sa taiolo.

L'agafo, ie tiro li man deforo : lis avié neto !

— Es tu qu'as pres la galino, ie vèn lou masié : lou gau a canta, moun ome !

LOU CASCARELET.

LI CATALAN EN PROUVÈNÇO

I

Li paraulo di pouèto noun soun vano. Un pouèto avié di :

Alor, li Prouvençau, emé lou tambourin

Que fara trefouli la barco e li marin

Nous gandiren à vòsti targo...

E aqueste mes de Mai, coume l'avès deja vist, li Felibre an vesita la Catalougno. Lou pouèto avié di perèu :

Alor, li Catalan, d'òulivié freirenau

Courounant vòsti front, courounant vòsti nau, ●

Au mes de Mai vendrés nous vèire...

E li troubaire Catalan, noun pas au mes maien, mai au mes de Setèmbre d'aquest an, soun vengu à soun tour vesita la Prouvènço.

Li journau dóu Miejour, de Paris e d'Europo, tóuti li journau, an counta l'oungamen l'esplendour de l'acuei fa pèr li vilo prouvençalo à nòsti bons ami d'Espagno. Fauto d'espaci, noun es pòssible de douna li detai d'aquéli fèsto amistadoso, de douna subre-tout li discours catalan, espagnòu e francès prounounceia pèr l'òucasioun. A noste grand regrèt, dounaren soulamen ço que s'es di en prouvençau.

II

Lou 9 de Setèmbre 1868, dès Catalan, en representacioun de sa literatura, venguèron rèndre au Felibrige la vesito que se l'èro facho : èro Victor Balaguer, emé si dous nebout ; D. Albert de Quintana, D. Manuel Angelon, D. Eduart Vidal, D. Antòni de Torres, D. Manuel de Lasarte,

D. Conrat Roure, emé lou pintre Padró. Fuguèron reçaupu à Nîmes pèr lou felibre Jan Gaidan, que, largamen, coume saup faire, ie faguè tout soulet lis ounour de sa vilo, en festin, acoulado e avenênço de tout biais.

III

A Bèu-caire, Louis Roumieux e sa gènto mouié i'oufriguèron à soultour uno espitalita princiero. Li plus galànti Bèu-cairencos li servien à taulo, e, d'ou tèm d'ou repa, dins la carriero abandeirado e iluminado, li musico e ourfeon de Bèu-caire e Tarascoun jougavon e cantavon si plus bèlli serenado. Jan Brunet, qu'èro de la fèsto, aqui pourtè lou brinde venènt :

Catalan e Prouvençau long-tèm an bataia, canta e ama 'nsèn ; long-tèm la Prouvenço e la Catalougno, coume dous enfant de la memo maire, s'acaminèron urouso e fièro, e arrapado pèr la man... Ai ! pièi, un jour, jour de mal astre, un negre nivoulas de ploumb s'espandignè sus tout lou Miejour, e la fre, sorre de la mort, regnè souleto, ounte regnavo la calour, la clarta, li cansoun e l'amour. Ansin avès vist, dins un marrit ivèr, lou cèn s'ennevouli, la nèu tomba à bôudre, li glaceiroun pendoula i brout dis ôliviè, jala la sabo dins lou pège, e l'aubre n'en mourì. La destrau alor acabo l'obro d'ou marrit tèm, e lou pège autre-tèm auturous, aro estendu pèr s'ou, sèmblo un valent gigant, acapla dins uno bataio.... Mai vèngue lou bèu tèm, mai vèngue lou soulèu : d'ou cepoun resta en terro, dous grèu pounchejon, dous sagatun s'oubouron, dos estaco grandisson... Leissas-lèi faire, escalon !

Ansin, Messiès, de nosto lèngo d'O, que lis ivèr avien jalado, que la destrau aviè copado, e que t'ou t'ou cresien perdudo, coume d'ou pèd de l'ôliviè cresegu mort, dous grèn an pouncheja, dous sagatun au verdeja, dos estaco s'oubouron. Leissas-lèi faire, escalaran ! Escalaran, vous dise ! Vendran dous bès aubre bessoun, pourtaran flour, pourtaran fru, ensèn escalaran vers lou soulèu, e vers Dièu, soulet mèstre e soubeiran seignour !

Beve, Messiès, au rampau de Catalougno ! au rampau de Prouvenço !

D'aquí li Catalan mounton en Avignoun faire fèsto vers Brunet, e vers Boudin e vers lis autre.. Mai lou plus bèu de tout, e lou mai resplendènt, se passè à Sant-Roumiè, lou gènt païs de Roumanille.

IV

Uronso de l'acuei fa pèr la Catalougno i pouèto de Prouvenço, Sant-Roumiè-de-Prouvenço vouguè rèndre lou guierdoun i Catalan ; e pèr dignamen lou rèndre, vouguè faire de sa fèsto uno soulennita internacionalo. Reüssigüè.

M. Ciprian Gautier, lou Maire inteligènt, lou valent patrioto, empleguè, fau lou dire, tout soun zèle en acò ; e M. Anfos Millaud, l'amistous direitour d'ou *Petit Journal*, enfant pèrèu de Sant-Roumiè, segoundè de soun miès li prièn d'ou festenau en adusènt em'èu uno galoio troupe de journalisto parisen, e 'n metènt au service de la causo soun ajudo generouso e sa publicita inménso.

Quatre jour à-de-rèng, li fio-de-joio e pegoulado, lis iluminacioun, lou bal brihant, li farandoulo, e la gaio musico di tambourinaire d'Ais, e li curso de biòu, e cènt divertissènço, lenguèron en alen e en amiracioun. Faudrié 'n libre pèr tout dire. Mai òublidaren pas un detai que touquè tóuti : lou passage à Maiano di troubuire Catalan : A Maiano, lou dous vilage de Mistral, qu'em'un bèl entousiasme se pourtè tout entiè au de vans di pouèto, emè musico en tèsto jougant l'èr de *Mirèio* e dóu *Soulèu*, e eridant unanime : Vivo li Catalan !

Oublidèn pas nimai la vesito di pouèto au vièi mas peirenau de l'autour de *Mirèio*, ounte lou fraire de Mistral li reçaupè tambèn soute un arc-de-triounfle...

Sian fourça de chapla gros, e d'arriba lèu-lèu au grand banquet de Sant-Roumié.

V

Au noumbre di counvivo, qu'èron proun 150, l'avié, proumieramen, nòstis ami de Catalougno ; se remarcavo, pièi, entre li letru francès : Messis Saint-René Taillandier, proufessour d'elouquenci à la Sourbouno de Paris, Charles Mouset, Pierre Zaccane, Paul Arène, Francisque Sarcy, X. Freynet, Anfos Millaud, Albert Millaud, Félix Hément, Charolais, Aleissandre Ducros, Emile Blavet, Marius Roux, Cochmat, lou baroun Brisse, Asseline, D'Aunay, Bouvier, etc. ; pièi Messis E. Roux e E. Bertin, de la prèssò marsilhèso ; pièi Messis E. Ruben, bibliotecari de Limoge ; Revoil, de Nimes, architèite diocesane ; Gibert, de-z-Ais, dessinaire ; L. Veray, de Barbentano, estatuaire ; Grivolas, pintre avignounen ; pièi Messis lou baroun de Chartronso, deputa d'Arle ; lou sout-prefèt d'Arle ; Poncet, maire d'Avignoun ; Castion, juge en aquelo vilo ; Fournier de Violet, president dóu tribuna de Tarascoun ; Ambroix, maire de Font-vièro ; Lisbonne, bastounié dis avoucat de Mount-pelié ; Just Gautier, juge de pas de Sant-Roumié, etc.

Pièi au noumbre di Felibre : F. Mistral, de Maiano ; J. Roumanille e Marius Girard, de Sant-Roumié ; T. Aubanel, J. Brunet, A. Boudin, d'Avignoun ; Ch. de Tourtoulon, de Mount-pelié, lou savènt istourian dóu rèi Don Jaume ; L. Roumieux, de Bèu-caire ; A. Michel, de Mourmeiroun ; J.-B. Gaut, de-z-Ais ; F. Aubert, de Marsoho ; G. Azaïs, de Beziés ; Goubet, de Sant-Satournin ; E. Ranquet, de Vilo-novo ; F. Gras, de Malo-mort ; A. Arnavielle, de Bessejo, etc.

Mai zóu ! passen i brinde.

VI

M. Ciprian Gautier, lou maire e president de la taulado, béu proumié

à la santa dis oste de la vilo, e douno un gramaci à l'Empeire qu'a regala la fèsto d'uno medaio d'or.

Après, Mistral s'aubouro e parlo coume eiçò :

MESSIÉS E SEGNOUR,

Gràci à l'iniciativo, à la galantarié, à la gènto avenènço de la vilo de Sant-Roumié, la Prouvènço a lou bonur de poudé temounia publicamen sa gratitudo, emai sa simpatio, en quau dèu : sa vivo gratitudo, sa caudo simpatio à la literaturo glouriouso de Paris, que, desempièi vint an, a, de touto manière, alena, acouraja e aplaudi la reneissènço prouvençalo ; sa caudo gratitudo, sa vivo simpatio à la literaturo catalano, aquelo sorre bèn-amado de la nostro.

Messiés, que li letro franceso siegon eici representado pèr uno deputacioun d'escrivan majourau, i'a rên que vous estoune. La Prouvènço, — la Prouvènço de Massihoun, de Vauvenargo, de Mirabèu, de Thiers, de Guizot e de Mignet, la Prouvènço es de Franco, e lis ilustracioun de la lengo franceso expandisson si rai eici coume pertout... Òunour doune e benvengudo e gramaci pouèto, escrivan e letru eminent, qu'an bèn vougu prene sa part d'aquèsti fèsto prouvençalo, d'aquèsti joio de famiho...

Mai, Messiés, uno causo que, i'a quatre o cinq siècle, aurié pareigu touto simplu, e qu'au jour d'uei, bessai, pòu pareisse estrauordinari en quauquis-un, es la presènci, à-n-aquesto taulado, la presènci di troubaire catalan, di valerous e fièr troubaire catalan.

Li journau dóu Miejour, l'avès touti legi, vous an counta l'acuei entousiasto, magnifique, meravilhous, fa pèr la Catalougno i troubaire de Prouvènço qu'aqueste mes de Mai anèron assista i Jo Flourau de Barcelouno. Vous an di lis alegresso, vous an di lis embrassado, vous an di li trioumfe que quauquis-un de nautre au rescountra pertout, dins touti li cièuta de delai li Pirenèn. A dounc fa soun devè, a dounc fa soun devè poulidamen, nosto galanto vilo prouvençalo, nosto flouir di Aupihou, nosto vilo de Sant-Roumié, en dounant à soun tour uno fèsto en l'ounour di troubaire d'Espagno, en l'ounour di pouèto de Franco.

Mai, coume vai, Messiés, qu'au bout de cinq cènts an, la Catalougno e la Prouvènço tourna-mai se venon veire, tourna-mai se fan de fèsto, coume au tèms que Berio flelavo, coume au tèms de nòsti vici Comte, li Ramoun-Berengnié barcelonés ? Es dounaci qu'au bout de cinq cènts an, Prouvènço e Catalougno an reprès sa cansoun, e que se soun ausido à travès di mounlagno e de la mar, e que se soun reconneigudo, reconneigudo sorre à soun parla rouman.

E coume vai que la Prouvènço emè la Catalougno an reprès sa causoun ? Es dounaci qu'après l'ivèr, pèr long que fugue, li cigalo ressorton de terro e lis aucèn retournon dins lou bos... Certo, la terro es duro : coume fan li cigalo pèr espeli d'aqui-dedins ? Certo, la mar es vasto : coume fan lis aucèn pèr reveni de tant de liuen ? Degun lou saup, noun i'a que Dièu !

Mai, n'ia que van nous dire : Cigalo de la terro, aucèn campèstre, que nous voutès, vejau, emè vòsti cansoun, au mitan d'aquesto epoco atravalido e maucourado e mau-graciouso ?

Co que voutèn ? escoutas-me.

Voutèn que nòsti drole, au-lío d'estre eleva dins lou mesprés de nosto lengo (ço que fai que, plus tard, mespresaran la terro, la vièlo terro maire ounto Dièu lis a la naisse), voutèn que nòsti drole countinon de parla la lengo de la terro, la lengo ounte soun mèstre, la lengo ounte soun fièr, ounte soun fort, ounte soun libre.

Voutèn que nòsti chato, au-lío d'estre elevado dins lou desden de nòsti causo

de Prouvènço, au-lio d'ambiciouna li fanfarlucho de Paris o de Madrid, countùnion de parla la lengo de soun brès, la douço lengo de si maire, e que demoron, simplò, dins lou mas ounte nasquèron, e que porton longo-mai lou riban arlaten coume un diadèmo de rèino.

Voulèn que noste pople, au-liogo de groupi dins l'ignourènço de sa proprio istòri, de sa grandour passado, de sa persounalita, aprenque enfin si titre de noublesso, aprenque que si paire se soun counsidera toujour coume uno raço, aprenque qu'ar-sachu, nòsti vièi Prouvençau, vièure sèmpre en ome libre, e toustèms se defendre coume tau : à Marsiho, autre-tèms, contro la Roumo de Cesar ; dins lis Aliscamp d'Arle, à la Gardo-Freinet, contro li Sarasin ; à Toulouso, à Beziès, à Bèu-caire, en Avignoun, contro li faus crousa de Simoun de Mount-fort ; à Marsiho, à Frejus, à Touloun, e pertout, contro li lansquenet de l'empeiraire Carle-Quint.

Fau que sache, noste pople, que se soun, nòsti reire, apoundu libramen, mai dignamen, à la generouso França : dignamen, valènt-à-dire en reservant sa lengo, si coustumo, sis us e soun noum naciounau. Fau que sache, noste pople, que la lengo que parlo es estado, quand a vougu, la lengo pouetico e literàri de l'Europo, la lengo de l'amour, dóu Gai-Sabé, di liberta municipalo, de la civilisacioun....

Pople valènt, vaquí ço que voulèn t'aprene : à pas rougi, davans degun, coume un vincu, à pas rougi de toun istòri, à pas rougi de ta patrio, à pas rougi de ta naturo, à reprene toun rèng, toun proumiè rèng entre li pople dóu Miejour... Et quand chasco Prouvènço, e chasco Catalougno aura d'aquelo sorto reconquist soun ounour, veirès que nòsti vilò redevendran cièuta ; e mounte noun i'a plus qu'uno pousso prouvincialo, veirès naisse lis art, veirès crèisse li letro, veirès grandì lis ome, veirès flouri uno nacioun.

Brinde : A la Catalougno, nosto sorre ! à l'Espagno, nosto amigo ! à la França, nosto maire !

VII

Inutile de retraire lis estrambord que s'oulèvè aquèu discours. Es Victor Balaguer que ie respoundeguè en lengo magnifico ; e siguè Anfos Millaud que poutlè la paraulo au noum di Parisen.

Tóuti aplaudiguèron. Pièi Emile Blavet, dóu *Figaro*, emé soun galant biais, recitè lou salut manda i Felibre pèr Emile de la Bédollière e Louis Jourdan : finissiè coume eiçò :

Nous acceptons un joug afin que tous soient libres.
Donc, poètes d'Espagne et de France, Félibres,
Chantez sans nous, chantez d'un accent magistral.
Plaignez les tristes parts que le sort nous a faites,
Car de loin seulement nous saluons vos fêtes,
Frères de Balaguer et frères de Mistral !

VIII

Aro, veici lou brinde que poutè Roumanille, urous, e de gau lou cor tresanant :

Fraire de Catalougno e de Prouvènço ! ami de la Prouvènço e di Prouvençau !

Dins lou país ounte siéu na, e qu'es esta, se pòu dire, lou galant nis de nosto Re-neissènço, me fai gau de veïre, — ounour de nosto municipalita, — fèsto tant resplendènto e tant bello taulado.

En m'aubourant pèr pourta 'n brinde, sènte moun cor de Sant-Roumier en es-mougu que-noun-sai, ben tant que ma bouco pòu pas dire tout ço qu'en aquesto ouro me fai tresana lou cor !

Iéu brinde à tóuti lis esperit d'elèi e plumo d'or, trelus e glòri de nòste noble païs de França, qu'an fa counèisse e ama, e qu'an de mai en mai espandi nòste Gai-Sabé, — lou Gai-Sabé, regale de tant de riche, e soulas dóu paure mounde !

Brinde en tóuti, — despièi lou mèstre eminent que, lou proumié, i'a dès-e-sèt an, veguè lusi dins nòste cèu, e salude, quand tout-bèu-just pouchejavò, l'estello arouso de nòste Muso, — enjusqu'au darriè, que vèn d'engalanta de si flour requisto, de si vetoun de sedo e de si perlo fino, lou gai tambourin de Prouvènço,

Voste aïat, Messiés, vòsti generóusi simpatie nous au pourta bonur.

Tambèn, moun Diéu, vous rènde gràci ! l'aubre a traché, es bèn planta. Pòu boufa lou vènt-terrau !

Quand vous-autre disès, pamens ! Sian parti, lon sabès, d'un paure pichot liame de *Margarideto* acampado, eici-meme, de-long lou Riaü, — e sian arriba, fraire de mai en mai nombrous, affeciouna e d'acord, e tóuti, coume nòsti glourious rèire, cantant e trouvant longo-mai, — sian arriba, lou vesès, à la glòri de *Mirèio*, i triounfle de *Calendau*, à l'amista que fai dos sorre de la Catalogno e de la Prouvènço, dos sorre de Barcelouno e d'Avignoun !

Ah ! Messiés, sian emé Diéu !

Catalan, — quand tournarès en Catalogno ; Parisen, — quand tournarès à Paris, digas à Paris, digas à Barcelouno, aro que lon sabès encaro mies, tout ço que i'a de linde e d'ardènt dins li rai de nòste soulèu, dins lis ine de nòsti chatò, dins li vin de nòsti plant, e dins li cor prouvençau !

IX

Uno raisso de picamen de man aculiguè la voues amado de Roumaïlle. Pièi, Louis Roumieux diguè :

Iéu, Messiés, iéu brinde, encanta,
A l'eterno e santo jouvènço !
A l'amour, à la liberta !
Iéu, Messiés, iéu brinde, encanta,
I Catalan, que de festa
Se glourefico la Prouvènço !
Iéu, Messiés, iéu brinde, encanta,
A l'eterno e santo jouvènço !

I jouvènt !... Dón sòu patrian
Qu'abaris nòstis esperanço,
Es éli que tenon la clau !...
I jouvènt dón sòu patrian !
— Qu'un pople libre tombe esclau,
A quan reven sa delièuranço ?
I jouvènt dón sòu patrian
Qu'abaris nòstis esperanço.

A l'amour de tout ço qu'es bèu !
A l'amour de nòste terraire !
A l'amour de nòste soulèu !
A l'amour de tout ço qu'es bèu !...

A nòstis amour ! Que bèn lèu
Tòuti li pople fugon fraire !...
A l'amour de tout ço qu'es bèu !
A l'amour de nòste teraire !...

A la liberta !... Longo-mai
De fraternisa fuguen libre
Coume iuei, e mème un pau mai.
A la liberta longo-mai !...
Fiho d'ou ceu, resto à jamai
La reïno amado d'ou Felibre !...
A la liberta !... Longo-mai
De fraternisa fuguen libre !

Crentous, peccaire ! e tremoulant,
Se fruste de tant nòbli causo,
E que vous vese, Catalan,
Crentous, peccaire ! e tremoulant
Bousca la liberta !... Plan ! plan !
Es un rare aucèu que se pauso
A tèms o tard, noun tremoulant,
Sus lou rampau di nòbli causo !...

A tu beve, illustre Victor
Ouratour, istourian, troubaire,
Valènt patrioto, grand cor !...
A tu beve, illustre Victor !
Parlo : vai, ta paraulo es d'or ;
Canto : vai, sies rei di cantaire !
A tu beve, illustre Victor,
Ouratour, istourian, troubaire !...

Quintana, à tu lou mai ardent
Di fièn ardent de vòsti terro !...
Dis agnèu qu'apouchon si dènt,
Quintana, à tu lou mai ardent !...
Sourne o gai, fas coume lon vènt
Que boufo sus vòstis espero...
Quintana, à tu, lou mai ardent
Di fièu ardent de vòsti terro !...

Torres, Roure, Angelon, Vidau,
A vautre, ami d'ou travaiaire !
En libre, tiatre, vers, journau,
Torres, Roure, Angelon, Vidau.
A Barcilouno, à la Bisbau,
Fases briha la lengo-maire !
Torres, Roure, Angelon, Vidau,
A vautre, ami d'ou travaiaire !...

De Lasarte, Padrò, Marin,
A vautre enfin !... e que me taise !...

Sabe que vous dève un refrin,
De Lasarte, Padrò, Marin !...
Mai que voulès ? siéu plus en trin :
l'a pas raisso que noun s'amaise !
De Lasarte, Padrò, Marin,
A vautre enfin !... e que me taise !

X

I Catalan peréu, Paul Arène, lou felibre de Sisteroun, saguè bravamen
sa begudo :

Perqu'en meissoun avès begu,
Det tremoulant, cor esmougu,
Lou vin de mistèri que caufò
Dins lou flascoulet vesti d'aufo ;
Perqué, fiéu dóu libre soulèu,
Voulès, galoi e sens cadeno,
Coume aquéli d'Arle e d'Ateno
Pourta la cigalo au capèu ;
Perqu'avès iue fer, négri pèu,
Perqué gardas, courous e linde,
E mau-grat vòsti Franchiman,
L'ounour dóu viei parla rouman
E perqu'amas Mistrau qu'aman,
Catalan, iéu vous porte un brinde !

XI

Escoutas la santa qu'un Limousin pourtè, Emile Ruben, lou Secretàri
generau de l'Acadèmi de Limoge :

Frai ! beve à vostro santa !

Iéu sai d'en-sus, dóu Limousi, coumo qui dirió la Siberlo dóu Mieijour. Li fai fre :
n'l'a ni vòstrei cèu, ni vostre soulei, ni vostre vi, ni vostre bèn lengage ; ma nòs-
trei cor soun tout-parici valhènt e amistous. Nou n'an pu ni l'alé de Mistrau, ni
l'eime de Roumanilho e dóu àutrei, ma suvenèi-vous qu'au-tèms, nòstrei troubairei
an chanta, eima, preja, coumbatu coume vous. Vostro glòrio es renascudo ; la
nostro ei passado pèr ne pu reveni. Eitabè, petit nebout de nòstrei frai, vous re-
mèrcie de la plago que vous m'avèi facho au mitan de vous !

Catalan ! n't'en a que disen que, dins lou tèms, lou Limousi e lou Catalan èran
frai. N'hon voulièu pas crèure. Aro que vous counèisse, iéu hou crese... Frai !
beve à vostro santa !

XII

J.-B. Gaut brindè coume eiçò :

Ei galàntei chatouno,
Que lou printèms poutouno
Dins Sant-Roumié !
Ei bello à couer amaire,
Aurian degu, cantaire,
Brinda proumié.

Ei bouco riserello !
Ei tèssto sounjarello
 Qu'an soun coudoun !
Ei couer qu'Amour rejougne
Dintre soun poulit jougne,
 Fichu redoun !

Ei fheto galoio
Que fan naisse la joio
 Entre chascun ;
A la fresco jouvènço
Qu'enflouro la Prouvènço
 De sei prefum !

An, lei Sant-Roumierenco,
de Vènus arlatenco
 Lou biais divin ;
E 'n bouco an ta melico,
O Court d'Amour-antico
 De Roumanin !

XIII

E Amadiéu Pichot, noste bon e fidèu Arlaten, mandè de Paris li vers
qu'anas vèire :

Balze emé sa paleta à Rafael raubado
A fa de moun maset un palais d'emperour ;
Mai d'un pelot craven pèr faire un troubadour,
Ai pensa que faudrié lou talisman di Fado :
(De Fado n'i'a toujours, tant que i'a de gournau).
Dins ma dourmido, ai fa ma vesito à soun trau,
Que dins lou mount de Cordo intro coume uno espaso.
La tourriero n'avié qu'uno raubo de gazo :

— Que voulès ? me diguè. — D'abord, Fado, un poutoun.
— Poudès, moun bon Moussu, lou prendre sèns façon :
Em'un vièi coume vous ai pas pòu d'escandale...
E zòu ! me pourgiguè soun front courous e pale :
— E pièi, de-que vous fau ? — Uno pichoto flour.
— Uno flour ? Anen plan... es pas de flour d'amour ?
— Ai ! las ! noun, siéu trop vièi, e noun vole, pecaire !
Qu'uno roso culido au jardin felibren...
— Escusas, d'ounte sias ? — Siéu d'Arle. — Galejaire !
Di Fado vous trufas ! Sias pas un arlaten,
Car vous parlez paloïs comme un vrai parisien...
— Siéu arlaten, vous dise, e noun pas un arlèri.
Escoulan eisila, quant de fes, à Paris,
Ai pensa tout en plour (n'en fasiéu pas mistèri),
I campas ounte anave, enfant, gasta de nis !
Se soulamen la flour a de vòsti bouqueto
Lou perfum, qu'ai trouva tant requist e tant dous,

Es vous que cantarai. Petrarco e sa Laureto,
Dante e sa Beatris de iéu saran jalous !...
Un autre pontounet, o Fado, vous n'en crose
Li man ! Siéu trefouli rên que de ie sounja...

— Amé ta bello ardour pèr li Fado dóu Rose,
Se vèi qu'as pas besoun d'être rebateja ;
De la vido, moun bon, ve, d'avales la colo ;
E trop vièi pèr l'amour e trop vièi pèr l'escolo,
Retournes à toun brès trop tard felibreja.
Sufis pas de nourri la flamo prouvençalo ;
Se podes plus parla la lengo originalo
Que parlon Roumaniho, Aubanèu e Mistrau,
Tì vers l'arien ereba de rire un Martegau !
Bèn lèu dóu Gai-Saber auriés perdu la carto !
Ges de roso pèr tu, moun bon viei ! n'ia plus ges !
Felibre e francihot ! vaudrié mai èstre Anglès,
Car li *Parpaïoun blu* de milord Bonaparto
Digne dóu rèi Richard, soun d'un vrai çapoulié,
A Maïano amira noun mens qu'à Sant-Roumié.
Rèstes pas mai long-tèms à bada la drageio.
Adiéu, que ? Dins Paris vai relegi *Mirèio*... —

Aquéu parla trop franc e lou proumié pontoun
Qu'avieü pres, sus li bouco, à la poulido Fado,
M'an mes dins l'esperit talo counfusioun
Qu'avans de m'embarca, sus la counvidacioun
Que me fai Sant-Roumié, ma vilo bèn-amado,
Fau que sachen d'abord se siéu car o peïssoun,
Un enfant de Paris, o d'Arle, o d'Avignoun.
Ai pòu que li droulas me fagon la chamado
Coume lis auceloun à la rato-penado.

Quau que fugue, paments, o Pichot o *Petit*,
Je vous souhaite à tous, Messieurs, bon appétit.

XIV

Partènt d'aquí, un fio crousa de brinde, un belugnié de vers, catalan,
francès, prouvençau, petejè, lusiguè, s'enauré de tout caire. Lou vigou-
rous Quintana beguè superbamen à la fraternita di pople ; lou roumansié
Angelon, i grands autour de Franço ; lou publicisto Lasarte, à la prèssu di
dos nacioun ; lou dramatisto Vidal, à la glòri de l'art dramati ; e lou trou-
baire Roure, à Frederi Mistral.

Es peréu à Mistral qu'un jouine e fin pouèto de Paris, Albert Millaud,
legiguè de poulidis estrofo ; lou brave Cochinat faguè l'eloge de nòsti
damo ; en l'ounour de la pouèslo parlè Aubanèl ; l'avoucat Espagne pourtè
la santa de Victor Hugo, e lou galoi baroun Brisse, qu'es de Bello-Gardo,
clauguè lou banquet en semoundènt au museon de Sant-Roumié, coume

souvenènço de la fèsto, un flasco de vin vièi countempouran d'ou rè
Reinié !...

XV

L'endeman, après li joio, lou pople tout entié, voulènt bëure tambèn à
la font de pouèsio, s'acampè eilamont is Antico, qu'es dous mounumen
rouman au pèd dis Aupiho. Aqui, en pleno foulo, en plen azur e en plen
vènt, li pouèto, dre sus lou socle d'ou mausoulèu, faguèron ressouna si
voues armouniouso. Mistral diguè soun odo i *Troubaire Catalan* (v.
Armana prouv. 1862) ; parièron Balaguer e Vidal e Quintana. Quintana
diguè lou sounet venènt :

Prouvènço ! retournan i terro peirenalo,
E l'adiéu de ti violò espiro dins mi bras...
A revèire !... Espandisse, aro, ti flour coumtalo
I poutoun d'ou soulèn, au bonur de la pas.

Fau segre lou destin, o nacioun prouvençalo !
Vers lou libre Aveni lando que landaras !
De toum engèni pur t'enant sus lis alo,
Tu lou cor, la vertu, l'amo retrouvavas.

Alor, dins lou cèu blu, lou mounde pourra vèire.
Reprenènt sa youlado e sa gl'ori e si crèire.
Prouvènço e Catalougno unido pèr l'amour.

Amo de moun païs, amo de n'osti rèire,
Qu'as aussa dins li siècle uno talo grandour,
Dardaio dins lou pople, i cant d'ou troubadour.

XVI

E Marius Girard, de Sant-Roumié, un d'aqueli qu'an mes lou mai de
cor au festenau, prounouciè ço que vai segre :

De n'oste grand passat garden lou souveni
Car sian li siéu de l'aveni,
Sian la jouvènço ;
Leissas, valènt Francés, e vous, sièrs Espagnòu,
En pas canta li roussignòu
De Catalougno e de Prouvènço !

Segursian Prouvençau, mai sian Francés, tambèn !
Pèr un bon cop saches-lou ben,
O maire François !
T'outi d'un meme vanc, felièbre prouvençau,
Au miendre crid de maluraço,
Pèr t'apara faren qu'un saut.

Car piéi li faste grand de n'oste vièio istòri,
Sus de taulo d'or e d'iv'ori,
Emé lièrta,

An moustra de tout tèms d'immourtali sentènci
Que soun : Patrio, liberta,
Amour, unioun, independènci !

XVII

E noste cansounié Anfos Michel, cantè poulidamen de coublet que la
foulo au refrin acoumpagnavo :

Pourten un brinde à la fraternita

XVIII

Aquéli qu'an agu l'ur de vèire aquelo sceno, soun resta tóuti espanta
de sa grandour. Aquèu bèu pople, de quatre o cinq milo amo, escoutant
en plen èr, e religiousamen, li cant de si troubaire, coume i Jo Oulimpi
de l'enciano Grèço, noun poudié se rassacia de pouèsio... Fauguè, de-
vèspre, ie douna tourna-mai uno outro juncho literàri, ounte prenguèron
part li Catalan Vidal, Antòni de Torres e Quintana, li Parisen Blavet,
Bouvier, Ducros, Cochinat e Sarcey, e li prouvençau Roumieux, Rou-
manille, Aubanel e Frederi Mistral.

Enfin parlaren-ti d'aquel autre banquet, ounte Arène e Monselet, e
Bouvier e Ducros, nous faguèron ausi si galejado esperitado, ounte
Agoustin Boudin faguè tant aplaudi si sablo prouvençalo, Gaut soun
brinde à la prèssò, e Michèu si cansoun ? Lou vesès, coupan court, emai
encaro sian proun long.

XIX

Fau pamens dire un mot de la fèsto Avignounenco... Lou 17 de Se-
tèmbre, uno felibrejado en l'onour di Catalan aguè ho près d'Avignoun
dins la gaio bastido dóu comte de Semenow, au Chainè-verd, e Rouma-
nille la presidè. Acò siguè poulit e requist e suau, coume dins lou *Banquet*
celèbre de Platoun. Aqui la coupo felibrengo circulè de man en man ;
cadun diguè la sièuno o la cantè ; mai la perlo dóu festin fuguè lou brinde
resplendent ounte lou peirin dóu Felibrige, M. Saint-René Taillandier,
beguè à la countinuacioun e au triounfle de nosto obro, à l'unioun di
Prouvençau de França e di Prouvençau d'Espagno. Lou *Messenger du*
Midi, dóu 26 setèmbre 1868, l'a reproudu.

Balaguer, dins sa responso, fuguè d'uno elouquènci amirablo ; M. de
Tourtoulon, M. Rollet (dóu *Méridional*), nous diguèron soun bonur de
vèire talo reneissèngo ; se poutè la santa de Madamo de Semenow, di Fe-
libre Valencian e Maiourquin, e dóu felibre Irlandès Bonaparte Wyse. E
l'on se separè, plen d'esperanço emai de se.

XX

Pèr courouna lou tout, la vilo d'Arle vouguè tambèn reçaupre, e triounfalamen, lis oste ilustre de la Prouvènço. Lou dimenche 20 de Setèmbre, la musico municipalo venguè prene li pouèto au camin de fèrri, e lis acoumpagnè, bandiero desplegado, à la coumuno, ounte lis autourita ie faguèron noublamen la benvençudo. Es M. Esparron que poutè la paraulo au noum de la cièuta e Victor Balaguer que ie respoundeguè. Pièi en l'ounour di counvida, i'aguè dins lis Arenò uno grand fèsto musicalo, ourganisado pèr li siuen de M. Lombard, l'abile direi-tour d'ou counservatòri d'Arle; e de-vèspre, dins lou tiatre, un magni-fique bal ounte venguèron dansa li plus bèllis Arlatenco. Gramaci à M. Mouttet, lou Maire, à M. Esparron soun Ajoun, à M. lou d'outour Duval e à M. Lombard, basto, en t'outi aquèli qu'en aquelo circoustànci, an tant bèn representa lou glourious reiaume d'Arle.

G. DE M.

Setèmbre 1868.

A M. C. W. B. WYSE

Anen, vous sias membra qu'à la felibrejado
De Font-Segugno, au sero, en vous fènt moun salut,
Vous diguèri : Milord, vouèstei *Parpaïoun blu*
Voulastrejaran lèu dins nouèsteis encountrado ?

Mi respoundeguerias : Bèn lèu ! — Restèri mut :
M'entournèri à Marsiho emé l'amo embeimado.
Ièr matin soun vengu faire soun arribado ;
Emé lou couer dubert vous leis ai reçaupu.

E leis ai embrassa, sèns li touca leis alo...
Cassa de parpaïoun, ièu càssi de cigalo,
Mai fa panca proun caud pèr que prengon soun vòu,

E vous n'en mandarai dins lou tèms de la casso.
En esperant, merci dei *Parpaïoun*... Bagasso !
De parpaïoun, acò ? Digas de roussignòu !

MARIUS BOURRELLY.

Marsiho, 9 de Mars 1868.

LOU COUSIN DOU RÈI

Un jour, un rèi d'Espagno anavo sourti de soun palais, quand ie diguèron qu'un paure vouliè ie parla :

— Qu'intre, diguè lou rèi.

Lou paure intrè, 'mè sa barreto à la man, e parlè 'nsin :

— Segnour, sièu un parènt de Vosto Majesta, e sièu paure : vène vous demanda la carita...

— Parènt ? eridè lou rèi, e de-vers quau ?

— De-vers noste paire Adam, respoundegnè lou paure.

— Vai bèn, diguè lou rèi en mandant la man à la pòchi, tenès...

E ie dounè 'n sòu.

Lou paure lou regardè, e noun pou-què se teni de dire :

— Majesta ! un sòu, acò 's pas gaire !

— Anas, anas, bon ome, ie repliquè lou rèi en lou chabissènt, q
tòuti li parènt que vous soun autant de près vous n'en dounavon
autant, sarias pu riche que ièu.

LOU CASCARELET.

.(Tira d'ou *Calendari Catalan*).

LA POUERTO BADIERO

O mourroun enfloura, roso de la jouvènço,

Ièli redoulent de prefum,

Fiheto qu'enauras, qu'embeïmas la Prouvènço,

Sereno à couer catieu coumo un flot de Durènço,

Plus l'ougiè que l'auro-o lou fum !

Quand voueste uei beluguet treluse de proumesso,

Voueste bouqueto de poutoun,

Perqué doune voueste mèu douno tant d' : maresso,

E perqué, hèu mourroun, nouesto vido, souspresso

Pèr l'un de voueste vistoun,

S'ennevoulis tant lèu, lume dins la sourniero ?

Perqué, fiheto, frèsquei flour,

Qu'avès lou gaubi tria, bouen biais, bèllei maniero,

Tenès de voueste couer la poeuto tant badiero,

Pèr leissa fugi leis amour ?

J.-B. GAUT.

LOU CABRIÉ DE L'ARDECHO

Lou 10 d'ou mes de Mai 1868 (un dimenche), pèr un bèu tèms, bessai un pau trop caud, remountave, dins un barquet de pescaire, la ribiero de l'Ardecho. Avieü amira despièi sièis ouro de matin lis espetaclousi bèuta de soun ribeirès : li desbalen, li baumo, li paret de roucas garni d'èurre e de cade ; avieü ferni de pòu sus li gourg d'aigo tranquilo, sus un courrènt rapide que boui entre li caïau e li roco verdo ; avieü agu dès cop pieta d'aquéli pàuri pescadou que se marfoundien à me remounta contro l'aigo ; avieü esprouva vint cop lou regrèt de noun avé pouscu dessina o pinta tant de bèu roucas, aro blanc coume la nèu, aro rouge coume lou sang o jaune coume l'or, quouro lusènt coume lou marbre, quouro raspi-nous coume de macho-ferre o cauriba coume d'espoungo. Avieü vist li dindoulet e lis arniè blu rasa l'aigo verdalo, e li tartarasso e li ratiè faire l'aletto dins lou cèu vers la cimo di roucas inaccessible, ounte lis abiho fan soun eissam que res pòu ana querre. Enfin, avieü ausi emé grand gau canta, dins aquéli desert sôuvage, lou roussignòu e la bouscarlo, quand à voungé ouro meteguère pèd en terro à l'endré qu'apellon *la Madaleno*. Es uno lengo de roucas que la ribiero a countournado quâsi de tout caire, e sus aquelo auturo, i'a li rouïno d'uno vièio glêiso roumano estouf-do souto lis èurre e li bouissoun. Dison que li Templiè malaut venien aqui prendre lou bon èr. Autour d'ou draïou que descènd vers l'Ardecho, se vèi forço poulidi flour : de massugo, de ferigoulo, de bugadiero, de barjavoun, de ginèsto-fèro, d'esparsset-bastard, etc. Se ie trovo tres o quatre ameliè e autant d'amouriè.

Regardave emé plesi tóuti aquéli floureto, quand mis iue toumbèron emé souspresso sus un paure vièi que courduravo à l'oumbro, emé de fièu negre, uno biasso de telo blanco, que prenièu pèr sa camiso, car lou paure marrit n'avieü ges ; de si braïo sourtien un pitre emé de bras rousti pèr lou soulèu, freunci, pecaire ! coume uno vièio ligo ; en un mot, vesieü un sant Jirome semblable à-n-aquéli pinta pèr Zurbaran o pèr Ribera.

— Bon jour, brave ome ! ie diguère... Eh ! quau sias, vous ?...

— lèu ? sièu Jan Vignau ; mai moun escaïs-noun es Nisco. Garde li cabro de Moussu Lafaisso e sièu eïci despièi nou an.

— E quant gagnas ?

— Fasèn à miejo.

— Vous rènd forço, acò, pèr an ? pèr aqui ?

— Eh ! bèn, uno ses m'a baïa dès franc, e uno autro ses s'es carga de me paga 'n parèu de soulié, que coustavo voungé franc.

— Acò fai doune vint-e-un franc qu'avès gagna dintre nou an ! noun es pas car !... Ounte demouras ?

— Eila, tout près, dins uno baumo, e que i'a de niero !... Mai ie ficharai lou fio, e s'èpanaran...

— E d'ounte vèn que pourtas ges de camiso ?

— Ma cabro me l'a manjado...

— Hoi !.. Vòsti cabro se nourrisson de vòsti camiso !

— Oh ! me n'an acaba pèr mai de dèss escut. M'an manja de braio, e uno fes, me manjèron un courset de velout tout flame-nòu !

— E vous, de-que manjas !

— Ilòu ! me mandon quauco-fes de pan ; mai i'a cinq jour que n'en ai pas pus.

— E alor ?

— Alor, manje de castagno. Li fasièu bouli dins de la, mai uno cabro m'a eselapa moun toupin.

— E alor ?

— Alor, tete ma cabro.

— Perquè vivès d'aquelo maniero, vous counvide à veni dejuna 'mé ièu, eilabas au berd de la ribiero.

— Oh ! noup Moussu !

— E perquè noun ?

— Oh ! sariè pas counvenènt !...

— Ah ! ço ! vous dise de veni, o bèn vous fau barrula pèr forço enjusquo sus nòstis assièto.

— Oh ! nàni, ai vergougno...

— I'a pas de vergougno que tèngue ! levas-vous, marchas, o vous debausse !

A-n-aquelo menaço, e enca mai à la pensado de dejuna coume l'arribavo pas souvènt, Nisco davalè vers li prouvesioun ; e pèr lou metre en apelis, ço que n'èro pas necite, ie dounèro un gros tros de pan blanc ein'uno trancho de saussissot mai espesso que larjo. La joio qu'esprouvè noste paure cabriè, ie sarrè lou cor talamen que n'en restèspanta belèu un quart d'ouro, e proufilèro de soun espantamen per faire soun retra.

Basto, lou paure ome que se leissavo manja si camiso e si braio pèr si cabro, que dourmiè dins uno baumo niero, e que n'aviè pas meme rousiga de pan dur despièi cinq jour, se boutè enfin à manja soun pan blanc e sa pitanço ; e pièi de tèms en tèms lampavo un cliquet de bon vin ! De maniero que Nisco finiguè pèr n'avé plus ni fam, ni set, e ni vergougno. En aquele ouro ie mancavo plus que sa camiso. Vouguère paments saupre se ie mancavo pancaro quicon, se vesie jamai degun dins aquéli desert, e veici qu'un di pescaire ie fai en galejant :

— Margoutoun venié de tèms en tèms...

— E qu es Margoutoun ?

— Ah ! respoundeguè Nisco em'un rire particulié , i'a cinq'o sièis an qu'èro proun poulido ! mai aro es trop vièio.

— E quant a d'an ?

Dèu avé setanto-quatre an !

Jitère aquí un crid d'estounamen, e partiguère dins ma barco, e escriguère tout ço que veniéu de vèire e d'ausi pèr servi de mouralita is ome que sabon pas vièure sènso lùssi e sènso satisfacioun de groumandiso de touto meno.

BONAVENTUR LAURENS.

REVARIÉ

Lou batèu, poussa pèr lei velo bloundo,
Vouelo sus la mar ; a ges de camin ;
Vuei, au ventoulet, fai babeto eis oundo ;
Deman luchara 'mé l'ardènt Marin.

E dóu gai soulèu la tèsto es abrado ;
De belugo d'or gisclon de sei rai...
La rego que fas es lèu aturado,
O batèu ! — Adieu ! — Revendras ? — Bessai...

Pichot auceloun que fèndes l'aureto,
D'ounte vènes, digo ? ounte vas, moun bèu ?
Sus lou dous fla-fla de tei doues aleto
Voudrièu m'assetà pèr mounta au soulèu !...

Mai sies deja luen ! Lou rude cassaire,
Dins soun agachoun, alin, sus lei bau
T'espèro ! Lou ploumb ti tuara, pecaire !
E voueles toujours, lóugié, fouligaud...

E tu, flour d'amour qu'embaines la terro,
Rosè, monte soun tei bèllei coulour ?
La rosò respouende : — A la primavero
lèu leis ai dounado ! — Adieu, pauro flour !

— Me pagnes pas tant : rèino destrounado,
Noun regrète rèn, car ai tout agu..
— Tei fueio s'envan à l'abandounado
Sus lei nègrei roco... — Ivèr es vengu.

GLEMÈNÇO DE MARSIHO.

VÈNE FOUERO

I

Aro es adoulenti l'oustau de Betanio,
Ounte, quand èro las, susarènt, lou Messio
Se pauvavo tant voulentié ;
E pèr lou festèja Marto anavo e venié,
Enterin qu'à sei pèd assetado, Mario
Escoutavo ço que disié.

Lazare es bèn malaut, miracle se n'escapo !
Parlo plus, li ves plus. Marto se fonde en plour ;
Davans la pouerto lou chin japo,
Lou lançòu es bagna d'uno frejo susour.

— « S'èro eiei, crido Madalèno,
Lou garirié Jèsus en estendènt la man.
Ah ! se counouissié nouesto peno,
Vendrié nous visita subran... »

Mando un varlet de boueno mino
Sus l'autro ribo d'ou Jourdan.

Li dis : — « Countaras pas tout aquel escaufèstre,
Coumo nous desoulan e coumo es au plus mau ;
Li parlaras ansin : — « Bouen mèstre,
Aquèu qu'eimas tant es malaut ! »

Lou messagié venguè mounte Jèsus prechavo :
— « Mèstre, es malaut aquèu qu'eimas. »
Fa 'sfors pèr pas ploura, pèr pas dire autro cayo.
Jèsus respond : — « Mourirà pas.
Sa malautié, Dièu l'a mandado ;
La glòri de soun Fièu sera manifestado. »

Enea tres jour, enea tres nue
Rèstè Jèsus au meme lue,
Puei partè. Sabon pas, lei Douge, ounte lei meno.
— « En Judèio fau retourna... »
— « Mèstre, li cridon cousterna,
La pas gaire de tèms, lei man de pèiro pleno,
Lei Judièu, va sabès, voulien vous aclapa :
Coumo aujarias li mai ana ? »

— « Dôu gros souem qu'a sarra sei parpello esmougudo
Vau reviha Lazare, noueste ami. »

— « Se douerme, es boueno marco, a pas besoun d'ajudo. »
Parlavo de sa mouert, lou cresien endourmi.

A ço qu'a decida fau bèn que lei prepare.

Li dis : « Vèn de mourì Lazare,
E l'èri pas. N'en siéu countènt,
Perqu'en vesènt ço qu'anas vèire
Serés bèn óubliga de crèire
Que siéu lou Fiéu de Diéu. Anen ! »

— « Anen, diguè Toumas; e se mouere, mourren. »

Mai dins l'oustau de Betanio
Pèr assoula Marto e Mario
Ami, vesin, èron vengu ;
E coumo élei se desoulavon ;
Parlavon dôu mouert e plouravon.

Subran intro un courrèire e crido : « Eici Jèsu ! »

Eici Jèsu ! Marto s'abeno
Pèr l'ana au davans. Madaleno
Rèsto à l'oustau, plouro lou mouert.
Dôu plus luen que ves lou Sauvaire,
Marto laisso parla soun couer :

— « S'erias, Mèstre, esta eici, serié pas mouert moun fraire !

— « Toun fraire ressuscitara. »

— « Sàbi qu'au darrié jour de soun croues sourtira. »

— « Siéu la resurreicien, la vido, la neissènço.

Qu mete en iéu touto cresènço,
Quand meme serié mouert, viéura.

Qu cres en iéu, mai que fidèu demouere

Pèr toustèms noun se pòu que mouere.

Creses ço que te diéu ?... » — E Marto, respoundènt :

— « Crese que sias lou Crist, lou Fiéu dôu Diéu vivènt ! »

Revèn à soun oustau, fa signe à Madaleno :

— « Lou Mèstre es eici ! courre lèu ! »

Jèsus vòu li parla : que soulas dins sa peno !

Dins soun amarun que dous mèu !

Courre, lou ves, se jito à sei pèd, l'uei plouraire :

— « S'erias, Mèstre, esta eici, serié pas mouert moun fraire. »

Lou couer tant pietous de Jèsu
S'atendrissié, fouguè 'smougu,
Vesènt toumba tant de lagremo
Deis uei de Madaleno e de tôtei lei fremo.
Demando : « Mounte l'avès mes ? »
Diguèron : « Venès, e veirés. »

Alor Jèsus plourè !... D'enterin que plouravo,
Lei Judiéu se disien : « Va vias, coumo l'eimavo ! »
E d'autre : « Poudié pas l'empacha de mourir ?
L'avèn mena 'n avugle, e l'a pouscu gari. »
Mai Jèsus vèn au croues ounte an mes soun ami.

Es uno baumo ; soun intrado
D'uno grosso pèiro es tapado.
Crido : — « Levas la pèiro ! « E Marto es esfraiado :
— « Mèstre, dis, enfèto deja,
Lia quatre jour qu'es entarra. »
Jèsus li respoundènt : — « Es l'ouro dóu miracle !
T'ai pas di que s'aviés la fe,
Veiriés de Diéu la glòri e lou poudé ?
Pople, creiras en iéu quand veiras l'espetacle
Dóu mouert que souerte de soun croues...
Paire, vous remerciéu d'ausi toujours ma voues.
Creiran en ma messien ! Es l'ouro dóu miracle ! »

D'uno voues divino cridè :
— « Lazare, vène fouero ! » E lou mouert l'entendè,
E seis uei dubert regardèron,
De sa bouco de crid sourtèron :
— « Beni siegue lou Diéu que ma ressuscita ! »
Lou sang rougisso mai sa caro,
Lou susàri empresouno encaro
Sei pèd, sei man que vouelon boulega.
Jèsus dis au pople estouna :
— « Aro, destacas-lou, leissas-lou s'enana ! »

II

Lou mounde mai-que-mai s'entarro dins lou vici ;
La fango l'enebrié, se plais dins lou brutici ;
Agroupi dins lou mau coumo dins un lançou,
Tèn qu'à-n-aquesto vido, e l'autro li fa pòu.

Vouelon plus prega Diéu, vouelon plus erèire à l'amo.
De la fe dins soun couer an amoussa la flamo :
« Sian plus d'enfant, nous fau la resoun pèr fanau ! »
Ei bèsti sènso sèn se vanton d'èstre egau !
Dison que l'ome entié finisse au cementèri !
Lou pople sènso Diéu crido fam e misèri !
O bouen Jèsus, plouras sus tant de cativié :
Poudès nous fa sourti de noueste pourridié.
Avèn besoun d'ausi vouesto voues benesido
Cridas-nous : « Vène fouero ! » e reprendren la vido.
Embeimarés d'amour noueste couer enfeta,
Marcharen dins la pas e dins la liberta !

A. BAYLE.

Marsiho, Setèmbre 1868.

UN MOT DE PEYROT

CURAT DE PRADINAS. (*Parla de Lengadò*).

Lou bon curat de Pradinas,
Peyrot, felibre rouergas,
Avió, touto la matinado
D'un jour de pesue calinas,
Counfessat uno troupelado
De devotos de la countrado.

Mort de fam, rajant de susou,
Escapavo de sa presou,
(Miejour sounabo à la campano),
Quand la fenno de Bourtoumiéu,
Pèr qu'ausigue sa coufessiéu,
Vous l'aganto pèr la soutano.

Peyrot li dis qu'es las e que n'a pas lou tèms,
Qu'es de-ju, que l'estoumac miaulo,
Qu'es l'ouro de se metre à taulo.

Mais elo li respond, en regagnant las dents :

— Cal que me coufessés, vous plase o vous desplase !
Pèr ase dèu servi qu s'es lougat pèr ase ! —

— Es vrai, dis lou curat ; mais l'ase, caquela !
Quand a fach soun travail, cal que manje tapla !

Beziés, 1868.

G. AZAÏS.

CANSOUN D'EMBRIAGO

Ami, teten la fiolo,
Tetaren de bon la ;
Lou rèsto, tra la la !
Noun es rèn que babiolo :
Vivo la fiolo !

Leissen lis acampaire
Trima souto lou cèu ;
Un sòu pèr l'acabaire
Vau mai que dous counsèu ;
S'enchau bèn di bacèu,
Tant que, galoi coumpaire,
Canto coume un troubaire,
Libre coume un aucèu :

Ami, teten la fiolo...

Eh ! que sarié la vido,
Se poudian pas chima ?
De tant de mau clafido,
Coume voudrian l'ama ?
S'avèn proun à trima,
Se nosto amo es blesido,
La fiolo benesido,
Lèu nous vèn ranima.

Adoune, teten la fiolo...

Lou vin, quand fumo e raio,
Farié gau à-n-un Sant !
Lou vin nous bouto en aio,
Lou vin fai lou bon sang.
Afourtisse, en dansant,
Que sèns deniè ni maio,
Plus qu'emè 'n tros de braio
Pèr Pasco e pèr Toussant,

Diriéu : Teten la fiolo...

L'aigo, facho pèr courre,
Que vire li moulin ;
Que bagne nòsti tourre,

E s'esperde, eilalin ;
Di biòu, dóu cavalin
Que refresque lou mourre !...
Au flasquet iéu m'amourre,
A canta sèmpre aclin :
Ami, teten la fiolo...

Quand l'orro Mort-peleto
M'aura toursu lou còu,
Zino, Mioun, Leleto,
Se voste cor s'espmòu,
De iéu n'agués pas pòu :
Venès, venès, pouleto,
M'adurre, risouleto,
Un got de Castèu-nòu.

E zóu ! tetant la fiolo,
Metès-vous à dansa,
E m'ausirés gença :
Tout n'es que faribolo !
Vivo la fiolo !

ROUMIÉ MARCELIN.

1868.

OUNTE ES ?

Ai pèr barco la Misèri ;
Dins l'azur, mar dóu Mistèri,
Navegue vers lou Verai.

Ai l'ive nega de lagremo,
E mi bras, à cop de remo,
Baton lou blu garagai.

Trove pas ço que desire ;
E siéu las, quand me revire,
E me vese tout soulet !

Rèn que d'oundo, epièi mai d'oundo,
En van dins la mar prefoundo
Cerque lou sublime Let.

Ounte sies, proumiero Causo,
O tu qu'as larga l'esclauso
De ço qu'es e que sara ?...

Pòu i flour parla l'abiho,
L'aucelun à la ramiho :
Iéu, moun cor pòu que ploura !

Parlas-me, bloundis estello,
De mis iue levas la telo,
Fasès trelusi lou Bèu...

Mai li toumple d'ou Mistèri
Soun mut coume un cementèri,
Lis astre soun de tombèu.

E more de languitudo,
Car, dins la grand soulitudo,
Rèn me dis : La causo es iéu...

En quau doune fau rèndre gràci ?..
Se lou mounde, dins l'espaci,
Au-mens tenié pèr un fièu !

FÈLIS^{er} GRAS.

Avignon, 1868.

RESPONSO A FÈLIS GRAS

En quau ? Te lou dirai, iéu.
— En quan doune fau rèndre gràci ?..
Sies, se vèi, dins lis espaci.
Moun bèn, rènde gràci à Dièu !

1868.

LOU CASCARELET.

LOU RETRA DE FAMIHO

Vendien, dins un encan, un tablèn bèn courous
Ounte un ase manjavò un cardoun espinous.
Dous amatour vòulien lou tablèn. En coulèro
Disputavon ensèn la pinturo eis enchèro.
— Dous cent franc ! — Quatre cent ! — Cinq cent ! — Sièis cent ! — Sèt cent !
Fai l'un. L'autre respouende : — Ai trop de courtesio,
Pèr vous priva, Moussu, d'un retra de famiho !

J.-B. G.

PLANG

Quouro dounc, o moun Diéu, quouro mai revendran
Aquéli bèu moumen que, dins mi jóuinis an,
Passave à l'oustau de moun paire ?
Vers lou tant galant nis d'ounte s'es enana,
Quouro vendra lou tèms que pourra s'entourna,
S'entourna, l'auceloun cantaire.

Dins l'oustau de mi rèire, o moun Diéu, qu'ère urous !
Piéu-piéu de l'aucelun voulant dins li blad rous,
Cansoun de l'auro que souspiro,
E dins la fueio pièi s'escound, murmur dóu riéu,
Ami qu'amave tant, se vous ai dich adiéu,
Moun cor vers vautre se reviro.

Oh ! segur n'èi pas iéu que lou vouguère ansin,
N'èi pas iéu qu'ai vougu segui lou laid camin
Que me menavo dins la vilo :
La joio de l'oustau m'a jamai alassa...
Oh ! noun, noun, n'èi pas iéu que vouguère leissa
La pas d'uno vido tranquilo.

Pèr qu'èi que m'an buta dins la vilo e lou brut ?
Moun brave paire, las ! que s'èro cresegu
De-me rèndre la vido bello,
Pecaire ! sabié pas quant se soufre de mau
Pèr quita lou vilage, e l'aflat de l'oustau,
E la campagno riserello.

Oh ! coume l'amo soufre à quita lou païs !
Liuèn de l'oustau cercas un ami, mai n'i'a gis ;
Liuèn de l'oustau, i'a gis de paire ;
Gis de maire peréu pèr pièi vous counsoula,
Quand de-longo sentès veste cor treboula ;
I'a gis de sorre, gis de fraire.

Oumbrage di piboulo e di sause plourous,
Piéu-piéu de l'aucelun voulant dins li blad rous,
Cansoun de l'auro que souspiro,
E dins la fueio pièi s'escound, murmur dóu riéu,
Ami qu'amave tant, se vous ai dich adiéu,
Moun cor vers vautre se reviro :

De la vilo moun cor atrovo l'aire escur ;
Demando la campagno e soun tant dous bonur ;
E pòu pas ie retourna 'nearo !
Quouro libre pourrai vers l'oustau reveni ?
Païs de ma jouvènço, oh ! quouro aura fini
Lou malur que nous desseparo !

UN ENFANT DOU LIBEROUN.

1868.

LOU BON RENTIE

Jan Cassibraio èro segur un oubrié de la bono ; tambèn gagnavo de bèlli semanado ; mai, tant fa, tant ba ! Plaçavo soun argènt au vin. Lou vèspre, quand se couchavo, aurié pouseu faire l'aubre-dre sus soun lie sènso perdre un sòu dins la bassaco.

Jòrgi-Bledo i'avié arrenta un oustaloun pèr dès escut. Mai, quand arribè lou bèu jour de Sant Miquèu, la fèsto se passè sènso vèire arriba la rèndo.

L'endeman de matin, Jòrgi-Bledo se lèvo d'ouro, e vai atrouba soun rentié :

— Eh bèn ! ie dis, moun ome, coume sian ?... Sabes que Sant Miquèu a passa ?

— Hoi ! respond Cassibraio. E quouro a passa ?... L'ai pas vist !...

— Anen ! anen ! Quand te dise qu'a passa, veses, vole dire qu'aièr Sant Miquèu toumbè...

— Oh ! pecaire ! que me dises aqui ? toumbè ? Mai, au mens, se faguè pas mau ?

— Qu'es acò ? replico Jòrgi-Bledo despacienta. Te trufariés de iéu ? Voudriés pèr asard me paga 'mè de pèço de mounino ?... Te demande d'argènt... l'argènt de ta rèndo... N'ai besoun pèr croumpa 'n porc, e me lou baiaras, o se-noun...

— Moun ome, t'enfioques pas ansin, qu'acò te farié mau. Se t'ères esplia coume se dèu, t'aurièu coumprès ; mai... te dirai que, d'aquest moumen, siéu desargenta coume lou calice de Moulegès. Pamenis, pos èstre tranquile, dins tres mes...

— Ah ! dins tres mes ! ah ! n'as ges d'argènt ! Eh bèn ! vai, se n'as ges, te n'en farai trouba, iéu, bougre de manjo-quand l'a !

— Oh ! moun brave Jòrgi-Bledo, s'eselamè Cassibraio en ie sautant au còu, me n'en faras atrouba !... Catin, — dis à sa femo, — lavo lèu li got,

ma bello, que beguen un chiquet. A la perfin ai rescountra moun ome : un brave ami que me vai faire trouba d'argènt ! Ah ! moun bon Diéu ! i'avié tant de tèms que lou cercave !

E pèr se delièura de Cassibraio, Jòrgi-Bledo fuguè fourça de destéulissa soun oustau !

LOU CASCARELET.

PASCO

Veici Pasco embaüsemado,
Veici la fresco alenado,
L'alenado dóu bèu tèms ;
Emé si galàntis ouro
Veici la bello tempouro,
La tempouro dóu Printèms !

Vès li tapis de verduro
Que dins touto la naturo
Naïsson i clarta dóu jour !
Aro, adiéu li fre darriero !
Aro, emé li flour proumiero
Veici li poutoun d'amour !

Coume li ribo poulido,
E deja tóuti flourido,
Encaisson l'aigo dóu riéu,
Enterin que, dins l'oumbrage,
Ressono lou dous ramage
Dis aucèu que fan piéu-piéu !

Vès quèti charmànti causo !
Lou glou-glou de la reselauso
Que fai vira lou moulin ;
Li boutoun que s'espandisson ;
Lis aubre que reverdisson ;
L'auro que boufo eilalin ;

La cansouneto di pastre ;
Li saut de l'agnèu foulastre ;
L'armado di parpaïoun ;
La fourèst que ressuscito,
E mounte lou soulèu jito,
A brassado, li raïoun ;

Li niue superbo e clarido
Que sèmbelon rèndre à la vido
L'armounious roussignòu ;
E lou sourgènt que murmuro :
Enfin, touto la Naturo
Que vestis soun courset nòu ;

Vaqui, Pasco perfumado,
Co qu'aduses à l'annado,
Vaqui ti presènt jouious :
Vaqui la liquour courouso
Que fas bèure is amo urouso :
Ti charme meravihaus !

BOREL A. R. F.

Vielo, Mai, 1868.

MADELOUN

A C. W. B. - WYSE

Avié la taio à la man,
Lou coui fin, la cambo lèsto,
Dentello e bèu diamant,
Coume s'èro toujours fèsto,
E jamai, lou lendeman,
De la vucio lou riban.

A la Lisso quand passavo,
Coume un fin parpaïounet
Dins l'aire beluguejavo,
E ie disien : — Sies tant bravo !
Vène un pau, Madelounet ! —
Elo de rire ! e landavo
Coume un fin parpaïounet.

Au bord dóu Rose assetado,
Dins l'aigo s'es miraiado ;
D'à-geinoun s'es trop clinado
Pèr mies se vèire... e vaqui
Que, lou lendeman, sa maire
L'a pus rescountrado aqui !...

Es vrai qu'un calignaire,
L'envertouiant de si las,
L'a raubado ? o qu'un pescaire
L'enmenè dins si fielas ?
O bèn, es vrai qu'encaro
Dins l'aigo sa bello caro,
Si dentello, si frisoun
Magagna dins li sabloun,
Rousiga pèr li peissoun,
Dóu Rose tocon lou foun ?...
Ah ! perqué voulès pas crèire,
Chatouno, qu'es dangeirous
Di beloio èstre amouros
E trop ama de se vèire ?
Perqué lou voulès pas crèire,
Chatouno, qu'es dangeirous ?...

JULI CANONGE.

Nîmes, 1868.

UN COUDOUN

- Encaro uno, moun brave Cascarelet !
— E bèn ! vague ! encaro aquesto, e pièi plus. Que diriéu l'an que vèn,
se vous li disiéu tóuti aquest an ?
— Alor, Janet, ie sies ana vers lou sourcié, ie sies ana ?
— Eh ! o, ie siéu ana. Eh ! que mau i'a ?
— E bèn ! que t'a di lou sourcié ?
— Que vos que m'ague di ?
— Mai encaro ?
— M'a di que restariéu estérle.
— Ah ! oh ? E pièi, que t'a mai di ?
— Oh ! gaire mai.
— T'a di quicon mai. Vejan, que t'a mai di ? Siéu toun ami : qu'as pòu ?
— E bèn ! m'a di... m'a di...
— Parlo dounc...
— M'a di qu'ère un... *coudoun* !
— Ah !... E quant t'a fa paga ?
— l'ai douna dès sòu.
— Badau, que noun yeniés vers iéu : te l'auriéu di pèr rèn.

LOU CASCARELET.

MORTUORUM PROUVENÇAU

I

Lou troubaire Marius Trucy, nascu à Lorgo, es mort à Paris en 1867, se fau n'en crèire l'*Almanach de Provence*, d'Al. Gucidon. Trucy èro l'autour de *Margarido* (Marsiho, libr. Feraud, 1861), pouèmo en cinq cant, plen de sceno rustico e de tablèu campèstre bèn reüssi. Laisso en manuscrit un pouèmo sùs lou rèi Reinié, entitula *la Reneïdo*, e'm'un recuei de conte que voulié nouma *uno Meleto sènso uou*. La vido tourmentado d'aquéu pouèto s'es passado majimen à Paris ; mai lou regrèt de la Prouvènço l'avié toujour mourdu lou cor. Veici de vers que l'adreissavo, e que poudrien bèn ie servi d'epitâfi :

Bacela dôn trin de la vido,
Susant souto lou fais, mai sènso èstre abatu,
E lou front aut e fièr, pamens parpello umido,
Pantaïant à teïs Esperido,
Ai toujour laura dre, toujour digne de tu !

II

Marc Michel, de Marsiho, autour bèn couneigu de noumbrous vaudevilo, es mort à Paris en 1868. Avié dedica uno epistro à Bellot, que coumençavo ansin :

Toi qui, plus humblo que superbe,
Par mille talents réunis,
Fais mentir l'autique proverbe :
Nul n'est prophète en son pays,
O Bellot, etc.

E Bellot ie disié dins sa responso :

Ah ! Michèu, so veniés un jour à ma bastido,
Emé l'ami de couer qu'àimi tant que moun Dièu,
Li manjarian touei tres un aiet en bourrido.

III

Lou 21 de Jun 1868, es mort en Arle Jan-Louis Jacquemin, savènt arqueologue qu'a grandamen countribui à faire counèisse, counserva e restaura li mounamen de la cièuta de Coustantin. Sis obro principalo soun lou *Guide du Voyageur dans Arles*, la *Monographie de l'Amphithéâtre d'Arles*, emé la *Monographie du Théâtre antique*.

Jacquemin èro un Arlaten fidèu : a counsacra sa sciènci e touto sa vido

à la glòri de sa vilo ; e emai sieguèsse membre de l'Istitut istourique de Franço, de l'Acadèmi dis Arcade de Roumo, etc., a vougu viéure sèmpe e mouri monte èro na.

III

Lou 27 de Mai 1868 es mort à St-Gervasi l'abat Lambert, dóu Felibrige.

L'abat Simoun Lambert, curat de Sant-Gervasi, èro nascu à Bèu-caire en 1815, e aviè fa sis estúdi au Pichot-Semenàri bèu-cairen. Uno fes prèire, coumencè sa carriero pèr l'èstre proufessour, pièi devenguè vicàri de Soumèiro. Mai un estegnemen de voues lou coundanè alor quàuquis an au repaus. Es dins aquèu lesi que s'adounè, em' autant de bonur que d'afecioun, à la pouèsio prouvençalo. Ome de fe, de religioun ardènto, e d'imaginacioun, entamenè 'n pouèmo sus la neissènço dóu bon Diéu. Aquelo obro counsiderablo deviè se publica souto lou noum de *Betelèn*, e souto formo de nouvè, coume l'obro de Saboly. Li dès cant dóu pouèmo, qu'es fini, mai inedi, countènou quatre-vint nouvè. Lou libraire Aubanel n'a publica 'n escapouloun dins soun recuei. Sarié de souveta que li parènt e lis ami dóu troubaire mort leissèsson pas tomba soun obro dins l'òublit ; e sa publicacioun sarié segur causo facilò, pèr uno souscripcioun dins lou clergié.

L'abat Lambert es mort curat de Sant-Gervasi, ounte, gràci à-n-èu em' à l'art dóu pintre Doze, s'es auboura 'no glèiso di plus richo que se vegue. L'abat Lambert èro adoura de si parrouquian.

V

Vers lou mitan de Juliet, es mort, à Paris, Viennet (Jan-Pons-Guihèn), membre de l'Acadèmi franceso, nascu à Beziès lou 18 de novèmbre 1777. Es pas noste travi de dire eici la plaço impourtanto que Viennet ócupè dins la poulitico e la literaturo de soun epoco.

VI

Vers lou mitan d'òutobre es mort à Carpentras lou dóutour Barjavel, carpentrassen, autour d'un *Dictionnaire historique, biographique et bibliographique du département de Vaucluse*, e d'un voulume curioux intitulat *Dictons et sobriquets patois des villes, bourgs et villages du département de Vaucluse*. (Carpentras, empr. Devillario, 1853). Aquel erudit patrioto a leissa sa bibliotèco à sa vilo natalo, emé 50,000 fr. pèr l'entre-teni.

F. J.

Avignoun, 2 de Novembre, 1868.

ENSIGNADOU

Calendié de Prouvènço.....	3	Li Masc.....	61
Esclüssi.....	4	Li Coumandamen de Diéu.....	64
Crounico felibrenco.....	7	Aquéli de la Glèiso.....	65
Souscripcioun pèr Saboly.....	14	Lou chanja de camiso.....	65
La Cabrode M. Seguin (A. Daudet).....	15	Li Felibre en Catalougno.....	66
La Masco dón Castelan (Roso-Anaïs Roumanille).....	19	Pèire e Jan (de Sant Paulet).....	75
La Pichoto.....	22	Au Pont-dón-Card (G. Charvet).....	77
En quaucun (Fèlis Gras).....	22	A l'Espitau.....	77
Un mot de Jan dón Cailar.....	23	La Flour de Lerin.....	78
Li Mort.....	23	La Vigno.....	78
Uno Arlatenco (F. Aubert).....	24	Niue de Nouvèmbe (J. Gaidan).....	79
Lou Chambroun (Roso-Anaïs Roumanille).....	27	La Galino raubado.....	80
Bereto.....	27	Li Catalan en Prouvènço.....	81
A Mario Jenna (E. Deschamps).....	30	Brinde de Jan Brunet.....	82
Gascom e Nourmand.....	30	— de F. Mistral.....	84
Lou Peresous.....	31	— de J. Roumanille.....	85
A-n-Anfos Tavan (A. Verdot).....	31	— de L. Roumieux.....	86
A moun ami S. R. (W. C. B. Wyse).....	32	— de Paul Arène.....	88
Lou Tambour d'Arcolo (F. Mistral).....	33	— d'Émile Ruben.....	88
L'Oste abrasama.....	38	— de J.-B. Gaut.....	88
Lou Chin de Bournan.....	39	— d'Amadién Pichot.....	89
Ie tournarai (Anfos Michèu).....	40	— d'A. Quintana.....	91
L'Ibrougno.....	41	— de M. Girard.....	91
Garidet (A.-B. Crousillat).....	42	A W. B. Wyse (M. Bourrelly).....	93
La Trinita.....	44	Lou Cousin dón Rèi.....	94
Margarideto (J. Roumanille).....	45	La Ponerto badiero (J.-B. Gaut).....	94
L'Agilité.....	46	Lou Cabrié (B. Laurens).....	95
Lou Mes de Marlo (G. Azais).....	47	Revarié (Clemènço).....	97
A la Dóutrinò.....	47	Vène fonero (A. Bayle).....	98
Lou Baloun (Agonstin Boudin).....	48	Un mot de Peyrot (G. Azais).....	101
Lou Bon sèn.....	49	Causoun d'embrigo (R. Marcelin).....	102
Lou Roucas (M. Girard).....	51	Oumte es (Fèlis Gras).....	103
L'Entarramen.....	56	Responso (Lou Cascarelet).....	104
Li dos furo (Jan Brunet).....	57	Lou Retra de famiho.....	104
Lis an.....	59	Plang.....	105
Lou Medecin (V. Bourrelly).....	59	Lou bon Rentié.....	106
Li dos pecolo.....	60	Pasco (Borel).....	107
Ei Sòci de l'Acadèmi (F. Vidal).....	60	Madeloun (J. Canonge).....	108
		Un Condoun.....	109
		Mortuorum prouvènço.....	110

ARMANA PROUVENÇAU

PÈR LOU BÈL AN DE DIÉU

1870

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople dòu Miejour

AN SEGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIÈRO DE SANT-AGRICÒ, 19

BREVIARI DE L'ISTORI DE PROUVÈNÇO

La Prouvèngo féro (1500-600 *à vans* J.-C.)

Tèms di Fado ; empèri di Ligour : Sali, Cavare, Voucounci ; coumbat d'Ercule dins la Crau contro Aubioun e Bergioun ; coulounisacioun feniciano.

La Prouvèngo grèco (600-123 *avans* J.-C., enviroùn 500 an).

Foundacioun de Marsiho pèr li Fouc'en ; foundacioun de Niço, Antibò, Agte-Lucato, pèr li Marsihés ; li navegaure Piteas e Eutimeno ; sèti de Marsiho pèr Jùli Cesar.

La Prouvèngo roumano (123-412 *après* J.-C., enviroùn 500 an).

Foundacioun d'Ais pèr C. Sextus Calvinus ; desfacho di Trútoun e dis Ambroun ; pèr Caius Marius, au pèd d'ou mont Ventùri ; la Venus d'Arle ; lis Arenò bastido ; l'empereire Constantin en Arle ; la predicacioun de l'Evangéli : sant Lazàri, santo Madaleno, santo Marto, sant Trefume ; li mounges : sant Ounourat, sant Cassian.

La Prouvèngo goutico (412-932, enviroùn 500 an).

Envasioun di barbare, Got, Bourguignon e Franc. Guerro di Sarrasin : Carle-Martèu à Nimes, Carle Magne en Arle, Guilhèn d'ou Court Nas en Aurenjo.

La Prouvèngo independènto (932-1482, enviroùn 500 an).

Bousoun, rèi d'Arle. Li Comte de Prouvèngo de la famiho le Bousoun ; Guilhèn lou Grant, paire de la Patriò ; lou martegau Gerard Tenco founlo l'ordre de l'Espitan. — Li Comte de la famiho Parcelonneso ; guerro di Baussen ; flouresoun d'ou Gai-sabé ; li Troubaire ; guerro dis Albigs ; li republico prouvençalo ; Ramoun-Berenguiè lou Grand ; Roumièu de Vilo-Novo. — Li Comte de la prounhiero famiho d'Anjou : lou rèi Roubert lou Sage, la rèino Jano ; li Papo en Avignoun ; Petrarco e Lauro ; li Court d'Amour ; li Jo Flouran establì à Toulouso. — Li Comte de la segoundo famiho d'Anjou : lou bon rèi Reiniiè ; Palamedo Fourbin.

La Prouvèngo franceso (1482).

Louis XI : la Prouvèngo reünido à la Franco. Carle VIII : lis Estat Generau de Prouvèngo aprovon l'unioùn. Louis XII : establimen d'ou Parl'men. Francés le : li Prouvençau repousoun Carle Quint ; brulamen di gleiso prouvençalo d'ou Leheroun. Enri II : l'engenier Crapouno. Francés II : guerro de religion. Carle IX : Nostradamus, Belaud de La Belaudiero. Enri III : la Ligo, li Rasa, li Carcisto, li Agarra. Enri IV : lou Conse Casan. Louis XIII : bourenlo di Cascavèn ; l'estatutaire Puget. Louis XIV : Aurenjo reünido à la Franco. Louis XV : lou savent Peyrès ; pèsto de Marsiho. Louis XVI : lou baile Sullien ; darriero reünioùn di Estat de Prouvèngo ; Pascalis. La Revolucion : Mirabèn, Sieyes, Maury, Burras ; Avignoun reünì à la Franco ; sèti de Touloun. Bonaparte. Empereire : Portalis, Simeoun. Louis XVIII, darrìer comte de Prouvèngo. Re-
vièure de la lengo prouvençalo, establimen d'ou Felibrige (21 de mai 1854).

Lauso l'Uba, tèn-te à l'Adré ;
Lauso lou Mount, tèn-te à la Plano ;
Lauso la Mar, tèn-te à la Terro ;
Lauso la Franco, e tène à Prouvèncò.

TRELU3

ESCLUSSI

Lou 17 de Janviè, esclüssi toutau de luno, en partido vesible en Avignoun.
 Lou 31 de Janviè, esclüssi parciau de soulèu, envesible en Avignoun.
 Lou 28 de Jun, esclüssi parciau de soulèu, envesible en Avignoun.
 Lou 12 de Juliet, esclüssi toutau de luno, vesible en Avignoun: coumençamen
 de l'esclüssi, à 9 ouro 53 m. de vèspre; fin, à 11 ouro 33 m. de vèspre.
 Lou 28 de Juliet, esclüssi parciau de soulèu, envesible en Avignoun.
 Lou 22 de Desèmbre, esclüssi toutau de soulèu, vesible en partido en Avignoun.

FÈSTO CHANJADISSO

Cèndre, 2 de Mars.
 Pasco, 17 d'Abrièu.
 Rouguesoun, 23, 24, 25 de Mai.
 Ascensioun, 26 de Mai.

Pandecousto, 5 de Jun.
 Ternita, 12 de Jun.
 Fèsto-de-Dièu, 16 de Jun.
 Avènt, 27 de Nouvèmbe.

LUNO MECROUSO

Luno de Mars, que fai lou 2.
 Luno de Nouvèmbe, que fai lcu 23.

Luno mecrouso,
 Femo renouso
 E auro que sort de la bruno,
 Dins cènt an n'i'aurié trop d'uno.

Luno blanco,
 Journado franco.

Luno palo,
 L'aigo davalò.

Luno roujo
 Lou vènt se boujo.

Tout lun vau luno.
 En luno pleno fai tèms-dre.
 Luno pleno a jamai vist soulèu leva.
 Quand Nouvè n'a ges de luno,
 Qu a tres fedo, n'en vènd uno.

T EMPOURO

Mars.....	9, 11 e 12	Setèmbre.....	21, 23 e 24
Jun.....	8, 10 e 11	Desèmbre.....	14, 16 e 17

Lou printèms coumenço lou 20 de Mars;
 L'estiéu coumenço lou 21 de Jun,
 L'autoun coumenço lou 23 de Setèmbre;
 L'ivèr coumenço lou 22 de Desèmbre.

Trento jour an Setèmbro,
 Abrièu, Jun e Nouvenbre;
 De vint-e-vue n'a qu'un;
 Lis nutre n'an trento-un.

JANVIER 1870		FEBRIÉ		MARS		ADRIEU		MAI		JUN	
Li jour crèisson d'uno o. 4 m.		Li jour crèisson d'uno o. 30 m.		Li jour crèisson d'uno o. 48 m.		Li jour crèisson d'uno o. 39 m.		Li jour crèisson d'uno o. 17 m.		Li jour crèisson de 16 m.	
N. L. lou 2. P. Q. lou 9. P. L. lou 17. D. Q. lou 24. N. L. lou 31.	1 s. Ignacei, ev. 2 s. Candéatso 3 s. Blasi 4 s. Jano 5 s. Aguelo 6 s. Doré 7 s. Richard 8 s. Grons 9 s. Jan-de-Mata 10 s. Coulastico 11 s. Adofé 12 s. Outalo 13 s. Doulin 14 s. Valentin 15 s. Quenin 16 s. Armentari 17 s. Mariano 18 s. Favian 19 s. Vallé 20 s. Ouquéri 21 s. Féli 22 s. Isabelle 23 s. Merault 24 s. Matias 25 s. Ateissandre 26 s. Nestou 27 s. Oumourlino 28 s. Cassian 29 s. Cesarlo 30 s. Constant 31 s. Marcello	1 s. Ignacei, ev. 2 s. Candéatso 3 s. Blasi 4 s. Jano 5 s. Aguelo 6 s. Doré 7 s. Richard 8 s. Grons 9 s. Jan-de-Mata 10 s. Coulastico 11 s. Adofé 12 s. Outalo 13 s. Doulin 14 s. Valentin 15 s. Quenin 16 s. Armentari 17 s. Mariano 18 s. Favian 19 s. Vallé 20 s. Ouquéri 21 s. Féli 22 s. Isabelle 23 s. Merault 24 s. Matias 25 s. Ateissandre 26 s. Nestou 27 s. Oumourlino 28 s. Cassian 29 s. Cesarlo 30 s. Constant 31 s. Marcello	1 s. Ignacei, ev. 2 s. Candéatso 3 s. Blasi 4 s. Jano 5 s. Aguelo 6 s. Doré 7 s. Richard 8 s. Grons 9 s. Jan-de-Mata 10 s. Coulastico 11 s. Adofé 12 s. Outalo 13 s. Doulin 14 s. Valentin 15 s. Quenin 16 s. Armentari 17 s. Mariano 18 s. Favian 19 s. Vallé 20 s. Ouquéri 21 s. Féli 22 s. Isabelle 23 s. Merault 24 s. Matias 25 s. Ateissandre 26 s. Nestou 27 s. Oumourlino 28 s. Cassian 29 s. Cesarlo 30 s. Constant 31 s. Marcello	1 s. Antonoulao 2 s. CENDRE 3 s. Cuneigondo 4 s. Casner 5 s. Ambrosi 6 s. Coulet 7 s. Pe-pello 8 s. Jap-de-Dieu 9 s. TEMPOUNO 10 Li 40 Martire 11 s. Gregori 12 s. Massemin 13 s. Oufraio 14 s. Maltendo 15 s. Ces. de Bus 16 s. Abram 17 s. Béno 18 s. Cerile 19 s. Jousé 20 s. Jouaquin 21 s. Beudit 22 s. Ben-veug 23 s. Vitourin 24 s. Gabrien 25 N.-D. DE MARS 26 s. Massesmittan 27 s. Natalio 28 s. Harloun 29 s. Sist 30 s. Anadiq 31 s. Benjamin	1 s. Antonoulao 2 s. CENDRE 3 s. Cuneigondo 4 s. Casner 5 s. Ambrosi 6 s. Coulet 7 s. Pe-pello 8 s. Jap-de-Dieu 9 s. TEMPOUNO 10 Li 40 Martire 11 s. Gregori 12 s. Massemin 13 s. Oufraio 14 s. Maltendo 15 s. Ces. de Bus 16 s. Abram 17 s. Béno 18 s. Cerile 19 s. Jousé 20 s. Jouaquin 21 s. Beudit 22 s. Ben-veug 23 s. Vitourin 24 s. Gabrien 25 N.-D. DE MARS 26 s. Massesmittan 27 s. Natalio 28 s. Harloun 29 s. Sist 30 s. Anadiq 31 s. Benjamin	1 s. Ugue 2 s. Fr. de P. 3 s. PASSOUS 4 s. Isoue 5 s. Vineb F. 6 s. Prudent 7 s. Gautie 8 s. Aubert 9 s. Soulo 10 RAMPAU 11 s. Leon 12 s. Jui 13 s. Beuzet 14 s. Glicero 15 s. Frutuus 16 s. Lambert 17 s. PASCO 18 s. Apuloni 19 s. Oufre 20 s. Ausenne 21 s. Ouspice 22 s. Leouido 23 s. Jorgi 24 s. Vitori 25 s. Marc. 26 s. Clet 27 s. Zeto 28 s. Vitlan 29 s. Catar, de S 30 s. Estropi	1 s. Ugue 2 s. Fr. de P. 3 s. PASSOUS 4 s. Isoue 5 s. Vineb F. 6 s. Prudent 7 s. Gautie 8 s. Aubert 9 s. Soulo 10 RAMPAU 11 s. Leon 12 s. Jui 13 s. Beuzet 14 s. Glicero 15 s. Frutuus 16 s. Lambert 17 s. PASCO 18 s. Apuloni 19 s. Oufre 20 s. Ausenne 21 s. Ouspice 22 s. Leouido 23 s. Jorgi 24 s. Vitori 25 s. Marc. 26 s. Clet 27 s. Zeto 28 s. Vitlan 29 s. Catar, de S 30 s. Estropi	1 s. Jaque e s. P. 2 s. Alanaï 3 s. LA STO-CROUS 4 s. Monuire 5 s. Stereo 6 s. Jan P. L. 7 s. Estanislau 8 s. Dreseli 9 s. Gregori 10 s. Antoumin 11 s. Maiou 12 s. Brancéi 13 s. Pons 14 s. Glicero 15 s. Bonifaci 16 s. Gent 17 s. Pascan 18 s. Féli 19 s. Gestein 20 s. Bernadin 21 s. Leutré 22 s. Estropi 23 s. A grovo 24 s. AN-BATISTO 25 s. Ires, de s. Alo 26 s. Davi 27 s. Oulvie 28 s. Vinc, de L. 29 s. Massemin 30 s. Feli 31 s. Peironmello	1 s. Jaque e s. P. 2 s. Alanaï 3 s. LA STO-CROUS 4 s. Monuire 5 s. Stereo 6 s. Jan P. L. 7 s. Estanislau 8 s. Dreseli 9 s. Gregori 10 s. Antoumin 11 s. Maiou 12 s. Brancéi 13 s. Pons 14 s. Glicero 15 s. Bonifaci 16 s. Gent 17 s. Pascan 18 s. Féli 19 s. Gestein 20 s. Bernadin 21 s. Leutré 22 s. Estropi 23 s. A grovo 24 s. AN-BATISTO 25 s. Ires, de s. Alo 26 s. Davi 27 s. Oulvie 28 s. Vinc, de L. 29 s. Massemin 30 s. Feli 31 s. Peironmello	4 s. Lauro 5 s. Marcelin 6 s. Cloutendo 7 s. Quenin 8 s. PANDECRISTO 9 s. Gladi 10 s. Nourbert 11 s. TEXOPOUNO 12 s. Pelapio 13 s. Felletta 14 s. Dandesi 15 s. TEUNTA 16 s. Antoni de P 17 s. Ilasie 18 s. Moudesto 19 s. FÉSTO-D.-MIÉ 20 s. Verume 21 s. Ouzas 22 s. Cervasi 23 s. Fournço 24 s. Leutré 25 s. Estropi 26 s. A grovo 27 s. AN-BATISTO 28 s. Ires, de s. Alo 29 s. Davi 30 s. Oulvie 31 s. Vinc, de L.	4 s. Lauro 5 s. Marcelin 6 s. Cloutendo 7 s. Quenin 8 s. PANDECRISTO 9 s. Gladi 10 s. Nourbert 11 s. TEXOPOUNO 12 s. Pelapio 13 s. Felletta 14 s. Dandesi 15 s. TEUNTA 16 s. Antoni de P 17 s. Ilasie 18 s. Moudesto 19 s. FÉSTO-D.-MIÉ 20 s. Verume 21 s. Ouzas 22 s. Cervasi 23 s. Fournço 24 s. Leutré 25 s. Estropi 26 s. A grovo 27 s. AN-BATISTO 28 s. Ires, de s. Alo 29 s. Davi 30 s. Oulvie 31 s. Vinc, de L.

JULIET	AVOÛT	SETÈMBRE	OUTOBRE	NOUVÈMBRE	DESÈMBRE
Li jour demenison d'uno o. 35 m.	Li jour demenison d'uno o. 35 m.	Li jour demenison d'uno o. 41 m.	Li jour demenison d'uno o. 41 m.	Li jour demenison d'uno o. 17 m.	Li jour demenison de 20 m.
P. Q. lou 4. P. L. lou 11. D. Q. lou 19. N. L. lou 26.	P. Q. lou 4. P. L. lou 11. D. Q. lou 19. N. L. lou 26.	P. Q. lou 2. P. L. lou 9. D. Q. lou 18. N. L. lou 25.	P. Q. lou 4. P. L. lou 9. D. Q. lou 17. N. L. lou 24. P. Q. lou 31.	P. L. lou 8. D. Q. lou 16. N. L. lou 23. P. Q. lou 29.	P. L. lou 8. D. Q. lou 15. N. L. lou 22. P. Q. lou 29.
1 s. Mariau 2 s. VESTRACUN 3 s. Anatoli 4 s. Fourtural 5 s. P. de Liss. 6 s. Argelo 7 s. Aubiergo 8 s. Isabeu 9 s. Bres 10 s. DE SANTA 11 s. Pie 12 s. Ouneste 13 s. Anac et 14 s. Bouaventur 15 s. Enel 16 s. D. E M C 17 s. Alessi 18 s. Talmas 19 s. Vinen 20 s. Margarilo 21 s. Vitou 22 s. MALANO 23 s. Castili 24 s. Crestino 25 s. Jaume 26 s. Aro 27 s. Patali 28 s. Sabal 29 s. Marlo 30 s. Lozp 31 s. German	1 s. Peire encad. 2 s. Esteve 3 s. Lolio 4 s. Dounergue 5 s. Lou 6 s. Sauvaire 7 s. Gaucian 8 s. Justin 9 s. Rouman 10 s. Larrons 11 s. Rusticlo 12 s. Claro 13 s. Pourari 14 s. Chapoli 15 s. D. D'AVOÛT 16 s. Ilo 17 s. Ja into 18 s. Alessi 19 s. Louis de B. 20 s. Prival 21 s. Vitou 22 s. Safourian. 23 s. Sidoni 24 s. Pa boumeu 25 s. Crest 26 s. Zedlin 27 s. Cefi 28 s. Jan d goul. 29 s. Louso 30 s. Lazali	1 s. Baudeli 2 s. Agric 3 s. Aion 4 s. Rousalio 5 s. Leugie 6 s. Anoble 7 s. Autau 8 s. D. DE SET. 9 s. Veran 10 s. Pourquerie 11 s. Pactent 12 s. Rono 13 s. Antunin 14 s. Eiss. de la Cr 15 s. Aoufs 16 s. Caur eli 17 s. Lambert 18 s. Estevenelo 19 s. Jemuvie 20 s. Estiaqui 21 s. TEMPORO 22 s. Maurve 23 s. Teulo 24 s. Sababergo 25 s. Fernin 26 s. Guizias 27 s. Cosme e D 28 s. Ceri 29 s. M. IEG 30 s. Girome	1 s. Rouniè 2 s. Ange g. 3 s. Cap'ian 4 s. Franc d'As 5 s. Tuli 6 s. Eusi 7 s. Baque 8 s. Reparado 9 s. Danis 10 s. Vergeli 11 s. Castou 12 s. Veran 13 s. Gerand 14 s. Calist 15 s. Terezo 16 s. Dousolino 17 s. Florens 18 s. Lu 19 s. Gerard T. 20 s. Crapusi 21 s. Onuselo 22 s. Mario Sal. 23 s. Tolefi 24 s. Maglori 25 s. Cres-plu 26 s. Floi 27 s. Savian 28 s. Simon 29 s. Nauisse 30 s. Lucan 31 s. Catstou	1 s. TOUSSANT 2 s. Li mont 3 s. Cap'ian 4 s. Chamas 5 s. Zaccarie. 6 s. Esteve 7 s. Ernest 8 s. Trouffeli 9 s. Matulu 10 s. Just 11 s. Martin 12 s. Retiniè 13 s. Miire 14 s. Ito, eves. 15 s. Ougeni 16 s. u ueri 17 s. Agnan 18 s. Auto 19 s. Isabeu 20 s. Eimound 21 s. Cierlo 22 s. Clerment 23 s. Furo 24 s. Catinaro 25 s. Degrino 26 s. Floi 27 s. Avest 28 s. Soustene 29 s. Sournin 30 s. Audieu 31 s. Catstou	1 s. Aloj. 2 s. Libiano 3 s. Frances-X. 4 s. Barbo 5 s. Subas 6 s. Moutau 7 s. Ambrosi 8 s. CONNORCOUN 9 s. Loureio 10 s. Valiero 11 s. Damb-i 12 s. Daniso 13 s. Luc 14 s. remouo 15 s. Ousebi 16 s. Azalaz 17 s. Oulimpo 18 s. V'et 19 s. Tioutouin 20 s. Tioutouin 21 s. Tounas 22 s. Ounouat 23 s. Vitori 24 s. Ives 25 s. CLEND 26 s. Esteve 27 s. Jan, ev. 28 s. Innocent 29 s. Tréme 30 s. Conlumb. 31 s. Sivestre

ARMANA PROUVENÇAU

CROUNICO FELIBRENCO

I

En aquesto ouro de gaboui, de mescreseço amaro e de cresenço folo, la lengo prouvençalo devèn de mai en mai pèr grand noumbre d'esprit e de cor generous la naturalo encarnacioun de la patrio, e de l'independènci, e di dre sentimen. De la destacho dis óulivo ausin regolo l'òli pur. Forço amo entousiasto embrasson em' ardour la Causo prouvençalo, e d'aquéli brassado nais, sèns descassoula, un dardai de vers novèu.

Un d'aquéli calignaire, un d'aquéli cepoun de la Causo glourioso es Roumiè Marcelin. Vèn de nous douna 'n libre (*Long d'ou ! amin*, emé traducioun franceso, libr. Roumanille, en Avignoun), ounte luson l'eigagno e lou soulèn d'amour, emai quàuquís esluci de chavano. N'en resto plus qu'uno dougeno d'eisemplàri. Marcelin de Carpentras es un pau de l'escolo de noste gènt Mathièu e de Bernat de Ventadour, valènt-à-dire de l'escolo di Tres Gràci ; e a resoun Mathièu dins la prefaci dóu voulume : « Acò 's un fres sourgènt que babiho agra-diéu à l'auriho di prat e miraio en passant jounquiho e margarideto. » Certo, l'on pourrié dire à-n-aquéli pouèsio ço que dis Marcelin en dos Carpentrasenco :

O chatouneto,
Vòsti couifeto,
N'an pa 'n riban,
Mai sias pouldo,
Afresconhido :
Aves quinge an !

Bon viage dounc, pichoto, e que voste *camin* tout-de-long siegue flouri !

II

L'an passa, en marcant la mort dóu paure Abat Lambert, l'Armana prouvençau emetié aquest vot : « Sarié de souveta que lis ami dóu troubaire mort leissèsson pas tounba soun obro dins l'oubli. » Lis ami dóu troubaire au noublamen fa soun devé, e li Nouvè de l'Abat Lambert espelisson aro meme souto lou titre *Betelèn*, en bello edicioun in-8°, em' uno introuducioun e traducioun franceso, e retra de l'au-

tour (Avignoun, vers li fraire Aubanel). Lou pouèmo crestian de *Belètèn*, qu'embrasso mai de cènt novè divisa en sièis cant, retrais en sceno poululàri l'enfanço de Noste Segnour. Is episòdi counserva pèr l'Evangéli o pèr la tradicioun, l'autour n'a join que-noun-sai d'autre que fan lou plus grand ounour à soun imaginacioun autant ardido qu'aboundouso. Piei soun ardènto fe, sa fe de prèire catouli e quàsi de proufèto, que sèmblo vèire ço que canto, coununico en tout acò uno pieta graciouso, un nouvelun frapant e uno vido estraourdinàri.

III

Un prouvençau que rèsto à Paris, M. Lucian Geoffroy, a publica 'n recuei de vers en nosto lengo soute lou titre *Mei Veiado* (Paris, libr. Dumoulin, 1869). Lou pouèto a mes aquí li pantai e li regrèt que douno à l'eisila lou languitòri d'ou païs; l'estile n'es facile e la lengo proun courouso; de mai, l'autour esplico sis idèio dins uno prefaci prouvençalo que noun es lou moussèn lou mens òuriginau d'ou libre. Veici perèu uno di noto :

La questiou d'uno lengo universalò es s'òulevado despièi long-tèms... D'un an prepaus i lou francès; d'autre volon uno lengo novo, filousoufico e sintetico, facho *à priori*. Aquesto belèn sarié seco; l'autro, farié d'envejous. La lengo prouvençalo es touto lèsto; es richo e armouniouso; li Troubadour l'an rendudo celèbro. D'autre caire pèn èstre considerado comme uno lengo morto despièi que lou dialèite d'ou Nord a pres sa plaço; farié dounc ges de jalous. Si raport emé lou latin, lou francès, l'italian, l'espagnòu, n'en rëndon l'estudi facile. Perquè sarié-ti pas chausido pèr religa li nacions? Se poudrié belèn pu man faire.

Pèr ço que nous regardo, voutan di dos man la prouponsioun de M. Geoffroy.

IV

Un cantaire biarnés, Pascou Lamazou, a fa parèisse, soute formo d'album, 50 *Chants Pyrénéens*, paraulo e musico, emé l'acoumpagnamen pèr li plus grand mèstre d'aro. Es la flour di cansoun de Despourrins e di cant poululàri atribui à Gastoun Fèbus. Lou tenor Lamazou, qu'avié fa counèisse eu-meme e aplaudi pèr tout Paris aquélis èr de sa patrio, à bèn merita d'elo en li fasent estampa (vers P. Lamazou, à Pau, plaço Bosquet, 7. Pres: 20 fr.)

Signalen tambèn, comme prouducioun novello :

En Avignoun (empr. Chaillot), *Lou Ramelet di Sant-Genair*, recuei de 9 cantico prouvençau à l'ounour de Sant Gèni, compausa 'mè forco goust pèr M. l'Abat Bresson, d'ou Bausset; devendran poululàri;

A Mouut-pelié (empr. L. Cristin), un escapouloun de vers de M. Martin-Couloumbo Martin, encian jugé-de-pas d'ou cantoun d'Agle :

A Perpignan (libr. Julia), un bouquet de *Flors de Canigó*, en Catalan de Roussihoun, pèr M. P. Courtais, de Banyuls ;

A Bourdèus, uno reedicioun dis obro de Mèstè Verdier (libr. Goudin), em' un *Armanac Bourdelès* (empr. A Bord), pèr M. T. Blanc ;

En Anglo-terro (London, Macmillan and Co), uno segoundo traduction en vers de la *Mirèio* de Mistral, pèr H. Crichton ;

E enfin, uno superbo edicioun dóu *Mège de Cucugnan* e dóu *Colera* de Roumanille, ilustrado pèr Charle Combe de Diéu-lou-fet, empre-nido pèr Storek à Lioun (Paris, *A. Lacroix, Verdoekhoven et Cie* ; Avignon, J. Roumanille).

Bonadi la generouso ajudo de soun inteligènt Mecèno, A. Duval. — Charle Combe a pouscu publica 'no obro que, coume soun *Siège de Cadaroussa*, ie fai mai-que-mai ounour. Es pas tout de dire tout ço que soun creioun eurabia a mes aqui de voio coumico, de fouligaud enavans, de bello e bono imour, e d'entrin endemounia e d'esperit prouvençau, e de sau, e de pebre : es pas tout de lou dire, fau lou vèire ! Malurousamen se n'es estampa qu'uno cinquanteno d'eisemplàri.

V

Un prouvençalisto alemand, M. Bartsch, a trouva en Itàli e publica nouvelamen (à Berlin, vers Weber) un mistèri prouvençau dóu siècle quatourgen, *Sancta Agnes*. Noste ami Paul Meyer, què n'en rènd comte dins la *Revue critique* dóu 18 de Setèmbre 1869, dis qu'aquelo pèço, emé lou *Jo de Sant Jaque*, es tout ço que couneisson de la pou'ssio dramático de Prouvènço dins l'Age-Méjan. Mai d'un ate passa davans lou noutàri d'Auriou (15 d'Abriéu 1534) resulto que se jougavo encaro d'aquéu tèms un mistèri prouvençau aguènt pèr noum la *Couversioun de la benurouso Mario-Madalenò*.

Dins li *Mémoires de la société de Linguistique de Paris* (2^e fascicule, 1869, libr. Franck), Paul Meyer a douma perèn, sounto lou titre *Phonétique provençale*, uno bono dissertacioun sus la tounico O. M. Gaston Paris, dins lou meime recuei, a demoustra que la negacioun *gens, ges, gins, gis*, deribo dóu latin *genus*, e noum de *gens*, coume n'l'a que creson.

VI

Lou 23 d'Abriéu 1869, à l'oucasioniou dóu Councours regiounau d'agriculturo, la noblo vilo d'Ais, toujours digno de soun noum de capitalo de Prouvènço, a douma de Jo Flourau forço brihant. La sessiò publico se tenguè dins la grand salo de la Coumuno, cafido coume un iòu de la plus bello soucieta. Ero presidado pèr M. de Philip, ajoun au Maire d'Ais, qu'avié à si còstat MM. Mistral e Roumanille, emé li juge de la lucho : MM. de Séranon, J.-B. Gaut, N. Bonafous, lou canounge Emery, F. Hermitte. Carbonel, e Coustans André.

Après un galant discours de M. de Philip, benvengudo i cantaire dóu país, après uno odo fièro dóu bon felibre Gant, agnènt pèr titoulet *Lis Alo*, M. Bonafous, l'ounourable decan de la Faculta di Letro, faguè lou raport di Jo, em' aquelo finesso e critico esperitado que lou fan sèmpre escouta 'mè tant de goust. Li coucurren't èron noumbrous, e la valour di pèço remarcablo : meme, fuguè clar pèr tóuti que la lengo literàri aviè bravamen gagna, tant en elevacioun qu'en unita ourtografico. Veici lou noum di laureat :

PROUMIÈ SUJÈT : *La Pouësis provençalo sounto R. Berenguiè IV e Beatris.*

Proumiè Pres (Medaio d'or) :	Jan Monné, de Marsiho.
Proumièro Mencion d'ounour :	Feli Gras, de Malo-mort.
Segoundo Mencion d'ounour :	Daprot, d'Eigniero.
Tresenco Mencion d'ounour :	Doa J.-B. Garnier, beneditin de l'Abadié de Solesmes.

SEGOUND SUJÈT : *L'Ouliviè.*

Proumiè Pres. (Medaio de vermèi) :	Fourtunat Martelly, de Pertus.
Segound Pres. (Medaio d'argent) :	Antos Michel, de Mourmeironn.
Tresen Pres. (Medaio d'argent) :	Francis, d'Al.
Proumièro Mencion d'ounour :	Antheman, de L'Islo.
Segoundo Mencion d'ounour :	Jörgi Saint-René Taillandier, de Paris.

TRESEN SUJÈT : *Galejado.*

Pres <i>ex aquo</i> (Medaio d'argent) :	Antheman, de L'Islo, e Peise, de Touloun.
Mencion d'ounour :	Daprot, d'Eigniero.

Adonne Monné, lou jouine couquistaire de la medaio d'or, recitè soun serventès em' un superbe entousiasme ; Martelly, l'autour amistadous e pertout conneigu di roumanso populàri *Flour de Paradis*, *la Cresaretto*, etc., diguè poulidanen si vers courous e prefuma sus *L'Ouliviè* ; lou valèrous Michel enlevè l'auditòri emè si gràndis estrofo, e lou coumque Peise faguè largamen rire emè sa bouffonado de *Tant-miei e Tant-pis*.

Pièr, pèr coumpli la fèsto, lou canoungè Emery diguè alegremen, coume se pòu pas mies, soun charmant conte *Lei pichot Mandrin* ; Roumamille e Mistral barrèron la sesiho, lou proumiè 'mè sa pèço *Se n'en fasia un Avoucut*, l'autre emè sis estànçis sus *La Mort de Lamartine*.

De vèspre, M. Constans André durbiguè si saloun i laureat di Jo Flouran, e doune 'no serado francamen provençalo : sa gènto damisello, em' un gaubi angelè, n'en faguè l'ounour ; e l'on l'eutendegue forço bèu vers, agnènt pèr intermèdi lou tambourin de Cadet Vidal (autour de la metodo d'aquel estrumen), e lou galoubet de Felip

Buisson que venié de gagna lou grand pres di tambourinaire e que jougué à meraviho lou *Carnava de Veniso* de Paganini.

VII

L'endeman 24, uno cavaucado magnifico, figurant l'arribado sou-lènno d'ou bon rèi Reimé dins sa ciéuta d'Ais en 1448, avié atira dins Ais un innounbrable pople. Noste Rèi, à chivau, pourtant courouno d'or e mantèu blu flourdalisa, emé brassau e cuissau aceiren e auberc trelusènt, èro representa pèr M. Ludòvi d'Estienne de Saint Jean, e segui de sa court perfetamen ressuscitao. A l'intrado d'ou Cous, lou proumié Sendi d'Ais, qu'esperavo lou Rèi, emé si counfrarié, cors de mestié, arquié, tambourin e bachas, tout lou lustre d'aquelo epoco, prounouncié, en vièi estile, l'aloucuciuon seguènto :

Tres aut et tres excellent Senhor,

Los syndic et assessor de la ciéutat d'Ais, invocant lo nom de nostre Seahor Diéu J. C. et de la siena gloriosa Mayre, et de tota la santa cort cele-tial, loqual en tota bona et perfecta obra si deu invocar, perqué processit tot bon et pacillie estament del tres aut et tres excellent prince et senhor nostre lo Rey Reynier, per la grac a de Diéu, rey de Jerusalem, de Aragon, de ambas las Sicilias, de Valencia, de Sardenha et de Corsega, duc d'Anjo et de Bar, comte de Barcelona et de Provensa, de Forcalquier et de Piemont;

Supplican Vostra Majesta que noste bon Rey resaupe los compliments de beuvenguda de la ciéutat d'Ais.

Lou Rèi respoundegué :

Plas al rey, loqual resaupe embe agradansa los compliments de la ciéutat d'Ais.

Tóuti aquéli bandiero, esçut, blasoun, coulour e entre-signe patrian ; nòstis èr naciounau, tant aquéli d'autre-tèms coume li di Felibre, eisecuta pèr la musico d'ou 99^e souto la direicioun de soun eicelènt chéfe — qu'ero un avignounen, M. Borel ; lou bourjoun, lou trapé de la foulo dins la pousse e lou soulèn, èro coume un pantai de nostò vièio glòri. Ais avié pèr un jour retrouva soun ópulénci, sa pouplacioun brilianto, sa noublesso poumpouso, si troubaire e soun rèi.

VIII

Lou Rampau d'Oulivié argentau, decerni tóuti lis an, lou jour de l'Ascensioun, pèr l'Acadèmi de Beziés, à la meiuuro pèço en lengo d'O (que i' es mandado avans lou mes d'Abrién), es esta douna aquest an au felibre Anfos Michel pèr soun pouèmo *L'Immortalita de l'amo*. Es la segoundo fes que noste gai counfraire gagno li joio de Beziés : ounour ie siegue e longo-mai !

Vès-eïci pèr rèng d'ordre li pèço mencionado dins lou même counours : *La Fèsto Felibrenco*, de M. Clar Gleizes, d'Arle, elegant recit en vint-e-quatre estrofo d'ou grand festenau de Sant-Roumié ; *Lei doues Souerre*, de M. Vitou Bourrelly, de Rousset, courreïtamen escriho ; *Juno d'Arc*, de M. Jan Laurès, de Vilo-novo ; *Lou Malaut imaginàri*, de M. Leyris, d'Alès ; *Moun Oustalet*, de M. Fargues, de Mount-rian ; *Las Fados das Cevenos*, de M. Paul Félix, d'Alès ; *La Man d'ou bon Diéu*, de M. Ipoulite Ollivier, d'Anduzo ; *Li Pimparello*, de M. Etienne, de Nico ; *Las Fennos*, de M. Prache, de Carcassouno ; e un *Sermou*, de M. Gadrat, autre carcassounès.

En un autre counours dubert pèr la vilo d'Anduzo, lou 13 de Setembre 1869, M. V. Bourrelly, de Rousset, a gagna 'n pres estraordinari pèr sa pèço *Elògi de Florian*.

IX

Avès vist qu'Anfos Michel avié gagna li joïo à-z-Ais e à Bezies dins la memo quingenado. Or, la vilo d'Eiguiero, ounte Michèn abito, es forço aferiounado à nòsti causo literàri ; meïme que se ie trovo uno soucièta d'ami e de letru que s'acampo chasco annado au castelas de Roco-Martino, sus l'estiganço de ie manja 'n cabrit e de canta chascun sa cansouneto prouvençalo. Noumon aquèu rejauchoun *Sant Marc d'ou Cabrit*.

Aquest an lis Eiguieren, en l'ounour di vitòri d'ou coulègo Michèn, convidèron li Felibre à soum regale de Sant Marc. Roco-Martino, terro segnourialo d'aquelo Alazaïs cantado e calignado pèr Fôuquet de Marsiho e pèr Pèire Vidal, la pouëtico terro de Roco-Martino, ausiguè tourna-mai li bèlli rimo de Prouvenço. Eiguiero la risento courreguè touto entiero pèr entendre à la vesprado Roumanniho, Mistrau, Aubanèn, Crousihat, Autheman, Marcelin, Ranquet, Girard, Vidal, e Tavan e Monné (plourant toui dous, pecaire ! si jouni femo morto), e lou vièi Desanat, autant revoi, autant ardent, comme quand, i' a trento an, fasié bouie à Marsiho lou journau lou *Bouï-abuisso*, e li troubaire de l'endré, lou bon Verdout, Payan, Paulin Mathieu, pièi subre touti Anfos Michèn, declamant davans lou pople soum *Immortalita de l'amo*. Un gramaci courau à l'ourfeon d'Eiguiero (*Lis Enfant dis Aupiko*), que regalèron la vihado, e qu'autant patrioto comme inteligènts artistico, se soum di de canta jamai qu'en prouvençau. Lou bouquet de la fèsto fuguè 'no permeuado, l'endeman, à Lamanoun, patriò pintouresco d'aquèu Bertrans de Lamanoun, autour de la poulido aubado :

Uns cavaliers si jazia
Ab la res que plus volia ;
Seven baizan li dizia :
Doussa res, ieu que farai,
Que i' jor ven e la noïch vai ?
Ai !

Acò 's dóu siècle tregen ; sian au dès-e-nouven, e lou meme ter-
raire jito la memo sabo. Remercièn lou bon Diéu !

X

Aquéli qu'an seguí, despièi uno vinteno d'an, lou movemen de
reneissènço que se fai, de la Durènço fin-qu'à l'Ebre, podon vèire que
chascò prouvinço, que chascò cièuta, que chascò vilage, meime
sènso lou saupre, travaion pèr la Causo. Counservarello de la lengo,
li pouplacioun campèstro fournisson li pouèto ; li vilo poudèrouso
entrenon li courouno e dounon l'enavans : uno fes sara Ais, uno autro
At, uno autro Nimes ; vuei Sant-Roumié o Arle, e deman Fourcau-
quié ; Beziés, martiro ilustro de nosto nacionnalita, — e que se n'en
souvèn, — empuro de si joio lou revieüre de la lengo ; la Gascon-
gno à Jasmin aubouro uno estatuo ; talò grandò cièuta, coume Bour-
dèus, coume Marsiho, que sèmblo s'òcupa que d'endustrio e de
gasan, adus pamens sa pèiro à l'obro pèr l'impourtanço e l'esplen-
dour que la richesso porto en elo e que respouscon sus tout lou
Miejour ; e s'enfin lou Miejour coumenço à murmura : Descentrali-
sacioun ! la valènto Catalougno, davançant touti si sorre, crido : Fe-
deracioun !

Mai tout vèn à soun ouro e dins soun lio. Aquest an es Mount-
pelié que se boulego. Mount-pelié que de tout tèms es esta
dòu Miejour la cièuta scientifico, semblavo fach esprès pèr councon-
tra e espondi la sciènci de la lengo. E vaquí just que cinq ome
coumpetent, cinq zela patrioto, MM. F. Cambouliu, Achile Montel,
A. Boucherie, Paul Glaize e Charle de Tourtoulon, an, lou 12 d'A-
briéu 1869, founda en aquelo vilo, soute lou noum de *Société pour l'é-
tude des langues romanes*, uno acadèmi qu'aura pèr òujèt d'estudia la
Lengo d'O tant enciano que moudèrno, dins touti si parla e dins
touti si formo. Se manifestara pèr la publicacioun d'uno *Revue des
langues romanes*, coumprenènt de doucumen vièi e nouvéu, tant
literari que pouplari. Quau voundra n'en mai saupre, coume faire
partido de la dòuto coumpagnié, n'a que d'escrieüre au secretari
M. A. Montel (carriero Dessales-Possel, à Mount-pelié).

Lou principal estigadou d'aquéu revèi, M. de Tourtoulon, es l'au-
tour d'un grand travai (*Jaume I le conquérant, roi d'Aragon, comte de
Barcelone, seigneur de Montpellier*, 2 voll. in-8°, Mount-pelié, libr. Gras,
1863-1867), que dèu avé sa plaço dins li bibliotèco de Catalougno, de
Lengadò e de Prouvènço. Jaume lou Counquistaire, aquéu rèi legis-
latour, que prengué tres reiaume, que gagnè trento bataio, que foundè
dous milo glèiso, e que, dins soun long règne de seissanto-tres an,
sèmpre proutegigué li letro prouvençalo, es un di plus grands ome
de la racò dóu Miejour, car ero pèr sa maire enfant de Mount-pelié,
e soun istòri tèn emé touti nòsti glòri.

Quàunqui libre de bon legi :

— *Voyage humoristique dans le Midi*, de M. Louis de Laincel (Valenco, vers Combièr), amusanto escourregudo ounte l'on vèi en s'espaçant tóuti li curiosita de l'encian Marquesat de Prouvenco ;

— *Notice historique sur la ville des Baux en Provence et sur la maison des Baux*, edicionn cinquenco, revisado pèr l'autour, Jùli Canonge : noun se trovo qu' i Baus, vers li Sorre de l'escolo, que la vèndon au proufié d'uno obro de carita.

Courounaren nosto revisto pèr un gramaci. En counsideracion de l'amiganço establido aquèstis an, e autamen manifestado, entre li literatour de Catalougno e de Prouvenco, lou gouvèr Espagnòu a decerni au Felibrige cinq decouracionn de l'Ordre ensigne de Carle III (quatre de Chivalié, uno de Coumendaire). L'Espagno generonou nous a fa lis avanço de sa courtesié : aro doune, à la Franco de rendre lou guierdouñ i fraire Catalan.

GUI DE MOUNT-PAVOUN.

1 d'Outobre 1869.

A MOUSSU DE LESSEPS

Vers la terro de Dién, à travès la Mar Roujo,
Mouïse, à pèd eïssu, menè lou pople Ebrièu :

A travès li sablas di planuro feroujo,
Tu, Lesseps, maridant li dos mar em' un rièu,

O Mouïse nouvèn de l'Europo ivernoujo,
Pèr aïgo l'as menado i grand soulèu de Diéu.

F. MISTRAL.

Maïano (Bouco-dou-Rose), 17 do Novvèmbre 1869.

L'OLI DE GAVÈU

Sian mai cici, e longo-mai !

Bèn lou bonjour en tóuti, vesin, vesino ! Cousino, cousin, bonjour !
Es mai ièn ! Pièn-pièn toujour vièn.

Coume sian ? — Pas mau. E vous ? — Lou vesès : cici sian mai, toujour lèst à batre l'aïgo em' un bastoun, afeciouna de-longo pèr fouita de tavan à sièis hard lou cènt.

Quand ièn pènse que l'aura bèu sege an pèr Sant-Simoun qu'eiçò duro ! e que sian pancaro au bout, nimai encaro !... Ço que fau faire panens pèr gagna sa miserablo vido !... Ah ! boutas, tout èi pas de mièn e de roso pèr lou paure Cascarelet ! Bràvis ami de l'Armana.

ou yesès que quand ris ! Ah ! que ririas de sa laido bèbo, se lou esias quand fougno e quand plouro !

Vau mies rire, parai ?

E bèn ! alor ! diguen-n'en uno.

Queto voulès que vous digue, vejan ? Voulès que vous digue *lou Peirin ? la Malaute ? l'Electricité ? lou Tros d'or ? la bravo Femo ? la marido Annado ? leu Poucièu ? lou Pastre ? lou Pèis ? la Sibletto ?...*

Ah ! quant ! ai ! moun Dièu, quant !... Iéu noun sai s'aquéli bèu prince de la pouësis — macastin ! que soun richamen aprouvès aquest n ! — me leissaran, dins moun caire, desgruna moun capelet ! Mai fasto ! pas d'alongui, qu'avèn d'obro. Se disian... tenès ! *l'ôli de gavu* ;

Lou vièi Bibian, véuse de la Gavoto, èro dins li tressusour de l'anròn ; i'avien adu lou Bon-Dièu, e, pechaire ! acampant si pato, anavo bada e mourir.

Un brave ome ! Res aviéj mai agu rèn à ie reproucha, o quasi rèn, tant vau dire, car dins touto sa vido (vue crous emai mai), n'avié agu quauco feblesso que... que pèr *l'ôli de gavu*.

A tout pecat misericòrdi.

Couneissié plus, Mèste Bibian, parlavo plus ; de pèd à vèntre èro teja qu'un glas ; e sa noro, en plourant, ie bagnavo li bouco emé l'aigo de sucre. Pichot, pichot soulas pèr lou pacient, qu'avié tout ust la forgo de faire : Puai ! puai !

Es alor que la noro, coumpatissènto, aguè l'idèio (de-qu'assajarias pas pèr donna soulas à-n-un mouribound ?) l'idèio de metre au calèu quàuquì degout d'ôli, e i'umeitè li bouco em'un pau de vinet, emé de bon vinet.

Es bèn vrai que lou malaut, subran, durbiguè de grands iue tressusènt, sourriguè ; e, se lipant :

— Tène bagna ! faguè, noro, tène bagna !...

Em' acò pièi pamens, l'endeman de vèspre, lou calèu s'amoussè.

LOU CASCARELET.

A MOUN AMI L'ANGE FAUDRIN

PAISAN ESCULTOUR, A CASTÈU-NÒU DÉ GADAGNO

I

L'Ange, moun bèl ami, sies plus sage que iéu :
Benesisses toui sort, e me plague d'ou miéu ;

Dins lou drauon que Dieu te marco,
Tu camines countènt, r'n te douno soucit ;
Iéu, sus moun aigo fousco, ai lou cor desglesi,
E sènte creniha ma barco.

Quand ti fen soun de sègo, ardit, ie mandes dur ;
Meissounes emé goust quand ti blad soun madur ;
Toun amo es sèmpre voulountouso ;
Coutrejes ti gara vendémies ti rasin,
Derrabes ti garanço, e galoi, au moulin
Desfas tis ôulivo moustouso.

Pièi après, quand ti fen é toun blad soun rejoun,
Que ti garanço, en or, pagon larg ti besoun,
Que ti semenço soun finido,
Qu'as estrema toun bos e qu'as destren toun vin,
E qu'enjusquo i rebord, d'un ôli rous e fin
Tôuti ti gerlo soun emplido ;

Alor, alor de tu lou païsan s'envai,
Alor te fas artistô : un jour novvèn se fai
Dins toun cor que lou Bèu atioco :
Toun esprit vierge, caud, repausa, pensatiéu,
Vèi mœuvre à soun entour la creacioun de Diéu
E la man d'ou bon Diéu lou toco !

E toun plan, espeli dins toun idèio, crèis ;
L'estatuo que vós de cènt biais t'aparèis
E s'embelis dins ta pensado ;
Ie donnes de toun amo e te sèntes urous,
E countèmples toun obro, e n'en sies amoureux,
Avans que l'agues coumençado.

Pèr mesura si cambo e pèr marca si bras,
Ta man sus lou cartoun permeno lou coumpas :
Sies tout relènt, sies tout en aio :
Agantes ta masseto, e zôn ! à pichot tros,
En seguissènt lou tra, dins la pèiro o lou hos
Toun ciselet faio e retaiò.

Quand te repauses, pièi, sies pres d'un sant respèt :
Veses trachi de man, veses naisse de pèd,
De sen qu'escapon d'ou coursage ;
Vaqui lis iuc, deman li finiras toui dous,
E la niue t'adurra lou rire amistadous
Qu'espandiras sus lou visage.

Pèr vèire ounte n'en sies, ti sorre, d'escoundoun,
Van curiouse, plan-plan, auboura lou vauoun
Que cuerb toum obro mita-facho ;
Ti gènt soun fièr de tu ; Gadagno, quauque jour,
Jitara sus Vau-cluso uno aubo d'esplendour,
E sara tu que l'auras trachô !

II

Mai t'enchau bèn de glòri ! as fam que de vertu ;
As lou countentamen que respendis en tu.

Quand veses toun obro acoumplido,
Sies coume la mouié trespourtado d'amour,
Quand à soun proumié nà presènto la primour
De si caresso trefoulido...

De mèstre n'as pas gens, res que t'ague ensigna ;
E soulet, toun engèni a sachu devina

Li secrèt de toun saupre-faire :
Iéu, ai ! las ! fau de vers e cante moun ploura ;
Lou gènt ami Sauget pèr la noto es astra ;
Tu, nasquères escrincelaire.

L'Esculturo es ta migo e fai tout toun bonur,
Em' elo li plesi que prenes soun tant pur
Que noun vos d'uno autro mestresso.
I trebau de l'amour as respoundu de noun ;
En gens de chato as di : Chatouno, à ti geinoun,
Laisso que begue l'alegresso.

Au noum d'uno, jamai toun cor a tresana ;
Ti bouco de jouvènt an jamai poutouna
Uno gauto roso e poupino ;
Miquèl-Ange, toun grand, dison qu'a jamai ris,
E dins tu caup peréu uno amo qu'abourris
La foulo e si joïo mesquino...

E iéu, sèmpre t'amire, amor de tout acò !
Dins mi nègri moumen pènsè à tu de bèu cop
E me repasse nòsti dire,
O L'Ange moun ami, moun counfidènt discrèt,
En quau disiéu mi vers, mis amour, mi secrèt,
E mi passioun e mi delire.

Car s'ères sage, tu, iéu ère toujours fòu...
Aro, ami, sènsò iéu, que fas à Castèu-nòu ?
Vas toujours, quand lou vèspre arrivo,
T'asseta, lou dimenche, au bord de Camp-Cabèu,
E countempla lou champ, aquéu vaste tablèu,
E lou Ventour que mounto i nivo ?

E 'n bevènt l'auro leno, e 'n respirant lou fres,
A iéu despatria pènses pas, quàuqui fes ?...

Iéu, vai, ma vido es pas meiouro :
Ai jamai ço que vole, ai toujours fam e set,
E s'atrove un lauroun, lou lendeman es se,
E de-longo moun amo plouro..

III

O L'Ange, sabes tout ; lou destin me n'en vòu,
Pèr un moumen de joïo ai pièi l'éterne dòu ! . .
M'as plagneigu, bèu câmbarado,
E 'n pensant à ma peno as taïa 'n bas relèn,
Qu'emé d'ange e de flour represento un toumbèu,
La soulo causo que m'agrado...

Dins ma doulour inmènso ai pamens un soulas :
Ma fiho, quand me vèi, cour vite dins mi bras ;
Ma fiho es tout ço que me rèsto :
Se ploure, lou coumpren, e pren lou moucadou,
E me seco li plour que toumbon à degout,
E me sourris e me fai fèsto !

Ai, pièi, la Pouèsio ! O moun Diéu, gramaci !
La santo Pouèsio encanto mi soucit. .
La Pouèsio, aquelo divo
Que de moun cor malaut furno tóuti li ple,
E quand de mi doulour trene lou capelet
Ie mesco uno flour agradivo...

Dins lou carré peïrous toujours me fai trepa ;
Dins l'abéurage amar mi labro an proun trempa :
Fasès que noun begue la lio,
Segnour ! fasès qu'arrive enfin au pausadou,
E moun cor matrassa trove un refrescadou
Dins la tendresso de ma fiho !

Moun Diéu, que siegue urouso ! e quand vendra ma mue,
Que l'ague à moun coustat pèr me barra lis iue !
Fasès-la grando, sajo e bello !...
Iéu ai som... Aurai gau encaro de moun sort,
Se pèr ana dourmi mounte sa maire dor,
Sa man me plego li parpello !...

Adiéu, L'Ange moun bèu, adiéu ! Aviéu besoun
Emé tu, car ami, de m'espurga 'n brisoun.

Ensèn avèn mena l'araire ;
Te devièu aquest cant, te devièu moun desbord :
Escultour e pouëto avèn meme estrambord,
Lis artisto soun tóuti fraire !

ANFOS TAVAN.

Marsiho, 24 de Jun 1869.

LOU VALÈNT-OME

Valènt ome èro Coulau — que tres mousco lou couchavon.

— Un jour, disié Coulau, un jour qu'èro niue, santo-Crous ! me vau trouva soulet dins un bos, tout soulet, couquin-de-sort ! Vouguère me prouva, terro-de-Diéu ! e vèire s'ère un bon ome, tron-de-milo ! Alor que fau, capouchin-de-goï !... Me cridère, noum-d'un-gàrri ! e me respouñdeguère pas, double-Diéune !...

Paméns, l'ase me quihe ! acoumençave d'agué pòu... Bono maire de Diéu ! me respouñdeguère vite : Plèti, moussu ?

Ah ! petard-dé-bon-goï ! en vesènt qu'erian dous, maladesclapacioun ! acò me rassegurè, bagasso !

LOU CASCARELET.

LIS AUCEÛ

Entre que lou printèms, enmargaia de flour,
De soun alen tebés found la nèu di mountagno ;
Quand tout ço qu'èro mort renaïs dins la campagno,
Que la planò repren si risènti coulour ;
Quand, despièi l'arnavés jusqu'au superbe pivo
Que rescond, ufanous, sa tèsto dins li nivo,
Tout aubre dóu bouscas s'es abiha de verd ;
Quand lou bèu tèms enfin fai descampa l'ivèr,
Au mitan di cansoun que lou bon Diéu i'inspiro,
Iroundello, verdet, galapastre, turin,
Tourdre, sausin, quinsard, roussignòu, pimparrin,
Bouscarido, bluiet, tout aucèu que respiro,
Meme avans de fringa, pènso à faire soun nis.

Aqueste dins lou trau d'uno vièio muraio
Porto un bourril de sedo, uno broco, uno paio ;
L'autre souto un cubert coume un massoun bastis ;
Aquéu derrabo un cren au còu d'uno cavalo,
Bousco sus l'agrenas la lano di moutoun ;
A la cimo d'un óume aqueste, d'un cop d'alo,
Volo pèr metre en crous de fin broutet de jounc.

L'obro es lèu acabado : ès alor grandò fèsto ;
Paire e maire, en amant, bresilhon si cansoun.
Li nis soun tóuti lèst : que Diéu fague lou rèsto !

E Diéu, sèmpre tant bon pèr tout ço qu'à 'speli,
Escouto li souvèt dis auceloun amaire...
E, quàuqui jour après, chasque nis es emplì
De quatre o cinq pichot que, tóuti trefouli,
Pèr dire sa bounta piéuton emé sa maire.

L. ROUMIEUX

(*La Rampelado*).

LA NEISSÈNÇO D'ENRI IV

Quand Jano de Lebret, la rèino de Navarroy, èro prens d'Enri IV,
Enri de Lebret, soun paire, ie diguè : « Ma fiho, te proumete aquesto
bello bouito, emé ço que i'a dedins, s' au moumen de ti, doulour, me
cantes quaucarèn dins nosto lengo. »

Lou 13 de Desèmbre 1553, un pau après miejo-niue, lou gros mau
prenguè la rèino dins la vilo de Pau, e au plus fort de si ramado,
elo se boutè à canta :

Nousto-Damo déu Cap déu Pount,
Ayudas-nous ad aquesto ouro !
Pregas pèr nous au Diéu déu cèu
Que nous voulhe deliéura lèu !
Tout, dinque au aut déus mounts, l'implouro :
Nousto-Damo déu Cap déu Pount,
Ayudas-nous ad aquesto ouro !

Es li paraulo d'un cantico Biarnès, e Nosto-Damo dóu Cap dóu
Pont es un di noum souto li quau la Santo Vierge es ounourado en
Biarn, à causo d'un óuratòri qu'ero au bout dóu Pont dóu Gave. Li
femo embarrassado se ie proumetien. Entre agué fini aquèu moutet,
Jano meteguè au mounde aquèu brave Enriquet, que deviè deveni
lou plus grand rèi de França.

Lou rèi Antòni de Bourbonn, qu'en entendènt canta la reialo jacènt,
èro intra dins sa chambro, prenguè alor uno veno d'aïet, e n'en
fretè li bouco dóu pichot.

Vès-aquí coume, autre-tèms, nòsti rèino dóu Miejour fasien lis
ome.

G. D. M.

A Tavèn,
Fouiton-la nòvio em' un gavèu.

L'AUBRE DIS OULIVO

GALEJADO, COUROUTADO I JO FLOURAU D'ALS (1869)

I

Ami, canten l'oulivié !
Es sa frucho que fai l'òli,
E, que que digue l'aïet,
Sénso éu farian pas l'aïòli.

La bono vilo de-z-Ai
Tiro d'éu un gros abounde,
E lou bon òli que fai
A renoum pèr tout lou mounde.

Es si bràvi capoulié
Qu'an counvida li Troubair
Pèr encensa l'oulivié,
L'aubre d'or de soun terraire.

E, pèr ie faire plesi,
Vès-aqui cinquanto tòni
Que rasclon à li gausi
Li cordo de si fanfoni.

Lou mendre d'éli se crèi
D'ana gagna la medaïo,
Mai n'i'en aura mai de sièi
Qu'empourtaran la sounaïo.

La sounaïo es pa 'n boulet,
E dirai à mi coutrio :
Quand sias pa 'striha soulet,
Fau pa 'vé pòu de l'estriho.

Perqué dounc nous fau canta
Uno musico nouvello,
Zóu que n'i'ague !.. Vau tenta
De vira la manivello.

II

O bèl aubre ! dins toustèms
Ta verduro saup nous plaire ;
E ta raubo de printèms,
L'ivèr noun la pòu desfaire.

Quand, à la bono dóu jour,
L'estiéu, la caud vous assanco,
Ame de faire miejour
A la sousto de ti branco.

Aqui, vese reveni,
E n'i'en a 'no longo tiero,
Tóuti li gai souveni
De moun enfânço proumiero :

Vese lou bèu coucounié
Que me tournejà moun rèire ;
Vese noste vièi mourtié
Fa dóu meme dóu mouleire ;

Vese lou cubert mesquin
De quand ère coulejaire,
E li bèu viro-brequin
Que m'adusien de Bèu-caire ;

Vese li poulit ramèu
Que ma maire, la paureto !
Floucavo de brassadèu,
De torco e de ginbeleto ;

M'ensouvène que i'avié,
Quand li verme me gratavon,
Uno pouncho d'oulivié
I bouioun que me dounavon.

Lou Prougrès concho em'un fouit
Tóuti li causo trop vièio :
Au-jour-d'uei es tout de boui
Ço qu'èro oulivié la vèio.

III

Quand l'ivèr emé lou vènt
Buton l'èstro emé sa bato,
Oulivié, nous caufan bèn
A la braso de ti mato.

A si crid, à si plagnoun
Rèsto sourdo nosto auriho,
Quand un flo de bon grignoun
Dins la chaminèio briho.

Vivo l'ome qu'atrouvè
L'art de vougne la salado.
E lis àpi de Nouvè
Que manjan à la pebrado !

L'òli, i'a pas de mitan,
Es uno bello trouvaio :
Es l'amo de la sarian,
Es lou mège di sarraio ;

Assolo mandre e pignoun
Qu'an de fausset de machoto.
E la reno di goufoun
E lou quilet di barioto.

Li luchaire d'autre-tèms,
Avans sis estrigoussado,
Se vougnien d'aquel enguènt
De la tèsto fin-qu'i piado.

Un grand cousinié disié,
Esa paraulo es pas fausso,
Que la frucho d'oulivié
Vai bèn en tóuti li sausso.

Di vesprado lou soulèu.
E di niue folo, èro l'òli :
Aro tout, poumpo e calèu,
Calo davans lou petròli...

Ie fai rèn, bèl òulivié ;
Sies lou paire dóu bon òli,
E sènso tu, digo-ie
Que vèngon faire l'aiòli !

A. AUTHEMAN.

L'Islo, Abriéu 1869.

COUME FAU FAIRE PÈR L'AVÉ

— Ah ! bèn jour de bon Diéu ! Alèssi, qu'anan jouï ! Ai proun cour-regu pèr l'avé ! Mai, coume lou vouliéu riboun-ribagno, l'ai, lou tène, e ve-lou ! Que quaucun lou toque ! Quau vòu un bon béure, veses, fau que se lou serve.

— Chechin !

— Que i'a ?

— Vos que te digue, à la bono franqueto, ço que sies ?

- Digo.
— Sies un bedigas !
— E coume ?
— As bagna camiso, as fa l'ana-veni d'Avignoun, à pèd, quand te sarié 'sta bèn facile, segur, d'espargna ti sabato.
— Se res gausissié de sabato, eh ! que manjarien li sabatié ?
— Chechin !
— Alèssi !
— Sabes legi ?
— Eto ! Se sabiéu pas legi, auriéu fa la cambado ?
— Sabes escriéure ?
— O, e fin, te n'en responde !
— Eh bèn ! devines pas ço que vole te dire ?
— Noun.
— Vole te dire que falié prendre tres timbre, tres, di blu, li bouta dius uno letro, metre toun noun en bas, e pièi lou noun de noste endré, afranqui ta letro, e la manda en Avignoun encò de Roumaniho. E vaqui.
— E 'm' acò ?
— E 'm' acò, enterin que tu auriés espargna ti sabato, lou gouvernamen (pechaire !) aurié gausi li sabato dóu pedoun ; e l'endeman, noste pedoun t'aurié remès, de la man à la man, e à gràtis, l'Armana di Felibre, flame-nòu e tout ferigoula, e grana coume de sau... Veses qu'es eisa, coume de béure un cop quand avès set. Ausin fau ién...
— E lou pedoun t'adus l'Armana ?
— Fau bèn, certo, que me l'adugue !
— A gràtis ?
— A gràtis : ie pague soulamen un chiquet.
— Ah ! bèn, tè, ausin iéu vole faire l'an que vèn, se Diéu me presto vido. Que te dirai ? l'aviéu jamai sounja !
— Ausin, despièi quinge an, — tóuti lis an, apereiça vers Sant Martin, tape mi bouto, taste moun vin, e mete à man l'Armana di Felibre. Aquest an, se n'en béura de pu marrit...
— Oh ! d'aquel Alèssi ! li saup tóuti !

LOU CASCARELET.

Quand la machoto fai *miau*,
S'as un marrit mèstre, tèn-te siau ;
Quand la machoto fai *chou*,
S'as un marrit mèstre, quito-lou.

LI PROUMIÈRI PARAULO DE JÈSUS

NOUVÈ

A M. Agustin Boudin.

— Aquei Enfant noun parlo encaro.
Mai coumpren tout ço que disèn :
A dins sa puro e douço caro
Coume un rebat paradisen
Qu'an pas lis enfant de soun age !...
Plouro jamai ! es bèu, es sage...
Esprès pèr vous Diéu l'a pasta,
Mario, nia bono vesino !
Que dous rire a sa bouco fino,
E soun iue queto majesta ! —

Li gauto de la Vierge Maire,
En ausènt dire tout acò,
De soun car Fiéu, l'Agnèu sauvaire,
Venien roujo coume lou fio.
Voulié pas trahi lou mistèri
D'un Diéu nascu dins la misèri :
Lou moumen n'èro pas vengu ;
Mai recountavo dins soun amo,
Pèr n'empura la casto flamo,
Li prepaus que l'avien tengu.

L'Enfantoun disié rèn encaro :
Pecaire ! n'avié que dous mes ;
Mai sa couneissènço èro raro...
Juja 'n pau, en estènt quau es !...
Mario, un matin, descatavo
Lou brès dóu lín que l'acatavo,
En risènt à soun bèn-ama...
E de sa vierginalo auriho
Entènd, divino meraviho,
L'Enfant que ie disié : Mama !

Siguè la proumiero espelido
Dí paraulo de l'Enfant-Diéu.
La douço Maire trefoulido
Cènt cop poutounejà soun fiéu.
Pièi, em' amour lou countemplavo...
E, galoi, Jèsus l'apelavo,

De-longo, dóu plus dous di noum ;
Gens de musicò pòu retraire
Lou mèu d'aquéu bèu noum de Maire
Dins la bouco de l'Enfantoun.

Lou vèspre, après fini journado,
Quand lou fustié venguè soupa,
Just au moumen de soun intrado,
Lou Pichot ie cridè : Papa !
Encaro un pau toumbavò à rèire,
Car, ie semblavo pas de crèire
Que l'Enfant parlesse tant lèu...
Mai, revengu de sa souspresso,
Sarrè, dins de dóuci caresso,
Contro soun cor lou tènre Agnèu.

Quau dira l'estàsi angelico
Qu'avien davans l'Enfant de la ?
Quau dira la douço melico
Que dins soun cor venié coula,
Quand Jèsus, de sa voues douceto
Mai caressanto que l'aureto,
Ie parlavo tóuti li jour?...
De Diéu se la gràci infinido
Ie mantenguèsse pas la vido,
Tóuti dous sarien mort d'amour !

AUBERT.

Curat de Malo-Mort e Capelan dóu Felibrige.

1869.

LOU BON-DIÉU DE LAURI

S'es toujour di qu'à Làuri avien rebasti sa glèiso ; ie mancavo pl
rèn... que lou Bon-Diéu.

Li Laurigoun diguèron : « En uno glèiso novo, en uno glèiso bell
mai que bello,ubre-bello, fau un Bon-Diéuubre tóuti li Bon-Dié
En Ansouis, à Cucuroun, à Pertus, à Cadenet, an de Bon-Diéu
bos : nous fau un Bon-Diéu viéu ! Manden querre un Bon-Dié
viéu ! »

Lou mandatié de Làuri part sus-lou-cop pèr Ais :

— Bonjour, dis au marchand, voulian un Bon-Diéu viéu...

— Un Bon-Diéu viéu !

— Un Bon-Diéu viéu, pèr la glèiso de Làuri....

— Repassarès dins uno oureto, ie faguè lou marchand (que veguè
u en quau avié afaire) : aurai ço que vous fau.

Tant-lèu l'autre sourti, noste marchand pren un tavan, l'embarro
as un massapan, e tout crebant doun rire, espèro noste simple.
and siguè de retour :

— Tenès, ie vèn, moun bon, vaqui un Bon-Diéu viéu. E vès, vous
coumande, durbiguès pas la bouito avans d'estre à la glèiso.

— Sufis, sufis, moussu, diguè lou tarnagas. E de l'afecioun, paure !
rtiguè sènso paga. Mai à mitan camin, e coume aguè passa la bar-
lou massapan, ma fisto, ie brulavo li man.

— O hèu Bon-Diéu, dis, vès ! ie pode plus teni ! fau que vous
gue...

E tant fa, tant va : zóu ! en barbelant destapo la bouito... Pst ! en
invounant lou tavan s'envolo.

E palafica, li dous bras en l'èr, badant vers li nivo, l'innoucènt
crida :

— A Làuri, hèu Bon-Diéu ! que la glèiso es novo !

LOU CASCARELET.

LA MAR

L'avès visto, la mar ?... Qu'es bello !

Soun aigo bluio es clarinello,

La béurias dins uno escudello,

Tant de la vèire vous fa gau !

E lei barqueto que s'estraïon

Van alin, luen, e s'escaraïon ;

E'mé sei velo si miraïon

Coumo dedins un grand mirau.

E lei vapour que, de tout caire,

En mandant soun fum dins lis aire

Vous li duerbon, coumo un araire,

Un entai que si sarro mai,

Resquihon coumo sus la glaço,

O coumo uno fôuco que passo,

E laïsson coumo la limaço

La tirassiero de soun tai.

E lei gros bastimen à velo

Que desplegon sei longuei telo,

E qu'escalon fln-qu'eis estello

E vènon en si bindaussant ;

E li móussi que foulastrejon,
Dintre lei couerdo que mestrejon ;
E lei gabian que voulastrejon
E que s'enausson en jugant.

Puei lei batelet, lei goundolo
Que cregnon pas lei clapeirola,
Ni lei roudan, ni lei gandolo,
E que, sus l'aigo, fan soun jue,
Touto la nue, dins lei calaumo,
En estiéu, dins lou tèm de caumo,
E que boundon coumo de paumo
Souto lei rè m que fan de fue...

L'avès pas visto quand si friso,
La mar ? Quouro aleno la biso,
Que subre l'aigo si tamiso
E fa l'esquino de moutoun ?...
L'ausès rena dins lei calanco ;
Vèn en mourènt sus lei restanco,
E soueino, coumo dins lei branco
Lou Labé... Pichoun à pichoun,

De mai en mai mounto e si gounflo :
L'ausès veni de luen que rounflo,
Sus lou dougan bèn lèu regounflo,
Parte d'aquí sus lei roucas...
Boundo, s'aganto, si bacello,
S'escrapouchino e s'escrancello,
S'estrasso coumo uno dentello
Qu'es acroucado à-n-un roumias.

Es mai lóugiero qu'uno plumo :
Vers lou ceu bandis soun escumo,
E mounto, que dirias que fumo ;
Si bate contro lou mistrau !
E quand s'aganton, s'enfreminson,
Dei pèd, dei man s'estrassinon,
Emé leis ounglo s'escarpinon,
E si derrabon lou peitrau.

Es plus la mar ! es uno couelo
Qu'escalo leis aire, regouelo,
S'eirisso coume un lien, amouelo
E brèco sus lei ro sa dènt ;
Si replego pèr prendre couso,
S'amoulouno touto, s'agrouso ;

E lou destrüssi que la pouosso
Fa que si mouerde emé lou vènt.

Capitàni de la gabarro,
Se ti trobes dins la bagarro,
Au gavitèu amarro, amarro,
Mando, la gumo e l'ancro à foun :
Se l'auro ti pouosso d'un caire,
La mar ti recasso, pecaire !
Sus lei roucas ti mando jaire
E t'espóutisse dins un bound.

— Que mi fan la mar e soun iro,
La brefounié que me poutiro ?
Siéu fouert, ai moun veissèu que tiro
La fouerço de milo chivau !
— Sies fouert?... Coumo un cruvèu de nose
Que gafouiarié dins lou Rose...
E voues pas que la mar t'arrose?...
Tè, li peses coumo un mouissau !

Vaqui la mar, coumo si trouesso.
Sèmblo pau cavo, es pamens foueço...
Tre que lou vènt-terrau s'amouesso,
Si couco à sei pèd, coumo un chin,
E juego em' éu coumo uno gato :
Se la coutigo vo la grato,
Subran li mando un còup de pato,
E l'escarpino emé pegin !

MARIUS BOURRELLY.

(Tira de soun pouèmo inèdi : *La Vido d'un Gourrin*).

rsiho.

LA LANTERNO

Fau jamai óublida ni soun mantèu ni soun esprit.
Au tèms de la Terrou, uno sequèlo de bramaire rescontron l'abat
ury dins uno carriero de Paris. Quatecant l'envirounon e cridon :
njen-lou ! à la lanterno ! à la lanterno ! Autant lèu fa que di, l'a-
nton, e l'aduson au proumié fanau que l'a. Enterin què ie fasien
i nous courrènt autour dóu còu :
— Ah ! çò, ie diguè lou celèbre Vau-riassen, quand m'aurés mes à
lanterno, pièi, ie veirés pu clar?...
Aquelò galejado desarmé li sacaman, e lou leissèron enana.

LOU CASCARELET.

A-N-UN BROUT D'ÈURRE DINS UN LIBRE

D'ounte vènes, pichot brout d'èurre ?
La tousco ounte t'an derraba,
Ounte es que s'estaco pèr vièure ?
Digo-nous ounte t'an rauba ?

Te culiguè 'no man jouineto ;
Ères courous, afrescouli ;
Dins soun libre la chatouneto
Te placè de si det poulit.

Oste di rouino abandounado,
Coume vai qu'un cor jouine e san
Laisso esta li roso embaumado,
E te gardo coume un cors-sant ?

De ta funeralo verduro
Acataves pèr carita,
Belèu, la graso tristo e duro
Ountè dor la jouino amista ?

Car, èurre, sies l'ami di paure,
Di vièii paret, di toumbèu,
Dis aubre mort, que vas enclaure
E curbi d'un vièsti nouvèn.

Oste di rouino abandounado,
Coume vai qu'un cor jouine e san
Ignore la roso embaumado
E te gardo coume un cors-sant ?

Es que d'un amour sènsò tacco
L'èurre es l'image souloumbrous ;
Car vièu e mor ounte s'estaco
E soun amour es voulountous.

E dóumaci que fai ansindo,
Un cor jouine, e tout pouèti,
Laisso li richi flour dis Indo
Pèr tu, paure apensamenti !

JAN BRUNET.

Avignoun, 1869.

Fagués rên de coucho, que quand prendrès de niero.

LA SIBLETO

A Paris, i'a 'n illustre que tout lou mounde amo e respèto e amiro : s'istourian Mignet, membre de l'Acadèmi franceso e secretàri per-etuau de l'Acadèmi di Sciènci Mouralo e Poulitico. Es un enfant e-z-Ais e un eucian elèvo d'ou licèu d'Avignoun, — ounte aguè pèr roufessour de retourico lou troubaire Jacinte Morel.

Moussu Mignet, qu'es un prouvençau de cor, e que fuguè à l'Acadèmi un peirin de *Mirèio*, revèn à-z-Ais tóuti lis an passa 'n tros de estieu à sa bastido e faire la partido i bocho emé si vièis ami. Emai pèr lou francès res ie passe la busco, parlo aqui lou prouvençau oume un ome de bon. Vès-eici ço que l'autre jour nous countavo. (*Mignet, Vie de Franklin*).

Quand aviéu cinq o sièis an, mis ami, un jour de fèsto, empliguèron de s'ou moun pouchoun. Lèu qu'anère i boutigo ounte vendien e bebèi !

Mai, en i'anant, rescountrère un drole qu'avié 'n siblet, e que blavo !

Aquéu sibla me raviguè ! tant que baière au drole tóuti mi s'ou, e ue me baiè soun siblet.

M'entournère à l'oustau, urous de moun pache e de moun siblet. E blo que siblaras ! estrassant lis auriho de tóuti mi gènt.

Mi fraire, mi sorre, mi cousin, quand sachèron que, pèr aquéu blet enfetaire, aviéu douna tóuti mis argènt, me diguèron que l'aquéu paga dès cop sa valour. E me faguèron sounja, en me li noum-rant, en tóuti li galànti causo qu'auriéu pouscu croumpa emé l'argent qu'auriéu agu de-soubro, s'aviéu paga ma siblet ço que devié e paga. E tant de iéu se trufèron que de ràbi n'en plourère ! Rèn ie de ie pensa me dounè mai de lagno que la siblet de plesi.

Aquel auvéi memourable m'es esta pamens, dins lou courrènt de la vido, de quauco utileta... De façon que, quand me prusié de croumpa quicon que m'èro pas necite, me sounjave : *Dounen pas trop de la siblet !* Em' acò, espargnave moun argènt.

En venènt ome, intrant dins lou mounde, e espinchant ço que se i, rescountrère proun gènt que *dounavon trop de la siblet*.

Quand n'ai vist un que, dins soun ambicioun de veni bèn en court, perdié soun tèms, soun repaus, sa liberta, sa vertu, e belèu eme si bons ami, pèr óuteni, de-que dirai ? un pichot tros de rian, me siéu pensa : Ve-n-aqui un que *douno trop de la siblet !*

Quand n'ai vist un autre, abraïa de poupopularita, s'ócupa de-longo s emboui d'ou gouvèr e di gouvernaire, e neglegi sis afaire propre, finalamen s'arrouina : Aquéu mai, me siéu di, *pago trop pèr sa siblet !*

S'ai vist pièi un avare que renóunciavo is ounèsti coumoudita de vido, au bonur de faire de bèn à soun semblable, à l'estimo de si

counciéntadin, i delice de l'amista, pèr acampa'n tros de meta jaune : Paure ome, fasiéu, emai tu, *dounes trop pèr ta sibletto !*

Quand ai rescountra 'n galavard, qu'en liogo de perfeciouna sou amo e ameioura sa pousicioun, se viéntavo, bruto bèsti, dins la quei vié, e ie rouinavo sa bello santa : T'enganes ! ai di iéu, cerques plesi, troves de peno : *pagues trop pèr ta sibletto !*

Se n'ai vist un autre apassiouna pèr li beu vièsti, li bèus oustau, li bèu moble, e li bèus equipage, au-dessus de sa fourtuno, e q croumpavo en s'endéutant e en courrènt fini sa vido entre li quat paret d'uno presoun : Ai ! las ! me siéu di, *encaro un qu'a trop pa soun siblet.*

Quand iéu ai vist uno galanto chato, bono de naturo, e amistous prendre pèr ome un sôuvage brutalas que fèbre-countunio la tabasso Queto pieta pamens, me siéu di, qu'ague *tant paga pèr la sibletto !*

Enfin, vès, iéu ai coumprès que lou pu grand noumbre di mal aclapant lis ome, vènon de l'estimacioun fausso que fan de la valo di causo, e de ço que *dounon trop pèr li siblet.*

Sènte pamens que dêve èstre indulgènt pèr aquéli malurous quan pènsèiéu qu'emé touto la sagesso que me vante d'avé, i'a 'ncar en aquest mounde, proun causo fasènt talamen gau e liguèt que, s'èron messo à l'encant, sariéu acilin à m'arrouina pèr li croun pa, e à trouva qu'auriéu, encaro un cop, *trop douna d'uno sibletto !*

LOU CASCARELET.

LA CABRIERO

— E mounte anas, Misè Rousoun ?
E mounte anas, vièio cabriero,
Vous que dempièi tant de sesoun
Cridas lou bouen la pèr carriero ?...

— Long dei valat, long dei clausoun,
Dins lei campas, dins lei peiriero,
Mei cabro toundon lou gazoun ;
De-longo fèn obro pariero...

E qu sies, tu ? — Bèn, siéu un tau...
— Alor, counèissi toun oustau,
Tei fraire, souerre, paire e maire;

D'abord que me parles ansin,
Me rapelli qu'estènt vesin
Moun la signè toun desmamaire.

F. VIDAL.

LA MIOLO DOU PAPO

A dóu mau de la miolo dóu Papo :
Gardo sèt an un cop de pèd.

(PROUVÈBI)

I

Quau noun a vist Avignoun au tèms di Papo, n'a rèn vist. Pèr la joïo e la voïo, l'afiscacioun, lou trin di fèsto, jamai vilo coume acò. Èro dóu matin au vèspre de proucessioun, de roumavage; li carriero tapissado, apaiado de flour; de cardinau qu'arribavon pèr lou Rose, galèro abandairado e gounfaloun au vènt; e li sôudard dóu Papo que sus li plaço cantavon latin, e li fraïre quistoun emé si tarabast; pièi de mouloun d'oustau que venien s'esquicha e vounvouna autour dóu grand palais papau, coume d'abiho autour dóu brusc; e pièi lou tique-taque di mestié à dentello, lou vai-e-vèn de l'espòu que teissié l'or di chasublo, li martelet di ciselaire de bureto, lis espineto qu'ajustavon encò di lahutié, li bèu cantico di tafatairis, — pèr-dessus tout lou brut di campano, e toujours quauque tambourin que s'entendéi rouinfla, avau de-vers lou pont. Car eici, quand lou pople es countènt, fau que danse, fau que danse; e coume d'aquéu tèms li carriero d'Avignoun èron un pau estrecho pèr la farandoulò, tambourine galoubet se tenien eilabas sus lou pont de Sant Benezet, au ventoulet dóu Rose, e niuech-e-jour danso que dansaras... Ah! l'urous tèms! l'urouso vilo! D'alabardo que coupavon pas; de presoun poulitico ounte metien lou vin au fres; jamai de carestié; jamai de guerro!... Vaqui coume li Papo, li Papo coumtadin, sabien gouverna lou pople; vaqui perqué lou pople lis a tant regreta!...

Un subre tóuti, un bon vièi que l'apelavon Innoucènt... Ah! pèr aquéu-d'aquí, se n'en toumbè, de plour, en Avignoun, quand mouriguè! Èro un prince tant afable, tant avenènt; e vous risié tant bèn, d'assetoun sus sa miolo; e se ie passavias contro, fuguessias paure tafataire o bèn lou grand Viguié de la cièuta, i'estavo tant poulidamen de vous douna sa benedicioun! Tout soun espaçamen, d'aquéu bon papo, èro sa vigno, uno pichoto vigno qu'eu-mème avié plantado à tres lègo d'Avignoun, dins li nerto de Castèu-Nòn. Tóuti li dimenche en sourtènt de Vèsprou, lou sant ome ie venié teni sa court; e quand èro amoundaut, asseta au bon soulèu, emé sa miolo contro, si cardinau tout à l'entour, alounga au pèd di souco, éu fasié destapa un flascoulet de vin, — d'aquéu bon vin, rouge coume un rubis, que se noumo desempièi lou Castèu-Nòn-de-Papo, — e lou chourlavo à pichot cop, en regardant sa vigno d'un bials atendri. Pièi, lou flasco veja, eïça vers jour fali, rintravo galoi à la vilo, segui de soun Cha-

pitre e à l'amble de sa miolo, que s'escarrabihavo en ausént li tant bourin. Ah ! lou brave papo !

II

Après sa vigno de Castèn-Nou, co que lou Papo amavo lou mai èr sa miolo. Lou bon vièi èro fôu d'aquelo bèsti. Tòuti li sero, avans de se coucha, anavo vèire se l'estable èro tanca coume se dèu, se parèn ie mancavo dins sa grùpi, e jamai noun se sarié leva de taule sènso faire afesti soute sis ine un piau de vin caud, bèn suera e giroufla, que ie vouliè pourta èu-meme, mau-grat li remoustranço de si cardinau... Restara pas à dire que la besti l'ameritavo. Èro uno bello miolo negro, mousquetado de rouge, qu'aviè lou ped segur lou péu lusént, la groupo larjo e pleno, e que pourtavo fieramen sa pichouno tèsto secò engalantado de miran, de flo, de nous, de cascavèu d'argent ; mai dins acò, fidèlo coume un ange, l'ine innouènt, e dos lènguis auriho boulegueto que ie donnayon l'èr boumias.. Tout Avignoun la respetavo ; e quand anavo pèr carriero, miolo bòn maniero ie fasién ; car lou mounde sabié qu'èro acò lou meïour bial pèr èstre bèn en court, e qu'emé soum èr simplas, la miolo d'ou Papo n'aviè mena mai que d'un à la fourtuno, à provo Tistet Vedenò e soum aventuro d'ou tron de l'èr.

Aquén Tistet Vedenò, sus l'en-prounnié, èro esta 'n galo-bon-tèm que soum paire, Guì Vedenò l'aurivelaire, aviè degu bonta deforo, pèr-ço-que vouliè rèu faire e degaiavo lis aprenhis. L'on lou veguè, siès mesde tèms, tirassa soum jargan dins tóuti li regolod'Avignoun, mai principalemén de-vers Pouslañ pountificau ; car lou bonjarroun aviè, despici long-tèms, soum idèro sus la miolo d'ou Papo, e anas veire la couquinarie... Un jour que Sa Santeta s'espacavo soute li bàrri, touto souletò emé la besti, vaquí Tistet que vous l'abordo e qu' emé li man jouncho e dins l'imiracioun : « Ah ! boudièu ! grand Sant Paire, ie ven, que bravo miolo aves aqui !... Leissas-me la 'n pau vèire... Ah ! Sant Papo de Dièu, la bello miolo !... L'Empereire d'Alemagno noun a pas sa segounde. » E 'm' acò la caressavo e ie parlavo plan coume à-n-uno damisello : « Vene eïca, mignoto, vene, ma perleto, vene, hèu tresor !... » E lou Papo boumias disiè dins eu, tout esmougu : « Aquén brave drouloun ! coume es amistadous per ma miolo ! » E quan vous a pas di que l'endeman Tistet Vedenò change soum viè jargan contro uno bello ambo de dentello, un camai de cèdo violèt de sabatoun à blouco, e qu'entrè per clersoun dins la capello d'ou Papo, ounte jan ai, avans eu, noun s'èro recaupé que tièn de noble e nehout de cardinau !... Vaquí co qu'ès lou gànbi... Mai Tistet, lou fincho, s'arrestè pas aqui. Uno fes au service d'ou Sant Paire, lou levènti countuniè lou jo que l'aviè tant bèn russi. Insoulent emé tout lou mounde, noun aviè d'ine ni d'atencioun que pèr la miolo, e lou

rescountravon sèmpre, pèr li court dóu palais, quouro em' uno junchado de civado, quouro em' uno pounnado d'esparsset rouginèu que brandavo adrechamen souto lou balcon dóu Papo, em' un er de ie dire : « Que!... pèr quau acò?... » Talamen qu'à la fin lou brave Papo, que se sentiè greu de l'âge, n'en venguè à ie leïssa lou siuen de viha sus l'estable e d'adurre à la miolo soun bon piau de vin caud, ço que fasié pas rire Messiès li cardinau.

III

Nimai la miolo, la fasié pas rire... Car aro, à l'ouro de soun vin, vesié veni de-longo cinq o sièis pichot clerc de la capello dóu Sant Paire, qu'emé si camai e si dentello s'amourravon dins la paio ; pièi au bout d'uno passado, uno bono ôndour caudo de canello e de girofle embaumavo l'estable, e moun Tistet Vedenò apareissié, pourtant pausadamen lou piau de vin. Alor, la pauro bèsti coumençavo à rebouli. Aquèu vin parfuma qu'amavo tant, que la tenié caudeto, que ie dounavo d'alo, avien la cruôuta de l'adurre dins sa grûpi, de ie faire senti... Pièi, quand n'avié li narro pleno, passo que l'ai vist ! la bello bevèndo roso anavo regala lou gousié d'aquéli marrias... Encaro, s'avien fa que ie rauba soun vin ! mai éron de diabloun tóuti aquéli rat de gléiso, quand avien begu 'n cop... Un ie tiravo l'auriho, l'autre la co ; Quiquet ie mountavo d'escambarloun, Beluguet l'assajavo sa barreto... Mai que que ie faguèsson, la benurado miolo se fachavo pas di clerc : n'en voulié rên qu'à-n-un, Tistet Vedenò. Oh ! pèr aquèu-d'aquí, quand lou sentié darriè elo, la bato ie prusié, e 'n verita l'avié de que. Aquèu gus de Tistet n'i'en fasié pièi de crudèlo...

Es-ti pas bèn verai que s'avisé, un jour, de la faire mounta 'm'èu dins lou clouchié de la capello, eilamount, pereilamount, à la cimo dóu palais !... E ço que vous dise aquí n'es pas de fablo, dous cènt milo Prouvençau l'an vist. Imaginas-vous la pòu d'aquelo malurouso miolo, quand, après agué vira pendènt uno ouro, de-cluchoun, dins uno viseto, e escala tant-e-pièi-mai d'escalié, se trouvè tout-d'un-cop sus un pountin resplendènt de clarta, e que pereilavau, à cènt cano souto elo, destriè tout un Avignoun estrange, li cabano dóu marcat grosso coume d'avelano, li sôndard dóu Papo davans sa caserno tau que de fournigo roujo, e peralin, sus un vetoun d'argènt, un pichot pont, menu, menu, ounte dansavon e dansavon... Ah ! pauro bèsti ! quet espaimè ! jité 'n bram que dóu palais tóuti li vitro tremoulèron.

— « Qu'es acò ? que ie fan ? » s'escriè lou bon Papo en courrènt à sa fenèstro. Tistet Vedenò èro déjà dins la court, fasènt mino de ploura e de se derraba li péu : « Ah ! Sant Paire, vosto miolo... Ai ! moun Diéu ! de-qu'anan deveni !... Vosto miolo, grand Sant Paire, vèn de mounta au clouchié !... »

— « Touto souleto ? » — « Touto soulo, grand Sant Paire !... Tenès,

regardas-la, pereilamoundaut en l'èr ! Vesès pas sis auriho que pounchejon ?... Dirias dos dindouletos... »

— « Misericòrdi ! faguè lou paure vièi en aussant lis iue, mai es dount vengudo folo ! mai se vai debaussa ! Vos descèndre, malurouso !... »

Pecaire ! aurié pas mics demanda, elo, que de descèndre ; mai, pounte ? lis escalié, falié pas ie sounja : acò se mounto proun, mai pèr lou davala, i'a de que s'esclapa cènt cop li cambo... E la pauro miolo se desoulavo, e tout en roudejant sus lou pountin, emé lou lourdige, pensavo à Tistet Vedenò : « Ah ! moustre, se n'escape ! que cop de pèd deman matin ! »

Aquelo idèio de cop de pèd ie rendeguè 'n pau de courage ; sèns acò n'aurié plus pouscu se teni sus si cambo... L'inalamen l'on pervenguè à l'avera d'amount, mai signè 'n brave travai ! Fanguè la davala 'm' un cri, de cordo, de palan ; e poudès vous pensa queto vergougno pèr la miolo d'un Papo, de se veïre pendoulado à-n-aquelo autour, en arpatejant dins l'aire coume un tavan au bout d'un fièu emé tout Avignoun que l'alucavo.

La pauro bèsti n'en dourmiguè pas de la nite. Ie semblavo toujours que viravo eilamount, au bout d'aquelo laido tourre, emé li calacas de la vilo avau dessouto. E pièi pensavo à-n-aquèu sacre Tistet Vedenò — em' au galant cop de bato que i'anavo alounga l'endeman de matin. Ah ! mis ami, que cop de bato ! de Pamparigousto se n'en veirié lou fum !... Or enterin que la miouletto ie preparavo dins sa tèsto aquelo bello recepcioun dins soun estable, sabès çò que fasié Tistet Vedenò ? Davalavo lou Rose en cantant, sus uno galèro papalo, e s'enavavo à la court de Naple emé la troupo de jòuini gentilome — que la vilo mandavo chasque an vers la rèino Jano, pèr se faire à la diploumacio em' i bèlli maniero. Tistet n'èro pas noble, mai lou Papo lou voulié recoumpensa di siuen douna à sa bèsti, e princípalamen de l'enavans qu'avié moustra lou jour que la despendoulèron. Es la miolo que fuguè nèco, l'endeman ! « Ah ! l'escapoucho, s'es douta de quaucarèn, — se pensè coume acò, en boulegant si cascavèu de la malico, — mai es egau, vai, margoulin ! lou retrouvaras au retour, toun cop de bato !... Te lou garde ! » E ie gardè.

IV

Tistet parti, la miolo d'ou Papo retrouvè soun tran-tran e sa tranquileta passado. Plus de Quiquet, plus de Beluguet dins l'estable. Li bèn jour d'ou vin caud èron tourna-mai vengu, e 'm'èli la bono inour, e li long som, e lou pichot pas de gavoto, de quand passavo lou pont d'Avignoun. Pamens despièi soun aventuro, li gènt èron vengu uno brisetò fre pèr elo. Se fasié de chut-chut long d'ou camin ; li vièi brandavon la tèsto e lis enfant risien en se moustrant lou tour-

rihoun. Éu-meme, lou bon Papo, se fisavo pas tant d'elo, e quand l'arribavo de peneca sus soun esquino, lou dimenche, en tournant de sa vigno, counservavo toujours aquest pensamen en rèire : « Se m'annave reviha peramout sus lou clouchié ! » La miolo acò vesié, e s'ens muta n'en souffrissié ; soulamen, quand se prounounciavo lou noum de Ve deno davans elo, refermissié en chaurihant, e amoulavo en richounejan lou ferre de si bato sus lou caladat...

Sèt an se passèron ansin ; pièi, au bout di sèt an, Tistet Vedenò revenguè de la court de Naple. Soun tèms, alin, noun èro pas fini encaro ; mai avié sachu que lou proumié Moustardié dóu Papo venié de mouri de mort subito en Avignoun, e coume la plaço èro bono, èro arriba de-coucho pèr se metre sus li rèng.

Quand aquel entragant de Vedenò intrè dins la salo dóu palais, lou Sant Paire aguè proun peno pèr lou reconèisse, tant s'èro fa grand emai gaiard. Fau apoundre peréu que lou bon Papo de soun caire èro bèn toumba dins l'age, e que s'ensò bericle ie vesié pas forço.

Tistet n'aguè pas crento :

— Mai coume ! grand Sant Paire, me counneissès plus ?... Es iéu, Tistet Vedenò !...

— Vedenò ?...

— Eto mai ! Sabès bèn ?... lou que pourtavo lou vin caud à vosto miolo.

— Ah ! o... o... m'ensouvèn... un brave pichot chat, aquéu Tistet Vedenò... E aro que nous vòu ?

— Oh ! pati-pata-pas rè... Veniéu vous demanda... A prepaus, l'avès toujours vosto miouleta ?... Vai bèn au mens ?... Ah ! longo-mai !... Veniéu vous demanda la plaço dóu proumié Moustardié que vèn de mouri.

— Proumié Moustardié, tu ?... Mai sies trop jouine ! Eh ! quant as d'an ?

— Vint an e dous mes, illustre pountife ! just cinq an de mai que vosto miolo... Ah ! rampau de Diéu ! la bravo bèsti !... Se sabias coume l'amave, aquelo miouleta !... Que me siéu languì d'elo dins l'Itali !... Me la leissàrés pas veïre ?...

— Si, moun drole, la veïras, faguè lou bon Papo tout esmougu... E pèr amor que l'ames tant, aquelo bravo bèsti, vole plus que n'en visques liuen. D'aro-en-lai iéu t'estaque à ma persouno en qualita de proumié Moustardié... Mi cardinau cridaràn, mai tant-pis !... le siéu abitua... Vèn nous trouva deman, en sourtènt de Vèspro : te remettren lis ensigne de toun grade davans noste Chapitre, e pièi... Aprocho, que te digue... e pièi te menarai veïre la miolo, e vendras à la vigno emé nous-àutri dous... Que ! l'ausès ?... An ! vai !...

S'èro countènt, Tistet Vedenò, en sourtènt de la grand salo, e se se languiguè d'èstre à la cereinounié de l'endeman, es pas necit de vous lou dire. L'avié pamens, dins lou palais, quaucun de mai countènt

encaro e que se languissié enca mai : èro la miolo. Desempiei lou retour de Vedenò jusqu'i Vèspro d'ou jour venènt, lou terrible bestiari noun faguè que manja de civado à rillo-vèntre e lança de reguignado contro la muraio... Tambèn se preparavo pèr la ceremounié... Adounc, quand, l'endeman, Vèspro fuguèron dichò, Tistet Vedenò faguè soun intrado dins la court d'ou palais papau. Tout l'aut clergié se ie trovavo, li cardinau en raubo roujo, l'avoucat d'ou diable en velout negre, lis abat couventiau emé si pichòti mitro, li prièu de Sant Agrico, e li camai viòulet de la capello pountificalo ; lou bas clergié peréu, la gardo petachino dins soun grand uniforme, li sèt counfrarié de penitènt, lis ermitan d'ou mount-Ventour emé si caro fèro, e lou cleisoun que vai darrié en pourtant la campaneto, e li fraire Batu, — nus jusqu'à la centuro, li sacrestan flouri' mè si raubo de juge, tóuti, tóuti, fin-qu'is aigo-signadié e à-n-aquéu que abro e à-n-aquéu qu'amosso : noun n' i' avié pas un de manco... Ah ! èro uno bello ourdinacioun ! De campano, de petard, de soulèu, de musico, e sèmpre aquéli tambourin que batien enrabia la farandoulo, eilavau, subre lou pont....

Quand Vedenò pareiguè au mitan de l'assemblado, sa fiuo caro e soun bèu gausbi faguèron tóuti bada. Èro un prouvençau superbe, mai di blound, emé de grand péu frisa e 'no barbetò fouletino que retrasié li coupèu d'or que toubavon d'ou burin de soun paire l'aurivelaire. Courrié lou brut que dins aquelo barbo bloundo li det de la rèino Jano avien jouga de-fes ; e Mounsegne de Vedenò avié bèn, efetivamen, l'aire glourious e lou regard distra dis ome qu'an caligna 'mé de rèino... Or aquéu jour, pèr faire onnou à sa nacioun, s'èro vesti à la prouvençalo, em' un jargau bourda d'uno escaleta roso, e sus soun capeiroun tremoulavo uno bello plumo de flamen de la Camargo.

Entre intra, lou proumié Moustardié saludè courtesamen e se gaudiguè vers l'auto estrado ounte lou Papo l'atendié pèr ie remetre lis ensigne de soun grade : lou cuié de bouis jaune e l'abi safrana. La miolo, elo, èro en bas dis escalié, touto arnescado e presto à parti pèr la vigno... Coume passè contro elo, Tistet Vedenò ie faguè bouquetò, e s'arrestè pèr ie dona sus lou maln dous o tres pichòt cop amistadous, en espinchant de caire se lou Papo lou vesié. Èro lou rode e l'ouro... La miolo s'abrivè : « Tè ! arrapo, marrias ! Fai li sèt an que te lou garde ! » E vous l'empeguè 'n cop de bato, tant terrible, tant terrible, que de Pamparigousto sè n'en veguè lou fun, un revoulun de fum bloundin ounte voulastrejavo uno plumo de flamen : es tout ço que restè d'ou paure Tistet Vedenò.

ANFOS DAUDET.

Font-Vièio.

La rodo viro pas toujours sus la memo gènto.

L'OULIVIÈ

PÈGO COUROUTADO I JO FLOURAU D'AIS

La terro maire, la Naturo,
Nourris toujour sa pourtaduro
Dôu meme la ; sa pouisso duro
Toujour à l'ouliviè douuara l'ôli fin.
(MISTRAL, *Calendau*, Cant I)

AU FELIBRE TAMBOURINAIRE

D'ounte sies vengu, tu que sies tant flòri,
Aubre qu'en Prouvènço agrades lou mai ?
Ouliviè galoi, digo à ma memòri
Qu lou bèu proumiè t'acampè dins Ai.

Quouro leis encian paire de Marsiho
Au Grègo païs fèron seis adieu.
T'aduguèron-ti. coumo meraviho.
Emé seis enfant, sei fremo, sei diéu ?

Sariés-ti pulèn l'insert de la branco
Qu'au cresten de l'aigo enfin pounchejè.
Quand au vièi Nouè la paloumbo blanco
À l'estro de l'Arco un brout n'en pougè ?

O bèn vendriés-ti de la cepo maire,
Plantun d'aquel ort ounte l'Ome-Diéu,
Mèufe e mourtinèu, pregavo soun Paire,
En susant lon sang que raiavo à fiéu ?

Aro que t'avèn dins nouesto Prouvènço,
Que t'agon adu d'amount o d'avau,
Ta frucho es pèr nautre uno Prouvidènço :
Sies lou capoulié deis aubre fruchau.

Te fau de la mar l'auro salabrouso
Que brèsse plan-plan toun ram que bruis ;
Amo lou soulèn, ta branco sinouso,
Que la poutounejo e que l'espandis !

Te chales au plan, ei vau, sus la couelo.
Dins lou pansaru, 'mé dins lou sablu ;
E, sus lou roucas o la terro mouelo,
De Matiéu-Salèn ôutres lou vieiun.

Sies l'aubre courous ; ta frucho poulido
Vèn verdo, rousado, e s'encro à la fin ;
L'oulivairis canto en fènt ta culido,
E l'èco l'engaugno en diant soun refrin.

Tantsies proufichous que degun pòu saupre
Tout ço qu'as en tu de bouen e de bèn ;
Toun boues dón fustié caligno l'escapre,
E toun rampau verd fa ligo au troupèu.

Ta rusco es un fin moussèu pèr la cabro ;
Ta mato coungrié lou meiour carboun ;
Peréu toun grignoun en bluiejant s'abro,
Senoun es gaudi pèr lou nourrigoun.

Ta frucho, que sie pebrado, counfido,
Eigado au fenoun emé d'aigo-sau,
Sènso mevouhoun d'anchoïo facido,
Embaimo la bouco e sèmpre fa gau.

Lou vèspre, à mi bèn quouro au moulin d'òli
Carrejon toun fru dins lei sa monstous,
E que Sant Ceri ris dintre soun bòli *
En vesènt giscla lou jus aboundous.

La pèiro rigouelo, escracho, e craïno ;
Lou mevouhoun crusse entre lou peïrard ;
Lou móunié revoi, lou sa sus l'esquino,
N'en vuejo, en peissènt, davans lou moulard.

Subran uno voues crido : *Sarro ! sarro !*
Zou ! pèr Sant Ceri, rebate-m'acò !
E cinq oumenas aganton la barro,
Pièi, lei ren tesa, dounon enca 'n cop.

La moureno esquicho, e l'òli regouïro
Fouero l'espourtin que n'en largo un riéu ;
La triairo lou cueie emé sa pouadouïro
E lou rebaris adins lou barriéu.

De l'òli bloundin vèngue la raiado !
De m'en regala siéu jamai sadou ;
L'ami em' un cebat dins la remoulado,
L'ami em' un aiet dins lou trissadou.

* Dins forço moulin, au-dessus dón destré, i'a 'no estatucto de Sant Ceri qu'es lou patroun di moulin d'òli.

Dins cade fricot que n'en toumbe à raisso :
La bono es meiouo, lou liéume pu fin,
Lou pèis pu goustous, e, dóu boui-abaisso
Toustèms n'en voudrias un nouvèu boufin.

L'òli es un prefum, es un alisàgi ;
L'òli es sarraié, dei pestèu saup l'us ;
L'òli es garimen, serve en tout usàgi :
Es la Verita que mounto au-dessus.

Pèr tèms, dei Jusiéu, Jacob, un grand-rèire,
N'en vuejavo un rai sus l'autar de Diéu ;
Encuei, dins la glèiso, un lume de vèire
Viho nuech e jour sus l'òsti dóu Fiéu.

Dempièi noueste brès fin-qu'au cementèri,
L'òli n'es qu'un baime, un contro-pouïoun ;
Es lou voun crestian pèr lou batistèri,
Dins leis Oli Sant es lou darrié voun....

Ai canta toun boues, toun òli, ta ramo,
Ai canta ta frucho, òulivié courous,
Mai t'ai panca di, dóu fin-founs de l'amo,
Perqué de mouu couer sies tant amistous :

Es perqué toun noum vòu dire : Sagesso ;
Ta ramo benido : Aboundànci, Pas ;
Es que dóu Miejour sies uno richesso,
Es que vertadié lou sies, lou saras.

Oulivié, trachis de-vers Sant-Chapòli,
Eicito, eilalin, pertout mai-que-mai,
Largo de valat touei revouirant d'òli,
D'òli de Manosco e d'òli de-z-Ai !

Aubre patriau ! que toun plant s'apounde
De-lougo en curbènt lou Païs entié,
E pièi que la Pas abrasse lou mounde
En fènt flouteja souu brout d'òulivié !

F. MARTELLY.

Pertus, lou bèu jour de Pasco, 1869.

Larroun de Piso, de jour se baton, la niue raubon ensèn.

LOU SIBLA

Moussu lou Marqués de la Tàpi venié de bèn dina. Iue lusènt gauto enfioucado, — i'a de tant bon vin à la Tàpi ! — davalè de sou castèu ; e, vèntre en avans e tèsto à rèire, s'espaçavo en se curant dènt.

En barrulant coume un porc malaut, rescountrè soun pastre que, sus soun bastoun apiela, gardavo l'avé dins un ermas, e, soun jaire, regardavo eilahn.

Moussu lou Marqués, que voulié 'n pau galeja, ie dignè :

— Jan... que me ie fas pensa, escouto : quand vos acampa l'av pèr l'adurre à la jasso, qu'as un aret eici, l'autre eila, e tis anouge e t fedo esparpaia un pau pertout, coume fas, digo-me ?

— Eh ! Moussu lou Marqués, coume voulès que faguen ? siblan em' acò pas mai.

— Ah ! sibles ! Alor, sabes sibla pertout, Jan ?

— Pertout, Moussu, eiceta au quiéu de l'ase.

— Eh bèn ! vejan, siblo un pau : rèn tant m'agrado que lou sibla.

E... que voulès ? Jan siblè, mai fin e prim coume un sibla de ven toulet dins la sagno.

— Sabes pas sibla pus fort ? Eh ! dirias qu'as pòu de gausi tou siblet, o que l'alèn te manco. Siblo pu ferme, siblo !

— Vesès, Moussu, ie respond Jan, siblan pu fort, oh ! mai... quan es liuen, lou bestiar.

LOU CASCARELET.

A LA VIERGE DE MOUNT-SERRAT

I

Vierge de Mount-Serrat ! Rèino de la Mountagno !

O tu de quan lou noum fai brusi la cantagno

Dins lou libre cor naciounau !

Roso bello !

Puro Estello,

De quan la lus penètro, enlusion, enmantello,

De glòri, de bèuta, tóuti aquèsti dentello,

Tóuti aquèsti ro tourmentau !

Veici vuei, à ti pèd, plen d'amourouso gau

E de pouèti pantaiaje,

Arrapant lou bourdoun d'un uros roumavage,

Un di *Felibre* prouvençau,

Que vèn devoutamen auboura sa zambougno
Vers tu, Rèino d'amour, Maire de Catalougno !

II

Iéu t'ame, iéu t'adore, e te baise li man,

O Moureneto !

E davans toun autar, ounte arribe afanant,
Moun amo devèn lèu e douço e forto e queto.

E de plour amoureux

Regolon de mis iue, regolon melicous !

D'eicamout, di grand piue de ta santo mountagno,

Emé soun riéu d'argènt que serpejo eilalin,

Si vilo blanco, si bouscage, si jardin,

De meme que vesèn s'espandi la campagno

I rai dôn soulèn d'or,

Ansin lou vaste espai de la Coumtalo Istòri,

O tu, Luno di dous, o tu, Soulèn di fort,

S'estourrouio souto ta glòri :

E iéu ause lou bram de valènts estrambord,

E, sus cènt champ fameux, de grand crid de vitòri,

Gramaci toun intercessioun

Amount,

Gramaci toun regard, o Rèino encantarello !

III

O siavo Maire ! O Vierge sounjarello !

Iéu t'ame, iéu t'adore, e baise ti petoun,

E coume un aucloun

A toun sen caudinèu, teudramen, iéu m'envole,

Quand sounje à tu ;

Car sies lou grand simbole,

Sus la terro, au cèu blu,

De touto causo agusto e caressanto e bello,

O Maire dōu Segnour, moudèsto Vierginello,

Simbole religieux de l'innouçènt boutoun

Autant que de la flour plenamen espandido ;

Car sies lou fres parfum de nosto paura vido,

E sies lou clar mirau di mai pùri passioun,

E sies l'encarnacioun

De la douço Famiho,

Emai de la forto Patrio,

E de la celèsto Armounio,

E de la caro Pouèsio,

E d'aquéu delicious Amour,

D'aquel amour cande que briho
Dins lou jardin de Diéu subre tóuti li flour !

IV

Santo Mariò !
Quand sounje à tu, moun amo devèn lèu
Embriago dóu Bèu, d'Ideau amourouso ;
Mai me cride e cride peréu,
Coume vuei, dóu cresten di cimo escalabrouso,
D'ounte vese à mi pèd un caos palinèu
De nèblo oundenco, espetaclouso :

— Siècle priva de fe ! Terro sèns bonur !
O Nacioun avuglado e molo !
O Mounde amalauti ! malur à tu, malur,
Car, dins toum ourgueianço folo,
Quites, sèns remor,
Li tradicioun d'or,
Li sublimi pantai de ti paire ;
Escupisses is iue de ta maire,
L'antico Religioun ;
E, jaune e malancòni,
Atapes tis auriho i celèsti sinfòni ;
E te barres, ai ! ai ! touto counsoulacioun :...
Proun, proun,
Auras d'angòni !
Icare desdegneus d'uno enrabiado mar,
Creses de counquista lou trone de l'Autisme ?
Ti plumo floutaran sus lou bramant abisme,
E cabussaras dins li touphe amar !

WILLIAM C. BONAPARTE-WYSE.

Mounastié de Mount-Serrat, 8 de Mai; 1868.

L'ELEITRICITA

JAN. — L'eleitricita ! Que tron-de-l'èr sara mai eirò, l'eleitricita !
lèu coumprene pas coume se fai qu'acò vai tant vite, Pèire !

PÈIRE. — Ah ! Janet, se farié 'n bèu libre de tout ço que coumpren
pas, tu !

JAN. — Tu, lou coumprenes ?

PÈIRE. — O. Eh ! i'a rên de pu niais ! l'as di : lou tron de l'èr.

JAN. — Rên de pu niais !! T'es bon à dire... Car enfin, es veritab

qu'acò part d'Avignoun, — uno supousicioun, — e que, dins un vira-
l'ue, arribo à Paris ; de façoun talò que, dóu tèms qu'un!chin pisso,
l'on saup, à Paris, tout ço que se passo en Avignoun. Es-ti verai o
noun, vejàn !

PEÏRE. — Eh bèn ! èi clar, es l'eleitricita. Que vos que siegue ?

JAN. — O, l'eleitricita. Mai qu'èi, l'eleitricita ?

PEÏRE. — Vau te lou dire : l'eleitricita es un chin ! Figuro-te
lounc un chin, moun ome !... oh ! mai, veses, un chin tant lounga-
ru que sa co fugue en Avignoun, e sa tèsto à Paris. Coumprenes ?

JAN. — Eh ! bèn, e pièi ?

PEÏRE. — E pièi, caucigues la co d'aquéu chin en Avignoun, e'm'
qu'acò lou chin japo à Paris.... Vaquí ço qu'èi toun eleitricita ! Pas mai
qu'acò.

LOU CASCARELET.

CANSOUN DE NOÇO

PÈR LOU MARIAGE DE MOUN AMI J. L. EMÉ MADAMISELLO F. R.

Èr : *O bella Napoli.*

La vido es un desert

Negras, aurouge,

Clafi de lio sóuvert,

D'endré ferouge ;

E pèr lou travessa,

Se fau teni 'mbrassa :

Car lou mariage

Soustèn lou viage.

Lou que rèsto soulet,

Dison li libre,

Trinasso un gros boulet

Dins soun jalibre.

Pèr éu vènon jamai

Li risènt mes de Mai,

E sa cafourno

Es sèmpre sournò.

Estènt liga d'amour,

L'ome e la femo

Oublidon si doulour

E si lagremo ;

Veson dins soun camin
Que roso e jaussemin:
Tout i'es beloïo,
Trelus e joïo.

Pièi vènon lis enfant,
Gaïo espelido,
Pèr lis amo qu'an fam
Frucho benido,
Regounfle de cansoun,
D'amour, de languisoun ;
Car la familio
Es pouësio....

Ami, dins lou desert
D'aquesto vido,
A vièure urous e fièr
Tout vous counvido;
Car pèr lou mièus passa
Vous tendrès embrassa:
O, lou mariage
Soustèn lou viage,

ANFOS MICHEL.

Eiguiero, 1868.

LOU CIÈRI

Quau que passe pèr Aurenjo, remarco uno muraio bastido de gròssi pèïro, e de coulour negrasso, que doumino la vilo. Acò's facado d'ou Cièri, tiatre antique di Rouman, ounte, i'a sege cènts ans nòsti rèire-paire-grand s'envenien en plen aire aplaudi li vers lat de Plante e de Terènci.

Tres abitant d'Aurenjo, MM. Anfos Bernard, Ripert, Fernand Michel, an agu la grandò idèio de nous rèndre temouin d'un espetacle tan ; e co que i'a de bèu pèr aquèls audaciòs, es qu'an reüssi de founs. N't'en fasèn coumplimen, car aquelo reüssido prouvouen belèn la restauracioun d'ou monumèn ; pièi tout co que cospin à releva lou cor, l'inteligènci, dins noste païs, amerito menciouner remembranco.

Adoune, à la vesprado d'ou 21 d'avoust 1869, 10,000 amo s'engouguèron dins lou Cièri d'Aurenjo ; e sus lis escalie arrengruèra e miejo-limo e estaja sus la mountagno — tout aquèu pople s'asset Jougavon l'opera de *Josè* (musicò de Méhul), emé la sceno di Toun bèu d'ou *Romeo e Julietto* de Vaccai. E veici lis artisto : Misè Weithember e Genevois, d'ou grand Opera de Paris ; Bataille, de l'Opera

Loumique; la bello parisenco Mario Clément; Madamo Vincent-Dorici, dóu tiatre d'Avignoun; e tout'lou persounau courau o musicaire, souto l'arquet d'Imbert, l'abile mèstre avignounen. Pèr nistre, trèz fanau de lumiero eleitrico e la blanco lusour de la luno l'avoust. Vesès que nosto Aurenjo, tenènt comte e memòri de souu passat princié, avié fa li causo à la grandò.

Tambèn se pòu pas dire coume acò fuguè bèu. Lou grand bàrri antique, decor sevère e souloumbrous, rebatié, pleno e largo, la voues superbo dis atour; d'aucelas blanquinous, béu-l'òli o machoto, estant d'aquéli rouino, travessavon la sceno espavourdi; e lou cèu counselu, clavela d'esteleteo, enredounissié peramount sa tèndo bluio e indo. Ajustas l'estas-siau, lou silènci religious d'un auditòri amirable que tenié touto la colo... Tòuti erian espanta. Uno cantato maestouso (*Les Triomphateurs*), paraulo d'Antòni Réal, musico de G.-F. Imbert, terminè dignamen la magnifico fèsto; e nous envenguerian, en disènt coume l'amigo de Rimbaud d'Aurenjo, la troubarello Alazaïs :

A Diéu comand Bel-Esgar
E plus la Ciutat d'Aurenja,
E Glorieta e l' Caslar
E lo senhor de Proensa.

GUI DE MOUNT-PAVOUN.

AUTRE MOT DEL CURAT DE PRADINAS

(Parla de Lengadò)

Peyrot avió bardat de nòu
Sa glèiso touto desoundrado;
Mai couino n'avió pas lou sòu,
La fabrico s'èro endèutado.

Am lou prumièr argènt qu'i vèn
Peyrot va paga Moussu Broundo,
Un richas un pau mescrestènt,
Qu'a prestat uno soumo roundo.

Mai aqueste li dis : — Curat,
A la glèiso causo prestado
Fouguèt sèmpre causo dounado;
Tabè, vous l'àiissi de boun grat
La soumo qu'avias man-levado.

— Merci ! dis l'abat rouergas :
Es pameus un marrit affaire
Que fasès, quand tant pla pagas
Un bardat que gastas pas gaire !

Moussu Broundo riguèt del mot :
Mai ne sentiguèt la fissado,
E pèr faire menti Peyrot,
Sèns veni tout-d'un-cop devot,
Fasió quaucos-fes soun anado
A la glèiso am soun or bardado.
Devenuèt l'amic del Curat,
Que li prouvèt sèns replico
Qu'un ome de sa qualitat
Devió mestreja la Fabrico.

E Moussu Broundo fabrician
Devenuèt lèn un boun crestian.

Un mot del Curat galejaire
Faguèt dounc ço qu'am sous sermous
Ni Combalot ni Frayssinous
N'aurió pas belèu pousgut faire.

Que qu'en digue mant emperit,
Ès un boun moble l'esperit.

G. AZAIS.

Beziés, 1869.

LOU POUCHÈU

— Escouto, neboudo, un vièi ounce disié à l'einado de soun fra
(un perdigau !) escouto : sies, crese, filho facho e dins ti dès-e-sèt. S
quaucun...

— Ah ! moun ounce ! e quau ?

— Es vrai qu'èi pas tout flame. Oh ! mai, veses, saup ounte
Jano ! un bèu mas de dous couble, dès eiminado de vigno, d'ouliv
faire de piagno tant e pièi mai, e de louis-d'or bèn rejoun...

E l'ounce, sus si det, countavo à sa neboudo tout ço que i'adu
Jan Barbarin lou Pouput, richo ventresco e su pela, que, cou
n'avié proun fa, voulié pièi n'en fini...

— E sabes, ma chato ? ie disié, sièu véuse, ai ges d'enfant, e, ce
ai un poulit testamen à faire...

— Moun ounce !

— Neboudo ?

— Sièu pas pressado. Vesès, avans de prendre lou porc, leissas-n
faire lou poucièn.

LOU CASCARELET.

LA MORT DE LAMARTINE

A LOUIS RATISBONNE

Quand l'ouro dóu tremount es vengudo pèr l'astre,
Sus li moure envahi pèr lou vèspre, li pastre
Alargon sis anouge e si fedo e si can ;
E dins li baisso palunenco
Lou grouïn rangoulejo en bramadisso unenco :
« Aquèu souleu èro ensucant ! »

Di paraulo de Diéu magnanime escampaire,
Ansin, o Lamartine, (o moun mèstre, o moun paire !)
En cantico, en acioun, en lagremo, en soulas,
Quand aguerias à noste mounde
Escampa de lumiero e d'amour soun abounde,
E que lou mounde fuguè las,

Cadun jité soun bram dins la nèblo profundo,
Cadun vous bandiguè la pèiro de sa foundo,
Car vosto resplendour nous fasié mau is iue,
Car uno estello que s'amosso,
Car un diéu clavela toujour agrado en foço,
E li grapaud amon la niue...

Em'acò, l'on veguè de causo espetaclouso :
Eu, aquelo grand font de pouèsio blousio
Qu'avié rejouveni l'amo de l'univers,
Li jòuini pouèto riguèron
De sa malancounié proufético, e diguèron
Que sabié pas faire li vers !

De l'Autisme Adounai, éu, sublime grand-prèire,
Que dins sis inne sant cantavo nòsti crèire
Sus li courdello d'or de l'arpo de Sioun,
En atestant lis escrituro
Li devot Farisen cridèron sus l'auturo
Que n'avié ges de religioun !

En, lou grand pietadous, que, sus la catastrofo
De nòstis encian rèi, avié tra sis estrofo,
E qu'en mabre poumpous i'avié fa 'n mausoulèu,
Dóu Realisme li badaire
Trouvèron à la fin qu'èro un descaladaire,
E tóuti s'aliunchèron lèu !

Eu, lou grand ouratour, la voues apoustoulico,
Qu'avié fa dardaia lou mot de Republico
Sus lou front, dins lou cèu di pople tresanant,
Pèr uno estranjo fernesio,
Tòuti li chin gasta de la Demoucracio
Lou mourdeguèron en renant !

Eu, lou grand ciéutadin, que dins la gonlo en flamo
Avié jita soun viéure e soun cor e soun amo
Pèr sauva d'ou volcan la patrio en coumbour,
Quand demandè soun pan, pechaire !
Li bourgès e li gros l'apelèron manjaire,
E s'estremèron dins soun bourg !

Adounc, en se vesènt soulet dins soun auvèri,
Doulènt, emé sa crous escalè soun Calvèri,
E quàuqu' bônis amo, eïça vers l'embrum,
Entendeguèron un long gème,
E pièi, dins lis espaci, aqueste crid suprème :
Eli ! lamma sabacthani !

Mai degun s'avastè vers la cimo deserto...
Emé li dous iue clin e li dos man duberto.
Dins un silènci grèn alor èu s'annaguè ;
E, sian coume soun li mountagno.
Au mitan de sa glòrie e de sa malamagno,
Sènso rèi dire mouriguè.

F. MISTRAL.

Maiano, 21 de Mars 1869.

LOU PEIRIN

Èro d'ou tèms que, quand falié faire un batejat, l'on anavo
gleïso tout dre sènso avé besoun d'ana courre à la coumuno.

Grand-Braïo èro peirin de l'einat de Chichourlo. Lou capelan ven

— Vejau ! quete noum vos ié metre, à-n-aquel enfant ?

— Moussu lou Curat, lou sabès mies que iéu. Fau ié metre
noum de soun paire : Chichourlo, parai ?

— Lou sabè. Mai acò noum sufis : nous fau un noum batismau
causo d'impourtanço, e perèu indispensablo, tant-que lou sacra-
sarié pas valable, se...

— Ves, Moussu lou Curat, sabès, vous, mies que nautre co
acò se fai, e acò dèn èstre, car finalamen es voste mestiè. Bouta
piétoun lou noum que vouldrès, e ço que farès sara bèn fa. E
anas, aquèu qu'aura perdu sa femo vendra pas...

— Lou noum que voudrai !! Es pas lou mot. Es lou peirin e la meirino que baion lou noum à l'enfant. Coume te dison ?

— Grand-Braio.

— Toun autre noum ?

— Bouteloun.

— Toun noum de batisme ?

— Bouteloun ...

— Counèisse proun Sant en Paradis, fai alor lou Curat, mai counèisse pas Sant Grand-Braio nimai Sant Bouteloun... Meirino, se i'ajudavias in pau, vous.

— Que vous dirai, Moussu lou Curat ? Me vèn res dins la tèsto.

— Es uno counfusioun ! Mai coume ? entre tóutidous, atrouvarés pas in Sant dins lou Paradis pèr èstre lou patroun d'aquéu paure innoucènt ?

E. d'enterin, lou capelan, despacienta, fuetavo soun libre ; e coume sis iue toumbèron sus li Letanio di Sant :

— Pas tant d'alòngui ! ie fai. Sabes legi, Bouteloun ?

— Encaro un pau, aperiçhi...

— Eh bèn ! tè, legisse : Letanio di Sant. Ie manco pas Sant ! Cerco-t'en un que t'agrade. Anara bèn mau se n'atroves ges !

E Bouteloun legiguè, legiguè. Subran, enfeta, barro lou libre :

— Moussu lou Curat, que sièr de tant foutimasseja ? Diguèn-ie Kyrie-eleyson, e que se n'en parle plus !

LOU CASCARELET.

L'AIGO

CANSOUN DEDICADO EIS EIGUIEREN

Ἀγαθὸν μὲν ὕμνον
ΜΙΝΑ.

Despièi proun tèms s'es proun canta,
Se n'es proun canta de la touto :
L'amour, la glòri, la bèuta,
Subre-tout lou sang de la bouto !
E ièu, encuei, acò me pren
— Ma fisto, pouede-ti mies faire ? —
De canta l'*Aigo* eis Eiguieren,
Se ma voues linjo saup li plaïre.

Michèn, gai enfant de Bacchus,
Cantaire valènt de la fiolo,
D'Anacreoun e de Flaccus
Ai coumo tu treva l'escolo ;

Aro, de l'estrambord divin
Ma muso counèis plus la gamo :
Fau metre d'aigo dins soun vin,
Quand lou vieiounge pièi vous gamo.

L'aigo — Pindare nous va dis —
Es uno bello e bono cauvo ;
Pèr tout lou mounde s'espandis,
E li barrulo sènso pauvo.
L'aigo-sau pouerto luen lei nau,
L'aigo-nèu cuerbe lei mountagno,
E l'aigo douço, à plen canau,
Vèn endrudí nouéstei campagno.

Neissèn toneis enfant de Satan,
Iéu noun sabe perqué ni coumo,
Despièi que noueste paire Adam
Anè mouerdre sus d'uno poumo.
Pèr nous lava d'un tal afront
Que fau ? Un pichot rai d'eigueto,
Un degout d'aigo sus lou front,
Pèr qu'eis àngi faguen ligueto.

Un qu'au souleias avousten
A franqui la Crau abrasado,
Que soulas pèr éu quand, esten,
Engoulo uno fresco rasado !...
Lou mauvais riche, dins un lue
Ounte tout soun sang li gargouto,
Que bramo pèr sa bouco en fue ?
Ah ! d'aigo uno souleto gouto.

Presso pèr-d'ant o pèr-de-bas,
L'aigo refresco e purifico ;
Se tout lou cors vous li trempas,
Soun eficaci es mirifico.
De Vaqueiras, de Vals, de Grén
Proun malant vanton la tisaio ;
Marsiho a l'*Aigo-lou-Bon-Dieu*
Pèr se mantène liseo e sano...

Se lei vertu vous van nounbra
De l'aigo, liquor beuesido,
Tant ma cansoun s'aloungara
Qu'enfètarai proun vonesto ausido ;

Basto vous digue, en un prepau,
Co qu'Esculàpi nous declaro :
Qu'un grand remèdi à touei lei mau,
Es l'aigo puro, es l'aigo claro.

Tres eigadiero à l'escussoun
De vouesto eigalouso vileto
Dien lou cas que lei gargassoun
Li fan de l'aigo frescouleto.
L'aigo, apoundès, fai veni bèu :
La provo soun vouèstei chatouno,
Qu'an tant poulido e blanco pèu
Que lei manjarian de poutouno !

A.-B. CROUSILLAT.

eloun, lou 11 de Mai 1869.

LA PETICIOUN DI LIMOUSIN

Li Limousin an passa de tout tèms pèr avé bon apêtis : *pas tant on, un pau mai*, es soun prouvèrbi. Coume lou Limousin es uno erro maigro, e que lou blad i' es rare, lou pan, autre-tèms subre-out, i'èro un manja requist. Vaqui perqué se dis : Manja de pan coume un Limousin. Uno fes, à Limogè, un massoun veguè soun nanobro que, pèr lou remouli, trempavo soun courchoun dins la ramato dóu mourtié : — Pichot, cridè lou mèstre, crese que te fas troumand ! Coumpanejo-te, Sant Marsau !

En l'an de gràci 1371, un papo limousin que ie disien Gregòri XI, arguè la tiaro en Avignoun. Ravi de la nouvello, si coumpatrioto artiguèron en embassado pèr lou benastruga. Lou soubeiran poun-ife li recaupè graciosamen, e pièi ie demandè, avans de li chabi, ço que poudrié faire d'agradièu pèr éli.

— Sant Paire, adounc faguèron, lou Limousin es paure, lou sabès : e rendrias grand service, se s'acourdavias, pecaire ! dos recloto de blad pèr an.

Lou papo respoundeguè :

— Vous lis acorde, vous lis acorde... Mai, mis enfant, à-n-uno oundicioun : es que farai lis an de vint-e-quatre mes.

ISOU CASCARELET.

Quau a trenta noun fa,
A quaranto noun sa,
A cinquanto noun a,
A seissanto noun fa, noun sa e noun a.

A TRES CHATO

QUE SE TRUFAYON D'UNO VIÈIO

Sias jouino, sias bello, es vrai !
 Mai la nèblo de la vieïesso
 Lèu-lèu vèn acata li rai
 Que dardaion sus la jouinesso...

La vièio de quau vous trufas
 Es estado urouso e countènto ;
 Èro bello autant que lou sias,
 Aguè vosto gràci enchaïènto ;

Coume vautre aguè si vint an ;
 Soun front pur n'avié ges de nivo ;
 Avié d'ïue blu, de pèd d'enfant,
 Avié la voues douço, agradivo ;

Avié de galant péu bloundin,
 De bouqueto e de gauto roso !...
 Ah ! qu'èro poulideto ansin,
 Aurias dièh un boutoun de roso.

Quand la voues de l'amour maien
 Venié caressa soun aurilho,
 Aurias vist tremoula soun sen !...
 E... rougissié de mondestiò.

Coume lou vostre èro soun cor,
 Coume amas vous-autro, elo amavo ;
 Si soungé èron gai, èron d'or,
 E Dién saup s'alor pantavao !

Li jouvènt, dintre si foulié,
 Coume à vautre, emé si guitarro,
 le cantavon de revihet,
 La niue quand la luno èro claro :

Pièi au mitan de soun printèms,
 Elo peréu pensè au mariage :
 Creseguè que soun plus bèn tèms
 Se passarié dins soun meinage.

Ai las ! la roso embaino e poun,
 Li douçour au soun amarezzo ;
 La luno de mèu duro proun,
 Mai panens fluis en tristesso !

Aro la viêio a pus la flour
Qu'es sus vòsti gauto redouno ;
Aro n'a pus la memo ardour
Que vous-autro avès, mi chatouno.

La roso, qu'èro qu'un boutoun,
Au ventoulet s'es expandido,
A recaupu forço poutoun
E pièi, pecaire ! s'es passido.

Belèn mai que ço que lou sias
Pèr soun tèms es estado amado,
Mai aro, paureto, adessias !
A li péu blanc, es deleissado.

Lou tèms noun a ges de pieta :
Vous abouris e vous escranço,
Enlèvo amour, forço, bèuta,
E devenès un to sèns branco.

Se vuei sias jouino e se cantas,
Se sias amado e se sias bello,
Deman sarès passido, ai ! las !
La negro Mort deja vous bèlo !...

Mis amigo, respetas dounc
L'age d'aquelo pauro viêio,
Qu'apielado sus soun bastoun
Espèro l'eterno Empirèio...

CH. GLEIZE

u-caire, 24 de Mars 1869.

LOU TIAN

Fau pas èstre de Prouvènço pèr pas saupre ço qu'es un *tian*. Lou *n* proupramen di es un grand plat de terro, gaire founse forço large, 'en de país que i'a noumon *gaveto* o *grasau*. Tout ço que l'on fai cuire dins aquelo eisino (e, d'abitudò, couire au four), se noumo rên *tian*. I' a lou tian d'espincarc, lou tian de coucourdo, lou tian de edino, lou tian de merinjano, de poumo, pero, etc. Mai lou *tian* citable, lou tian de Carpentras, es uno barbouïado d'erbo, coume edo, espincarc, juvert o bourtoulaiço, cuechio emé de merlusso o tre pèis, assesounado emé d'aïet, de sau, de pebre, e liado emé ou, de fromage, de la, e subre-que-tout d'oli. Emé quànquis iou r. coupa pèr trancho blanco, se ie fai au-dessus de mousaïço e

d'arabesco, e se ie grato enfin de brenigo de pan. Quand acò soufour, es sauret coume l'or ; pèr n'en manja, vous farias gârri.

Lou tian es un di plat naciounau de Prouvènço ; e frequèr nòsti taulo, es apatia tambèn dins la counversacioun. Quand qu'rèn aboundo, venèn : *N' i' a 'n brave tian !* Quand l'on pren au loun, l'on fai : *Pesquen au tian !* Quand soun dins lou gaboui, l'embarras, li gènt cridon : *Sian au tian !* Se i'a quauque grabug *es de ris au tian* ; e d'uno filio qu' a escouta... soun calignaire, *A rout lou tian.*

Lou mot de *tian* a meme agu soun jour de glòri : au sèti de toun (1857), lou proumié di marin qu' escalè la muraio e que p'oste drapèu sus lou bàrri de la Chino, fuguè 'n drole de Manouma Batisto Tian.

Se manjo forco tian is environ de Grasso. Aquéli de Monpasson pèr li meïour. A Camaret, an pèr faus-noum *manjo-ti luserno*. Mai lou mai que se n'en manjo, vès, es à Carpentras. Tal que se dis — em' uno pouncho de malico : *Li tian de Carpentras*. Li farcejaire designon aquelo vilo pèr lou mot *Tianopolis*.

A-n-aquén prepaus d'aquí, escoutas co que conto M. Louis de cel, dins un libre curious que vèn de publica (*Voyage humouri dans le Midi*, Valenco, vers Combier, libraire) :

« Servès un *tian* à-n-un Carpentrassen qu'es liuen de soun e que mor de languitòri : sién segur qu'entre lou vèire, sourtèn caud dóu four, encaro redoulènt de Paiet patrian, retrouvera sa la fe, la vido e la santa. Lou tian es lou *Ranz di raco* dóu ver Carpentrassen. E voulès saupre enjusquo mounto l'ounour dóu à Carpentras?...

« Ero au Carnava. Sièis bourgès de l'endré, de groumandoun s'èron tabla de faire uno regalo, un dina de requisto. Pèr èstr segur d'uno cousino variado, s'èron di que chascun farié pour soun oustau un plat particulè e à sa fantasié : an ! un escoutis ounte chasque fougueïroun devié faire meravilho.

« Au jour qu'èron d'acord, li counvivo s'acampon. E pas-pulèristo, acabado la soupo, intro uno servicialo pourtant countrionille un *tian* espelaculous. Lou tian, poudès bèn crèire, es rec'mé d'estrambord, s'estabonsisson de lou vèire, en un vira-d'incuron. Aquén-d'aquí lipa, zóu, la porto se duerb, e 'no autro dou tico adus mai en candèlo un fontralas de *tian* que li fai crida min. L'acabon mai. Pièi un tresen, pièi un quatren, pièi un cinquen ; l se n'aduguè e se n'en manjè sièis ! Cadun di taulejaire avié pensa mounde noun i' avié rèn de bon coume lou *tian*, e cadun, pèr d'avié coumandi 'n *tian* ! »

LOU CASCARELET.

Pastre vièi, chambriero jouino.

PARTÈNÇO

D'alin de la ribo africano,
La bloundo enfant deis ue d'azur
Èro vengudo lèu souto noueste cèu pur,
Malauto, se gari de sa tristo marrano.

Lou mes de Mai,
Dous, fres e gai,
L'a rendudo à la vido ;
Em' acò nous escapo mai
La tant poulido !

Va remounta subre la nau :
Mar, aplano teis erso ; abouco-te, mistrau !

Un mes en terro de Prouvènço
A sufi pèr la restaura,
Pèr enlusi soun front emé soun péu daura,
Pèr touto l'enfloura de gràci e de jouvènço.

Bon aire viéu,
Erbo dei riéu,
Aigo de la sourgueto,
An proun ressani, gràci à Diéu,
Nouesto amigueto.

E va remounta sus la nau :
Mar, aplano teis erso ; abouco-te, mistrau !

De nautre en van cadun li crido :
— Proufichio enca 'n pau dei bèu jour :
Qu saup se t'a quita, la febvre, sèns retour ?
Que regrèt se bèn lèu n'ères mai agarrido !

Vèn coumo un lamp
E s'enva plan
Lou mau. — Mai elo briho
Gaiardo, e ves que la belan
Pèr meraviho.

E vòu remounta sus la nau :
Mar, aplano teis erso ; abouco-te, mistrau !

— Quand leis agrueto desirado
Aro au champ rougejon à flo,
Quand lou la, qu'ames tant, regouelo en nouèstei clot
Pèr lou caiat foundènt e la crèmo rourado,

Nous quitariés ?
Oh ! nonn, fai mies,
Pren de bon tèms encaro. —
Mai elo a qu'uno joio au pies :
Parti tout-aro.

Va lèu remounta sus la nau :
Mar, aplano tei erso ; abouco-te, mistrau !

Elo s'enchau que de sa maire,
Qu'a leissado infiermo eilalin ;
Si, vers sa maire soulo es tout soun couer acin,
Vers sa maire que soufre alanguido, pecaire !

Voudrié voula
Pèr l'assoula
D'un mot, d'umo pontouno,
De soun amour la coumoula,
Tèndro chatouno !...

E vaqui, mouto sus la nau...
La nau fuso lougiero à l'afiat doun mistran...

25 de Mai 1869,

LOU GARRIGAUD.

Lou barbié d'Auruou fai la barbo emai douno à béure.

A PREPAUS D'UN VIÈI COUVÈNT

DE TRINITARI, AU LÛ

Gloria Deo uni et trino, et captivis libertas.
(Deviso de l'Ordre de la Santo-Trinita)

Salut à l'ordre sant dei valènt Trinitàri !
Mai subre-tout salut à Sant Jan de Mala !
Nou-cènt-milo Crestian rachata dei coursàri
Li degnèron antan la fe, la liberta.

Qu'èron bèn, qu'èron grand lei sòndard voulountàri
Qu'enroulè de pertout aquel ordre vanta !
En Africo, au Levant, travessant mar e bàrri,
Courrien, paure d'argènt, riche de carita.

Benesido de Diéu se cresié l'encountrado
Que nourrissié 'n couvènt d'aquelo grando armado...
Urous èro lou Lu qu'antan avié lou siéu !

Aro dóu vièi couvènt rèsto qu'uno cisterno...
Qu 's que l'a demouli ? La liberta mouderno.
Vaqui la refleissien qu'un sero mi fasiéu.

DON JAN-BATISTO GARNIER, O. S. B.

olesmes, lou 8 de Febrié 1869.

LA PROUPRETA DIS ARLATENCO

I

Li femo d'Arle soun celèbro, d'eici à bèn liuen, noun soulamen pèr a bèuta, mai pèr sa proupreta, proupreta de la persouno coume de abitacioun. L'a ges de vilo en Franço ounte lis oustau sigon tant bèn engu, tant net e tant lusènt :

L'Arlatenco, chasque jour, lavo e freto soun sòu, e tóuti li semano blanchis au la de caus lou dedins e lou deforo de sa demouranço. Aquí ou lie, la taulo, l'armàri, li cadiero, lou pestrin, lou gardó-raubo, ou de-longo cira, soun de-longo courous que sèmbon de mirau ; as eisino de couire, escaufo-lie, peirou, calèn, casseto e bro, ie beluejon coume l'or, e la mendro ferramento, desempièi la paleta en-usqu'à la grasiho, briho coume l'argènt.

Es aquí, se pòu dire, lou poun d'ounour, la glòri de nòstis Arlatenco ; e, aquelo abitudò, passant di maire i fiho, vèn de liuen. L'aurié èn d'estouanant que n'en sourtiguèsse meme lou subre-noum d'*Arle ou blanc*, que pourtavo aquelo vilo au Mejan-Age.

Mai veici uno aheidoto, veritablo, istourico, que mostro en perfeioun l'ourguei que l'Arlatenco plaço dins lou netige. La tiran l'uno revistò que se publico en Arle, sonto la direicioun de MM. L. Martin, E. Fassin, P. Izac e P. Boschet, e qu' a pèr titre : *Le Musée*.

II

Dins un combat navau que lou Comte d'Estaing liéurè is Anglès, ou 16 de Juliet 1779, fuguè l'ua, sus lou veissèn dóu rèi *la Prouvènço*, in marin d'Arle nouma Pèire Bernat.

Coume sabès, d'aquéu tèms, èro li capelan que tenien li registre di neissènço e di decès ; e, naturalamen, lou mortuorum de Bernat arribè vers moussu Costo, qu'èro lou curat de sa parròqui. Lou brave M. Costo enregistrè la mort ; pièi, se faguè 'n devé d'ana pourta éu-meme a marrido nouvello, emé li counsoulacioun de sa paraulo caritouso, a la pauro véuso — que ie disien Mariano Caboto.

— Noste Segne te counserve, ma pauro Mariano ! ie faguè lou vièi Curat ! Vène t'anouncia, pecaire ! quancarèn de bèn triste... Noun an pas tort de dire :

Mouié de marinié
Ni maridado, ni mie...

Mai, lou bon Diéu es mort... Que fuguen sus-terro, que fuguen sus mar, nous fau tóuti i'ana...

— Houi ! que venès me dire ? plan ie faguè la femo, belèu moun ome es mort?...

— O, Mariano, plouro ! Toun pauvre ome es esta tua...

— Chut ! moussu lou Curat, au noun de Diéu, chut ! chut ! me parlés pas mai d'acò... Vès, lou sang, la souspresso, l'esfrai, lou mouvenen... Revenès dins vue jour m'apprendre la nouvello, revenès que dins vue jour. Vous n'aurai bèn d'obligacioun !

Lou bon Curat coumprenié gaire acò-d'aquí ; mai pamens, respectons de la douloir de nosto véuso, proumetguè de reveni au bout di vue jour di, e la leissè...

III

Mai que fai Mariano ? Lèsto coume un aucèn, cour vers la fretarello la mai abilo dón quartié, e ie dis : Ma mio, vène, que netejaren un pau.

E'm'acò tout-d'un-tèms, bèn vue jour a-de-rèng, en risènt e cantant coume se rèn noun èro, lavo que lavaras, ciro que ciraras, freta que fretaras ! Vague l'òli dón couide ! Mio, porge lou bresié, lou safras, l'areno fino ; mio, baio-me lou bèn, la ciro jauno, lou recou ! Un cop de coussòudo aquí, un cop d'escoubeto eila ! Basto, de la cadando jusqu'au tran de l'eignié, de la coco à la moco, e di cafiò finqu'au creinascle, tout, mât fisto, es escura, esmera coume uno perlo.

— Aro, se diguè Mariano, Moussu Costo pòu veni...

Moussu Costo revenguè :

— Noste Segne te counserve, ma pauro Mariano ! faguè mai lou brave prèire, vène t'anouncia, pecaire ! que toun pauvre ome es mort...

Mariano jîtè un crid que tout Arle l'ausiguè.

— Grando Santo Vierge ! Moun bèl ome es mort !! Mai que farai ? que devendrai ?... Ai !...

E lis lue tout en plour e li man sus la tèsto, en se descounsoulant e se despoutenant, quilo cènt misericòrdi. Tóuti li vesin s'acampon, tóuti li coumaire courron, la carriero s'emplis davans l'oustau de Mariano.

— Mai acò s-ti poussible ? Ma bello coumpagno ! Iéu te veirai plus ! Que sort malurous ! Ah ! n'en farai pas moun proun ! Ai ! ai ! ai ! ai !

— Pauro Mariano ! disien li vesino entre èli, mai vous-àutri l'aurias

di que siguèsse tant lisqueto ? Regardas aquel oustau : l'usis coume un cocot, ie manjarias au sòu'!..

— Acò 's uno femo d'ordre...

— E, boutas, de la bono...

— Ie fau pas leva soun dre : es l'oustau lou mai courous de touto la Rouqueto.

A travès de si lagremo e de sis estrambord, Mariano vesié. Mariano entendié tout, e vous laisse à pensa coume se deleitavo, en vèssent s'espanta la jalousié dis àutri femo. Acoumplido coumediano, Mariano, aquèu jour, plourè soun dèu coume se dèu, e s'acampè l'ounour d'èstre la mai proupreto de la Rouqueto d'Arle.

LOU CASCARELET.

LA FONT-DOU-MERLE

Fau bèn counèisse avans d'ama.

Lou derrabaire de genèsto
E d'argelas,
Ivèr-estiéu, aquí s'arrèsto,
Sounjaire e las.
Pièi 'mé li merle
Di moure esterle
De-fes s'abéuro au fiéu d'argènt
Dòu clar sourgènt.

Eila-bas dins lou vesinage,
Dison adounc
Qu'uno di chato dóu meinage
De Pie-redoun,
Gènto pastresso,
Signè mestresso
D'un noublihoui qu'èro, parèi,
Bastard dóu rèi.

Èro un cousin de la famiho
Di Pourcelet :
Courrié de-longo après li filio,
E, tout soulet,
Sèmpe cassavo
E s'espacavo
Dins li calanc, despièi lou jour
Fiu-qu'à l'errour.

Se devinè qu'uno journado
D'ou gai printèms
Se capitavo de tournado ;
Fasié bèu tèms.
Touto souleto,
Vers la Founteto,
Trouvè 'mé souu troupelet blanc
Flour-di-Calanc.

Flour-di-Calanc èro la chato
D'un païsan ;
Amigo bloundo di merlato,
Avié sege an,
Bèuta requisto ;
Trevavo tristo
Li colo griso d'ou valoun
De Vau-Biloun.

Lou brun segnour davans la bello
Restè 'spanta ;
Avan li blànqui tourtourello
S'ausien canta...
Entre la vèire,
Le faguè 'ncreïre
Que de souu biais èro amoureux
E desirous :

— Vène emé ieu ! laissez ti fedo,
Bello, e deman
Tè vestirai d'or e de sedo ;
Pièi à ta man,
Man d'anjounello,
Vénso d'anello,
Metrai la bago d'ou plesi
E di lesi.

Co que siguè... La pauro fiho
Souto un ciprès,
A l'oumbro longo di tourriho.
Dous jour après,
Frejo, agrouvado,
Siguè trovado...
Au det l'avié passa la Mort
L'anello d'or.

Despièi, la font eilamount plouro
Tal assassin ;
Malur au pastre que s'amourro
Dins soun bacin !
La niue vengudo,
Sanglènto e mudo,
En soungè vèi, pale trevan,
Flour-di-Calanc.

MARIUS GIRARD.

Sant-Roumié, 10 d'Avoust 1869.

LA FÊSTO DE SANT-SIFREN, A CARPENTRAS

Quand de quaucarèn qu'avèn vist, o qu'avèn entendu e ama, fau dire : « Lou veiren plus, l'entendren plus ! » noste cor se sarro e la malancounié nous pren, coume se s'agissiè d'un parènt o d'un brave ami. Eto ! acò 's ansin, quand vesèn derraba 'n vièi aubre o demouli uno enciano tourre. Acò 's ansin pèr aquelo grandò fèsto de Sant-Sifren : que revertavo aquéli fèsto musicalo de l'Alemagno i qualo ai agu lou plesi e l'ounour d'assista mai que d'un cop. Chasque an, lou 27 de Novèmbre, s'aluino bèn de cire coume autre-tèms, la glèiso s'emplis de pople de la vilo e dis enviroun ; mai s'entènd plus la memo musico, e de-segur s'entendra jamai plus. Eh bèn ! acò me douno talamen lou coudoun, de ie pensa, que vole qu'à tout lou mens la remembranço d'aquelo fèsto, talo qu'èro, fugue escricho en quauco part, e en-lío miéus que dins aquest armana.

Vau donc vous dire qu'à tres ouro e miejo, coumençavon li Vès-pro : li darrié rai dóu soulèu de la fin de Novèmbre, après agué traversa li veiriau acoulouri di dos gràndi fenèstro de la façado, venien s'esperlounga au-dessus dis arcèu di capello. En mème tèms qu'alumavon li cire tengu pèr de bras esculda, — qu'èron fissa i pieloun di capello e que ie soun plus. — lou proumié saune que se cantavo, lou *Dixit*, èro aquéu cap-d'obro renouma dóu musicaire ami de Louis XIV, que la Franço déurrié ounoura 'méd'estatuo de brounze, e qu'a óubrida despièi l'invasion malurouso de la musico de tiatre. Aquéu musicaire s'apelavo Lalande, e sa musico, qu'es estado gravado en 8 voulume i frès dóu rèi, se jougavo dins tóuti li glèiso avans la Revouluciou, coume estènt la plus bello de tóuti.

A Carpentras, quand li glèiso se redurbiguèron, quàsi li mémi musicaire — qu'avien canta aquelo bello musico avans la Revouluciou — la cantèron après. A-n-aquelo fèsto religiouso e musicalo se rendien, coume au tèms passa, tóuti li famous cantaire dis enviroun e-mai de forço liuen. Siéu facha d'avé óubrida si noum ; mai n'ai pas

óublida aquéu ni la figuro de Mistor, lou mèstre de musico, de soun coulègo Gilles, que jougavon bèn poulidamen dóu vióloun; de Moussu Louis Dufau, counceigu soulamen sounto lon noum de Moussu Louis, qu'avié garda e bèn sougna sis abihage despièi lou mitan dóu darrié siècle. En lou vesènt marcha 'mé si culoto courto, si soulié à blouco, soun capèu à tres pouncho e soun abit fa en 1742 ou 1744, l'on poudié crèire d'avé sounto lis iue J. J. Rousseau ressuscita. M. Louis jougavo bèn de la basso e avié fa li *quintetti* de Boccherini emé l'autour. Lou sublime verset *Juravit Dominus* èro canta pèr M. de Canillac, ome de destincioun, ex-abat; e finalamen, lou famous *Amen* de la fugo dóu *Sicut erat*, èro canta pèr l'abat Doumergue, qu'avié 'no voues bèn auto, coume sa taio, mai pulèu drolo qu'agradivo.

A la fin dóu *Dixit*, d'autri lume s'alumavon; e quand n'èron au *Beatus vir*, se vesié mounta li girandolo dóu Cor tóuti abrado. La musico d'aquéu *Beatus vir*, coumpausado en 1742 pèr M. Boudou, canounge de Carpentras, es un cap-d'obro que Hendel noun aurié renega.

Pièi venié l'inne *Quæ Dies tanto celebrata cultu*, qu'èro perén uno bono coumpousicioun de M. Papet, autre canounge Carpentrassen. Èro mouu paure paire, di Sant Laurèns, bon musicaire, que cantavo lou proumié verset emé sa poulido voues clarinello. Ès dins aquel inne que se trovo l'èr counceigu à Carpentras sounto lou titre de *Fan couire li boudin*, o bèn *fan courre Moussu Audin*. Aquel èr metié en joio tóuti li cor carpentrassen. Ès dins aquéu moumen que s'aubouravo au founs dóu Cor lou triangle fourma de tres rèng de bougio aluminado. En passant sus quànqui detai, dirai que li Vèspro finissien pèr la permenado dóu Sant-Clavèn sus uno tribuno, dóu tèms que lou Cor cantavo un inne sus un èr que semblavo forço aquéu di Foulé d'Espagno.

Li ceremounié de la fèsto soun inei pas mau chanjado, e de la musico tant remarcablo que se cantavo n'en soubro plus rèn. Di Carpentrassen que l'an ausido, n'en rèsto pu gaire: siéu d'aquéu bèn pichot nombre. Me fau un devé d'ana tóuti lis an, à la fèsto, jouga sus l'orgue aquélis èr, grava dins ma memòri despièi mouu enfanco. Quand tóuti aquéli que lis avian comeigu vivien encaro, èron bèn uros de lis entèndre. Aro ma musico revilho plus ges de souveni; e quand sarai mort, ço que pèn gaire tarda, tout aquéu passa sara mort, bèn mort, e n'en restara d'autro trao que ço que vène d'escriéure!

1869

J.-B. LAURENS, de Carpentras,

Felibre Adoulenti.

Arle lou grand,
Nîmes lou coumèrant.

DE-LA-MAN-D'EILA

Perqué sèmpre moun cor plouro,
E lou làgui lou desflouro,
E demando à grand crid l'ouro
De la mort, fin di tourment ?

Coume es long aquéu martire !
Dóu vèspre au matin souspire :
Segur noun i'a de mau pire
Que lou mau dóu languimen.

Mai de-qu'ai ? Tout me treboulo...
Demandas, àuti piboulo,
I soulèu qu'un diéu bourroulo,
Ço que poudrié m'assoula.

Vole-ti d'uno Andalouso
Beisa li prunello blouso ?
La vèire à mi pèd, jalouso ?
A si pèd me viéutoula ?

Vole-ti d'or un abounde,
O li glòri d'aquest mounde,
O qu'un pople me semounde
Em' un trône si respèt ?...

Emai l'amour me devore,
La glòri noun me maucòre,
Pèr iéu lou mounde es un orre
Boulet que tirasse au pèd !

- Adessias dounc, bèlli femo,
Glòri, fourtuno, lagremo ;
La vido es un long caremo
Que juno de verita.

Tron, enfant de l'endoulibre,
Curo-me, paure felibre,
Car la mort es un bèu libre
Que iéu vole fuietà !

N'en vole plus de la vido :
Elo es uno flour passido,
Elo es un clot de caussido,
Elo e rèn, acò 's tout un...

Soulèu, mounde, meraviho,
De vautre, pàuri gravilho,
Quancun n'en jogo i goubilho
Dins li grand plano dêu lum !

Jun 1869.

FÉLIS GRAS.

LA BRAVO FEMO *

I

Uno fes, l'avié 'n brave ome que ie disien Mèste Goubran. Restavo dins un mas soulet, alin sus un cantau esmarra : d'aquí vèn que ie disien perèn Mèste Goulbran de la Costo.

Aro fau saupre qu'aquest Mèste Goubran avié 'no bravo femo, — soun raro, pamens se n'en capito ! — Mai, co qu'es forço plus rare, es que Mèste Goubran apreciavo soun tresor. Tanbèn nòste parèn èro d'acord coume li dous det de la mau ; vivien gai coume pèis dins Paigo, urons coume de paure ; e se soucitavon gaire de la fourtuno, e dêu vieün encaro mens. Tout co que soun Goubran fasié, la femo, qu'adeja l'avié sounja, l'atronvavo à souvèt ; que que touquèsse dins lou mas, que que ie virèsse, o ie bouleguèsse : — Tè, ie disié sa femo. L'anave faire. Gramaci !

Èron à soun aise e la passavon douço. Èron dins lou sién, avien cent escut d'argènt blanc amaga dins lou tiradou de soun gardoraubo, e dos bèlli vaco à l'estable. Avien de tout. Poudien plan-plan se faire vièi sènsò avé pòu dêu travai e de la misèri, sènsò imploura li service e la pieta de degun.

Un vèspre que charravon ensèn dis obro qu'avien, di plan que tiravon, la mouié dis à soun marit :

* Avèn dins nòsti vilo uno meno de viedase que defèndon à sis enfant de parla prouvençau. Veici, au contràri, M. E. Laboulaye, de l'Institut, que ie fai grand plèi de veïre li sién parla nosto lengo, car *la bravo femo* es un di *Contes Bleus* de Laboulaye ; e veici co que l'autour a graciosamen eseri à J. Roumanille : « Votre lettre m'a fait grand plaisir... Je serai très flatté de voir le bonhomme Gudbrand habillé à la Provençale. Je ne doute pas que mon excellent Norvégien n'y gagne en esprit et en gaieté. Aussi je vous serai fort reconnaissant de m'envoyer l'*Armana prouvençau*. »

— Moun Goubbran, — que just ie pènsè ! — se preniés uno de nòsti vaco, e l'anaves vèndre à la vilo ? Aurian proun d'aquelo que gardarian pèr nous douna de la, e peréu de froumai. Eh ! qu'èi dounc necite de tant trima pèr lis autre ? Avèn ges d'enfant. Vaudrié pas mies espargna nòsti bras ? Se fan vièi ! Auras toujour proun ohro dins lou mas : tu, te mancara jamai óutis e eisino à rebiha ; e iéu, te tendrai pu long-tèms coumpagno : couifarei ma fielouso, e farai vira moun fus.

Mèste Goubbran, coume de juste, pensè qu'avié bèn resoun sa mouié. E pas pu tard quel'endeman, de bon e bèu matin, à la vilo anè lèu vendre sa vaco. Mai, coume èro pas jour de marcat, atrouvè ges de croumpaire.

— Hòu ! tout vai bèn, diguè. Ato ! pièi, au pire ana, n'en sarai quite pèr entourna la vaco ounte l'ai pressò. Avèn de fen e d'apaïage pèr la bèsti, e lou camin èi pas pu long en tournant qu'en venènt.

Em'acò, tranquile coume la bello aigo, reprenguè lou camin de soun mas.

Au bout d'uno passado, e coume se sentié las un brigoun, rescontro un ome que menavo un chivau à la vilo, un chivalas tout arnesca. — Long es lou camin e lèu tounbolou calabrun, se pensè. Póutira ma vaco ! acò n'a ges de fin... E pièi, deman, sara la memo istòri ! Certo, vaqui un chivau que farié mies moun affaire. Tournariéu au mas fier coume Artaban... Quau sara trefoulido en vesènt soun ome en trioum-fle passa coume un emperaire rouman, quau ? La mouié de Mèste Goubbran !

Em'acò, aplantè lou maquignoun, e chanjè la vaco pèr lou chivau.

Pero tout-just escambarla que fuguè regretous de soun pache. Mèste Goubbran, veses, èro dins l'age, e grèu ; lou chivau èro jouine e vièu coume un peirard : avié pòu de soun ounbro. Après uno mie-choureto, noste cavalié anavo à pèd, tenènt la brido au bras, e pòutiravo, tout relènt, un escamandre de chivau qu'aubouravo amoundaut la tèsto, e s'enarcavo e reguignavo, à cade caïau dóu camin !

— Marrit pache ! se pensávo Mèste Goubbran, quand veguè 'n bastidan que cousejavò davans éu un porc gras à lard, tant que sa ventresco escoubavo lou sòu.

— Un clavèu qu'es utile, faguè lou vièi, vau mies qu'un diamant esbarlugaire e que sier de rên ; souvènt la femo lou dis...

Em'acò chanjè soun chivau pèr lou porc.

Urouso idèio, segur !... Mai lou brave ome avié coumta sèns l'oste : Moussu lou Noble èro las, e poudié plus se boulega. Mèste Goubbran l'arresounè, preguè, sacrejè ! Ah ! pas mai !... Tiravo soun porc pèr lou mourre, lou butassavo pèr lou quiéu, lou saupicavo de tout caire... Ah ! pas mai ! Coume uno barco dins la limo, s'encalè lou porc dins la pòusso. Mèste Goubbran se despoutentavo, quand passè davans éu un ome em'uno cabro, que, li pouisso boudenilo de la, sautavo, fouleto, courrié, cabrioulavo, e veritablamen fasié grand gau de vèire.

— Ah ! vaqui, velaqui ço que me fau, cridè Mèste Goubran ! Vau pas mîes aquelo cabro, tant belugueto e tant galoïso, qu'aquel abesti pourcalas ?

Em' acò, e sènso rên apoundre, chanjè lou porc pèr la cabro.

Tout anè bèn uno passado. La damiseloto di lôngui bano entiravo Mèste Goubran, que risié de si foulige. Mai... quand avès plus vînt an, rên tant alasso que d'escala li roucas. Tambèn, noste masagié, rescountrant un pastre que gardavo soun avé, se faguè pas prega, e chanjè sa cabro pèr uno fedo : — Aurai autant de la, faguè. Aquesto, au-mens, sara tranquilo : alassara ni la femo ni iéu.

Mèste Goubran avié bèn resoun : i'a rên de tant mauze que la fedo. Ges de caprice, embanavo pas, mai... avié gaire d'enavans, e de-longo belavo: Mè ! mè ! Separado de si sorre, voulié vers éli s'entourna ; e d'ou mai la tiravo, lou vièi, d'ou mai la pauro bèsti gemissié pieta-dousamen.

— Que lou diable la bedigo ! cridè Mèste Goubran. Ès autant plou-rarellò e pico-pebre que la femo d'ou cousin. Ai ! quau me delièurara d'ou brama, e d'ou ploura, e di gemèntes e flèntes d'aquel animau ? Fau que me n'en despegouligue, mème estrasso de marcat !

— Man toucado, se voulès, coumpaire, dis un pacan que passavo ; prenès-me moun auco : es drudo, e l'ïue iè l'usis. Acò vau pas mîes que vosto vièio berto ? Lou vesès : a plus qu'à bada-mouri.

— Vague ! dis Mèste Goubran. Mies vau auco en vido que fedo morto.

Em' acò, carguè l'auco sus lou còu.

Aguè forço obro lou pourtaire ! Marrido coumpagno, l'aucelas ! Se lagnavo de plus èstre au sòn. E z'ou d'ou bè ! z'ou di piauto e dis alo ! Mèste Goubran diguè l'ou seho.

— Puai ! faguè, la salo bèsti !... Tambèn la femo n'a vougu jamai ges abari.

Em'acò, au proumié mas ounte s'arrestè, chanjè l'auco pèr un bèn gau magnificamen emplumassa, em' un parèn d'esperoun !...

Aquesto fes, osco ! Lou gau, es verai de dire, quilavo, souvènti-fes, d'uno voues trop enraumassado pèr gatiha l'ausido. Pamens, coume i'avièn estaca li piauto, e que pendoulavo, la crestò en bas, à soun sort se resignè e n'en boufe plus uno. Mai, ço qu'ero enfetant, es que jour falissié. Mèste Goubran, parti avans la primo-aubo, s'atrouvavo de-vèspre en jün, emé pas un sòn au pouchoun. Lou camin èro en-carò long. Flaquejavon, si cambo, e si tripo renavon. Falié pamens vira o amoula. Au proumié cabaret, pèr un escut vendeguè bravamen soun gau ; e, coume avié la fringalo, pèr se refaire, se soubè pas uno liardo.

— Ato ! pièi, se pensè, de-qu'aurièu fad'un gau, s'ère mort de fam ?

II

En s'aprouchant de soun mas, Moussu Goubbran de la Costo sounjavo à l'estrangé biais que soun viage avié pres, quand s'atrôuvé nas à nas emé soun cousin Pèire Barbo-Griso (ansin ie dison dins l'endrè.)

— Eh bèn ! coumpaire, Barbo-Griso ie diguè, as fa tis afaire à la vilo ?

— Hue ! coume acò.... aperaqui, respond Mèste Goubbran. Dirai pas que siéu esta forço urous, certo, noun !... Mai enfin, pode pas me plagne.

E countè tout ço que i'èro arriba.

— Cousin, ie fai Pèire, que te dirai ?... n'as fa de bello !! Ta femo, qu'es abarouso, te coumplimentara. Diéu t'ajude, moun ome ! Pèr dès escut voudriéu pas èstre dins ti bràio !

— Hòu ! ie fai Mèste Goubbran, aurié pouscu pu mau vira pèr iéu. Mai aro, ai l'amo dón cors en repaus. Pode avé tort o dre ; coume que vague, la femo es tant bravo que, sus tout eicò, levarà pas lengo.

— T'escoute, cousin, e m'espantes ! Mai, emé tout lou respèt que vous dêve, Moussu de la Costo, iéu crese rèn de ço que me cantas aquí.

— Quant vos jouga qu'ague resoun ?... Tè, i'a cènt escut quauco part, au mas : n'asarde vint ! vos teni l'escoumessò ?

— O, dis Pèire, e quatecant !

Pache fa, Mèste Goubbran e lou cousin Pèire intrèron dins lou mas. A la porto de la chambro, Pèire restè pèr escouta.

III

— Eh ! bon vèspre, nosto vièio, dis Mèste Goubbran.

— Bon vespre, respond la bravo femo. Es tu, moun rèi ? Benesi siegue Diéu ! Eh bèn ! coume as passa la journado ?

— Ni bèn ni mau. Veici : à la vilo arriba, ai atrouva degun que croumpèsse ma vaco e l'ai chanjado pèr un chivau.

— Pèr un chivau ! cicelento idèio ! De tout moun cor gramaci ! Aro, pèr nous rèndre à la glèiso, fèsto e dimenche, atalaren la carreto, coume tant de gènt que nous regardon de tant aut, e que soun pas mai que nautre. Eh ! se nous agrado, à nautre, d'avé 'n chivau à l'estable, n'avèn bèn lou dre, m'es avis ! Demandan rèn en degun. Ounte es aquéu chivau ? fau l'establa.

— Ai pas pouscu l'adurre ; car... de-long dón camin, ai decida de lou chanja pèr un porc.

— Eh bèn ! tè, èi just ço qu'auriéu fa. Gramaci ! Aro, quand li parènt vendran me veïre, poudrai, coume li gènt, ie semoundre un

tros de cambajoun. Eh ! qu'avèn besoun d'un chivau ? Li jalous arien di : — Vès, coume fan li fièr ! Sarié trop bas pèr èli de camina pèr ana prega Diéu. L'as mes au pouciéu, aquéu porc ?

— Nani !... L'ai pas adu nimai : l'ai-ti pas chanja pèr uno cabro ?

— Brave ! Oh ! moun ami, que sies prudènt e entendu ! Mai es vrai, se ie sounjan bèn, qu'aurian fa d'un porc, finalamen ? Aurien di, li gènt : Vès, vès, li manjeiras ! manjon tout ço que gagnon. Iéu, emé ma cabro, aurai de la e de frommai. E parle pas di cabrit ! Es à l'estable, la cabreto ?

— Ai pas vougu l'adurre, que vos ?... L'ai chanjado pèr uno fedo.

— Ah ! qu'acò 's bèn de tu, cridè la bravo femo ! l'as fa pèr iéu. segur ! Vous demande un pau s'à moun age, l'on pòu courre pèr mounto-davalo après uno fedo ! Uno fedo !... Oh ! uno fedo me dounara de lano emai de la. L'as menado, à l'estable, la fedo ?...

— Noun, l'ai pas menado... d'oumaci m'a faugu la chanja pèr uno auco...

— Hoi !... E bèn ! tè, gramaci !... Vejan, fau pièi èstre juste, qu'aurien fa d'uno fedo ? Ai ni tour ni mestié. Se saup que tèisse es un rude travai. Quand pièi lou tèisse es acaba, fau coupa, taia, courdura. Croumparen d'abihage tóuti lèst, coume avèn toujour fa. Es pus eisa... Uno auco, — es grasso, parai ? — coumplis mi souvèt : ai besoun de plumo fino pèr li couissin, que se fan duret. E... lou dise ? i'a long-tèms qu'ai envejo de faire Calèndo em' uno auco roustido. An ! fau lèu embarra nosto auco dins lou galinié.

— Pèr èstre grasso, l'èro !... fai lou vièi en souspirant... Mai, ai creigu bèn faire en la chanjant pèr un gau.

— Vène que t'embrasse, moun perdigau, vène ! N'en sables mai que iéu ! Un gau ! es un tresor, un gau ! Un gau vau mies qu'un reloge : fau mounta 'cò tóuti li vue jour. Un gau ! tóuti li matin à quatre ouro, soun cacaraca nous dis qu'es tèms de prega Diéu e de travaia. Eh ! bèn grand Sant Pèire ! de qu'aurian fa d'uno auco ? Sabe pas faire la cousino. — E li couissin, que soun duret ? Ah ! bèn, quand pièi tuaren lou gau, auren pas de plumo ? Ounte es aquéu gau ?

— Ma bello chato, ai ges de gau !... Lou creiras o lou creiras pas, à jour fali, me siéu senti uno fam canino. Avien pas un pata de clau. Ai vendu moun gau un escut. L'a bèn faugu ; ve, ma perlo fino ! sariéu mort de fam !

Alor la bono femo diguè :

— Mort ! — Glòri à Diéu, que t'a, moun bèl amour, ispira tant bèn ! Tout ço que fas, Goubranet, es bèn fa, m'agrado e l'aprove. Vous demandé un pau s'avèn besoun d'un gau, arien ! Sian nòsti mèstre, lou crese ; res a d'ordre à nous douna. Poudèn dourmi tant que nous fai plesi. Te vaqui, moun bon ! Ah ! que iéu siéu doune urouso ! Ai besoun que d'uno causo : te senti contro iéu !

IV

Aquí Meste Goubbran durbiguè la porto :
— Eh bèn ! cousin Pèire, faguè, que dises de tout eiçò ? L'as ausi ?
Pos ana querre ti vint escut.
Em'acò, Meste Goubbran poutounè sa femo à plen de gauto e de
plen cor, em' autant de bonur, emé mai de tendresso que se sa bravo
vièio avié agu que vint an.

AUBADO

Es niue : la luno briho,
E ta blanco tourriho,
Chatouno moun amour,
D'uno lus argentalo
Se cuerb : capo reialo,
S'i plano celestialo
Mostres tis esplendour.

O tu, ma tant poulido,
Moun amour e ma vido,
Ause mi tristi cant :
Tristo soun mi journado
E tristo mi niuechado :
De tu, ma bèn-amado,
Sèmpre vau pantaiaint.

Escouto ma preguiero,
Ines ! dins la sourniero,
Sus la mar di doulour
Pèr coundurre ma barco.
Que souto iéu s'enarco,
Ai qu'un lume que marco
Lou camin : toun amour !

E demande uno uiado,
Ines, ma tant amado,
Demande un mot d'amour !
Douno ço que reclamo
Au troubaire que t'amo :
Faras lume à soun amo
Que nèblo vuei l'erroure.

Coume uno fado antico,
A toun èstro goutico
Emé ta caro d'or
Aparèisse au troubaire,
Digo un mot : lausenaire,
Bandira dins lis aire
Toun noun, soun estrambord !

La luno amistadouso,
La luno majestouso
Trevalo : peramount
L'armado dis estello
Trelusis clarinello :
O chato encantarello,
Duerbe toun fenestroun !

Comte CRESTIAN DE VILO-NOVO.

Valençolo, 1869.

LA MALAUTO

Zino toumbavo en langour. Quan l'avié visto e la vesié ! E pechaire plouravo.

— Ah ! çò, vai ! que vas mies, pauro bello ! ie fasié sa maire. Lou desgoust passara, l'apetis tournara, ma chato ! e gariras. E quand saras garido, te croumparai... Que vos que te croumpe, ma chato ?

— Rèn... Ai ! ai ! ai ! leissas-me tranquilo, maire !

— Uno raubo, uno bello raubo de sedo !

— Ai ! ai ! ai ! noun m'enchan.

— S'amaves mai pamens de pendènt à diamant ?

— Ai ! ai ! ai ! que n'en farién, maire ?

— Uno mostro en or !... Vos uno pichoto mostro en or ?

— Ai ! ai ! ai ! noun, ma maire !

— Dous tour de cadeneto en or fin, e la crous ?

— Ai ! ai ! ai !

— Ah ! te menaren à Marsiho ! Vos ?

— Ai ! ai ! ai ! que l'amarién faire ?

— Alor doune rèn t'agrado ? Eh ! mai... que ie sounjave pas ! se te cercavian, pèr te marida, un galant oumenet ?...

— Oh ! vès, ma bono maire, me fasès rire emai noun n'ague envejo !

LOU CASCARELET.

LOU BÉU-L'AIGO

FABLO

A M. l'Abat Aubert, Curat de Malo-mort e Capelan d'ou Felibrige.

— Me vole faire ibrougno !
Bramavo ansin s'enso vergougno
Un galejaire renouma,
Que fin-qu'à-n-aquéu jour avié begu serma.
Me parlés plus de l'aigo claro !
Que serve pèr lava li caro,
Pèr abéura li mort de fam
E bateja nòstis enfant !
Me fau de vin e de vinasso !
Siegue de Castèu-nòu, o bèn de la Bousasso,
Lou béurai tau que Diéu l'a fa ;
Dins li ribiero ai proun gafa. —

D'ausi parla lou cambarado,
Sis ami fasien de badado ;
Mai én, à sa cabro fidèu,
Escoulè 'nsin soun cabedèu :
— Ami, ai un coudoun planta sus la peitrino.
Lou vin, lou vin soulet sara ma medecino ;
Acoumence au-jour-d'uei noun gai poudrigamen...
O, sarai embriago, e n'en fau lou sarmen. —

Tóuti risien que mai d'aquelo talounado ;
Mai éu beguè d'ou jus qu'auqui goubelletado,
Pèr afourti qu'ero de-bon.
Pèr malur atrouvè que lou vin èro bon :
L'ue ie beluguejè ; pièi, prenguè sa mounino :
Avien dos tèssto li galino,
Chasque dimenchè, e pus souvènt.

— Vaqui, quaucun diguè, coume un defaut nous vèn :
Aquel ome d'aqui s'abéuravo d'eigasso ;
A jouga 'mé lou vin, e s'es fach ibrougnasso ;
L'ai vist dins lou regon e de-mourre-bourdoun,
A soun entour li gus dansant lou rigadoun ! —

Un jour que pèr fourtuno ausiguè 'n savènt prèire,
Jurè subre lou Crist que sarié plus bevèire,
De tourna béure l'aigo e de se blanqueja...
Aguè bèu lou voulé, pousquè plus se chanja.

Es forço dangeirous de jouga 'mè lou vice :
Un béu-l'aigo vèn lèu boun-bonn coume un Souïsse ;
 Mai lôn contro es pas tant eïsa :
L'esperiènci nous dis de pas se ie fisa.

AGUSTIN BOUDIN.

Avignoun, 1869.

LOU GROS ARTÈU

Uno niue que fasié luno, Brancai lou Pantaiaire èro coucha dins sa feniero ; e, coume fan li gènt qu'à la feniero couchon, — aguènt, pèr s'encepeirouna, nousa lou caire d'ou linçou, lou linçou restavo court, e soun pèd sourtié deforo.

E Brancai penecavo e pantaiaivo entre-dourmi... Tout-en-un-cop vai vèire un gârri que testejava vers si pèd :

— Frrr ! frrr ! venguè Brancai.

Mai lou gârri brandavo pas.

— Frrr ! frrr ! ratun d'ou diable !

Lou gârri arrougant voulié pas s'enana... Meme, au clar de la luno, semblavo s'enarca pèr ie faire la figo.

— Ah ! o ? diguè Brancai, as l'èr de te trufa de iéu ? Espèro, espèro...

Plan, plan, aganto soun bastoun, un rebatun coume lou bras, — e pan ! lou mando au gârri.

— Ai !

Aquén bedigas se piquè sus l'artèu, sus soun paure gros artèu qu'avié pres pèr un gârri.

LOU CASCARELET.

Un nas gros coume un congourdoun
Es uno causo bèn moustrouso.
Touto bevèndo qu'es viscouso
Noun vau rên pèr lou gargassoun.
Noun li a ges de meissant garcoun
Que noun trobe enfin qu lou dounto.
Tout lou bestiari que si mounto
Mérito d'estre caressa.

CASCARELUN

A J.-B. GAUT

Marto, quand laves au canau,
Cascarelejes de prepau
Aigre coume lou cat que miaulo.

Ah ! pico, pico mai-que-mai ;
Toun bacelas fara jamais
Brut tant pounchu que ti paraulo.

Lou noum que toun rire bandis
De bouco en bouco reboundis
Coume un voulant sus li raqueto ;

Dises que Pèire atènd Nanoun ;
Que la devoto Isabeloun
Dôu sermoun tourno pas souleto ;

Sus li marquès, li capelan,
Quand ta lengo pren soun balan,
Fau entendre coume li meno !

Dis que pau d'or fai trop de brut,
Que lou bestiari sournaru
Courris pas tout dins lis Arenò.

Fas coumprendre que, s'èron fin,
Quand van à soun mas, ti vesin
Enmenarien si dos chatouno ;

Que sauprié mies, moussu Coulau,
Co que se passo à soun oustau,
S'avié l'imour mens galantouno.

Malur, se, pèr te rebecca,
Quauque imprudent vai s'embrounca !
Jamais s'es vist eissam d'abiho

Tant pognènt e tant brusissènt
Que ço que ie fan, en risènt,
Ploure femo, bacèu e fiho...

Chato, se Diéu vous a beila
Rire tant fres, tant fin parla,
Es-ti pèr que pènze quau passo,

En escoutant vòsti prepau,
Que l'aigo e li bord d'ou canau
Soun plen de granouio e d'agasso ?...

Se fai perleja vòsti dènt,
Es-ti pèr n'estrifa li gènt
Que, pecaire ! à vous soumjon gaire ?...

Ah ! quand lusisson vòstis ine,
Es pèr qu'enluminon la nune
Qu'à noste cor vèn de tout caire,

E noun pèr ie faire passa
Li belugo di laid pensa...
Femo, leissas-me vous lou dire,

Vous plais trop de faire trima ;
Un soul mot que vous fague ama
Vau mies que tout ço que fai rire.

JULI CANOUNGE.

Nîmes.

COUPLIMEN DE MARIAGE

Mèste Franc èro sant Jan Bouco-d'or, e quand disié quaucareu, se ie metiè de san, ie metiè pas toujour d'òli. Rescontro un jour Tounioun, qu'aviè pas vist despiei long-tèms. Tounioun èro alisca, penchina, rasa-de-fres.

- O Tounioun, fai Mèste Franc, ounte vas ansin tant bèu ?
- Me sièu marida de-matin.
- Marida ? mai emé quau, se sièu pas trop curious ?
- Emé Mieto Rancurello.
- Rancurello la Grelado ?
- Acò 's acò.
- Aquelo tant laidò ?
- Just !
- Oh ! sacre porc !

LOU CASCARELET.

LI PLAGNUN DE LA VILLA-BOZON

I

En me permenant, lou matin,
Quand sus l'erbo de ma pradello
O sus lou gravié dóu camin
Trove de dous petoun uno traço nouvello...
Noun, noun ! soun pas li siéu ! moun cor adoulenti
Pèr l'alén de la Mort se sènt afrejouli.

Dins la sebisso, à l'oumbro dóu bouscage
Qu'alar un enfantoun
De la bouscarlo imite lou ramage
O fague entendre uno cansoun...
Noun, noun ! es pas sa voues tant lindo e tant clareto,
Mai ie ressemblo un pau pèr me faire ligueto,
E, rendènt plus crudèlo encaro ma doulour,
Chanjo mi pâuris iue en dous regòu de plour.
Noun, noun ! la veirai plus la traço tant amado
De si galant petoun !
De sa voues e de si cansoun,
Noun, noun ! ausirai plus la douço serenado !

II

Coume lou Paradis un jardin sarié bèu,
Que, sèns enfant, fugue drole o chatouno,
Aquéu bèu Paradis sarié (moun Diéu, perdouno !)
Uno auceliéro sèns aucèu,
E mounte lou languì m'aurié gagna bèn lèu.

Es acò que disiéu, meme de ma bastido
Pèr l'alén dóu printèms embaumado e flourido,
Touto pleno d'aucèu sout lou fuiage verd ;
Mai, despièi qu'à l'enfant, courouno de ma vido,
Branqueto pèr la Mort avans soun tour culido,
L'ort celestiau, ai ! s'es dubert,
Coume un roucas tout nus au mitan d'un desert,
Lou miéu es uno terro arido.

III

Quand dins moun amarun se mesclo un rai de mèu,
Ai sounja quàuqui-fes que, di jardin dóu cèu

Leissant lou gravié d'or, li flour, que soun d'estello,
Moun Pauloun, un moumen, vèn sus nosto pradello,
Pièi, soun bras à moun bras, e tirant tóuti dous,
Ajudo soun vièi paire à supourta sa crous...

Se soulamen poudiéu, sounge avalì, te crèire,
O se poudiéu l'ausi, que noun *lou* pode vèire !
Mai Dién, lou Diéu jalous, dins si councert d'anjou, n,
Gardo pèr éu soulet lou cant de moun Pauloun !

AMADIÉU PICHOT.

Villa-Bozon, 1869.

LA BAGNADURO

Ero un jour que plouvié, e n'en toumbavo à bro ! Tounin, un grand bidourias de dès-e-nòu an, dins lou champ se permenavo, à la plueio, nus coume un verme.

Pèr pas li peri, avié mes si vièsti à la sousto dins la borno d'un sause !

— Oh ! lou pourcas ! Auses ? ie diguè lou gardi, en ie declarant soun verbau. Vai t'abiha, vai !

— Bagnas-vous tant que voudrés, vous, ie diguè Tounin. Acè vous arregardo : iéu, vole pas me bagna.

LOU CASCARELET.

BONO ANNADO

A MA SORRE

Ma gènto sorre,
D'aquí-que more
Iéu t'amarai :

E tu, sourreto,
Bravo Leleto,
M'ames bèn mai !

Donc bono annado
Acoumpagnado
De mai de vint,

E couronnado
De l'alénado
Dóu fres matin !

En sajo fiho,
Amo Mario
E lou bon Diéu ;

E te fague orre
Sèmpre, ma sorre,
L'Esprit catiéu.

De la vióuleto
Agues, Leleto,
L'umelita ;

E que ta vido
Siegue cafido
De carita.

Gènto sourreto,
Bravo Leleto,
Après moun Diéu,

Es tu, sourreto
Es tu, Leleto,
Qu'ame lou miéu !

LOUIS BRES.

Bedarrido, 1868.

LA DECO

Mouracho avié vendu dès escut sonn ase à Zezet de Sant-Savourin, e i'avié garanti sènsò deco.

Zezet s'avise lèu que l'ase èro avugle, e lèu courreguè vers Mouracho :

- Mouracho, ie diguè, sies un gusas !
- Un gusas !
- Un gusas ! M'as garanti sènsò deco l'ase que m'as vendu...
- E queto deco a l'ase que t'ai vendu ?
- Es borgne di dous iue !

- Alor Mouracho crebè dón rire, e ie diguè :
— Apelles acò 'no deco, tu, Zezet ?
— Ah ! bèn, pèr aro ! e de-qu'èi ?
— Un gros malur, Zezet, un gros malur !!

LOU CASCARELET.

LI FUEIO MORTO

A TEODOR AUBANÈU

Lou tèms èro frejas, sian pèr lis óulivado ;
I branco fernissien li fueio rouvihado ;
La fourèst esclargido èro d'or au soulèn,
E lou soulèn tremount èro triste emai bèn ;
E vesiei plus la vilo, e dins lou bos anave :
Car vièl ame toujours ço que jouvènt amave,
Vèire dins li trescamp s'amoussa lou grand lum,
E di mas dins l'espaci alin mounta lou fum.

Dins li draiòu perdu m'estrifave i bambueio,
Escoutant dins lou vènt la sinfòni di fueio,
Regardant à mi pèd crèisse lou mouloun rous
Que sèns repaus couchavo un soufle despietous,
D'eica, d'eila, pertout, dins li vabre e lis aire,
Jusquo que lis aguèsse enterrado en un caire.
E li fueio plónvien toujours dis aubre en dòn ;
L'auro n'en ramassè 'no faudalado au sòn,
E folo, e mai-que-mai virouiant dins l'andano,
Lis escampè d'un cop plus aut que li platano...
Li mirave e disièi : « Van retoumba sus ièu ! »
Quand li fueio, d'amount, faguèron *rièu-chièu-chièu* !

S'estèrè espavourdi, bèn felibre, devino :
Ço que cresiei de fueio èro un vòu d'aucelino.

E tournant me pensave : A l'ome eiçò retrai ;
La fueio es noste vièsti, *aquèu ço que noun sai*,
Qu'un vènt negras counsejo e que jito à la toumbo,
E l'aucelino es l'amo, immourtalo paloumbo !

JAN DE LA TOURMAGNO.

Nîmes, Novèmbre 1868.

Tau crèi mouri boudenfle que mor passi.

LOU PÈIS

Tóuti li dimenche, Miquèu lou Flamand, de Ceto, douno vint sòu à un Simounet, un droulas qu'èi manobro, un galo-bon-tèms sour-aru ; e, tóuti li dilun, paire prudent, ie demando l'usage que n'a fa. L'autre dilun, Miquèu Flamand diguè à Simounet :

— Simounet, eici ! Qu'as fa de ti vint sòu.

— Paire, respoundeguè, me siéu ana permena, peraqui de-long la eirado.

— Simounet, te demande ço qu'as fa de ti vint sòu ?

— Paire, n'ai manja de pèis.

— Ah ! de pèis ! As manja pèr vint sòu de pèis ?

— Oh ! mai, paire, i'avié de pan.

— E pèr quant i'avié de pan ?

— Pèr quant i'avié de pan ? Eh ! n'i'avié... n'i'avié pèr dous sòu, aire.

— Alor, as manja dès-e-vue sòu de pèis ?

— Paire, i'avié de vin pèr béure.

— Ah ! i'avié de vin ! E pèr quant, Simounet ?

— Pèr vue sòu, paire.

— As dounc manja dès sòu de pèis ?

— Vesès, paire, i'avié 'n pau de car.

— Ah ! i'avié de car ! E pèr quant ?

— Pèr quatre sòu. Voulès n'en veni ?...

— N'en vole veni... qu'as dounc manja pèr sièis sòu de pèis.

— Ehèi, paire, acò vèn pièi en ôdi ? Ero dimenche, aïer, couquin e iéu !

— Disian dounc, Simounet, qu'as manja pèr sièis sòu de pèis ?

— I'avié 'n brout d'ensalado, un tros de froumai, e quàuqui ba-iquello, aperaqui...

— E pèr quant, Simounet ?

— Eh ! paire, n'i'avié bèn... pèr sièis sòu.

— E sièis, soun vint sòu, que fan vint. E lou pèis, gusas, lou pèis ?

— E bèn ! amor que voulès toujours tout saupre, paire : lou pèis, viéu rauba...

LOU CASCARELET.

Pèr santo Catarino

Lì sardino

Viron l'esquino ;

Pèr sant Blai,

Revènon mai.

LA POUESIO PROUVENÇALO

SOUTO RAMOUN-BERENGUÏÉ IV E BEATRIS DE PROUVENÇO,

Pèço courounado i Jo Flourau d'Ais

A MA CLEMÈNÇO, QU'ES MORTO

I

O saume sublime dei plano,
Ecò dei baus, erso dei mar,
Giscle de l'auro dins lei cano,
Revoulunado dóu vènt-larg,
Cant dóu Ventour e deis Aupiho,
Murmur dóu riéu, rire dei fiho,
Calas vouéstei councert tant dous...
Moun couer desboundo ! — Chut, jouvènço !
Rose, escouto ! escouto, Durènço !
Vàutrei, roussignòn, teisas-vous !...

II

La guerro dins lou sang s'abèuro, aferounado...
La Prouvènço s'aubouro : ourlo, descaussanado,
Pèr apara sei liberta ;
E lou fèrri, e lou fue, e l'orro chapladisso,
Mescelon sei crid de mort, afrouso trounadisso
Que pico au front de la Countat.

Vers lou Miejour lou Nord davalo :
Negre, ferouge, sourné e rau,
Lando, empourta sus lei cavalo,
E bramo coume lou mistrau :
Dins Avignoun, Arle e Marsiho,
L'amour patriau se reviho,
Endihant, fièr, ardènt e viéu...
Au pèd dei tourre merletado,
Vèn plus la regretouso Aubado :
Soulas, joie e poutoun, adieu !

O Ninfo, cor d'elèi, amo agradanto e fino,
Que, dins lei ferigoulo, embaumas, à l'oumbrino,

Coume un bouquet de jaussemin,
Chanjas vouesto armounio en tristo plagnitudo !
Ounte soun leis ouchage, ounte èi la soulitudo
Dôu gai bousquet de Roumanin ?...

Ai ! la flamo, terrible glâri,
Devouris leis aubre ôudourous ;
Lei domo fres e seculâri
Escoundon plus leis amoureux ;
La Balado, que danso e sauto,
E qu'a de rouito sus lei gauto,
Retèn sei Brande e sei Cansoun ;
— Chivalié, gèntei damisello,
Emé sei luchô encantarello,
Ounte s'enauro la Tensoun ?...

Prouvènço, toun cèu blu, toun soulèu qu'esbrihaudo,
Tei flour, e de toun sen leis alenado caudo,
Èron dins un celèste acord ;
E Ramoun-Berenguié vengué de Catalougno
Pèr courouna toun front de perlo ; e ta zambougno
Faguè vibra sei cordo d'or.

Ta lengo douço e clarinello
Dins lou mounde s'espandiguè ;
A la bèuta de Doucinello
Touto la terro aplaudiguè ;
E ta pouèsio à flour d'amo,
Tèndro espèro, grâci, calamo,
Musico divino d'amour,
Printèms eterne e bresihage
Deis auceloun dins lou bouscage,
Ispirè lei gai Troubadour.

La lèi d'amour tenié leis amo encadenado :
Sourrire dous, regard de la Damo adourado,
E badinage enfantouli,
Revarié trelusènto e fèsto majestouso,
Prouvènço, dei cantaire à la voues melicouso
Èmpurèron leis èr pouli.

E lei Troubadour galejaire,
La plumo de gau au capèu,
Alerto, courtés, guerrejaire,
Seguissien l'amoureux drapèu ;

A l'Italio tant flourido,
A l'Alemagno enfrejourido,
Dounères tei poutoun brulant ;
E leis Anglès, sus la mar semo,
Au murmur bressaire dei remo
Lèu apoundeguèron tei cant...

O bèu tèms ! S'ausissié, dins lei flour embaumado,
Preiero puro, encèns, la tèndro Serenado
Que plouravo lou jour fali :
Bernat de Ventadour, Guilhèm e Vidau Pèire,
Dóu rai que s'espandis sus vouèstei front risèire
Lou pur trelus vai s'esvali...

Oh ! que vouésteis amo encantado
Prençon lou dóu, o Troubadour ! —
Lei court galanto soun barrado
E soun mut leis arrèst d'amour.
Vès ! tout lou Miejour es en flamo :
Dóu Serventès tiras la lamo ;
Isso ! ome d'armo, aubouras-vous !
Uiausso e trono : dan ! jouvèngo,
Fasès bàrri, pèr la Prouvèngo,
De vouéstei pitre courajous !

Courron lei nivoulaç dins l'azur. La tempèsto,
Enmaliciado, mounto e vejo sus lei tèsto
E soun regounfle e soun desbord :
Sèmble que leis infèr an larga sei demòni ;
Boufo lou vènt-terrau ; e sono leis angòni
Dei Pastourello e dóu Descort.

Dei defensour l'ardour s'alumo.
Tu, noble Gui de Cavaïoun,
Lou proumié dins l'erme que fumo
Desplegues noneste pavaïoun ;
A ta voues ponderonso e forto,
Coume se lon vènt leis emporto,
Ardit ! landon lei Prouvençau :
Guilhèm Rainols, Cardmau Pèire,
Leissas lei cant d'amour à rèire,
Entounas l'inne patriau !

Bertrand l'Avignounen, Carbounèn de Marsiho,
Richard de Tarascoun, vautreï blòundeis abiho.
Avès proun poutouna de flour !...
Aro, dóu Serventès que lon fue vous abrase !

D'aut ! contro vouéstei cors fau que lou Nord s'agrase !
Prenès vanc pèr courre à l'ounour !

Soun tôtei preste pèr se batre,
L'espaso es fouero d'ou fourrèu...
Ai ! las ! Ramoun-Berenguié Quatre
Fai bando emé nouéstei bourrèu !...
Lei guerrié chauchon leis espigo :
Comte, lou mau-sort nous trafigo,
E tu nous renègues ! Ourrou !
Troubaire, enauraves la glòri
De noueste Gai-Sabé tant flòri,
E vuei n'en trenques l'esplendour !

Entouno un cant de mort, Beatris ! Que dins l'aire
Resclantisson lei bram dei nègrei cavaucaire ;
E la rumour que s'espandis
Espavènto lou Rose, esfraïo la Durènço ;
Leis un cridon : Mount-Fort ! e leis àutrei : Prouvènço !
Dins lou terrible mescladis.

Mai, la vitòri nous escapo...
O moun Diéu, fasès me mourir !
E lou Nord brutau nous aclapo,
E la flamo a tout devouri !
Prouvènço, tei plago pognènto
Matrasson moun amo doulènto :
Es toumba toun drapèu d'azur !
Ta liberta fernis e plouro ;
Ta lengo es à sa darriero ouro,
E tei cant soun fini ! — Malur !

III

Noun, mouriras jamai, sublimo Pouësio !
E toujour de toun sen coularan l'ambrousio,
La liberta santo e l'amour :
Tu que dins Roumanïho as empura ta flamo,
Qu'em'un regard as fa regreïa dins soun amo
Lou sang dei proumié Troubadour ;

Tu qu'as dins Aubanèu madura la Mióugrano ;
Tu qu'as cenchia lou front de Mistrau de Maïano
D'ou plus resplendènt de tei rai,
Muso, tu qu'as veja l'amour de la Prouvènço
Dins lou cor dei felibre e dins nouesto jouvènço,
Noun, noun ! mouriras plus jamai !

JAN MONNÉ.

LA MARRIDO ANNADO

Un dimenche, moun paure grand, — davans Diéu fugue ! — Maussano èro ana pèr vèire e tasta d'òli.

Mai avans, à la messo anè. E, coume, quand lou capelan aguè di l' siéuno, avié pancaro acaba la messo de sis Ouro (plan legissié moun paure grand), sourtiguè de la glèiso lou darriè ; e m'acò veguè, contr' lou piéloun que visajo l'autar de Sant Aloï, un paure ome à geinoun.

A geinoun, lou paure ome se signavo, e se signavo pièi mai, beisavo pièi lou sòu umblamen, e pièi se tabassavo lou pître, e fasi pièi lis iue blanc, de grands iue blanc, en regardant amount, li bra en crous, e, pecaire ! plouravo coume uno Madaleno.

En vesèt lou crestian qu'ansin se despoutentavo, moun grand pousquè pas se teni :

— Sant ome, ie fai, mai que vous arribo ? Es pas pèr dire, lou pre nès forço au viéu ! Eh ! plan-plan ! qu'acò vous farié mau !

— Moun grand Diéu, nous abandonés pas !...

— Diéu es un bon Paire, anen ! e grando èi sa misericòrdi. Fau pa èstre ansin ! Quauque gros malur vous...

— Ah ! vès, me n'en parlès pas, que, s'eiçò duro, sian perdu. Marrido, marrido annado ! Ges de travai, se gagno rèn. Nous fau pamen de pan, o moun bèu Diéu ! de pan pèr ieu e pèr la femo !

— Fau pas se desoula coume acò, car, finalamen, res mor de fa en aquest mounde.

— Marrido annado, vous dise ! ah ! bèn marrido !

— E que mestlé fasès, se siéu pas trop curious ?

— Siéu entarro-mort, pèr vous servi, brave ome.

— Oh !... Ah ! bèn, tè, sies veritablamen trop bon, ie diguè mou grand.

E lèu courreguè tasta soun òli.

LOU CASCARELET.

A MADAMO DE V***

QUE VENGUÈ VESITA NOSTE PAIS

Vous qu'abitas la grando vilo,
La grando vilo de Paris,
Que, coume au cèn l'estello filo,
Passas dins noste laid païs, —
N'empourtarès la souvenènço
Rèn que de vòstei counceissènço
Qu'anas leissa dins lou chagrin :
Car n'avèn, dins nòstei mountagno,
Que lei flour qu'arrosò l'eigagno,
E deïs auceloun lou refrin.

N'avèn que de vièiei masuro.
De cabanoun e de casau,
D'enfant abari dins la duro
Qu'ivèr-estièu marchon descau :
Perqué venès de vosto terro
Pèr vesita talo misèro ?
Qu'a de curiéus noste païs ?
L'on entend pertout d'aucelino,
De roussignôu, de cardelino...
Canton eici coumo à Paris.

Sout nôstei roucas i'a de mousso
Ounte l'on s'assèto à lesi,
E dins lei boues la branco poussô,
Se tors d'ounte li fai plesi.
N'avèn ges de camin de ferre
Que vous aduson, vous van querre
Emé la vapour en siblant,
Qu'espavènto la bergeireto
E seis agnèu e sei cabreto,
Que toutei courron en bramant.

Oh ! quand Paris se percepito
Tant sus lou dous que sus l'amar,
Que dins lei carriero s'agito
Coumo leis oundo de là mar,
Pensarés à noste terraire
Qu'es escaragna de tout caire
Emé la reïo à tai pounchu,
A nosto fiho bloundinello
Que laïssô ana coumo uno velo
Sei péu subre soun blanc fichu.

Sus-tout n'oublidés pas ma Muso,
Pichoto fiho dôu Pountias :
Soun lengage que vous amuso,
Quand vous dis soun galimatias :
E souventas-vous Louïseto
Que pèr èsse toujours fresqueto
Se causso emé de gros patin,
Vous qu'amavias sa cansouneto
E soun brout de ferigouleto
Dins un bouquet de jansemin.

LA PECAIRIS

A Menerbo — (pas Menerbo de Prouvenco, Menerbo en Lengad
un capelan prechavo sus li mal-adoubaï d'ou femelan, car, di
vièi prouvèrbi,

A Menerbo
Mai de couquièu que de péu d'erbo.

E lou presicadou s'amaliciant e brassejant : « N'i'a unoubre t
diguè tout-à-n-un-cop, uno descabestrado, uno desbadarnado, o
la vergougno d'ou païs ; e, se me tenièu pas, en' un cop de l
net... » Acò disènt, faguè lou gèste pèr manda soun bounet su
femello pecairis... E touti li femo courbèron la tèsto.

LOU CASCARELET.

A LA VILO D'ANDUZO

VERS RECITA AU COUNCOURS POUETI D'AQUELO VILO (13 DE SETÈMBRE

(Parla de Lengadò)

D'acò i'a sièis cènts ans : Claro, noblo Anduzenco,
Aici meme tenniè flourido Court d'Amour ;
Sèt Damos causissiè dins nosto Gardounenco,
Bellos, e i'ajougniè sèt fes un Troubadour.

Emb' acò lou galant tribunal s'assetavo
Pèr ausi lou canta das troubaïres venguts ;
Cadun aviè soun tour, e quau lou mièl cantavo
De Claro reçaiviè *Joïos e Pres* dènguts.

Iuei, après tant de tèms, vesèn causo parièiro :
De damos i'a qu'on crèi de flous èstre un jardi !
De toutes las cansous ausido es la darrièiro,
Claro vai courouna lous que lou mièl an di.

— Claro, diran, quau es ? — Es tu, vilo d'Anduzo,
Que te siès remembra toun antique passa !
Dins l'istòrio ta man s'à tant de glòrio aduso,
Dins ta faudo vos iuei bèn mai n'en recassa.

E n'en recassaras à rèndre vergougneusos
Tas sorres de Gardou, que lèu te seguiran ;
De faire coumo tu toutes estènt jalousos,
Pèr lou païs Raïou lous bènns jours revendran.

Car es pas tout d'avedre uno naturo richo,
Un sòu que fai de taut : argènt, ferre, carbou ;
D'avedre uno endustrio ininènso... L'ase fieho,
S'acò 's rèn quand i'a pas quicon de mai au bout !

Aquel quicon es l'Art, l'Art, amo de la vido
Das poples, que sèns el fan qu'un cadabre... Adounc,
Anduzo, glòrio à tu ! Ciéutat, siegues ravidò :
Pouèsio t'abéuro à soun se tout redoun !

Soun la dins l'aveni te fara crèisse forto.
Vai, countünio d'aima lou traval e lou Bèu ;
Sèmpe à l'Art, coume iuei, grandò drouvis ta por
Subre-tout dáu passat tèngues aut lou drapèu.

O moun Anduzo ! iéu vole te dire : Claro,
Toujour coumo davans saras poulido, qu'as,
Pèr refresca toun cors, de Gardou l'aigò claro.
E l'aire santarous que giselo dáu roucas.

Tambè tant que veiran, rèino de la mountagno,
D'oulivié, de rasins toun front enramela,
E tas perlos de dents moussigant la castagno,
E, paré 'mb' un cantou de l'azur estela,

Lou vèsti que cade an lou verme de la sedo
Te n'en fielo un nouvel, dins lou brusc escalant ;
E tant qu'auras pèr l'Art aquel amour qu'assedo,
S'envendran mai-que-mai, einb' un biais tout galant,

Lous Felibres galois qu'an pas fre dins las venos,
De-vers tu s'envendran, Claro, pèr te canta ;
E te lausaran tant, que las grandos Cevenos
Noun auran prou d'ecòs pèr lou tout repeta !

A. ARNAVIELLE.

. LOU TROS D'OR

Dins la basso Prouvènço, l'on se trufo di Gavot despièi que mounde es mounde. Mal à prepaüs ; e Cesar Nostradamus disié déjà en parlant d'èli : *Peuple fort rude et merveilleusement grossier quant à l'habillement et au parler, mais caut, rusé et subtil à ses affaires propres, dont est né le proverbe : C'est un faux Gavot.* Lou Gavot, coume se dis, n'a de groussié que la raubo : vaqui la verita.

L'autre an, un mountagnòu, dis environ de Fourcauquié, se t vavo dins Marsiho, emé lou pouchoun pas trop fourni : « Se pou emplir toun vèntre sus barbo de Pian, se diguè lou cambarado, s tant d'espargna ! » E'mé si braio de bourreto, sa vèsto de cadis gros soulié tacha, intro vers un orfabre :

— Bonjour, Moussu !

— Bonjour.

— Quand poudrié valé, peraqüi, pereila, un tros d'or un pau que l'on aurié trouva...

— Acò depènd, moun bon : fau que se pese.

— Va sàbi bèn ; mai un tros d'or, vesès, que l'on aurié trouva cavant dins la terro, e que sarié, meten, coume lou poug...

— Pode pas vous lou dire sènso lou passa i balanço.

— Eh ! bèn, alor, Moussu, pourtas-vous bèn : vau vèire de manjo moussèu....

— Mai v'enanas ansin ? diguè lou Marsihés (que niflavo un bon afa Venès, venès, bon-ome, que dinaren ensèn.

— Moussu, sias bèn ounèste, vous farai pas desdire, repliqué Gavot.

E s'entaulo emé l'orfabre — que se fai un plesi de cafi soun ass emai d'emplir soun got. Lou boulit, lou roustit, e meme lou vin v e bono carò d'oste, rèn manco. Lou Gavot manjo coume un rassa bèn coume un trau, e charro, serious coume un papo, e rouge cou un Grè. Pièi, quand la taulo es neto e li boutiho vuejo :

— Mai, vejan, aquéu tros d'or, diguè lou Marsihès, l'avès adu vous ?

— Ha ! diguè lou finocho, avès pas bèn coumprès ! Aquéu tros d moussu, es tandigan uno supousicioun que m'es vengudo pèr id en vesènt li daurèio que pendoulon aqui darriè voste vitrage...

Quau fuguè nè ?

LOU CASCARELET.

SIMPLESSO

A MADAMISELLO N. DE P.

Roso e Janeto
A si couifeto
N'an pa 'n riban ;
Mai soun poulido,
Afrescoulido
Pèr si quinge an.

Que soun galoio,
Sènso beloio !
Coume an lou biai,
Quand sus l'erbetò
Fan risereto
Au mes de Mai !

Soun pas trenado,
Enribanado
A si bèu péu ;
E rên ie manco,
Gentounò, franco,
Bono peréu.

Lou cor amaire,
Emé si maire
Vèspre e matin
Fan sa preguièro,
Urouso e fièro
De soun destin.

Long de la draio
Van sèmpre gaio,
Gardant si biòu ;
Dins li pinedo,
Emé si fedo
Iston sèns pòu.

Oh ! sa simplessò,
Dins sa belessò,
Tant me fai gau
Qu'emé ma liro
Èici m'atiro
Dintre la vau.

— Cuiès d'amouro,
Bràvi pastouro,
Cantas au riéu,
L'amo innoucènto,
Trefoulissènto
D'èstre emé Diéu !

O chatouneto,
Vòsti couifeto
N'an pa 'n riban ;
Mai sias poulido,
Afrescoulido :
Avès quinge an !

ROUMIÉ MARCELIN.

(Tira de *Long-dou-camin.*)

LA BAUCO

Lou Rouman, de Maiano, avié fa li gròssi guerro de la Rev
cioun ; e l'apelavon *lou Rouman*, d'oumaci avié vist Roumo. Q
tourné de l'armado, lis ami, li vesin, tóuti l'envirounéron p
touca la man ; e, coume venié de Roumo :

— Parlo-nous un pau de Roumo, ie diguèron, que ? hòu !
qu'es tant bello, Roumo...

— Ah ! lou crese, qu'es bello ! fagué noste sòudard : au ch
dins li carriero, sus li plaço, pertout, uno baucò, vesès, enjusq
centuro ! Oh ! queto baucò ! oh ! queto baucò ! Tant que ie sian
mi bons ami de Diéu, ai pensa qu'à noste ase.

Lou miserable ! avié vist dins Roumo que de baucò !

LOU CASCARELET.

LEIS ALO

D'alo ! d'alo, jouvènt ! Oh ! cercas tóutei d'alo,
E l'espàci, coumo l'aucèn :
De la Muso assajas lei plumo à vouesto espalo ;
Voulès vous enaura vers lei causo inmourtalo
Ei vàstei planuro dóu cèn !

Dins lou mounde terren l'amo es encadenado,
E sèmpre arregardo eilamount,
Ounte boufo, en tout tèm, uno siavo alenado,
Ounte de l'Eternan luse l'escandihado,
Despièi l'aubo jusqu'au tremount.

D'alo ! d'alo ! n'en fau au pouèto sounjaire,
Au filousofe, à l'escrivan,

Aquéleis auturous e valènt lavouraire
Que vouen tira sa rego au celestiau terraire,
Ounte l'esprit e l'encens van.

Aquéu que, lou proumié, sus la mar auto o semo,
Sènso tremoula pèr seis oues,
S'asardè dins un trounc boulega pèr lei remo,
O despleguè la velo à l'aubre dei triremo,
Pourgiguè d'alo au flo de boues.

Aquéu que de la pèiro o dóu maubre saup traire
A la lumiero un mounde viéu,
O que tèn lou pincèu pouderos, lugrejaire
A l'alo de l'engèni, e, sublime voulaire,
Es lou manobro dóu bouen Diéu.

Aquéu qu'arrapo au nién lou tron, dius soun audàci,
Que bandis sus un fiéu d'aram
La belugo qu'escrîu à travès de l'espaci,
Dóu viéi mounde espanta renouvello la faci
Pèr soun estrambord devourant.

Aquéu que dei canoun vòu relarga la draio,
E qu'adèubo d'engen plus fouert
Pèr lou chaple dei gènt, fusiéu, poumpo à mitraio,
Angi destrüssi, duerbe, agrandis, escaraio
Leis alo negro de la Mouert.

La fiheto que sènte, au founs de sa peitrino,
Créma l'amourous recalieu,
Que s'enrouito e devèn coumo-uno cremesino :
— Oh ! s'aviéu d'alo, dis, quand ves toumba l'oumbrino,
Vers moun bèu coumo voulariéu !

Lou martir de la fe, couer que jamai variaio
Pèr afourti Diéu o soun dre,
Que jamai lou peiròu ni la destrau esfraio,
Sus d'alo s'enfugis vers la celesto draio
Ounte l'amo volo tout dre.

Avien d'alo peréu leis enfant de Prouvènço,
Lei viéi troubaire dóu Miejour,
Que, dintre guerro e chaple, aguèron l'enchainènço
De semondre au païs l'agradivo chabènço
De sei cant de glòri e d'amour.

Avien d'alo peréu lei chivalié de fèrri,
Que, pèr l'ounour o pèr la fe,
Au levant, au pounènt, au nòrd, au treboulèri,
A coucho d'esperoun butavon sei jumèrri,
En si pensant : Fa toun devé !

Pourtavon sus lou couer lei coulour de sei damo :
Courrien dins lou mounde espanta ;
Lou catiéu tremoulavo au trelus de sei lamo ;
Sa lanço, qu'uiaussavo, emé sa vivo flamo
Fasié lume à l'umanita.

Sus l'alo dei cresènt dins l'Asio voulavon ;
Lei fiéu de Mahom, à soun crid :
Dieu lou vòu ! coume un prat qu'es sega, devalavon ;
E lei fièr chivalié, d'à-geinous, deliéuravon
Lou sant toumbèu de Jésus-Crist.

Eh ! li falié-ti pas d'alo, e de gràndeis alo.
Pèr enaura peréu sei couer,
Eis ome espetaclous, ei raço couloussalo
Que de la Liberta fan lusi leis annalo,
Ei grand, ei valènt em'ei fouert !

La Liberta, la santo e la fegoundo maire,
Amo ni nebla ni passi :
Li fan de bèu jouvènt e de gaiard coumpaire.
E quau vòu de la bello èstre lou calignaire
Dèu avé d'alo pèr russi.

O Liberta, lou la de tei poussou roubusto,
Dòu quau trop lèu sian desmama,
Noun es pèr d'oumenet, pèr de pichóunei fusto,
E duerbes lou rejoun de ta peitrino agusto
Qu'ei mascle, eis ome d'estouma !

Tóutei leis amoureux de la granda divesso
Soun gènt d'engèni, e poudérons ;
Tóutei, pèr couquιστα la sublimo mestresso.
An pati lou martire, an viscu d'amarezzo.
O bèn ensaunousi sa crous...

Ansin, tout ço qu'es fouert e tout ço que coumando,
Touei leis esperit pensatiéu,
Tout couer dous o valènt, touto amo noblo e grando,

Co qu'encanto e sourris, a d'alo, o n'en demando,
A fin de s'auboura vers Diéu.

Alo, aleto, qu'anas sus lei plus àutei cimo,
Dei vièi Troubaire lei felen,
Cercon à s'enarta subre l'alo dei rimo,
En seguissènt, se pouen, vouéstei piado sublimo :
Dounas-li d'alo emai d'alén !

Iéu que vèni piéuta sus l'alo e sus l'aleto,
De l'alo sién sèmpre amoureux,
Coume lou passeroun, coume la dindouletto...
Mai moun amo n'a 'nca que la plumo fouleto,
Moun vòu n'es pas proun vigourous.

J. B. GAUT.

A-z-Ais, Abriéu 1869.

LA QUATRENCO FEMO

Un bourgès dóu Bourg-Sant-Andiòu rescountrè dins la carriero
ou vièi Mèste Cheilan abiha coume un nòvi.

— E mounte anas tant bèu, Mèste Cheilan, d'aquéstis ouro ?

— Me vau marida, sarnipabiéu !

— Vous remarida, Mèste Cheilan ! mai sias dounc véuse de vòsti
resénqui noco ?

— A vous faire plesi ! Mai, perqué lou bon Diéu s'enmalicio coume
acò à me leva mi femo, iéu m'enmaliciarai à me remarida, petard de
goi !

LOU CASCARELET.

LI MULATIÉ DE LA MOUNTAGNO NEGRO

A MOUN AMI JAN MONNÉ

Sian lis enfant de la mountagno,
La flour di valènt mulatié ;
Toustèms fasèn journau entié :
La caud, la fre, lou Cers, l'eigagno,
La nèu, nous trovon pèr campagno,
E sian la glòri dóu mestié.

Nautre, jamai rên nous arrêsto,
Marchan de-jour, marchan de-niue ;
Au trot galetan lou vin kiue ;
Sèmpre caminan à la lèsto :
Pèr nous aplanta fau de festo
E di chatoumo li bèus iue.

E sèmpre fasèn nosto plego,
Trimant à s'estrassa la pèu ;
La telo cirado au capèu,
Abriga dins nosto marrego,
Caminan, li pèd dins la rego
Dón travai — qu'es noste drapèu.

Au founs di vabre e sus li costo
S'entènd respeta nòsti fouit ;
Nòsti bardot, lon sang ie boui,
An tres det de car sus li costo :
E zôn ! ni quant vau ni quant costo,
Landon en arquetant soum coui.

En caminant, à pleno goulo
Trisson lou fen de soum mourrau ;
Greirias entèndre lon Mistran,
Quand passon, brandant li cimboulo,
Li redoun e la grosso boulo
Qu'es pendoulado à soum peitran.

Au bèn mitan de sis auriho
I'a'n plumet coulour de courau ;
Si dos vesiero e soum frountan
Sèmblon tres soulèn d'or que briho ;
E pièi, coume li bèlli fiho,
Soum cencha d'un poulit fandau.

Si que n'en passon, de draiolo,
La co trenado en catagan,
Li madu flouca de riban,
De flo de lano à l'espagnolo,
Tant-que li gènti mountagnolo
Nous badon entre que passan.

Quand sian parti pèr la descèndo,
Avian de lard en bèn quartié ;
Mountan de segue vint sestié

Croumpa 'mé li sòu de la vèndo,
E de vinet pèr la bevèndo
E d'òli pèr li bouratié.

Sian linge e fla coume de pergo,
Fasen tibra li courrejoun !
Lèu tastaren lou cambajoun :
Sian pas forço liuen de l'aubergo.
La chasso estacado à la vergo,
Chaplaren ço qu'an de rejoun.

Li bèsti sènton la civado ;
Lou primadié — qu'es un falet —
S'es espaça coume un foulet :
Tóuti seguisson l'abrivado,
E fan dinda sus li calado
Si fèrri coume de palet...

— L'oste, voulèn la retirado ;
Avèn perdu lou passo-avans...
Quau es pressa marche davans,
Partren qu'à la luno couchado,
E pèr acourchi la vihado,
Faren un brèu de buto-avans.

Que vèngon pièi li rat-de-cavo
Pèr nous arresta, li couquin !
E nous demanda s'es de vin
Que la caravano pourtavo,
Ie faren moussilia la gravo,
Se passon pas lèu souu camin...

Aquéu qu'en travessant li coumbo,
Ami, trouvè 'questo cansoun,
Vous lou dirai en dos resoun,
S'escound pas quand la pluejo toumbo :
Es nascu dins Santo Couloumbo
E couneigu pèr Pigassoun.

CLAR GLEIZES.

Arle, 23 d'Avoust 1869.

Li galino de Mano fan l'iòu à Fourcauquié.

MES DE MAI

A J. R.

La Naturo se reviho
E regreio
I poutoun d'ou souleias ;
D'alegresso tout tresano
Dins la plano,
Sus li serre e dins li mas.

D'ou crestén dis àuti colo
L'auro molo
Adus li prefum di flour ;
Dins li cor de ta jouvènço,
O Prouvènço !
Espelis la flour d'amour.

Sus li ribo di roubino,
A l'oumbrino
S'ausis un cant celestiau :
Es lou cant de la bouscarlo
Que nous parlo
D'ou bonur d'eilamoundaut.

D'abord que toutdins la vido
Nous counvido,
Fau ama, rire e prega ;
A la font de Ponèsio,
D'armounio,
Jouvènt, fau s'embriaga !

E tu que boutes en flamo
Nòstis amo,
Tu que fas fugi la Mort,
O Printèms, douno la voïo,
E la joïo,
E l'amour à nòsti cor ;

Pèr que t'outi te benigon,
E fernigon
Quand flouris lou mes de Mai :
Pèr que t'outi, aussant la fàci,
Rèndon gràci
Au sant noum de l'Adounai !

JORGI SAINT-RENÈ TAILLANDIER.

VERCENTOURIC

TROS DE DRAMO

(Parla de Lengadò)

SCENO XXXIX, LOU DEVOUAMEN

Grand plan davans uno porto d'Alesia. — Fennos e enfants que cridon e plou-ron (la darrièro batalho d'Alesia vèn d'èstre perdudo, e Cesar es vencidou).

GALÈS, *de dessus la tourre, au poutaliè*. Duerbe, duerbe lèu ! Vaqui Vercentouric.

LOU POURTALIÈ, *davalant de sa tourre*. O Diéu suprème ! Quàsi soul ! Tout es dounc finit !

LOU GALÈS. Ah ! tout, hou pos dire !

LOU poutaliè duerb : intron Veroudun e d'autres Galés ; pioi Vercentouric tout en sang, sènso casque e sènso blouquié, un moussèl d'espaso en man.

PETTA à Veroudun. Digo-m'hòu tu, amic, digo-me se Nan viéu encaro.

VEROUDUN. Ai las ! jouvo, es mort pèr lou glàsi ! Perqué iéu noun siéu mort tabè ?

PETTA. A Diéu plasegue dounc que noun ie subre-visque, soulo e abandounado ansin ! (*mor*).

Entremen que se parlon Veroudun e Petta, intro à bouldre lou pople d'Alesia : fennos, omes, enfants, drueides, bardes, ouvats, drueidessos.

LOU COR DAS MAUDUBS. O Vercentouric, moun rèi divin, que me dises ? Parlo vite ! Ount soun lous tiéus ?

VERCENTOURIC. Ah ! te donnarai la mort pèr ço que te vau dire. Lous miéus soun quasimen morts toutes pèr la man dóu Latin. L'armado de secours s'es avanido coume un fum. Tout es perduto. De tout l'ost qu'aviéi vaqui ço que me rèsto. (*Trais soun glàsi rout*).

COR DE FENNOS. Mau-sort, mau-sort sus iéu ! qu'anan veni ?

COR DAS MAUDUBS. O, que vau veni, o Vercentouric ?

COR DAS DRUEIDES. Pioi, qu'à chaplat lou cèl soun pacte embé lous omes, escoutas-me ! Sourten de la terro das Gals pèr la mort ! Qu'esto vilo e lou camp e las longos muralhos noun fagon qu'un grand bras-sas ! Tuen toutes lous nostres, e pioi au fioc que libèro traguen-nous : noun quiten que noste cèndre à Cesar. Ansin an fach, hou saves, lous Gals de las roujos terros d'Espagno, quand lous agèt vencits lou Latin.

COR DAS MAUDUBS. Coumo ! voudriés que tuèsse mas fennos, mas filhos, mous enfants, paures jouves à quau la vido es tant douço ?

Veiriés dounc sêso te fêdre lou cor la flambo jauno rouiga ta vilo? Ausiriés lou cridamen de 'ta filho se trasênt dins lou fioc? Noun seriés esmougut de vèire lou filh tua soun paire, lou Galès sa jouvo femmo qu'aimo, lou paire lou filh qu'a fach naisse? Ah! me garde lou Diéu d'ou cêl de vèire tal espetacle!

LOU COR DAS DRUEIDES. Vos dounc que Cesar te prengue tas filhos e las doune au souldat; que lou ferre rase, en sinne d'esclavitud, la longo cabeladuro de tous filhs, e que, las mans encadenados, siegon ravalats au cârri de Cesar? Malurôus que siéu! Noun saves dounc que quand seran grands, Roumo te lous prendra e lous fara tua dins sous tiatres pèr diverti lous siéus? Ah! pulèu que d'hou vèire, tuen lous toutes, traguen-nous ensèble dins la flambo que cremara la vilo. Lou que, de soun propre voulé, mor pèr lou ferre, en pleno counouissènço, renaiss mai onne dins lou céucle eternal. (*Vercetouric parèis reflecti en el*).

LOU COR DAS MAUDUBS. Ah! se vivon, save autant que tu quantes longs angônis lous espèron, e pamiens noun pode me resoudre à lous tua de ma man!

LOU COR DAS DRUEIDES. Eiéu, creses dounc que noun souffrirai, que noun cor noun crussira dins moun pitre, quand lous miéus mouriran? Mai au-mens, seran pas venduts as encants latins, pourtaran pas lou pur encêns subre l'antar das diéus de Cesar; la man impuro d'ou Latin noun embrutira lou noble sen de ma coumpagno: este ferre que veses la levra d'esclavitud e coupara soun long tourmen!

COR DE FENOS. Ah! se noun es d'autre port pèr me gara de la tempèsto, embé joïo, amic, moun sen s'ouffrira à la mort, embé joïo presenterai moun col au glâsi! Se noun ai qu'à mourir, tuo-me de ta man: qu'aquel triounfle siegue lou tiéu, aquel bonur lou miéu! A tout siéu presto, pioi-qu' hou vos.

LOUS TRES CORs ENSEMBLE. O, ges de delai: noun esperen Cesar que deman embé sous Latins escalara à bouldre mas muralhos. Aluquen lous fiocs e mouren!

VERCENTOURIC. Eh! que vos mourir? Vive pulèu pèr coumbatre e lucha 'ncaro! La clau de la vitòrio es la paciènço. Lou Cesar noun es immourtal, e se sies venci ioi, deman belèn seras venciou. Gardo dounc fisànço, e cochio la pensado qu'en tu a mountat.

LOU COR. Vèngue lèu lou jour que dises, o moun rèi! Mai venci coumo siéu aro, coussi pode empachia que Cesar noun vende mous filhs e liére en doun mas filhs?

VERCENTOURIC. Empacharai qu'ansin siegue, se dounes man à moun dessin.

LOU COR. Que noun m'hou dises dounc, s'hou veses poussible.

VERCENTOURIC. Saves s'es pèr me faire rèi, coumo hou dis Cesar, o pèr ta delièuranço, pèr la glòrio e la libertat de las terros galesos, que t'ai fach leva 'n armos. M'es testimoni lou grand Diéu que jamai

ai vougut de tu autre poudè que lou que m'as donnat. Mai pioi-qu'aro lou glâsi a' decidat contro iéu, moun cors t'apartèn. Satisfarai au Rouman pèr ma mort voulountàrio, o me liéuraras à-n-el, segound toun voulé. Ansin pourras, tu e lous tiéus, te sauva de la mort !

Lou Cor. Que iéu te liéurèsse à Cesar ! tu que teniéi e tène enca pèr moun sauvaire ! Jamai noun hou farai, n'en jure pèr lou Diéu ! aimariéi mai mourir !

VERCENTOURIC. Nouu me rebutes : es iéu soul que t'ai butat contro Cesar, es dounc pas la coulèro. Sènso ôdi e sènso amour, Cesar tuo

Lou Cor. Oh ! no, noun parles ansin, o Vercentouric : pulèu que d'hou faire, la destrau dóu Latin me cope las dos mans !

VERCENTOURIC. Resistes pas, hou vole. Siéu segur d'aflaqi pèr tu Cesar.

Lou Cor. Soungo ! l'iro de Cesar dèu èstre grandò contro iéu...

VERCENTOURIC. Cesar noun t'ahis, crèi-me iéu. Soun amo a pèr lèi l'interès e noun pas la coulèro. Sènso ôdi e sènso amour, Cesar tuo o perdouno. Se te fai guerro, noun es pèr-ço-que t'ahis, mai pèr èstre un jour rèi das siéus. Te perdounara dounc, se me liéures à-n-el. Iéu soul, soustèn èstre l'autour de tout mau ; dis que n'ai suscitât guerro que pèr me faire toun rèi à toujours. Pèr m'avedre entre sas mans espargnarié touto la terro galo. Noun resistes dounc mai, car ai resourgut dins iéu de manda este vèspre à Cesar.

Lou Cor. O moun rèi, las lagremos me rajon coumo d'aigo de-long de las gautos. Coussi te poudre remercia !

A. DE CLARENS.

Mont-pelié, 1869.

LOU PESCAIRE DOU ROSE

A ALBERT ARNAVIELLE

Lis oundo èron d'argènt, l'erbetò èro flourido,
En cantant vers soun nis venié la bouscarido...
D'apiela sus un ro, regardave eilamout
Nosto-Damo de Dom sus quau lou soulèu dono.
Que fasien gau li rai, li rai de la Madono,
De la Madono d'Avignoun !

E lou Rose en passant just bagnavo li pibo,
Li sause e li canèn que crèisson sus la ribo ;
Soun moubile cristau pourtavo lou batèu
D'un pescaire d'alanço : avié bounet de lano
E jargau cremesin... Sa cansoun de la plano
Ansin mountavo vers lou cèu :

— Anen ! pescaire, l'armounio
Noun es pas qu'à la cardouniho,
A l'onrgueno di bos de pin !
Se cantan sus l'umido routo,
Tambèn se taiso e noun escouto
L'auro dóu vèspre o dóu matin.

Lou pèis dóu Rose e de la lono
Es ta bounta que nous lou dono,
Grand Diéu ! dones is anceloun
Soun nis bèn caud dins la ramiho,
La melico i blóundis abiho,
E lou neitar i parpaioun.

Ensèn canten, prince de l'aigo,
Libre e franc coume la palaigo,
Dóu mounde sian li plus urous :
Avèn mountagno, Rose e plano,
Avèn, la niue, nòsti cabano,
Avèn d'enfant meravihous ! —

Eila de-vers la mar la cansoun s'enanavo ;
Pièi touto la naturo en acord se teisavo ;
La campano eilalin finissié l'Angelus,
E dos estello d'or fasien lusi si testo :
La cimo dóu Ventour, coume uno nòvio en fèsto,
Se courounavo de trelus.

FRAI SAVINIAN.

Alès, 1869.

TE-TU ! TE-IEU !

Uno fes, en jougant à papo-o-flour, de-long di bàrri, dous bon-pèr-rèn, Pascau e Loubet, se disputavon pèr cinq sòu coume dous chin pèr un os.

- Mòuse cinq sòu, rascas ! disié Pascau.
- Cinq peto de cabro, enfant de res ! disié Loubet.
- Te chaupinarai, bregand !
- T'esventrarai, gros porc !...

Basto ! tant s'enmalicièron, s'encagnèron tant, e tant se n'en ra-quèron, que Loubet, li brego tremoulanto e lis iue foro la tèsto, tirè soun contèn, — un contelas ! e :

— Ah ! m'esventreras ! E bèn ! tè, toco, lache ! se te chapoute pas la fruchaio !

— Ah ! o ? ah ! sortes lou couteu, bôumian ! ah ! creses qu'ai pòu ?
Tè, mourre de cat, souspeso un pau aquèu....

E Pascau i'alounguè sus li barjo un tau cop de poung qu'aourié
segur arrena 'n brau !

E, mourejjant, tout ensauuoussi, pèr lou sòu, e acampant soun cou-
tèu, que i'èro tounba de la man, Loubet, brainavo :

— Oh ! moustre ! s'avièu un caïau ! Ounte i'a 'n caïau ?

LOU CASCARELET.

PARIS

L'aiglo, rèino deis èr, guèiro, avau dins la plano,

Lou timide agneloun,
Pèr lou porge en pasturo à la fèro nisado
De sei pichots eigloun.

Lou lioun, au desert, de seis arpo terriblo,

Sarro, ferouge, ardènt,
Lou cervi lagremous. De-bado se regiblo,
L'estrasso emé sei dènt !

Mai quand, lou gavaï plen, la nisado rroupiho,

L'aiglo, de soun roucas,
Laisso tranquilamen paise, sus leis Aupihò,
L'avé dins lei blacas.

Emaï quouro a plus fam, que de soun ue sôuvage

Lou fue s'es amoussa,
Poudès atravessa dóu grand lioun l'estage,
Vous leissara passa.

Mai sian pas au desert... Uno vilo ufanouso

Estalo à vòsteis ne,
Eici basar, palais, eila gueniho afrouso,
La clarta 'mé la nue !...

Noun ! sian pas au desert !... Aquí fraire emé fraire
S'agarrisson jamai.

Eici, ges de parènt ! ges d'ami ! Leis afaire !...
Leis afaire ! Pas mai ?...

Leis afaire !... Acò 's l'art d'engreissa sa coudeno

En mousènt soun vesin ;
De jouï sèns travai, d'amoussa, sèns peno,
Uno fam sèns fin !

Eici 'n se saludant, en grimaçant lou rire,

Lou mounde s'agarris...

— Mai sian à *Tombouctou*, 'mé lei Mouro, vo pire?...

— Nàni ! sian à Paris !

LUCIAN GEOFFROY.

(Tira de *Mei Veiado*).

Paris, 1869.

LOU PASSAGE

— Oh ! que passage ! lou bèu passage, e que m'a ravi, au sermoun
de Moussu lou Prièu ! o Diéu d'amour ! lou bèu passage !

— E que passage ?

— A la fin, lou passage de la cadiero à la sacrestié.

LOU CASCARELET.

A MIS AMI DE FOURCAUQUIÉ

Ai ausi la voues di mountagno
Que me cridavo : liberta !
I ! li cadeno e li baragno !
Noste siècle nous a fouita !

O mis ami, de vòstis amo
Moun amo a coumprès li desden,
E moun cor, lou cor que vous amo,
Vous respond e bramò tambèn !

Davans l'èro qu'alin desplego
L'Aveni, souto soun jargau,
Leven la man, e sus la rego,
La rego dóu sòn patriau,

Juren l'amour de nòsti rèire
E l'amour de nòsti ciénta,
Lou triounfle de nòsti crèire
E de la sano liberta !

M. FIZET.

Perno, Janvié, 1869.

Lou moulin de Rians : bello toumbado e gouto d'aigo.

LI RENEGAIRE

Li Prouvençau, avèn un laid défaut : es de jura e renega. Quand ns Paris, o en Argié, o au grand Caire, entendès un galavard faire eta li tron, poudès dire : Es de Touloun, de Tarascoun o de Marsiho. Mai pièi li mai terrible pèr se descrestiana, es li gènt dóu Lebeoun : me siéu leissa counta, venènt d'aquéu païs, un desprepaus que i crussi lou cor.

Dous jougaire de bocho jogon au buto-avans dins uno draio. Sus u cop de partido, n'i'a un que vòu tira, manco lou le, e perd... Lou erdènt pico dóu pèd, sauto dins uno estoublo ounte un paure ome chetavò, e ie vèn :

— Bourtowniéu, quant gagnes au luche ?

— Quaranto sòu, vèn l'autre.

— Eh ! bèn, tè, milo-Diéu ! ie fai aquéu fenat, iéu te baie un escut : udo-me dire de mau !

Aro, ausès aquesto autro : — Un roumpèire de garrigo desmancho piccolo : lou tron-de-l'èr lou pren, part coume un enrabia sus un n cambaru que se trovavo peraquì... Mounto que mountaras ; e and es à la cimo, crido en moustrant lou poung e 'n regardant l'èr :

— Davalo, bon Diéu ! s'as de barbo ! que iéu ai fa la mita dóu camin ! S'èi toujour di que, descendènt de la cimo dóu pin cambaru, umbè lou moustre, e s'ensuquè.

LOU CASCARELET.

LA NIÇARDO

MUSICO DE J. ORSINI

A M. Felip Lea

O Niço, Niço, o bello Niço,
Dóu mounde lou premié sejour,
Coumo nouesto maire nourriço
De noueste couer as tout l'amour.
Ounte veirien uno autro vilo
Vestido de tant de palmié,
Mai que tu risènto e gentilo
I mes de desèmbre e janvié ?

Lou tiéu soulèu d'or sus li couelo
Counio l'uei dóu bouen Diéu relus ;
La gènt malauto, que n'es fouelo,
Basto lou vèire, solre plus.

O Niço, etc.

Li tiéu jardin coumblon d'arange,
Au cèu noun as mungo brouiard,
E la Vierge a fa cala d'Auge
Pèr douna noum à la tiéu mar. *

O Niço, etc.

Se vesien li tiéu bruni fiho
Qu'an lou pén tant long e tant dous,
Lis amoureux de Circassio
N'en devendrien enveious.

O Niço, etc.

Di prince, di rèi sies amado,
E fin-que dis emperadour :
Quouro arribon, calo ivernado,
Ie gardes de gouerbo de flour.

O Niço, etc.

Tambèn, luen de li tiéu campagno,
Quand lou tiéu cant vèn retrouna,
Uno tristesso toui n'en gagno ;
En l'entendènt cau retourna.

O Niço, Niço, o bello Niço,
Dóu mounde lou premié sejour.
Counio nouesto maire nourriço
De noueste couer as tout l'amour.
Ounte veirien uno antro vilo
Vestido de tant de palmié,
Mai que tu risènto e gentilo
I mes de desèmbre e janvié ?

EMILE NEGRIN.

Niço.

* Se saup que la mar de Niço s'appello *Baio* dis Ange.

MIQUELOUN

Sabès tóutei que Miqueloun
A fa lou viage de Marsiho,
E que se n'es aduch un poult capeloun,
Que li cuerbe jusquo lei ciho ;
Mai ço que beleu sabès pa,
Es que, ièr au sero, à soupa,
Coumo cadun lou questionavo
Sus tout ço qu'avié fa, sus tout ço qu'avié vist,
Soun vièi, que tambèn l'escoutavo,
Li fa : — Coumo as trouba 'quén bèn païs ?
— Aqui-dessus, vès, paire,
Respouende Miqueloun, vès, n'en dirai pas gaire,
Per-ço-qu'aqui lia tant d'oustau,
Mai tant d'oustau, que n'i'a, que n'i'a de milo,
E que de tout coustat, tant d'en bas que d'en aut,
V'empachon de veïre la vilo.

FELIP CHAUVIER.

argemoun, 1869.

LA CABRO

Me n'en arrivo uno bello !
E dire que me desparpèle lis iue, perqué, dins tout ço qu'escrivèn
ici, tout i àgue soun pount, e que lou mendre acént fugue bèn à sa
laço !
A la pajo 70 d'aquest armana, ligno 13 — vesès ? ligno 13 ! — iéu,
ou Cascarelet, aviéu di : *Courre pèr moun'o-davalo après uno cabro*, e
'empremeïre m'a fa dire... *après uno fedo* !
Sèmble rên, parai ? E bèn ! n'en ai pas dourmi de touto la niue !
Se i'a uno galanto flour au bouquet, miracle s'èi pas just sus aquelo
ue vèn... que vèn se pausa la mousco d'ase !
Eicò, certo, èi pas un *i* sènso pount ; ni mai un acént mau plaça,
oun ! èi dos bèsti banarudo, uno fedo em' uno cabro, que soun pas
unte devrien èstre, la fedo en i'estènt, la cabro en i'estènt pas.
E i'a tout au mai sus lou gros mouloun qu'un centenau d'armana
unte avèn pouscu metre aquéli bèsti à sa plaço !!
Vous le disiéu bèn, en arrivant, que tout èi pas de mèu e de roso
pèr lou paure

CASCARELET.

LOU DARRIER ADIÈU

A NOSTRE PAURE AMIC JUSTIN HEIRISSOUN

(Parla de Lengadò)

Avans que pèr toujours dins soun clot ane jaire
Lou qu'avèn tant aimat e que toutes plouran,
Diguen qu'èro un Felibre, un letrut del boun caire,
Qu'aimaven nautres coumo un fraire,*
Tant el èro amistous, galoï e boun efant !

Nou ! cresian pas tant proche aqueste marrit viage !
A quaranto-nou ans tu te sos atudat !
Ta perto loungamen nous fara grand soufrage !...
Ai ! noble amic ! quane daumage
Que dins tant pauc de tèms tu nous ages quitat !

Mai aro ount es, pecaire ! aquelo inteligènço,
Aquel boun natural, aquelo gaietat ?
Ount es aquel boun goust pèr lous arts, pèr la sciènço,
Aquel amour de la sapiènço ?
Ount es aquel bèl biais amb' aquelo amistat ?

D'aquel tant bèl tresor, aro, amics, que nous rèsto ?
Quasimen res, gueitas, coumo acò 's pietadous !...
O ! tout, tout s'es perit coumo un jour de tempèsto !...
Nàn ! pas tout, s'ai bounò tèsto :
Nous rèsto un souveni, souveni triste e dous.


Oh ! lou counservaren coumo nostro prunello
Pèr ne fa lou sujèt de braves parlamens ;
Sas bounos qualitats, que la Mort nous rastello,
Seron pèr nautres uno estello,
Uno counsoulaciéu pèr sous paures parènts !

Paure iéu !... paure tu !... Ta douço e bello caro,
L'aurai davans mous els tant que çai poulsarai ;
E ta bouno amistat, Diéu sap se m'èro caro !
E tant d'autros causos encaro...
Noble amie ! dins moun cor, vai, te las rejundrai.

Aro dourmis en pas dins ta tounbo benido :
Ah ! se la Descarado a dalhat touin destin,
Fague que Lou d'amount, qu'as toujours pres pèr guido,
Te prengue amb' el dins l'autro vido !
Siegue amount ta bello amo !... Adiéu ! adiéu, Justin !

JUNIOR SANS.

LA FONT DE SABOLY



4 2 3 4 5 6 7 8 9 10 *centimètres*

La vilo d'Avignoun deû un mounumen à Micoulau Saboly, lou
pouèto poulàri de noste país.

Aquelo manifestacioun pouëtico e naciounalo es en trin de s'a coumpli.

Fulconis, l'estatuinaire avignounen, a deja crea lou buste d'ou cèlèbre cantaire de la Nativeta, buste que sara mes au bout d'uno coulouno aubourado sus uno font.

L'obro se fai pèr souscripcioun.

La Coumessioun que s'es cargado de la causo a pèr President F. Mistral, pèr Vice-President, Agustin Boudin, lou troubaire avignounen qu'a tant gaiamen canta *lou Soupa de Saboly*, e pèr Secretari Tresourié, Jousè Roumanille.

Dounc, un pau de courage ! Au mai i'aura, au miéus se fara.

Se chascue Avignounen dounavo soulamen un sòu, lou pouli moununien sarié dre sus soun socle avans la fin de l'an.

Veici la Listo di proumié souscrivèire :

C. W. Bonaparte-Wyse, Irlan-		Charle Boy, estudiant en retou-	
dès.....	20	rico.....	1
Abat Aubert, Capelan d'ou Fe-		Gustavi Roux e C ^e , fabricant de	
librige.....	10	piano, à Nanto.....	10
F. Mistral, de Majano.....	20	A. Boudin (proudu de sa publi-	
J. Roumanille, de Sant-Roumié.	20	cacioun <i>lou Testamen de Sa-</i>	
V. Balaguer, deputa i <i>Cortès</i>		<i>boly</i>).....	100
d'Espagno.....	5	Abat Lambert, de Bèu-caire...	10
V. Marin, de Barcilouno.....	5	Chalvet, à Alès.....	1
Teodor Aubanel, d'Avignoun...	5	Abat F. Gazay, de Nimes.....	1
Li fraire Gros, empremière...	5	Antheman, de L'Ho.....	2
T. Goubet, avoncat en Avignoun	20	Frai Salvator, à Sant Martory...	1 50
Ansèume Mathieu, de Castèu-		L. Geniez.....	2
nou-de-Papo.....	5	Marin, d'outour en medeciao...	50
Clement Fanot, campanié de		Fenillet, mèstre d'escolo, à Fau-	
Sant-Deidié.....	5	coun.....	20
Marius Bourrelly, d'Ais.....	5	M. Servier, lio-tenènt courounèn,	
Albert Arnavielle, d'Alès.....	5	retrata.....	2
Jan Gaidan, de Nimes.....	1	Gorde, verificadou de l'enregis-	
E. Boissée, prouf. au Lièu		tramen, à Digno.....	3 90
d'Angers.....	3	Albert Turc.....	3
P. Meyer, de Paris.....	5	Leon Alègre, de Bagnon.....	2
Danis Bonnet, de Carpentras...	13	Chrys. Chabanon.....	2
Eysseric, de Carpentras.....	5	Achilo Vidal.....	1
Estève Goumet.....	2 50	Catany, à Nimes.....	40
Un badan d'ou Bourg.....	6	E. de Diana de Sant-Estàqui,	
26 Abat d'ou Grand-Semenari		d'Auvergno.....	5
d'Avignoun, ensèn.....	20 10	Rigan de Vira-Douna, de Mount-	
J. Montounet, curat de Sant-		pelié.....	20
Deidié, en Avignoun.....	5	M. Girandy, juge au tribunau de	
Abat P***.....	1 50	Vivié.....	5
Beissiero, de Maussano.....	75	Gabriel Azaïs, de Beziés.....	10
Li garçoun de Broes.....	5	Prousper Fabre.....	2

mile Ranquet, de Vilo-Novo..	5	•	Coustans André, de Maubè.....	10	•
lis Gautier, maire de Taras-			J.-B. Gaut, redatour d'ou <i>Mémo-</i>		
coun.....	5	•	<i>rial d'Aix</i>	5	•
n Brunet, d'Avignoun.....	5	•	J. Huot, architeite, à-z-Ais..	10	•
umié Marcelin, de Carpentras	5	•	Borel, capitani de musico au		
Valèrj Martin, de Cavaïoun..	2	•	99 ^e , à-z-Ais.	5	»
adamo Felis d'Arbaud.....	2	•	Marius Girard e sa mouié, à		
e Lorme, de Roco-fort.....	2	•	Sant Roumié.....	5	•
uis Roumieux, de Nimes....	20	•	Comte A. de Poutmartin.....	10	•
ufino Roumieux, sa mouié..	10	•	Enri de Poutmartin.....	10	•
maïs, Leon, Jouanen, Mirèio,			Anfos Tavan, de Gadagno.....	2	»
si quatre enfant, — cadun 5 f.	20	•	J. Monné.....	2	•
Lacroix, pintre, en Avignoun.	1	•	leopold de Gaillard, de Bouleno	20	•
li Giera, d'Avignoun.....	5	»	L. C. d'Aurenjo.....	50	•
Bigand, pintre, en Avignoun.	2	•	Marqués de Ribiers.....	3	•
. Valayer.....	5	•	Jörgi Saint-René Taillandier...	10	•
li Canouge, de Nimes.....	5	•	Mario Jenna, de Bourbonne...	10	•
Redacioun de la <i>Gazette du</i>			Sorre Adelo, uno provençalo		
<i>Mid</i>	20	»	de Bourbonne.....	10	•
at Joannis, curat de Sant			Juli Devillario, de Carpentras..	5	»
Agrico, en Avignoun.....	3	»	Leon Devillario, de Carpentras..	5	»
tève Ponge.....	1	•	Prince Enri de Valory.....	20	•
rret, avoucat.....	5	•	Uno pauro Vio-Nouvenco.....	25	•
at Clouvis Bonnet, vicari i			Comte de Lavallière.....	10	•
Carne, en Avignoun.....	2	»	Un Barbentanen.....	50	•
Arnoux.....	1	•	P. Yvaren.....	5	•
Laborde-Caumont.....	5	•	Juli Courtet, encian sout-prefèt.	5	•
Bernardi.....	2	•	A. Roque.....	2	»
ancés Seguin, empremèire...	5	•	Albin Goudareau.....	3	•
ancés Cesar Seguin.....	3	»	Abat Carbonel, curat de Sant		
Antoni Seguin.....	2	•	Pèire en Avignoun, (glèiso de		
Vidal, felibre tambourinaire,			Saboly).....	10	•
à-z-Ais.....	5	•	Frederi Germanes, encian pre-		
at Charbonnier, ex ourganisto			sident de court imperialo...	20	•
de la Metropolo d'Ais.....	5	•	Madamo Jousè Thomas.....	20	•
ery, canouge curat, à-z-Ais.	2	•	Sardon, avoucat.....	5	•
urcel, proufessour de musico			Marqués de Seguin-Vassieux,		
au coulège d'Ais.....	3	•	counservatour d'ou Museon		
at Rolland, aumournié d'ou			d'Inguimbart, à Carpentras.	10	»
coulège d'Ais.....	5	•	Dison qu'es bon ami qu porto.	1	•
estian de Vilo-Novo Escla-			Lou pichot Dey.....	3	•
pon, à-z-Ais.....	5	»			

787 60

L'an que vèn publicaren la fin de la listo.

Touto souscripcioun d'ou èstre adreissado au Secretàri-tresourié
J. Roumanille, en Avignoun.

ENSIGNADOU

	Pajo.		Pajo.
Breviari de l'istòri de Prouvènço.	2	De-la-man-d'eila.....	6
La Roso de tóuti li vènt.....	3	La bravo Femo.....	6
Esclüssi.....	4	Aubado.....	7
Crounico felibrenco	7	La Malauto.....	7
A Moussu de Lesseps.....	14	Lou Bèu-l'aigo	7
L'Oli de gavèu.....	14	Lou gros Artèu.....	7
A moun ami l'Ange Faudrin....	15	Cascarelun.....	7
Lou Valènt-Ome.....	19	Coumplimen de Mariage.....	7
Lis Aucèu.	19	Li Plagnun de la Villa-Bozon...	7
La Neissènço d'Enri IV.....	20	La Bagna-luro.....	7
L'Aubre dis Oulivo.....	21	Bono Annado.....	7
Coume sau faire pèr l'avé.....	23	La Deco.....	7
Li proumièri Paraulo de Jèsus...	25	Li Fucio morto.....	8
Lou Bon-Diéu de Làuri.....	26	Lou Pèis.....	8
La Mar.....	27	La Pouesio prouvençalo.....	8
La Lanterno	29	La marrido Annado.....	8
A-n-un Brout d'èurre dins un libre.	30	A Madamo de V***.....	8
La Sibletto	31	La Pecairis.....	8
La Cabriero.....	32	A la Vilo d'Anduzo.....	8
La Miolo dón Papo.....	33	Lou Tros d'or.....	8
L'Ouliviè.....	39	Simplesso.....	9
Lou Sibla.....	42	La Baucò.....	9
A la Vierge de Mount-Serrat....	42	Leis Alo.....	9
L'Eleitricita	44	La quatrenco Femo.....	9
Cansonn de nogo.....	45	Li Mulatiè de la Mountagno Negro.	9
Lou Cièri.....	46	Mes de Mai.....	9
Autre Mot del Curat de Pradinas.	47	Vercentourie.....	9
Lou Poucièu.....	48	Lou Pescaire dón Rose.....	10
La Mort de Lamartine.....	49	Te-tu ! Tè-iéu !.....	10
Lou Peirin.....	50	Paris.....	10
L'Aigo.....	51	Lou Passagè.....	10
La Peticionn di Limousin.....	53	A mis Ami de Fourcauquiè....	10
A tres Chato.....	54	Li Renegaire.....	10
Lou Tian.....	55	La Nicardo.....	10
Partènco.....	57	Miqueloun.....	10
A prepaus d'un vièl Convènt....	58	La Cabro	10
La Proprieta dis Arlatenco.....	59	Lou Darrier Adièu.....	10
La Font-dón-Merle.....	61	La Font de Saboly.....	10
La Fèsto de Sant-Sifren à Car-			
pentras.....	63		

ARMANA
PROUVENÇAU

PÈR L'AN DE DIÉU

1871

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople dôn Miejour

AN DÈS-E-SETEN DOU FELIBRIGE



EN AVIGNOUN

ENCO DE ROUMANILLE, LIBRAIR

CARRIERO DE SANT-AC

RE-EDITOUR

nicò, 19

BREVIARI DE L'ISTORI DE PROUVÈNÇO

La Prouvènço fèro (1500-600 *avans* J.-C.)

Tèms di Fado ; empèri di Ligour : Sàli, Cavare, Voucéunci ; coumbat d'Ercule dins la Crau contro Aubiou e Bergioun ; coulounisacioun feniciano.

La Prouvènço grèco (600-123 *avans* J.-C., environ 500 an).

Foundacioun de Marsiho pèr li Fouceien ; foundacioun de Nico, Antibo, Agte, Léucato, pèr li Marsihés ; li navegaire Piteas e Eutimeno ; sèti de Marsiho pèr Jùli Cesar.

La Prouvènço roumano (123-412 *après* J.-C., environ 500 an).

Foundacioun d'Ais pèr C. Sextius Calvinus ; desfacho di Téntoun e dis Ambroun pèr Caius Marius, au pèd dóu mount Ventùri ; la Venus d'Arle ; lis Arenas bastido ; l'empereire Coustantin en Arle ; la predicacioun de l'Evangéli : sant Lazàri, santo Madaleno, santo Marto, sant Trefume ; li mounges : sant Ounourat, sant Cassian.

La Prouvènço goutico (412-932, environ 500 an).

Envasioun di barbare, Got, Bourguignoun e Franc. Guerro di Sarrasin : Carle-Martèu à Nimes, Carle-Magne en Arle, Guihèn dóu Court-Nas en Aurenjo.

La Prouvènço independènto (932-1482, environ 500 an).

Bousoun, rèi d'Arle. Li Comte de Prouvènço de la famiho de Bousoun ; Guihèn lou Grand, paire de la Patro ; lou martegau Gerard Tenco founde l'ordre de l'Espitau. — Li Comte de la famiho Barcelouneso ; guerro di Baussen ; flouresour dóu Gai-Sabé ; li Troubaire ; guerro dis Albigés ; li republico prouvençalo ; Ramoun-Berenguiè lou Grand ; Roumièu de Vilo-Novo. — Li Comte de la proumièro famiho d'Anjou : lou rèi Roubert lou Sage, la rèino Jano ; li Papo en Avignon : Petrarco e Lauro ; li Court d'Amour ; li Jo Flourau establi à Toulouso. — Li Comte de la segoundo famiho d'Anjou : lou bon rèi Reinis ; Palamedo Fourbin.

La Prouvènço franceso (1482).


Louis XI : la Prouvènço reünido à la Franco. Carle VIII : lis Estat General de Prouvènço aprovon l'unioun. Louis XII : establiment dóu Parlamen. Francès Ié : li Prouvençan repousson Carle-Quint ; brulament di glèiso prouvençalo dóu Leberoun. Enri II : l'engeniaire Crapouno. Francès II : guerro de religioun. Carle IX : Nostradamus, Beland de La Belaudiero. Enri III : la Ligo. li Raza, li esto, li Bigarra. Enri IV : lou brave Crihoun ; lou Conse Casau. Louis XIII : bour-Cascavèu. Louis XIV : Aurenjo reünido à la Franco ; l'estatuair Pouget. Carle, Carcassè, Noyrese, Massilhoun. Louis XV : pèsto de Marsiho, Belsunce. Louis rounlo di Sulfren ; darriero reünion di Estat de Prouvènço ; Pascalis. lou savent, Arabèu, Sieyes, Maury, Barras ; Avignonn reünif à la Franco. XVI : lou baillo, l'empereire : Portalis, Simeoun. Louis XVIII, darriè La Revolucion : M. de la lengo prouvençalo, establiment dóu Felibrige. sèti de Touloun. Bonapart. comto de Prouvènço. Revieu. (21 de mai 1854).

LA ROSO DE TOUTI LI VÈNT

LOUMPASSADO PÈR LOU CAPITANI NEGRÈU

(DE CEIRÈSTO)

UBA



ADRÉ

Lauso l'Uba, tèn-te à l'Adrè;
 Lauso lou Mount, tèn-te à la Plano;
 Lauso la Mar, tèn-te à la Terro;
 Lauso la França, e tène à Prouvènço.

ESCLUSSE

Lou 6 de Janvié, esclussi parciau de luno, vesible en Avignoun : coumençamen
de l'esclussi, à 6 ouro 36 m. de vèspre ; fin, à miejo-niue, 15 m.
Lou 7 de Jun, esclussi anulàri de soulèu, envesible en Avignoun.
Lou 22 de Juliet, esclussi parciau de luno, envesible en Avignoun.
Lou 11 de Desèmbre, esclussi toutau de soulèu, envesible en Avignoun.

FÈSTO CHANJADISSO

Cèndre, 22 de Febrié.
Pasco, 9 d'Abriéu.
Rouguesoun, 15, 16, 17 de Mai.
Ascensioun, 18 de Mai.

Pandecousto, 28 de Mai.
Ternita, 4 de Jun.
Fèsto-de-Diéu, 8 de Jun.
Avènt, 3 de Desèmbre.

LUNO MECROUSO

Luno d'Abriéu, que fai lou 19.
Luno d'Avoust, que fai lou 16.

Luno mecrouso,
Fèmo renousso
E auro que sort de la bruno,
Dins cent an n'i'auriè trop d'uno.

Luno blanco,
Journado franco.

Luno palo,
L'aigo davalo.

Luno roujo,
Lou vènt se boujo.

Tout lun vau luno.

En luno pleno fai tèms-dre.

Luno pleno a jamai vist soulèu leva.

Quand Nouvè n'a ges de luno,
Qu'a tres fedo n'en vènd uno.

TEMPOURO

Mars.....	1, 3 e 4	Setèmbre.....	20, 22 e 23
Mai, 31, e Jun.....	2 e 3	Desèmbre.....	20, 22 e 23

Lou printèms coumenço lou 20 de Mars ;
L'estiéu coumenço lou 21 de Jun,
L'autoun coumenço lou 23 de Setèmbre ;
L'ivèr coumenço lou 22 de Desèmbre.

Trento jour au Setèmbre,
Abriéu, Jun e Nouvèmbre ;
De vint-e-vue n'i'a qu'un ;
Lis autre n'an trento-un.

Li jour crèisson
d'uno o. 4 m.

Li jour crèisson
d'uno o. 30 m.

Li jour crèisson
d'uno o. 48 m.

Li jour crèisson
d'uno o. 39 m.

Li jour crèisson
d'uno o. 47 m.

Li jour crèisson
de 46 m.

1st JOUR DE L'AN
1st s. Clar
2st s. Genevivo
3st s. Ferliou
4st s. Simèu
5st s. Li Rêu
6st s. Lucien
7st s. Severin
8st s. Julian
9st s. Pau l'ernallo
10st s. Teoudosi
11st s. Gaspard
12st s. Veronico
13st s. Alari
14st s. Bounet
15st s. Onourat
16st s. Anton
17st s. Fiorido
18st s. Caout
19st s. Sebastien
20st s. Agnès
21st s. Vluèn
22st s. Itanoun
23st s. Babil
24st s. de s. Pau
25st s. Ansie
26st s. Mar
27st s. Cesarlo
28st s. Coustant
29st s. Martino
30st s. Marcello

4st s. Ignaci, ev.
2st CANDELOUSO
3st s. Ibas
4st s. Jano
5st s. Agucto
6st s. Joug
7st s. Richard
8st s. Glinous
9st s. Jan-de-Mala
10st s. Coustasico
11st s. Adofe
12st s. Gaspard
13st s. Doulin
14st s. Valentin
15st s. Quenin
16st s. Armentari
17st s. Mariano
18st s. Favlan
19st s. Valté
20st s. Onqueri
21st s. Fei
22st s. CENDRE
23st s. Merant
24st s. Mallas
25st s. Alessandre
26st s. Nestou
27st s. Onourino
28st s. Casslau

4st TEMPOURO
2st s. Scuplice
3st s. Cingourdo
4st s. Casiner
5st s. Ambrosi
6st s. Canleto
7st s. Perpetto
8st s. Jan-de-Dieu
9st s. Francesco
10st Li 40 Marire
11st s. Gregori
12st s. Masselin
13st s. Oustraslo
14st s. Malieudo
15st s. Ges. de Bus
16st s. Abram
17st s. Heino
18st s. Gerlie
19st s. Jouse
20st s. Jouaquin
21st s. Benedit
22st s. Heu-vengu
23st s. Vilourin
24st s. Gabriéu
25st N.-D. DE MARS
26st PASSIOUN
27st s. Natalio
28st s. Harloun
29st s. Sisi
30st s. Amadiéu
31st s. Benjamin

4st s. Ugue
2st RAMPART
3st s. Ricard
4st s. Isner
5st s. Vincèn F.
6st s. Prudenci
7st s. Ganté
8st s. Aubert
9st PASCO
10st s. Macari
11st s. Leon
12st s. Juli
13st s. Odo
14st s. Renezet
15st s. Frutuou
16st s. Lambert
17st s. Autet
18st s. Apouloni
19st s. Ouge
20st s. Anstème
21st s. Ouspire
22st s. Leounido
23st s. Jorgi
24st s. Vitori
25st s. Mare
26st s. Clet
27st s. Zelo
28st s. Vidau
29st s. Catar
30st s. Estropi.

4st s. Jaque e s. P.
2st s. Atausti
3st LA STO-CROUS
4st s. Mounic
5st s. Ceren
6st s. Jan P. L.
7st s. Estanislau
8st s. Dreseli
9st s. Gregori
10st s. Antounin
11st s. Malou
12st s. Bramachi
13st s. Pous
14st s. Glicero
15st s. NOTUESOUN
16st s. Gent
17st s. Pascau
18st s. ASCENSIOUN
19st s. Celestin
20st s. Bernadin
21st s. Estello
22st s. Julio
23st s. Merant
24st s. Donnacian
25st s. Mario Jac.
26st s. Felip de N
27st s. Oulivie
28st s. PANDECOUSTO
29st s. Massemin
30st s. Feli
31st TEMPOURO

1st s. Lauro
2st s. Marrellin
3st s. Cloutéudo
4st TENITA
5st s. Bonificaci
6st s. Glaudi
7st s. Nourbert
8st s. FÉSTO-D -DIET
9st s. Pelagio
10st s. Felicta
11st s. Dandsi
12st s. Outimpo
13st s. Antoni de P
14st s. Basile
15st s. Mondesto
16st s. Gori
17st s. Verme
18st s. Uzias
19st s. Cervasi
20st s. Flourénço
21st s. Leufre
22st s. Estropi
23st s. Agrevo
24st s. JAN-BATISTO
25st Tres. de s. Alo
26st s. Davi
27st s. Antème
28st s. Irenèu
29st s. Péire e s. P.
30st s. Lactde

JULIET	AVOUST	SETÈMBRE	OCTOBRE	NOUÈMBRE	DESEMBRE
Li jour demenissou de 38 m. P. L. lou 2. D. Q. lou 9. N. L. lou 16. P. Q. lou 23. P. L. lou 31.	Li jour demenissou d'uno o. 33. D. Q. lou 8. N. L. lou 16. P. Q. lou 23. P. L. lou 30.	Li jour demenissou d'uno o. 41 m. D. Q. lou 6. N. L. lou 14. P. Q. lou 21. P. L. lou 28.	Li jour demenissou d'uno o. 44 m. D. Q. lou 6. N. L. lou 14. P. Q. lou 21. P. L. lou 28.	Li jour demenissou d'uno o. 47 m. D. Q. lou 5. N. L. lou 12. P. Q. lou 19. P. L. lou 27.	Li jour demenissou de 20 m. D. Q. lou 3. N. L. lou 12. P. Q. lou 18. P. L. lou 26.
<div>1 s. Marcian</div> <div>2 s. Vestracou</div> <div>3 s. Anzoli</div> <div>4 s. P. de Liss.</div> <div>5 s. P. de Liss.</div> <div>6 s. Angelo</div> <div>7 s. Aubiengo</div> <div>8 s. Isabeu</div> <div>9 s. Bres</div> <div>10 s. d. de Santa</div> <div>11 s. Pie</div> <div>12 s. Ouneste</div> <div>13 s. Anziet</div> <div>14 s. Bonaventur</div> <div>15 s. Euri</div> <div>16 s. d. de M. C.</div> <div>17 s. Alessi</div> <div>18 s. Toumas</div> <div>19 s. Vincèu</div> <div>20 s. Margardo</div> <div>21 s. Vlou</div> <div>22 s. Madaleso</div> <div>23 s. Cassian</div> <div>24 s. Crestino</div> <div>25 s. Jaume</div> <div>26 s. Ano</div> <div>27 s. Paoli</div> <div>28 s. Sanari</div> <div>29 s. Mario</div> <div>30 s. Loup</div> <div>31 s. German</div>	<div>1 s. Peire encad.</div> <div>2 s. Estève</div> <div>3 s. Lido</div> <div>4 s. Doumergne</div> <div>5 s. Ion</div> <div>6 s. Sauvare</div> <div>7 s. Gasetan</div> <div>8 s. Justin</div> <div>9 s. Rouman</div> <div>10 s. Laurens</div> <div>11 s. Busiclo</div> <div>12 s. Claro</div> <div>13 s. Pourcari</div> <div>14 s. Chapoli</div> <div>15 s. d. d'Avoust</div> <div>16 s. Ro</div> <div>17 s. Jacinto</div> <div>18 s. Eleno</div> <div>19 s. Louis de B.</div> <div>20 s. Bernal</div> <div>21 s. Privat</div> <div>22 s. Salornian</div> <div>23 s. Sidnei</div> <div>24 s. Bartoumicu</div> <div>25 s. Genesi</div> <div>26 s. Zefrin</div> <div>27 s. Cesari</div> <div>28 s. Jaalan</div> <div>29 s. Jan degoul.</div> <div>30 s. Roso</div> <div>31 s. Lazari</div>	<div>1 s. Bandelli</div> <div>2 s. Agricò</div> <div>3 s. Alou</div> <div>4 s. Rougalio</div> <div>5 s. Leugeli</div> <div>6 s. Amable</div> <div>7 s. Aulan</div> <div>8 s. d. de Sep.</div> <div>9 s. Veran</div> <div>10 s. Ponqueriè</div> <div>11 s. Pacient</div> <div>12 s. Rouu</div> <div>13 s. Antonnin</div> <div>14 s. Chapoli</div> <div>15 s. d. de Sep.</div> <div>16 s. Anous</div> <div>17 s. Courneli</div> <div>18 s. Lambert</div> <div>19 s. Estevenclo</div> <div>20 s. Genouvè</div> <div>21 s. Maurice</div> <div>22 s. Teilo</div> <div>23 s. Salabergo</div> <div>24 s. Fermin</div> <div>25 s. Quizas</div> <div>26 s. Cosme e D.</div> <div>27 s. Ceru</div> <div>28 s. Miquèu</div> <div>29 s. Girome</div> <div>30 s. Criston</div>	<div>1 s. Roumiè</div> <div>2 s. Ange G.</div> <div>3 s. Caprian</div> <div>4 s. Franc. d'As.</div> <div>5 s. Tuli</div> <div>6 s. Evisi</div> <div>7 s. Raque</div> <div>8 s. Reparado</div> <div>9 s. Danis</div> <div>10 s. Vergeli</div> <div>11 s. Castou</div> <div>12 s. Veran</div> <div>13 s. Gerand</div> <div>14 s. Calist</div> <div>15 s. Tereso</div> <div>16 s. Rousselino</div> <div>17 s. Plourens</div> <div>18 s. Lu</div> <div>19 s. Gerard T.</div> <div>20 s. Granat</div> <div>21 s. Gursulo</div> <div>22 s. Mario Sal.</div> <div>23 s. Tederi</div> <div>24 s. Maglori</div> <div>25 s. Crespin</div> <div>26 s. Flori</div> <div>27 s. Sauvian</div> <div>28 s. Simoun</div> <div>29 s. Narisse</div> <div>30 s. Lucan</div> <div>31 s. Criston</div>	<div>1 TOUSSANT</div> <div>2 LI MORT</div> <div>3 s. Marcèu</div> <div>4 s. Chamas</div> <div>5 s. Zacariè</div> <div>6 s. Esteve</div> <div>7 s. Ernest</div> <div>8 s. Goufrèli</div> <div>9 s. Matorin</div> <div>10 s. Just</div> <div>11 s. Marlin</div> <div>12 s. Heiniè</div> <div>13 s. Mitre</div> <div>14 s. Iru, éves.</div> <div>15 s. Ougeni</div> <div>16 s. Ouqueri</div> <div>17 s. Aguan</div> <div>18 s. Audo</div> <div>19 s. Isabeu</div> <div>20 s. Emound</div> <div>21 PRES. DE N.-D.</div> <div>22 s. Cecilo</div> <div>23 s. Clément</div> <div>24 s. Floro</div> <div>25 s. Catarino</div> <div>26 s. Deullio</div> <div>27 s. Sifren</div> <div>28 s. Soustene</div> <div>29 s. Savournin</div> <div>30 s. Andrien</div>	<div>1 s. Aloï</div> <div>2 s. Bibiano</div> <div>3 LIS AVENT</div> <div>4 s. Barbo</div> <div>5 s. Sabas</div> <div>6 s. Miroulant</div> <div>7 s. Ambrosi</div> <div>8 COUVECIOUN</div> <div>9 s. Loucato</div> <div>10 s. Valiero</div> <div>11 s. Damasi</div> <div>12 s. Daniso</div> <div>13 s. Luci</div> <div>14 s. Nicasi</div> <div>15 s. Ouseli</div> <div>16 s. Azalais</div> <div>17 s. Oulimpo</div> <div>18 s. Grati</div> <div>19 s. Timouleoun</div> <div>20 TEMPOUR</div> <div>21 s. Tounnas</div> <div>22 s. Ounourat</div> <div>23 s. Vitori</div> <div>24 s. Yves</div> <div>25 CALENDO</div> <div>26 s. Esteve</div> <div>27 s. Jan, év.</div> <div>28 Li s. Innovent</div> <div>29 s. Trefene</div> <div>30 s. Gouloumb.</div> <div>31 s. Sivestre</div>

ARMANA PROUVENÇAU

CROUNICO FELIBRENCO

I

A l'ouro que parèis aquest armana nouvèu, la nacioun touto entiero es en aio e en armo contro un enemi terrible, e de desastre incoumparable estoumagon lou cor de tout ome de Franço. Es gaire lou moumen de galeja e de canta. E pamens, di fourtaresso de la Prùssi, de la Baviero e de la Saisso, i'a que-nounsai de prouvençau que nous escrivon : « Felibre, óublidés pas li pàuri presounié. La carita se fai » pas touto emé de pan. Eici nous languissèn e nous gelan : mandas- » nous lèu, pèr noste cacho-fio, li joïo e li belugo de voste pichot libre. » Que l'on nous passe dounc, sus aquelo estiganço, lou badinage dóu coumpaire Cascarelet : poudès crèire, boutas, que ris que d'uno gauto.

E pièi, vesès, fau jamai se mau-coura. La Franço es trop amado, trop grandamen astrado, trop generouso e lumineuxo, pèr que l'umanita se posque passa d'elo, e pèr que soun angouisso fugue autro causo qu'uno esprovo. Esperen dounc e aguen fisança !

Mai soulamen, mai uno bono fes, aproufichen nòsti disgràci. Avugla pèr nosto glòri, divisa, desmemouria pèr nòsti discussioun, dissensioun, revoulucioun, mes au nis de la serp pèr li mal-adoubat e pèr lou mau-gouvèr de gouvernaire indigne, apliquen-nous, enfin, tóuti, dóu founs dóu cor, à pratica la liberta, aquelo santo liberta que, dius noste malur, au-mens nous rèsto.

Esclapen, manden au diable aquelo Centralisacioun, mecanico d'esclavage que li despoto fabriquèron, e qu'a lança la Franço, desproüvesido, desarmado, nuso e cruso, dius uno guerro moustruouso. Au-lío de remouca, de replana de-longo e d'unifourmisa coume uno taULO de

faïdù, au-lío d'encaserna e cresta la nacioun, rejouvenissen-la dins lis independènci prouvincialo e coumunalo, dins lou fort nouvelun de la naturo maire e dins la drudiero dóu terradou.

Que li despartamen d'uno memo regioun groupon si voulounta, sis interès, si forço ; li Counsèu Generau, de despartamentau e feble e sènso voio coume soun au jour d'uei, que devèngon regiounau, e que reçaupon de serious poudé, e que noun fugon plus li servènt dóu prefèt, e que tèngon sesiho un mes, dous mes, se fau, e noun vue jour. Que l'Assemblado naciounalo, au-lío de s'acampa toujours dins qu'uno vilo, change tóuti lis an de residènci, quouro dins lou Miejour e quouro dins lou Nord. E d'aquelo maniero, veiren plus lou gouvèr à la merci d'un usurpaire o d'uno pounnado d'insurgènt ; e d'aquéu biais, la vido vai renaïsse dins tóuti li prouvinço, e li nòblis ambicioun, e l'amour de la terro, e lou patrioutisme, e l'antico fierta.

En fin, pèr faire faci à-n-aquéli dos raço, eternalis enemigo de la nostro, li German e li Rüssi, travaïen à basti la Counfederacioun latino, car se la bello Itàli, emé la noblo Espagno e la Franço erouïco, èron unido un jour pèr un bon liame federau, quau lis afrountarié ?

II

Après aquelo escapaduro poulitico, — que l'on nous pèrdonnara, car es felibrengo tambèn, — revenen, se voulès, à nosto revisto annalo.

Lou Brout d'Oulivié d'argènt, que l'Acadèmi de Beziés douno tóuti lis an lou jour de l'Ascensioun, es lou felibre Jan Monné, de Marsiho, que l'a gagna óugan pèr sa pèço *l'Artisto*, pleno d'elevacioun e d'aboundànci lirico. L'an de davans, avié peréu gagna li joïo i Jo flourau d'Ais.

La proumiéro mencioun es vengudo à Don Garnier, beneditin de Solesme, pèr un cant de soun pouèmo *lis Iselo de Lerin*, obro counsiderablo qu'ameritavo bèn aquel encourajamen.

La segoundo mencioun es tounbado à-n-un bëarnés, M. Guilhèm de Bataille, de Pountac, pèr soun pouèmo *las Aunous de Gastou Fèbus*.

Soun estado noumado aquèsti pèço d'eïci : *la Fiho de Rouman*, de

V. Bourrelly ; *la Nèu del 20 janè 1870*, de M. Roux, curat d'Estagèl, en Roussihoun ; *lou Mège*, de Mèste Eisseto, baile dóu Mas de Vert, en Camargo ; *Avignoun*, de Marius Bourrelly, e *moun Vin rousa*, de M. C. Gleyse, d'Arle.

III

Li libre qu'an pareigu dins aquéu marrit an 1870, soun coume aquéli flour qu'uno gelado proumierenco vèn brounzi dins lou boutoun. Es pamens juste de n'en rendre comte eici, car li flour desverdegado reflouriran après l'ivèr.

Meten d'abord sus taulo lou *Flasquet de mèste Miquèu*, qu'ès lou galoi recuei di cansoun prouvençalo dóu felibre Anfos Michel, au jour d'uei capitani di moubilisa d'Eiguiero. L'amour, lou vin e la patrio, subretout la patrio, ourdinàri sujèt di cansounié despièi Anacreon, nouson aqui soun brande à la modo dóu païs e canton puramen la bello lengo d'O. Que dóumage que lou dòu ague escursi touto alegresso ! Mai, se lou bon Diéu vòu, nous relevaren un jour, e cantaren vitòri, e tóuti brindaren emé lou vin d'aquéu *Flasquet*.

L'autour dóu *Ramelet di Sant-Genalre*, M. l'abat Bressoun, vicari à Mournas, encouraja pèr la pleno vogo de si cantico prouvençau, a publica, souto lou tiure *lou Ramelet di pelerin santen*, vue cantico novèu à l'ounour di Santi Mario. (Avignoun, libr. Aubanel). Se cantaran segur em' afecioun.

En Gascougno, fassen la bènvengudo à-n-un novèu troubaire, B. Télismart, de Cassenuei, qu'a mes en vers *Dus jours passats al castèl de Biron* (Perigus, libr. Dupont) ; e pièi au pouèmo de *Marcilho*, obro novello de J.-D. Rigal, taiur d'Agen : i'a prougrès e meiouranço dins lou faire de l'autour.

En Catalougno, lou valourous pouèto D. Albert de Quintana, counquistaire de l'eiglantino d'or i Jo flourau de Barcitouno pèr sa bello e fièro *Cansó del Comte d'Urgel*, a dedica soun pouèmo *als Felibres*, em' aquesto epigrafo : *Germans, cregam y esperem... Deu vos torné Provença !* — E Catalougno à vautre ! ie respoundren dé cor.

IV

Passen à la filoulougio ; se ie travaio proun, coume anas vèire.

M. Gabriel Azaïs a douna la segoundo edicioun di si *Troubadours de Béziers*, travaï savènt, coumpli e forço meritòri, car jito grand lumiero sus nosto vièio literaturo, e reviéudo, se pòu dire, sièis troubaire óublida : Raimond Gaucelm, Bernat d'Auriac, Johan Estève, Guilhem de Beziès, Matfre Ermengaud e Azalaïs de Pourqueirago, di quau li vers aro se podon legi.

Lou bloucage de Paris a empacha l'aparicioun d'un estudi de Paul Meyer, *les derniers Troubadours de la Provence*, dón quau reparlaren l'an que vèn, se Diéu vòu. A pareigu d'abord dins la Biblioutèco de l'Escolo di charto.

Tres livresoun de la *Revue des langues romanes*, de Mount-pelié, an espeli. Aquelo revisto, counsacrado particularimen à nosto lengo, marco bèn lou camin qu'an fa nòstis idèio dins l'estimo di bons esprit. Li proumié numerò countènon, entre àutri causo, la *Princesso Clemènço*, de Mistral ; à l'*Amigo que n'ai jamais visto*, d'Aubanel ; *Prouvença*, d'O. Bringuier ; la *Baga d'or*, cant poupulàri ; lis obro de Roudil, pouèto mount-pelieren ; pièi de vièi doucumen, e divers article filoulougi de MM. de Tourtoulon, A. Gleize e A. Montel. Es forço interessant.

M. Louis Blancard, archivisto de la prefeturo de Marsiho, a trouva dins lis archiéu di Bouco-dón-Roso, e publica, dins la *Revue des Sociétés savantes* (4^e série, t. X), dous curious testimòni de noste encian langage : lou sarramen d'Ermessen, viscountesso d'Avignoun (1101-1110), emé la *Cansoun de Pignans* (1302).

Lou dóutour E. Boehmer, proufessour de lengo roumano à l'Universita de Halle, a rendu comte de la literaturo prouvençalo monderno dins uno publicacioun aguènt pèr titre : *Die provenzalische poesie der Gegenwart*.

M. S. Liotard, de la biblioutèco de Mount-pelié, a entre-pres peréu la publicacioun annalo d'un *Bulletin bibliographique de la langue d'Oc*.

Anouncien, pèr acaba, la proumièro livresoun d'un novèu *Dictionnaire languedocien français*, pèr Maximin d'Hombres (Alès, libr. Vei run); e pièi un pres de 200 fr. proumés, de la part de la *Société des arts, et sciences*, de Carcassouno, à l'autour d'un gloussàri dóu parla de l'Aude, que ie sara manda davans lou proumié mars 1871.

V

Autro anóuncio. Un prouvençalisto de nòstis ami s'óucupò em' afe-cioun desempièi quàuquis an a reculi l'epigrafió de la lengo d'O; tala-men qu'a descubert e acampa deja mai de 400 iscripcioun prouvençalo. Aquéli que counéisson de mouñumen d'aquelo espèci, soun vivamen prega de nous li coumunica, pèr fin que lou recuei siegue autant coumplèt que poussible. Tóuti lis epitafi, tóut ço qu'es escri sus pèiro, brounze, couire o bos, sus li medaio, pes, sòu o tapissarié, de Niço à Perpignan, de Marsiho à Bourdèus, emai que fugue dins la lengo dóu Miejour, vièio o mouderno, sara reçaupu 'mé gratitudo.

Meme, à-n-aquéu prepaus, estènt que proun campano podon èstre foundudo pèr li besoun de la Patrio, l'on fara bèn de coupia, avans que de li roumpre, lis escrituro antico que poudrien pourta.

Devèn enfin anuncia, pèr aquest mes de mai, un novèu voulume dóu felibre L. Roumieux, gai e fin autour de *la Rampelado*. Aura pèr titoulet : *Ni mai ni mens*.

VI

Certo, nous farié gau de dire quaucaren de la galanto felibrejado ourganisado à Vilo-Novo lou bèu jour de Sant-Marc 1870, soute l'aflat e lis auspice dóu brave Félis Gras; de dire la proucessioun, li cous-tumo simboulico, lou Dansaire de la Souco, li Gràci de sant Marc, lou festin alègre, e li brinde e li cansoun... Mai alor Marto fielavo. Lou canoun di bàtaio a fa teisa lou tambourin. Ai! quouro tournara lou tèms?

GUI DE MOUNT-PAVOUN.

Desèmbre 1870.

LOU SAUME DE LA PENITÈNCI

A Armand de Pontmartin.

I

Segnour, à la fin ta coulèro

Largo si tron

Sus nòsti front ;

E dins la niue nosto galèro

Pico d'à pro

Contro li ro.

Segnour, au ferre di Barbare

Nous fas chapla

Coume un bèu bla ;

E noun n'ï'a ges que nous apare,

Di galapian

Qu'aparavian !

Segnour, nous gibles coume un vege,

E roumpes vuei

Tout noste ourguei ;

E i'a plus res que nous enveja,

Nàutri qu'aièr

Fasian li fièr !

Segnour, en guerro em'en discòrdi

Se derouïs

Noste païs ;

E, sènso ta misericòrdi,

Se manjarau

Pichonn e grand.

Segnour, terrible nous endorses ;

Dins un varai

Que fai esfrai

Nous despoutèntes, e nous forces
A counfessa
Lou mau passa.

II

Segnour, di lèi e draio antico
Avian quita
L'austerita ;
Vertu, coustumo doumestico,
Avian deli
E demouli.

Segnour, dounant marrit eisèmples
E renegant
Coume pagan,
Avian un jour barra ti tèmples,
E nous sian ris
De toun sant Crist.

Segnour, avèn, leissant à rèire
Ti sacramen
E mandamen,
Avèn, brutau, plus vougu crèire
Qu'à l'interès
E qu'au prougrès.

Segnour, avèn, dins lou cèu vaste,
Nebla toun lum
De noste fum ;
E de si paire nus e caste
Vuei lis enfant
Van se trufant.

Segnour, avèn boufa ta Biblo
Emé lou vènt
Di faus savènt;

E nous dreissant tau que de piblo,
Nous sian, catiéu,
Declara diéu !

Segnour, avèn quita la rego,
Mes tout respèt
Souto li pèd ;
E dóu vinas que nous empego
Embrutissèn-
Lis innoucènt.

III

Segnour, sian tis enfant proudigue ;
Mai nàutri sian
Ti vièi crestian :
Que ta justico nous castigue,
Mai au trespas
Nous laisses pas !

Segnour, au noum de tant de brave
Que soun parti
Sènso menti,
E valourous, doucile e grave,
Soun pièi toumba
Dins li coumbat ;

Segnour, au noum de tant de maire
Que pèr si fiéu
Van prega Diéu,
E que, ni l'an que vèn, pecaire !
Nimai l'autre an
Li reveiran ;

Segnour, au noum de tant de femo
Qu'an au teté
Un enfantet,

E que, paurasso ! de lagremo
Bagnon lou sòu
E soun linçòu ;

Segnour, au noum de la pauriho,
Au noum di fort,
Au noum di mort
Qu'auran peri pèr la patrio,
Pèr soun devé
E pèr sa fe !

Segnour, pèr tant de revirado,
Pèr tant de plour
E de doulour ;
Pèr tant de vilo desoundrado,
Pèr tant de sang
Valènt e sant !

Segnour, pèr tant de maluranço,
De chaplamen,
De brulamen ;
Pèr tant de dòu sus nosto Franço,
Pèr tant d'afront
Sus noste front,

IV

Segnour, desarmo ta justico !
Regardo un pau
Pereïçavau ;
E 'scouto enfin la cridadisso
Di matrassa
E di blessa !

Segnour, se la cièuta rebello
Que nous regis
E nous cougis,

A fa versa toun archimbello
En rebecant
E te negant,

Segnour, espargno la Prouvènço !
Car s'a fali,
Es pèr oubli...

Voulèn lava nòstis óufènso
En regretant
Lou mau d'antan.

Segnour, voulèn deveni d'ome ;
En liberta
Pos nous bouta :

Sian fiéu de Roumo e gentilome ;
E marchan dre
Dins noste endré.

Segnour, dóu mau sian pas l'encauso ;
Mando eicabas
Un rai de pas !

Segnour, ajudo nosto Causo !
E reviéuren,
E t'amaren.

F. MISTRAL.

Maiano, 2 de Desèmbre 1870.

LA BARRETO

CONTE DE MA PAURO GRAND

L'avié 'no fes uno bello femo qu'èro enmascado : èro tantost femo e tantost bèsti. Un jour fuguè gârri, galant pichot gârri, e, peccaire ! avié grand gau de se gara de l'arpo e de la dènt dóu cat. Agnè proun obro pèr arriva sèns auvâri enjusqu'au jour ounte devié mai èstre la bello Fadeto, — car Fadeto ie disien.

Iéu noun sai se lou bonur d'èstre lèu plus gàrri i'ascè sa testeto, mai es bèn veritable qu'un vèspre, trefoulissié, courrènt d'eici, troutant d'eila, tant que, sènso se n'avisa, toumbè souto l'arpo de Minet. Un grand malur ! Minet n'anavo faire si freto e se n'en lipa li brego, quand d'asard passè peraquì un brave ome que, parèis, amavo pas li cat, e qu'aparè lou paure gàrri. Cridant, picant di man e di pèd, espavourediguè tant Minet, que Fadeto, forço magagnado, s'esbignè dins un trau, e se i'assoustè pèr n'en sourti que l'endeman, bèu jour ounte leissè sa laido pèu de gàrri.

E velaqui tourna-mai femo, e peréu Fadeto coume avans, coume avans bello e bono. Ah ! noun, certo ! óublidè pas lou brave ome que i'avié sauva la vido quand èro gàrri. l'anè lèu à l'endavans, em' acò ie diguè : Brave ome, es iéu que siéu Fadeto. Vous ai grandó óubligacioun, car aièr, bon coume lou pan, m'avès sauva la vido. Bessai que vous n'ensouvenès pas, mai iéu jamai l'óublidarai. Poudès me demanda lou doun que voudrés, e iéu, que siéu Fadeto, pode vous l'acourda.

Noste brave ome fuguè candi. Sachè pas d'abord se Fadeto risié o se parlavo de-bon, e peréu la cresié folo... Sabié pas, d'aiour, quete doun falié demanda. Pamens, se diguè : Ato, pièi, que risques ? E veici lou doun que faguè si delice, un doun divin : demandè que tout cor vivènt ie fuguèsse descata, de façoun que, còume Diéu, counèguèsse li pensado di gènt, fuguèsson-ti enca mai escoundudo !

— Voulès aqui, certo, un doun requiste, ie diguè Fadeto, uno grosso favour, grosso ! Es egau, acò vous regardo. Siegue fa coume voudrés. Prenès aquelo barreto. Quand l'aurés sus la tèsto, chascun, sènso se n'avisa, vous dira sa pensado, fuguèsse-ti enca mai escoundudo.

Lou brave ome prenguè la preciouso barreto, diguè gramaci. E, coume un fum, Fadeto s'esvaliguè.

— Ah ! bèn, pèr aro, diguè noste ome, bon, que vau saupre claramen ço que moun avoucat pènso de moun proucès, que tiro tant de long, las ! moun Diéu !

Em'acò part, arribo à la porto de soun ome d'affaire, dindino, ie duerbon. L'avoucat ie toco la man, e ie ris avenènt, e ie dis : — Ah !

es vous ? Que siéu dounc ravi de vous vèire ! Assetas-vous. Sias lou pu gras e lou mai lanu de mis aret. Longo-mai posque ansin vous toundre ! Bono, là lano, bono !

— Ah ! se dis l'ome de la barreto, coumprene aro perqué siéu encaro entre li man de moun avoucatoun.

E, se virant de-vers l'avoucat :

— E nòstis afaire ? n'en veiren lèu la fin ?

— Lèu ! lèu ! ie fai l'arpian. Coume sias pressa, brave ome ! Cresès dounc que siéu nèsci ? Es veraï que, se vouliéu, n'en sarian lèu sourti. Mai, coumprenès que moun gasan me pretoco mai que lou vostre, — la car es pu proche que la camiso. — Dóu mai pènd, dóu mai rènd. Se l'asard a fa que i'aguèsse forço embroi dins vòstis afaire, es pas iéu que li desbrouiarai, bèn lou countràri !

En ausènt acò — pensas dounc ! — lou brave ome es espanta, vèn blave coume un pedas, e tant n'es esmougu que si dènt bruisson coume se tremoulavo la fèbre. Mai, coume vòu pas dire soun secrèt, viro brido subran, e vai trouva soun àversàri pèr ie semoundre un arrenjamen.

— Voulountié, aqueste ie diguè. Mai, parèis qu'avès pòu, car voulès faire la pas. Eh ! bèn, iéu, vole vous metre sus la paio, e vous leissa que lis iue pèr ploura. Boutas ! vous farai vèire quan siéu !

Tàli resoun estoumaguèron l'ome de la barreto, li bras ie toumbèron, e partiguè pèr ana dire à sa fèmo em'à sis enfant ço que i'arribavo, e pèr ie demanda counsèu sus ço que ie restavo à faire.

Quand sa mouié lou vèi tout trevira, emé la tressusour, — ie pren amourousamen la man, e ie vèn ansin :

— Ço qu'espère vai enfin arriva, moun Diéu, vous rènde gràci ! Ei segur, moun brave ome, qu'anaras lèu fuma li maulo. Sarié l'ouro, car i'a proun tèms que vole me remarida. Sèmbles un desenterra !.. Nanoun, fai à sa serviciàlo, lèu un bouioun d'iòu, e caufo-ie bèn lou lie.

Tranquè lou cor dóu brave ome, ço que sa mouié diguè. N'en fuguè, peccaire ! ablasiga. Siguè bèn pire quand sachè que sis enfant deja se partejavon e la vigno e lou prat, lou claus e lis escut !

Alor, pousquè plus ie teni ; despoutenta sort de soun lie, e s'encour vers si parènt e sis ami, pèr atrouva quauque soulas.

Ai ! ai ! ai ! soun fraire ie dis : — Me vènes en òdi ! Soun german : — Sies un bedigas ! E soun meiour ami : — Sies un ase basta !

Finalamen, noste brave ome perdié lou béure, lou manja e lou dormir. De-longo èro sournaru, assouvagi coume un loup. Basto, sa barreto ie faguè tant escore esfrai que la traiguè dins lou Rose : — Lou tron de l'èr te cure, o barreto d'infèr, diguè ! car as fa moun malur. Erian emè la femo, e lis enfant, e li parènt, coume li cinq det de la man. Tóuti m'amavon, lou cresiéu. Ah ! perqué, paure iéu ! me siéu leissa prendre à toun teta-dous, Fadeto, sacro masco ! Barreto maufantano, m'as trop bèn ensigna que, pèr èstre urous en aquest mounde, fau se countenta dis aparènço.

LOU CASCARELET.

Avignoun, 15 de Desèmbre 1870.

ODI E AMOUR

CANSOUN NOUVIALO PÈR LI FIANÇO DÓU FELIBRE ALBERT ARNAVIELLE

EMÈ SA TELDETO *

I

S'avès fam, courpatas, es l'ouro ;
N'i'a pèr tóuti ; venès à vòu :
Que de mort ! tout lou mounde plouro !
Boudiéu ! tout lou mounde es en dòu !..
D'enemi barbare e ferouge,
Qu'agouloupo la trahisoun,
Dóu sang francés soun tóuti rouge !..
— Es pas lou moumen di cansoun.

* A-n-Alès, lou 10 de Nouvèmbe 1870.

Noun, noun, ges de cant, o Felibre :
De crid d'ahissioun e de mort !
Que lèu noste sòu siegue libre,
Libre dóu Miejour fin-qu'au Nord !
Ounte an passa nòsti bèu drole ?
Nòsti bèu jouvènt ounte soun ?
Pèr li venja que tout s'enrole !...
— Es pas lou moumen di cansoun.

Bando negro de loup alabre,
O tartarasso, o tigre fèr,
Quant vous n'en fau dounc de cadabre,
Goularu raca pèr l'Infèr ?...
Soustas res, ni pichot ni femo ;
Daias tout dins vosto meissoun !
Lou sang rajo emé li lagremo !...
— Es pas lou moumen di cansoun.

Vène au soulèu de la Prouvènço
Recaufa toun pitre, Alemand ;
Dins l'aigo de nosto Durènço
Vène, s'ausés, lava ti man ;
Vène, vène à noste cremascle
Penja toun oulo, e yeiras proun
Se soun tóuti mort nòsti mascle
— Es pas lou moumen di cansoun.

Vène, mastegaire de siaume,
E, s'alènes noste mistrau,
T'escrapouchinaren, Guihaume,
Emé li code de la Crau.
Ie crebarés tóuti, sóuvage,
Souto lou prouvençau trissoun !...
Alor, faren de roumavage !
Alor, diren nòsti cansoun !...

II

Nouvièto, me fasès lis usso :
Negado dins un flot d'amour,
Que vous enchau dóu rèi de Prusso
E de mi guerrièri clamour ?
« Ai moun Albert ; quau me lou raubo ? »
Semblas me dire. Avès resoun,
Gènto Felibresso de l'Aubo ;
Vau chanja l'èr de ma cansoun.

III

Quand l'Amour pico à nosto porto,
Es-ti lou cas de pregemi ?
Quand soun estàsi nous tresporto,
Sus terro i'a plus d'enemi.
L'Amour ! o la divino causo !
Que de sublimi fernisoun !
Di tèndri languimen que causo
Quant se farié pas de cansoun ?

Dau ! que de nosto amo desbounde
L'estrambord que l'entre-foulis !
Quand l'òdi escramacho lou mounde,
Es l'Amour sant que l'espelis.
Se peréu aquest fai la guerro,
Emé dous cor en garnisoun
N'a pèr venci touto la terro,
Au soulet brut de si cansoun.

La guerro, vous l'an declarado,
Mi bèu nòvi, quand vous an di :
« Ah ! Teldeto t'amo e t'agrado !
Ah ! d'Albert as lou cor candi !

E bèn ! nautre, mi calignaire,
Vous gariren de l'artisoun !... »
Mai l'Amour, lou fin enganaire,
Se trufo d'aquéli cansoun.

Albert, toun amo noblo e fièro
A 'sclapa lis entravadis,
E de Teldeto la preièro
Vous a dubert lou Paradis.
O cèn clafi de farfantello !
Pèr un parèu quinto presoun,
Quand es l'Amour que la pestello !...
Ai ! Ai ! coume dis la cansoun.

N'i'a proun aqui, bràvis amaire...
Quaucun manco au nouviau festin ;
Mai de liuen toun paire e ta maire,
Ami, lauson voste destin.
Pèr lis ameisa, fau ie faire
Tito-bello em'un bèn nistoun.
A l'obro doune ! Iéu pèr l'afaire,
Vous proumete uno autro cansoun.

IV

MANDADIS A TELDETO

Nouvièto poulido,
Chato afrescoulido,
Roso qu'a 'spelido
L'amourous soulèu,
Rèino de tendresso,
As fam de caresso ?
As set d'alegresso ?
Bello, manjo e béu.

De la mountagno aureto molo,
Boufo lou bonur e la pas
 Davans si pas !
E soun pichot cor que tremolo
Batra belèu à l'unissoun
 De ma cansoun.

LOUIS ROUMIEUX.

LI PROUFECIO PROUVENÇALO

I

Dins lou gros de l'estiéu, i'a d'aquéli journado ounte fai pa 'n péu d'èr, ounte lou tèms es lourd, e tout ço que respiro, li bestiàri subre-tout, lis aucèu, li dindouletto, sènton veni l'aurige e lou marcon mai o mens.

Dins lou mounde mourau es la memo causo. A l'aproche di gràndi catastrofo, l'umanita sènt un mal-aise generau, e souvènti-fes li simple, o aquéli que soun lou mai près de la naturo, an lou pressentimen de l'aurige que s'avànço.

Coume aquest armana es autant que poussible l'espressioun naturalo d'òu pople de Prouvènço, anan douna eici li dire poupulàri que, dins noste país, sèmbelon avé raport i calamita presentò.

II

I'a 'no dougeno d'an, vivié en Avignoun, dins la carriero de la Balanço, à l'oumbro dóu palais di Papo, uno respetablo vièio qu'apelavon Mariano. Èro la véuso d'un pescaire. Soun esprit pantaiaire, meditatiéu e curious, l'avié pourtado sèmpre à legi li proufecio que courron dins lou pople, aquéli subre-tout dóu famous Nostradamus. E n'avié fa 'n estúdi bèr talamen prefound que, dins aquéli vers escur e segre-nous, ounte li plus abile noun veson que de blu, elo legissié clar e devinavo.

Or, d'aquelo leituro e de si pròpri revarié, Mariano avié tira coume uno quintessènci; e aquelo quintessènci o interpretacioun, elo i'ajustavo se coume à soun sant pater e la coumunicavo à tout paure venènt.

Aro, coume uno part di predicioun de Mariano es censa realisado, s'es forço parla d'elo dins aquèsti darrié tèms, e inème divers journau, tau que la *Marseillaise* de Marsiho e la *Gazette du Midi*, n'an douna 'no versioun proun incoumplèto. Mai nous-àutri, qu'avèn counceigu Mariano, anan douna sa proufeciò, talo que l'avèn noutado e reculido de sa bouco.

Vai sènso dire que la dounan soulamen à titre de curiosita, e que respoundèn pas de vèire ço qu'anóncio. Anarié mau se devinavo. Dounc, que chascun n'en prengue ço que ie fara plesi.

III

Après avé marca la revoulucioun de 48, lis inoundacioun d'ou Rose, e pièi « un prince III, que refoundrié touto la moundo », Mariano disié :

Li gènt prègon pas proun e travaion lou dimenche : lou bon Diéu li punira.
Vendra 'no grosso guerro e 'no grand desoulacioun.

Entendrès de vounvoun dins la carriero
Coume fan li lapin dedins si counilhiero.

L'enemi intrara 'n Franço dins la pèu d'un faus biòu, (lou mareschau *Lebœuf*)
e la Franço sara presso s'as tira 'n cop de mousquetoun.
l'aura mai la Republico.

Paris sara mes dins un iòu
E Lioun rebasti de-nòu.

Malur à la grand Babilouno, la vilo d'impudicita ! la Sèino sara roujo de sang.
Lou sang regoulara pèr li carriero
Coume l'aigo dins la ribiero.

Li gènt escalarau sus li cubert, o jitaran de graviho pèr avugla li chivan.
Li chivan

Auran de sang jusqu'au pèitrau.

Li Francès, que qu'entre-prengon, rèn ie reüssira : Diéu es sourd !
Touto la Franço es devastado, à la reservo d'ou Vivarès o de la vilo d'Avignoun
Que de mort ! urouso la femo que, de-vè-pre, veira rintra soun omo !
E l'òuti li puissanço se s'oulevaran.
De Marsiho à Touloun, eila vers la Ciéutat, rajara forço sang.

Grand coumbat d'ouïstat d'Arle, ounte se trouvara dos coulouno de pourfire.
Bèn urous li que saran darrié li bàrri de Bèu-caire !

I'a 'n grand que mourira de mort tragico : lèu la guerro pren fin.

La pas se tratara sus un pont nòu.

Mai i'a pas que la guerro ; aurés la pèsto e la famino. Sara de tavan negre,
vengu d'Itàli, qu'adurran ia countagioun.

De riche vendran paure, e de paure vendran riche.

Mai à la fin li gènt d'ou mau, virara forço mau pèr èli : s'enfugiran dins li
mountagno e dins li bos ; e tout ço qu'es impur sera escoubeta.

La bourroulo durara de dès-e-vue à vint mes.

Sara mort tant de mounde que i'aura proun d'ou liame di garbo pèr nourri
quau restara.

Avignoun es espargna, d'oumaci es reserva pèr èstre capitalo.

Lou papo vendra faire penitènci en Avignoun ; e lou papo arribara, quand
ausirés dire qu'uno armado navalo a manca peri sus mar. Lou veirés arriba, emé
si moustacho griso.

Alor, urous aquéli qu'auran uno pèiro dins Avignoun !

— La François, peccaire ! vendra plus basso que terro ; mai se relevara.

E Dién sera plus sourd,

Quand li gènt cridaran tóuti : Segnour ! Segnour !

En terro santo se plantara l'oulivo ; la flour vai s'espandi encaro un cop, e la
François flouri mai que jamai.

Sara lou siècle d'or :

I'aura plus qu'un partit, plus qu'un acord.

Lis aucèu dins lou champ auran plus pòu d'èstre tua ; li trufo sourtirán sènso
que li samenon.

E acò, disié la vièio en finissènt, iéu lou poudrai pas veire, mai
vous-àutri lou veirés ; e parlaran de iéu se 'n cop siéu morto. »

E au mai venié dins l'age, au mai èro curiouse de saupre li nou-
vello. Se vesié qu'esperavo e que sentié veni.

IV

Es pas foro prepaus de reprouddurre eici la proufecio de la Saleto
Es un doucumen, d'ou rèsto, que, coume lou precedènt, apartèn à
nosto lengo, e que n'es pas nimai sènso atualita.

Tóuti sabon que dous pastrihoun de Conerp en Dóufinat, Meissemin
e Melanio, gardant si vaco, un jour de l'an 1816, sus la mountagno de
la Saleto, aguèron uno aparicioun.

La Santo Vierge ie diguè :

Si li trufo se gaston, ei rên que pèr vous-autre. Vous hou aviéu fa vèire l'an passa, n'avias pas vougu fa comte ; qu'èro au countràri ; quand troubavias de trufo gastado, juravias, ie boutavias lou noum de moun Fién au mièi ;

E van countinua, qu'aquest an pèr Calèndo n'i'aura plus !

S'avès de blad, fau pas lou semena ; que tout ço que semenarès, li bèstio vous lou manjarau ; e çò que vendra, toumbara tout en pousseiro, quand l'escourès.

Vendra 'no grand famino.

Davans que la famino vèngue, lis enfant au-dessouto de sèt an prendran un trèmbre, mouriran entre li man di persouno que li tendran : e lis autre faran sa penitènci de famino.

Li nose vendran boufro, li rasin pourriran.

Se se counvertisson, li pèiro, li roucas, saran de mountèu de blad, li trufo saran ensemençado pèr li terro.

Fasès bèn vosto preiero, mis enfant ?

— Pas gaire, Madamo.

— Chan bèn la fa, mis enfant, vèspre e matin, quand dirias au mens qu'un *Pater* et un *Ave-Maria*, quand pourrès pas mièus fa ; e quand pourrès mièus fa, n'en mai dire.

Vai que quànqui feno un pau d'iage à la messo ; lis autre trabaion tout l'estiéu lou dimenche ; e l'ivèr, quand sabon pas quo fa, li garçoun van à la messo pèr se mouca de la religioun ; e la Caremo, van à la boucharié coumo li chin.

N'avès ges vist de blad gasta, mis enfant ?

Melanio. — Noun, Madamo, n'ai ges vist...

A Meissemin. — E vous, moun enfant, n'en devès bèn avé vist, un viage, vers lou cantoun, embé voste paire ? que lou mèstre de la pèço disié à voste paire d'ana vèire soun blad gasta ; e pièi i'anerias tóuti dous, prenguerias d'os o'ïres espigo de blad dins vèsti man, li fretarias, o cheiguè tout en pousseiro ; e pièi vous entournerias. Quand erias plus que de miech-ouro luen de Couerp, voste paire vous heillè 'no pèço de pan en vous disènt : Tè, moun enfant, manjo enca de pan a'quest an, que sabo pas qu n'en vai manja l'an que vèn, se lou blad continuo coumo acò.

Meissemin. — Oh ! si, Madamo, m'en rapelle aro ; adès me n'en rapelavo pas.

Après aquén discours, li pastilhoun de Couerp dison que la Santo Vierge ie counlisé un secrèt, en ie recoumandant de lou pas dire. Pamens se decidèron à lou declara au papo ; e se saup que Pie IX, après l'avé legi, s'escridè : Pauro Franço ! Qu'es aquén secrèt ? S'es pancaro publica ; mai nous sian leissa dire pèr de persouno fisablo qu'aquesto profectio i'es dedins : *La Franço passara pèr l'espaso, e l'Itali pèr l'escoubo*.

V

Uno outro aparicioun qu'a fa grand brut, es aquelo de Lourdo, dins li Pirenèu. En 1858, uno fiheto d'aquel endré, la pichoto Bernadeto, anavo buscaia, quand aguè 'no vesiouun ounte la Santo Vierge ie parlè lounghamen e misteriousamen di malur que nous arribon.

Aquéli qu'an la fe dins aquéli miracle dèvon remarca 'no causo que n'es pas sènso ounour pèr nosto lengo d'O : li dos fes que la Vierge s'es manifestado en Franço, a Chausi, pèr parla, l'idiomo dóu Miejour. E tambèn un deputa, M. de Rességuier, que venguè vèire Bernadeto, quand aquesto ie diguè que l'aparicioun parlavo coume elo, aguènt fa l'estouna, e s'estènt recrida coume eiçò :

— Dises pas la verita, moun enfant ! Lou bon Diéu e la Santo Vierge coumprenon pas toun *patoues* e sabon pas toun miserable lengage...

— Se lou sabien pas, Moussu, respoundeguè fort bèn la pichoto Bernadeto, coume lou sauprian nous-autre ? e se lou coumprenien pas, quau nous lou farié comprene ?

Avis i capelan, curat, evesque o segoundàri, que creirien derouga se parlavon prouvençau i gènt de la Prouvènço... Sant Gènt, sant Ro, sant Benezet, coume parlavon ?

VI

Eicò 's peréu lou lio de rapela la proufecìo de la Mascò di Baus, au Cant Sièis de *Mirèio* :

Crist ressuscitara ! lou crese !
De la colo entre li roumese
E li frejau, alin lou vesè
Que mounto, emé soun front que sauno 'à gros degout.

E dins li róumi e dins li clapo
Mounto soulet ; sa crous l'aclapo...
Ounte es, pèr l'eissuga, Verounico ?... Mounte es
Aquèu bravè ome de Cireno,
Pèr l'auboura, se 'n cop s'arreno ?
Emé soun péu que se destreno,
Li Mario plagnènto ounte soun ?... i'a pas res !

E dins l'oumbrun e la terriho,
Avau, Richesso emai Pauriho
Lou regardon que mounto, e dison : — Ounte vai
Emé sa fusto sus l'espalo,
Aquéu, amount, que sèmpre escales ?
Sang de Caïn, amo carnalo,
Dôu pourtaire de Crous n'an de pieta, pas mai

Que se vesien dins lou campèstre
Un chin aqueira pèr soun mèstre !...
Ah ! raço de Jusiou que mordes en furour
La man que t'abaris, e, torso,
Lipes aquelo que t'endorso,
Dins la mesoulo de toun orso,
Lou vos ? davalaran li frejoulun d'ourrou !

E ço qu'es pèiro vendra pousso...
E de l'espigo e de la dôusso
Vai esfraia ta fam lou mascarun amar...
Oh ! que de lanço ! oh ! que de sabre !
Sus quènti molo de cadabre
Vese boumbi l'aigo di vabre !...
Pacefleo tis erso, o tempestouso mar !...

Ai ! de Pèire la bareo antico
Is àspri roco mounte pico
S'es esclapado !... Oi-ve ! lou mèstre pescadou
A doumina l'oundo rebello ;
Dins uno bareo novo e bello
Gagno lou Roso, o reboumbello
Emé la Crous de Diéu plantado au trepadou.

O divin arc-de-sedo ! inmènso,
Eterno e sublimo clemènço !
Vese uno terro novo, un soulèn que fai gau,
D'oulivarello en farandoulo
Davans la frueho que pendoulo,
E sus li garbo de paumonlo
Li meissounié jasènt que teton lou barran.

E, desnebla pèr tant d'eisèmple.
Diéu es adoura dins soun tèmple...

LI VOULOUNTARI

D'eici, soun que tres cènt; mai, enfant de la Franco,
An jamai renega ni si paire ni Diéu;
Volon de soun païs coumpli la deliéuranço :
Vincere o mourri, vaqui perqu'an pres lou fusiéu.

Soun tres milo d'eila. Fort de l'asseguranço
De si canoun d'acié, s'avançon, negre niéu,
Brulant e massacrant... uno guerro d'outranço,
Orre espavènt di maire e tuadou di fién !

Un contro dè, sias proun, o jouvènt ! Vòsti rèire
Coumtavon l'enemi quand l'avien mes au sòu.
Coume éli, zóu avans ! e cridas : Diéu lou vòu !...

— Alor, li bras dubert, coumpagnoun d'armo, un Prèire
S'aubouro, e li benis au trouna di canoun...
E fuguèron li fort : s'èron mes à geinoun !

ROSO-ANAÏS ROUMANILLE.

vignoun, 8 de Desèmbre 1870.

LOU BOUTA-COUIRE

— Niset, diguè Louvisoun à soun drole, mounte pèr faire li lie.
gues bèn siuen dóu toupin. Aviso-te que bouie, e escumo-lou, e fai
chot fio, pichot fio.

E Niset, enfant óubeïssènt, escumavo lou toupin.

— Au secours, ma maire ! au secours ! bramè subran.

Louvisoun davalò, trevirado :

— Qu'arribo ?

— Au secours ! ma maire ! Misericòrdi ! lou bouta-couire me regardo,
me regardo emé d'íue foro la tèsto e gros coume lou poug !

Louvisoun avié bouta couire... uno bello tèsto d'agnèu de camp.

. LOU CASCARELET.

LA RÈINO DI FLOUR

FABLO

A M. Feyrnet, ome de letro.

Auturouso filio de l'aubo,
Uno bello roso de Mai,
Just venié d'espandi sa raubo,
Font de prefum e de pantai.
A l'espelido, sa meireto,
Pèr signe d'un poudé reiau,
Pausè sèt perlo belugueto
Subre soun front de fin courau.

« Mai d'èstre rèino m'enchau gaire,
Se res noun vèn me lou canta :
Vole uno court e d'encensaire
Qu'enfestouligon ma bèuta, »
Diguè la flour encourounado ;
E lèu un pichot Mousquihoun
De-longo ie toco l'aubado,
En fasènt milo virounoun :

« N'i'a proun ! ie dis la soubeirano,
Fai-me 'n plesi : vai troumpeta,
Subre li colo e dins li plano,
Que sièu eici dins mis estat,
Presto à reçaupre lis óumage
Di courtisan di tèndri flour... »
Lou Mousquihoun se bouto en viage,
La Roso aura lèu uno court.

Au bèu proumié cop de troumpeto,
Cènt Parpaïoun an l'alo au vènt ;
Van poutouneja la reineto,
En ie fasènt plucio d'argènt ;

Mai lou trepa de si petouno
Mete la Rèino en grand soucit :
« Ai ! ai ! de ma bello courouno !
Elo ie crido, gramaci ! »

« Subre ta gauto resplendèto
Pauso un pichot gran de bèuta !
Ie fai uno bestiolo gènto,
Iéu lou sarai, o Majesta ! »
E subran la Catarineto
Ie trauihejo sèns façoun
Satin, velout e denteleto.
Pèr sa supèrbi que leiçoun !

« Majesta ! ie fai uno Abiho,
Lou Rèi m'a coumanda de mèu
Pèr la grand noço de sa fiho :
Douno-me ti prefum nouvèu ! »
La Rèino s'espoumpis de croio ;
Ie largo tóuti si tresor ;
L'Abiho, emé la plus grand voio,
L'agouto soun calice d'or.

La Roso ei bèn amalugado ;
Sa court cargara lèu lou dòu.
Ai ! un gros Tavan l'a turtado :
Tóuti si fueio soun au sòu !
De-qu'a soubra de soun autesso ?
Rèn qu'uno causo à traire eila :
Ansin glòri, bèuta, grandesso,
Tout s'enauro pèr davala.

Avignoun, 1870.

AGUSTIN BOUDIN.

Maridas-me, ma maire, que tant prim fiele !

LOU VÊUSE

Un Gavot anè, l'autre jour, atrouva soun ome d'affaire, abile avoucat, segur, e ounèste, — se n'en capito !

Intro dins lou gabinet, lou mountagnòu, tout vesti de cadis negre, la cresso au capèu, uno cresso de dous pan de long ; s'assètò, triste, souspiro e plouro, e seco si lagremo emé soun moucadou.

— Ah ! Moussu, dis, pièi, joughnèt li man e picant di pèd, es morto ! Pauro Catarino ! tant abarousò, tant espargnarello !.. L'avié bèu quaranto an qu'erian uros ensèn, Moussu !..

Que voulès ? l'avoucat l'assolo de soun mies... e finis pèr coumprendre que noste vèuse venié lou counsulta à prepaus de la succeïoun de la pauro morto. Marida sòuto lou regime de la coumunauta legalo, e sènso enfant, lou Gavot èro liuen de s'imagina que falié rèndre i coulateral de sa Catarino la mita dóu bèn que s'èron acampa, en tant espargnant ! L'avoucat prenguè de precauciou pèr ie dire.

Lou mountagnòu, espanta, duerb d'iue tant que n'a : compren pas bèn tout ço qu'acò vòu dire, e... bado, Coulau !

Basto ! quand l'ome d'affaire i'a fa touca la causo emé lou det, lou vèuse blavis, sarro li dènt e li poung, e coume un jounc tremolo.

Èro clar qu'un aurige couvavo.

L'aurige esclato : lou Gavot s'aubouro, sacro, estrasso la cresso de soun capèu, e, chanchant sòuto li pèd capèu e cresso :

— Oh ! souiro ! dïs ; e iéu que te plourave !

LOU CASCARELET.

LI DOS GRANOUIO

Ai ausi dos granouio, e veïçi ço qu'an di :

— Lou souleias vai nous rousti !

Anen dins aquèu pous : l'aigo n'èi lindo e fresco.

— L'anariéu voulountié refresca ma ventresco !

Mai, èi pas tout d'intra : lou tout èi de sourti.

CAIUS MARIUS

I

L'envasioun fourmidablo qu'es vengudo aquest an ensaunousi la Franço, a agu sa pariero, l'aura lèu dous milo an. Aquéli nacioun alemando coungreion, parèis, mai rapidamen que nautre, e quand sa terro es pleno, desboundon sus la nostro coume de Rose furious.

En l'an 102 avans Noste-Segnour, peramount di païs tengu vuei pèr li Prussian, sourtiguè 'n fum de pople, que, souto noum de Cimbre, de Tèutoun e d'Ambroun, inoundèron l'empèri rouman. Roumo èro d'aquéu tèms noste Paris ; e, coume li Prussian an toumba vuei sus Paris pèr faire arland de si richesso, li Tèutoun, si rèire-grand, davalon abraïa pèr piha Roumo.

Èron mai de tres cènt milo, e tirassavon après éli si femo e sis enfant sus de carriou. Li proumiéris armado que se ie mandè contro fuguèron espoutido. Coume li Prussian de vuei, aproufoundissien tout souto sa masso, e pèr sa barbarié destrusien tout sus soun passage. Dins aquéu moumen de prèisso, Roumo, pèr se sauva, capitè Marius.

Lou conse Caius Marius èro un ome paciènt e dur e indoumtable. Dins l'Africo, s'èro afa i marridi guerro en bataiant long-tèms contro l'arabe Jugurtha. Quand sachè que li Tèutoun veniensus la Prouvènço, aduguè soun armado à l'espèro long dóu Rose, establiguè soun camp dins lis Aupihò, e, pèr acoustuma si sódard à la fatigo, ie faguè cava 'n canau (*fossæ marianæ*) que, travessant la Crau, jognié lou Rose emé la mar. Pèr aquéu biais evitavo lou Gras — ounte li banc de sablo empachon la navegacioun (es la memo resoun qu'a fa, dins noste siècle, faire lou canau de Bou, emai aquéu de Sant-Louis) : e pèr lou Rose e pèr la mar, poudié s'aprouvesi de ço qu'avié besoun.

Li Barbare, innoumbrable, en ourlant coume de loup, arribèron enfin. Mai Marius, voulènt abitua si troupo à la laido caro, i bramadisso e à l'arrougantige di Tèutoun, emai l'agarriguèsson, emai l'esbramassèsson e se trufèsson d'èu, refusè lou coumbat, e li leissè passa e defila tant que n'l'aguè, souto li paret dóu camp. « Anau à Roumo,

cridavon i Rouman, ie voulès rên manda, à vòsti femo ? » E sièis jour a-de-rèng passèron coume acò, à moulounado. Or, noste capitani, quand aguèron passa, pleguè bagage, e pèr uno outro routo li seguiguè, li seguiguè jusqu'au terriare d'Ais.

Li Téntoun s'espandiguèron dón coustat de la vilo, e li Rouman anèron se campa un pau plus bas, en un quartié forte e segur. La ribiero de Lar separavo li dos armado... Tout-en-un-cop la despaciènci prenguè li Prouvençau (autramen di Ligour) qu'èron campa 'mé Marius, e la bataio s'engagè : uno bataio inmènso, acarnassido, afrouso, uno bataio de tres jour e de sièis lègo d'estendudo, ounte li femo di Barbare se batien emé l'enràbi ; e li Ligour e li Rouman faguèron un tau chaple d'aquéli bando fèro, que li cadabre, dis Plutarque, engavachèron la ribiero, e que li Marsihés, emé lis os di mort, aguèron de que faire de baragno à si vigno, e que dón pourridié la terro longo-mai demourè drudo.

Dous cènt milo enemî fuguèron sagata. Lou restant s'esperdeguè o fuguè mes en esclavage. Lou grand ome de guerro rendeguè grâci i Diéu : la civilisacioun latino èro sauvado.

II

Antambèn, Marius es immourtau pèr la Prouvènço, e de touto nosto istòri, es lou noum lou mai vivènt. Lou noum de Marius es, dins nòsti païs, un di mai pourta que i'ague, e foro dón Miejour, quouro que rescountrés un ome bateja Marius, poudès dire qu'es d'Ais o de Mar-siho o de peraquî.

Sènso coumta li pèiro escricho que retrason aquéu noum, anas à Sant-Roumié, e demandas i païsan quan soui aquélis estatuo que i'a sus lis Antico. Tóuti vous respoundran : *Es Câius Màius*. En Aurenjo, entrevas-vous sus soui arc-de-triounfle ; vous diran simplamen : *Es l'arc de Marius*.

A Ventabren, vous mostron lou *baus de Marius*, e à Jouco la *font de Màri*. Vers Ais, avèn Meiruei, qu'es en latin *Mariolum*, emé Meirargo, qu'es *Marianica*. Dins lis Aupihò, Van-Meirano (*vallis mariana*), Mei-

rano, dins la Crau, e lou mount Mariet, à Fos, soun autant d'entre-signe dóu generau rouman. Fos éu-meme se trovo just plaça ounte li *Fossæ Marianæ* se trasien dins la mar.

S'atribuïs peréu à Caius Marius la levado que separo l'estang de Berro d'aquèu de Marignano, e que se noumo lou *Caiéu*. En prouvençau, dóu resto, noumon *caiéu* tóuti li terro ounte i'a de téule-anti e de rouino roumano.

Subre-que-tout, lou serre que veguè à si pèd lou grand evenimen, lou pue Santo-Yentùri (*mons Victorix*, dins li charto), prouclamo longo-mai la vitòri dóu grand conse ; e li gènt de Pertus escalon chasco annado à la cimo dóu mount pèr celebra despièi l'anniversàri. Enfin, lou lio dóu carnalage, aqui ounte an pourri li cadabre Téutoun, se noumo encuei *Pourriero*.

Au plan de Tres, près de Pourriero, en un rode apela lou quartié dóu *Triounfle*, se pòu vèire li rèsto dóu mounumen de glòri auboura pèr Marius. Glaude Brueys n'en parlo :

De la vitòri dei Rouman
Nasquè lou trienfle de Pourriero.

Segound li vièis istourian, lou troufèn en entié se vesié representa sus uno tapissarié di segnour d'aquel endré. Èro uno piramido, courounado pèr un group de tres guerrié què pourtavon uno targo sus la tèsto, e sus la targo èro quiha lou capitani triounflaire. Lou retra dóu mounumen es counserva tambèn dins lis armo de Pourriero ; e d'aquí vèn lou prouvèrbi : *Acò's li's armo de Pourriero, soun tres à pouta 'n téule*, que se dis quand li gènt se meton en fatigo pèr faire pau de causo.

Moussu Gilles, d'Eirago (*Campagne de Marius dans la Gaule*, Paris, libr. Thorin, 1870), a descubert i Baus li mounumen de Marius dins lis Aupiho. Eméforço resoun ieraporto dous buste que soun entaia dins la roco, emai la gravaduro que li Baussen designon pèr lou ro di *Tre-maié o Tres Mario*. L'autour retrovo aqui l'image de Marius, de sa mouié, e de la masco Marto, que pertout l'acoumpagnavo. Esplico meme ansin la poupularita, sus la ribo dóu Rose, dóu culte di Mario

e de santo Marto, counfoundu pèr lou pople emé li remembranço de l'illustre rouman.

Es toujours que se vuei, dins la malemparado, nosto pauro nacioun avié agu soun Marius, n'aurié garda peréu memòri eterno.

F. MISTRAL.

Maiano, novèmbre 1870.

A VILO-NOVO

Moun Vilo-Novo, iuei te counsacre moun amo !
Car m'es avis qu'eici tout, fin-qu'i pèiro, m'amo :
Aquest vièi onstau es l'oustau
Peirenau di Ranquet ounte es nasen moun paire.
Ounte pèr Cacho-fio toujours emé sa maire
Festejavian lou calendau !

Mi souveni dóu brès tout eici me rapello :
Vaqui mounte ai grandi, vaqui pièi la capello
De ma proumièro communion ;
L'escolo ounte aprenguère à legi ; la sausilio
Ounte anave gasta li nis de l'auceliho,
Ma Signoureto, Cabrioun !

Rèn n'ès de manco en-lío : veici la fresco andano
E lou banc de moun paire e lis àuti platano
Que samenè soun rèife-grand :
Eici, iéu, ai senti ço que dins la jouinesso
*Pòu l'avé d'estrambord, de joio o d'amaresso,
Vaqui perqué iéu t'ame tant !

Colo de Bello-Crous, o font de l'Ermitage,
E tu, soulèu tremount, jitant sus li fuiage
La caudo pourpro de tonn sang,
Avès de sa bèuta garda la remembranço :
Au paradis de Diéu i'a meas de benuranço
Que dins l'amour d'aquel enfant !

Oh ! que fai bon ama ! coume elo èro poulido,
Quand de si bouco en flour, coumo uno bouscarido
Lèu s'envoulavo uno cansoun !
Prouvènço, noun jamai li rai de tis estello
Clarejèron tant pur sus front de vierginello
E noun jamai l'Amour aguè tant fres poutoun.

Es eici tourna-mai, o malur ! o lagremo !
Que, louubre-endeman que prenguère ma femo,
Moun paure paire mouriguè !
Paire, l'iue tout dubert, paire, te vèse encaro
Regardant eilamont : qu'èro bello ta caro !
E ta santo amo partiguè.

Desempièi au grand claus es aclapa, pecaire !
Peréu, moun Vilo-Novo, o país, o terraire
Ounte repauso dins la mort,
Iéu, vole deveni toun defensor coume èro,
Demandant en retour rèn que tres pas de terro
Contro la plaço mounte dor !

ÉMILE RANQUET.

Vilo-Novo, lou jour de Sant-Marc, 1870.

LI COUSCRI

Un vièi capitani, proun rampous, (avié fa tant de campagno !) e proun renaire (èro tant rampous !) passavo en revisto li couscri que venien d'arriva, aligna davans éu, rede coume de terme.

— Tu, de-qué sies, tu ? dis au proumié.

— Iéu, capitani, siéu engaja voulountari.

— Avies ges de pan à l'oustau, galavard, e vènes manja lou pan dóu gouvernemen ! Marrit sódard ! — E tu ? dis au segound.

— Iéu, capitani, siéu parti pèr moun sort.

— Sódard pèr forço. Marrit sódard !

— E tu, rampelin ? dis au tresen.

— Iéu, ai ramplaca, capitani.

— Galagu, l'as vendu, lou porc de toun paire ! Marrit, marrit sôudard !...

Creirias pas que li repassè tóuti fin qu'au darrié, e que n'atrouvè ges de bon !

LOU CASCARELET.

I VOULOUNTARI PROUVENÇAU

E A M. CIP. GAUTIER, CHIVALIÉ DE L'ORDRE DE CHARLE III

Valènts enfant de la Prouvènço,
Qu'avès garda la souvenènço
De vòsti paire d'Iena,
De bèn mouri vès-aqui l'ouro,
La Prùssi tourna-mai s'aubouro,
Nous demandon : — ie fau aua !

Lou lausié sèmpre porto ramo...,
Avès grandi trasènt vosto amo
Vers lou passat, vers lou verai ;
A mai que d'un fasès envejo,
E la Nacionn que vuei s'eigrejo
A vòsti front a mes de rai.

Dau ! embrassas sorre e mestresso...
Pantai d'amour, dóuci caresso,
Fugissès tout !.. Se Diéu lon vòu,
Revendrès mai turta lou vèire ;
Se perfès venias plus nous vèire,
La Prouvènço pourtara dòu !

Dou Mount-Ventour fin-qu'is Aupiho,
Pastre, leissas vòsti clapiho.
La Franço crido sis enfant !...
Pescadou de Cassis à Vènço,
Di ribo de la mar immènso
Arribas lèu ! la mort a fam !

Eilamount lou Prussian vanego,
Eilavau tourna-mai navego...
Sagatas-lou, malan de Dièn !
Prouvençau de la grando raço,
Pèr coussaia la tartarasso,
Arrapas tóuti lou fusiéu !...

Lou tèms es bèu, lou bouié canto :
Defensour de la causo santo,
Vous seguïren dón founs dón cor.
Avans toujours ! Mort a la Prüssi !...
Que vòsti bataioun destrüssi
Porton pertout la negro mort.

Adessias dounc, fién de Prouvènço !
Ardènt e gai, plen de jouvènço,
Caminas sèmpre emé fierta.
Siau e gaiard Dièn vous mantèngue,
Pèr que dins nosto Franço avèngue
La pas emai la liberta.

MARIUS GIRARD

Sant-Roumié, 25 juliet 1870.

Coume soum urous, li gènt de Marsiho !
Lavon sa bugado au trau de l'eiguié,
E la fan seca dessus la grasiho.

LI PÈIRO DE VENASCO

Coume sabès, Venasco es quilha sus un moure ; lou pi a taia lou ro tout-de-long dóu camin que ie mounto ; e de veno, largo coume la man duberto, mostron dins aquéu ro coume l'on pourrié dire lis assiso dóu mounde.

Li savènt, en cercant dins aquéli veno, ie trouva empeira d'os, de dènt, e àutri briso de bestiàri que se n'es perdu la meno, e nous refan un mounde que lis ome n'an pas vist.

Lou celèbre Requier, que res l'a 'ncaro ramplacha dins Avignoun, es esta un di proumié à faire aquelo tant bello obro. A soun entouravié, coume autant d'escoulan, un vòu de bràvis ome que bouscavon coume éu d'aquéli briso que disian. Aquí avias Maurice Palun, Proust pèr Renaux, Vigno, Mouto, Raspai, Derbès, Martins, Fabre, e tant d'autre que si noum me vènon pas. Mai que d'un d'éli soun devengu celèbre, e lis an bèn paga pèr douna leiçoun is autre.

Un jour dounc qu'èron à Venasco, aferouna dins li ro, un païsan li tenié d'à ment, sus l'estiganco de faire fourtuno en fasènt coume éli. Se capito qu'aquéu jour Renaux avié fa bono pilho e davalavo galo li camin tors, emé proun pèiro dins si pòchi e 'no granda announito sus soun bras. Lou pacan alongo li cambo pèr l'ajougne, car, coume Renaux èro forço grand, arpentavo coume se dèu. Mita courrènt, mita marchant, arribo, e ie fai desalena : « Digas-me 'n pau, brave moussu, que fasès d'aquéli pèiro — que cercas emé tant d'afecioun, e que pièi empourtas coume s'èro de mouto d'or ? »

— « Eh ! bèn, ie fai Renaux, lis estudian, li metèn sus de taulo, li uno à coustat dis autre, e trouvan qu'acò vèn de bèsti que noum eiston plus. »

Lou pantò durbié de grands iue e èro tout auriho. — « E pièi ? » fa-guè. « E pièi, pas mai... » La mino dóu pacan alor s'espandiguè : « Ha ! vous trufas de ièu, vous ! Anas, anas, moussu, que li vendès bèn caro en quauque abouticàri ! »

LOU CASCARELET.

LA MEIRASTRO

CANT POUPULARI

A DAMASE ARBAUD

L'enfant que sa maire èi morto,
Cerco sa maire en plourant,

Ai ! ai !

Cerco sa maire en plourant.

Noste-Segnour lou rescontro :

— Moun paure enfant, ounte vas ?

Ai ! ai !

Moun paure enfant, ounte vas ?

En plourant cerques ta maire ?

Vai au cementèri verd,

Ai ! ai !

Vai au cementèri verd.

Moun enfant, au cementèri,

Ta maire te parlara,

Ai ! ai !

Ta maire te parlara.

— Sus moun cros amount quau pico ?

— Es iéu, bono maire, es iéu !

Ai ! ai !

Es iéu, bono maire, es iéu !

Ounte sias iéu vole l'èstre :

Maire, maire, durbès-me !

Ai ! ai !

Maire, maire, durbès-me !

— Tourno lèu vers ta meirastro,
Qu'emé ta maire auriés fre,

Ai ! ai !

Qu'emé ta maire auriés fre !

Digo bèn à ta meirastro
Que te lave, moun enfant,

Ai ! ai !

Que te lave, moun enfant.

Digo-ie que te penchine,
Que penchine ti péu rous,

Ai ! ai !

Que penchine ti péu rous.

— Quand me lavo ma camiso,
Me la fai jamai seca,

Ai ! ai !

Me la fai jamai seca.

Quand me fardo e me penchino,
Me fai rèn que grafigna,

Ai ! ai !

Me fai rèn que grafigna.

— Noste-Segne te l'espèro,
Moun enfant ! tourno à l'oustau,

Ai ! ai !

Moun enfant ! tourno à l'oustau.

A l'oustau l'enfant s'entourno
E se coucho pèr ploura,

Ai ! ai !

E se coucho pèr ploura.

Mai plourè qu'un jour, pecaire !
Lou segound jour, souspirè,
Ai ! ai !
Lou segound jour, souspirè.

Lou jour tresen trespasavo....
E la meirastro cantè !
Ai ! ai !
E la meirastro cantè !

Jèsus-Crist mandè dous ange :
l'aduguèron l'enfantet,
Ah ! ah !
l'aduguèron l'enfantet ;

E 'mpourtèron la meirastro
Li dous diable que mandè,
Ah ! ah !
Li dous diable que mandè !

LOU BATUN

Dins forço oustau de la terro d'Arle, au-lio de bard o de maloun, i'a
o qu'apellon un batun. Tóuti sabès ço qu'es.

Un jour, dous bon gavot, davala di mountagno pèr faire li meisoun,
ron estabousi davans lou batun lisc d'un mas ounte soupavon.

— Ah ! paure, mèstre ! queto pèço de pèiro ! Noun avian jamai vist
auso tant largo ni tant bello... Peréu voudrian bèn saupre coume
aguèron pèr l'intra, car, sant Antòni ! es bèn plus grando quela pouerto.

— Eh ! testoulas, l'autre gavot ie fai, veses pas que l'an messo avans
le téulissa ?

LOU CASCARELET.

ZOU !

AU POPLÉ DOU MIEJOUR

Zóu ! pèr apara la coumuno causo,
Zóu sus lou Prussian, d'un vol de vóutour !
Zóu ! lous omes bruns dóu Rose à l'Adour,
Toutes que pensan, parlan memo causo.
Oh ! l'ome dóu Nord, de-que vòu, de-qu'auso ?
Zón ! que de la poudro embriaigue l'oudour !

Gascouns, Prouvençaus, quand amount lous fraires
Contro l'enemi rede tènou cop,
Nautres istarian aici coumo acò,
Ansin que d'enfants, coumo de plouraires !
Ausarian-ti pièi touca lous araires,
Béure noste vin pur dedins lou got ?

De la maire Franco a dubert la raubo,
A touca sa car blanco, tron-de-voi !
Un sódard brutau ! Mai ço que n'en coi,
De mau, lou saupra ; que, s'el se ie raubo,
Subre noste front plus se lève l'aubo,
Que cadun venguen borgne, gibous, voi !

Car nosto Patrio es, sabès, tant bello,
Que l'orre Barbare auriè tambè goust
De la fringa... Zóu ! que crido : Au secous !
Oh ! de la venja nosto car trampello...
E nous envendren beisa sa parpello,
Dóu sang enemi lou pèd tout fangous !

Quant soun ? un milioun ? En Quatre-vint-douge
Èron bèn autant, qu'aro sian bè men,
E lous esclapèn, e d'aise, pamen ;

E iuei... Oh ! n'i'aurié pèr n'avé lou rouge
De vergougno au front... Que cadun, ferouge,
Pique, e de venci n'es prou d'un moumen.

Zóu sus lou Prussian que pòu caro-viro !
Qu'encò d'el pa'n flo noun posque entourna ;
Fau l'escafouia, l'escrapouchina !...
E que de sous os la pousso que viro
Danse au grand sourèl patriau — qu'amiro
Lou qu'es nascu libre e pas coussouna.

A. ARNAVIELLE.

Alès, 1870.

L'EMBROI

Imagino-te, me disié Jan Gougouio, que prenguère pèr femo uno véuso, e qu'aquesto véuso avié 'no chato d'age à marida.

Acò vai bèn.

Imagino-te peréu que moun paire venié souvènti-fes nous vèire, que s'amourousiguè de ma fihado, e l'espousè. De façoun talo que moun paire venguè moun gèndre, e ma bello-fihò ma maire, car èro la femo de moun paire.

Acò vai bèn.

Imagino-te que, nòu mes après, ma femo me faguè 'n drole. De façoun talo que moun drole èro lou bèu-fraire de moun paire, e peréu moun oncle, car èro lou fraire de ma suegro.

Acò vai bèn.

Imagino-te, moun ome ! que la femo de moun paire, — ma bello-fihò, — aguè tambèn un drole. Vai sèns dire qu'aquest drole èro moun fraire, e, en meme tèms, moun felen, car èro l'enfant de ma fihò. E ma femo fuguè dounc ma grand, car èro la maire de ma maire.

Tout acò vai bèn.

Mai imagino-te que iéu, coume ère, en meme tèms, l'ome e lou felen de ma mouié ; e, coume es clar que l'ome de la grand de quaucun

es soun grand, vai pas se capita, moun ome ! que sièu, ièu, mo
propre paire-grand ?

Quand vous-autre disès, pamens !

LOU CASCARELET.

LOU VIÈL E LI TRES GARÇOUN

Un vièl à iuetanto an plantavo
Un ermas, dins lou gres, e se ie desounglavo.
Tres droulas dóu quartié disien : Lou vièl foutran,
Que boulego amount de caiau,
Repèpio, e voudrié mai qu'anèsse dins la baisso
Faire un cros de sièis pan pèr i'enterra sa caisso...
De-que vous revendra, vejan, noste vesin,
Sus aquéli clapas de vous esquina 'nsin ?
Pauficas dins li ro d'estaco e de pourreto
Que pourtaran d'óulivo e faran de rasin
Din dès an ; mai, l'ami, chouurlarès pas lou vin !
Veirès pas madura ni peiran ni clareto ;
Emb' aquélis óulivo anarès pa' au moulin ;
Avès proun mastega de biasso :
Se fai tard, mèste Bourtoumièu,
E vous an desteta, dèu i'avedre un bon brèu !...
Un d'aquésti matin farès la viro-passo.
Leissas à nous-àutre, gachas,
E lis obro de longo e tóuti li tracas
De l'esfatage... A la culido
Ie sarès pas de vosto vido,
Quand sarié la d'un cōurpatas.

— Bèn pièuta, mi tres tarnagas !
Que ie respond lou vièl en frounsissènt lis usso :
E quau vous a pas di, tambèn, qu'espeiregas
E susas pèr lou rèi de Prusso ?

Ounte avès pres, blanc-bè, que viéurés mai que iéu?
Quau pot dire en janvié : Veirai lou mes d'abriéu,
E culirai lis agrioto ?...

S'avès agu lou senepiéu,

Sès pas quîte de la pigoto ;

E voudrié pas, tout vièl que siegue, Bourtoumiéu,
Èstre un jour soulamen dedins vòsti culoto.

Pièi, se more davans, ço que n'es pas segur,

Mi nebout manjaran mi rasin e mi figo.

Eh ! bèn, gachas, quante malur !

Se sounjave qu'à iéu, plantariéi pa 'n garrigo,

Passariéi tout moun tèmsli pè'n crous, coume un Turc

A regarda moun embounigo.

Es vrai que se fai tard, e memamen escur,

Mai belèu lou bon Diéu m'acourdara la joïo

De vèire peraquì verdeja quàuquì grell...

S'à l'oumbro de mis aubre esquiche pas l'anchoïo,

Bèn l'esquicharai au sourel.

Belèu sus mi clapas ausirai l'alauveto

Canta sis èr, qu'aurés fa la cambareleto,

Aurés eilai passa davan...

Pode èstre encaro eici, sièis mes, un an, dous an :

La Mort vai, vèn, volo e varaïo,

E pico a l'asard de sa daïo,

E Diéu sap quau veira deman ! —

Lou vièl aguè resoun : dins la memo semano,

Un di tres cambarado, à l'espèro, de-niue,

Acasso un bon plurèsi e lou vejaquì kiue !

Lou segound, rasetaire adrè, 'mé soun engano,

Is Areno, se fai creba d'un cop de bano

(Se fau crèire l'auboi, lou biòu n'avié pas tort),

E malautejè pas, car l'empourtèron mort.

L'autre, couscri, part pèr l'Africo,
Tant-lèu en mar, a la coulico,
E la coulico aguè sa fin :
Faguè lou dina d'un raquin.

Quand aprenguè 'quéli nouvello,
N'en plourè, dins sa capitello,
Lou bon vièl ; e long-tèms après, en majecant,
Countavo à quau voulié lou sort di tres enfant.

Eicò, mis ami, n'es pas fablo,
Es uno istòri veritablo
Que provo, cla coumo lou jour,
Que savèn pas pèr quau lou pan roustis au four,
E que sus l'aveni fau pas trop metre à coire ;
Pièi, qu'à tuste-balustre on pot sè faire un tal ;
Que lou traval es san, que siegue escrieüre o foire ;
Que devèn respeta li vièl e lou traval.

Sus lou prougès, aro, à chival,
Anan brido abatudo, e metèn au rambal
Li péu blanc desmouda coume lou rèi Erode ;
Escampan au rebut li juge à setanto an,
E quauque jour un nouvèl code
Nous desbarrassara de nòsti paire-grand...
L'a 'n païs, dón coustat que lou sourel se cocho,
Qu'un pàu mourtifica, li manjon à la brocho.
Soundesóuvage, esvrai, qu'an pas ges de bon Diéu :
Nàutri n'avèn tant pau que tèn pas que d'un fièul..
Se manjan pas li vièl, li voulèn pus à taulo ;

Rousigon sa part dón gigot :
— Quouro nous laisson lou magot ?
E quouro van fuma li maulo ? —
Es ansin qu'entendrés parla,
Embourgnad'un lourgnoun, dins souu colestrangla.

De cadet que n'an pas mai de cor que d'idèio,
Car s'agis pas eici soulamen de ceban :
Li vâsti crenoulino e li tignoun d'un pan
Fan, di fiheto, de poupèio
Que mespreson si maire e ie dison : Carpan !
Es lou meme apêtis de bèstio qu'enferouno
Paure e riche, pichot e grand...
— Mai, fau s'arresta dins l'androuno,
E n'i'a proun de di, mèste Jan.

JAN DE LA TOURMAGNO.

Nîmes.

LOU PRESOUNIÉ

Un Marsihés, parti pèr la guerro, èro esta fa presounié, — coume
unt d'autre, ai ! las ! moun Diéu ! — e reboulis, en aquesto ouro, au
n founs de l'Alemagno.

Vèn de manda de si nouvello à si gènt. S'avié di ço que n'èro, lou
aure jouvènt, e counta si reboulimen, de-segur si parènt aurièn
as vist soun papié, car avans de parti d'Alemagno, touto letro de
resounié passo souto lis iue alemand ; e pretèndon, li vincèire, faire
scrièure i vincu que soun i pèd de Diéu, bèn nourri e bèn vesti, e
èn trata.

Lou Prouvençau a sachu engana l'enemie faire assaupre à si parènt
verita, touto la verita, rèn que la verita.

E veici coume : « *Mes chers parents, dis soun papié, je jouis d'une santé
excellente. Je ne manque de rien. On nous traite admirablement.* »

Em'acò pièi li saludo, e signo :

Votre fils dévoué,

GREBAN DE FAM.

Bourdèus pèr la dânso,
Toulouso pèr lou cant,
Agèn pèr lis armo.

LEIS OULIVAIRIS

Veici, veici leis óulivairis !
De seiriasso toujour la valounado ris
Dei riasso d'óulivairis.

La nèblo va s'estrassa lèu
Souto lou dardai dóu soulèu ;
L'erbeto es pleno de blancado ;
Dintre leis aubre despampa,
Leis aucèu se soun acampa,
Piéuton en cercant sa becado.

Nouèsteis óulivié sèmpre verd
D'óulivo negro soun cubert ;
Oh ! coume fa gau de lei vèire !
Lei moulin an deja vira :
Oh ! que de mòuto se fara,
Oh ! que se turtara lou vèire !

Coume d'eissame d'auceloun,
Sus la couelo, dins lei valoun,
Lei fillo, lou panié sus l'anco,
Au poulit biais pèr óuliva...
La man cuïs, la lengo va...
An peno a móuse chasco branco.

Lou mes de Mai emé sei flous
De Nouvèmbre sera jalous !
Se Mai a sei roso espandido,
A boudre Nouvèmbre espandis,
Coume d'aucèu bandi dei nis,
Leis óulivairis tant poulido.

De sant Martin sian à l'estiéu :
L'aigo barjaco au bord dóu riéu ;
Dins lei tousco n'es qu'un ramàgi.
Lei fiheto, qu'an pau de sèn,
Foulastrejon tóuteis ensèn,
E vous creirias au roumavàgi.

Veici, veici leis óulivairis !
De sei riasso toujours la valounado ris,
Dei riasso d'óulivairis.

J.-B. GAUT.

A-z-Ais.

L'ESCOLO

Es l'ouro de l'escolo ; la maire de Quiquet vèn à Quiquet :

— Quiquet, te fau ana à l'escolo.

Lou pichot fai la mino.

— Anen, mignot, vaï-ie.

— Vole moun dejuna !...

— Tè, vaqui un courchoun, moun bèu ! vai à l'escolo.

Quiquet fai mai la mougno.

— Eh ! bèn, de-que vos mai ?

— Vole un pau de pitanço !...

— Tè, vaqui uno poumo, perlet ! vaï à l'escolo...

Quiquet fai mai lou mourre.

— Bèn ? ie vas, à l'escolo ?

— Iéu vole encaro un tros de pan.

— Tè, ve-n'aquí un autre, e zóu ! marcho à l'escolo !

Quiquet, emé sa poumo e si dous tros de pan, fai tourna-mai la bèbo :

— Bèn ? aro, que vos mai ?

— Iéu, vole uno outro poumo !...

— Tè, vaqui uno outro poumo, e parte sus-lou-cop..

Emé soun pan de chasco man e si dos poumo dins sa blodo, Quiquet
fai uno tufo de quatre pan de long.

— Eh ! bèn, n'as panca proun ?

— Iéu n'en vole uno di roujo !...

La maire, en crenihant :

— Tè, ve-n'aqui uno roujo, e passo que t'ai vist...

Emé si dous tros de pan e si tres poumo dins la faudo, Quiquet courbo la tèsto, plourinous.

— Bèn ? drogues à l'escolo ?

— Iéu n'en vole encaro uno !

— Tè, ve-leis-aqui tóuti, e se sies pas countènt, calèu !...

— Vole un moussèu de sucre !...

La maire cour à l'armari :

— Quand me parlas dis enfant ! vous farien veni verd ! Tè, tè, vaqui de sucre... Eh ! bèn, l'escolo ! marches ? Que vos mai ?

Quiquet, plourant e trapejant :

— Vole pas l'ana !

LOU CASCARELET.

LA PARABOLO DOU SAMARITAN

Pèr fa la carita quand dounas voueste argènt,
Fau jamai demanda coumo pènsou lei gènt.
Que siguen liberau, que siguen reialisto,
Lou Crestian veritable es aquèu que n'assisto.
Amen noueste prouchan : quand fèn la carita,
Tout ço qu'es òupinien, meten-vo de consta.
Lou Diéu de l'Evangile es lou Diéu que perdouno
E veici la leïçon que Jèsus-Crist nous douno :

Un dóntour de la lèi, un rabin d'aquèu tèm,
S'aprouchè de Jèsus, e, d'un èr penitènt,
Voulènt l'entrapacha, lou regardo de-caire
E dis : « Pèr si sauva, mèstre, qu'es que fan faire ? »
Jèsus-Crist li dignè : « Pèr ana au paradis,
Fau òusserva la lèi. Qu'es que la lèi nous dis ? »
— « Es escri, li respouende, e la lèi va n'ourdouno,
D'ama Diéu, en retour de tout ço que nous douno,

De toutei nouéstei forço e de tout noueste couer,
D'uno afecien sincèro emé d'un esprit fouert.
Ensin parlo la lèi, e coumando de-meme
D'ama noueste prouchan coumo nous-àutrei-meme. »

Jèsus-Crist li diguè : « Bèn avès respoundu :
Amas.Diéu, lou prouchan, e vous sera rendu. »

Pèr fa soun sacerdot lou dóutour li replico :
« Mai, qu'es que lou prouchan? coumo la lèi s'esplico? »

Jèsus-Crist lou regardo, e li fa coumo acò :
« Un ome, de la vilo anavo à Jericò.
A mitan de camin, de laire l'arrestèron,
Lou roumpèron de còup e lou desabihèron :
Sus lou bord de la routo e tout enfrenia,
Lou leissèron pèr mouert après l'avé piha.
Un certan prèire alor passo, ves soun mau-traire,
Mai s'en aprouchè pas, e lou leissè, pecaire !
Après passo un Levito ; aqueste n'en fa autant.
Urousamen pèr éu passo un Samaritan.
En lou vesènt, aquéu quito lèu sa mounturo.
Emé d'òli e de vin pènso sa blessaduro ;
Li fa prendre courage e lou mete à chivau,
Lou meno, e lou soustèn jusqu'au proumier oustau.
Aqui lou sougno mai, e pièi lou recoumando ;
Dis à l'oste : « Fès tout ço que soun mau coumando.
Vès-aqui quauque argènt pèr li douna secour.
Si ve n'en falié mai, v'aurez à moun retour :
Fau que manque de rèn, pagarai la despènso. »

En qu di tres lou Cèu dèu uno recoumpènso ?
Qu fuguè lou prouchan e lou mai meritant ? »

E li respoundè l'autre : « Es lou Samaritan. »

« Anas-vous-en en pas, e dins un cas semblable
Fès coumo éu, dis Jèsus, e sigués caritable. »

Qu bèn fara, si dis, un jour bèn trouvara,
Mai qu fara de mau, se n'en repentira.

Touloun.

V.-Q. THOURON.

MEMORI D'UN PINTRE BARRULAIRE

Un grand felibre dóu tèms di Rouman a di : *Odi profanum vulgus et arceo*, ço que significo : *Ahisse lou pople sènso estrucioun e lou rebute* ; alor que iéu, pichot felibre de noste tèms, l'ame e lou recerque, pèr-ço-que bèn souvènt si resoun simplò me plaison mai qu' lou paraulis di gènt d'esprit. Es d'aquéli simplicita que vau faire counèisse quàu-quis-uno.

Uno fes, l'an passa, tirave lou plan de supèrbi pin qu'oumbrejon un jardin de Roco-vaire. Lou jardinié venguè vèire ço que pintave, e iéu, naturalamen, ie faguère coumplimen sus li bèus aubre de sa pinedo.

— O, soun bèu, me respoundeguè ; mai en que servon ? rèndon pas rèn. S'èron miéu, li fariéu coupa ; plantariéu en plaço d'ambricotié, acò me rendrié belèu cènt franc !

— Coumtas dounc pèr rèn lou plesi de vèire quicon de bèu ? Un bèl aubre ! es ço que i'a de pu bèu au mounde après uno bello femo !

— Avès bèu dire, la beluro vau pas lis escut... Mai, digas-me 'n pau : Lis aubre que rèndon, valon pas rèn pèr tira de plan ?

— Noun. Mai li plan tira d'aquéli que rèndon rèn pèr li jardinié, podon rèndre forço mai qu'uno recloto d'ambricot, meme di meiouro.

— L'on pòu dounc faire argènt de tout ?

— Segur, emé de biais e de talènt.

Uno autro fes, pintave de vièis oustan de Bèu-caire, quand passèron dos galànti chato d'aquéu païs, ounte li soun quasimen tóuti. S'arres-

tèron pèr regarda lou plan que tirave. Mai iéu, cresènt que lou retra d'uno poulido chato abihado coume acò, ie farié mai de gau à vèire que lou retra de vièis oustau, durbiguère moun cartable, que n'es jamai sènso counteni quauco figuro de prouvençaleto, e n'i'en mous-trère uno qu'èro pintado de proufiéu. La trouvèron seguramen bèn pintado ; pamens me demandèron perqué i'aviéu fa qu'un iue !

Fuguère tant nè d'aquelo óusservacioun que noun sachère que res-pondre.

Quicon de semblable, e belèu encaro mai estonnant, me fuguè di en Avignoun. Aviéu fa de-coustat lou retra d'uno charmanto femo, qu'èro poulido à vèire de pertout, de fàci, de tres quart, coume de proufiéu ; mai sa famiho, que la trovavo sèns doute pu poulido de fàci, vouguè l'avé retracho d'aquelo maniero, e pintado à l'òli, de grandour naturalo. Pinta 'no poulido tèsto n'es pas causo facilo ; e lou grand retra de fàci, pinta à l'òli, fuguè trouva mens bèn que lou pichot qu'aviéu pinta de proufiéu, e soulamen à l'aigo : — Ah ! me di-guèron alor li parènt dóu moudèle, que daumage que n'agués pinta 'nsin que la mita !...

Pèr fini, vous dirai encaro, s'acò vous enueio pas trop, ço que m'es arriba, l'autre jour, à Seloun. Avién tira au creioun lou retra d'uno proun galanto chato d'aquel endré ; e, coume toujours, pèr gramaci, de-viéu douna moun óubrage, o bèn uno coupio. La maire de la jouvènto aurié ploura de bonur.

Dins acò, au moumen de parti, vèn me trouva, e me fai à man jun-cho : Moussu ! auriéu un service à vous demanda. S'agis d'un affaire que, lou crese, pòu s'adouba 'mé d'argènt.

Au toun d'aquelo pauro maire, cresiéu que s'agissié de quauque malurous affaire bèn pietadous.

— Moussu, dis, voudriéu que meteguessias au retra de ma fiho un pau de coulour. Pagarai ço que faudra.

— Mai, fau saupre, ie respoundeguère en retenènt moun rire, se

voulès de coulour fino, o bèn groussiero, se n'en voulès pèr dèss sòu
o pèr dèss franc.

— Ah ! coume voudrés, Moussu !

— E bèn ! bono maire, tóuti li chato, galanto coume la vostro, an
lou dre d'avé pèr pas rèn soun retra acouloïuri emé li coulour li pu
fino, pèr amor que lou pintre que li pinto, s'es un veritable artisto, es
segur proun paga pèr lou bonur que sènt de countempla la bèuta
Veici ço qu'ai escri, i'a deja long-tèms :

Acò 's bessai uno chimèro,
Mai vese un ange sus la terro
Dins touto chato de vint an
Que iéu countèmple en la pintant.

J.-B. LAURENS.

LI FLOUR DE LA SALETO

AU REVERÈND PAI GIRAUD

I

Pichòti flour de la Mountagno,
Que soun bello vòsti coulour !
Bevès li perlo de l'eigagno ;
Pièi, vous souleias tout lou jour...
Sias li rèino de la Mountagno !...

— Noun ; la Rèino de la Mountagno,
Que nàutri ie tenèn coumpagno,
Ès la bono Maire de Diéu
Qu'escampo, de sis iue graciéu,
De plour un riéu !...

Pichòti vióuleto embeimado,
Que vous tenès, umblo, pèr sòu ;
Gai boutoun d'or, dónci pensado
Vestido d'un mantèu de dòu,
Sias l'ournamen de l'encountrado !...

— Noun ; l'ournamen de l'encountrado
Es la Vierge descounsoulado,
La douço Maire dóu bon Diéu,
Qu'escampo, de sis iue graciéu,
De plour un riéu !...

Fresco e blanco margarideto
Qu'esbrihaudas coume la nèu,
Que sias à boudre dins l'erbetto
Coume lis estello dóu cèu,
Sias li perlo de la Saleto !...

— Noun ; la Perlo de la Saleto,
Dóu Paradis margarideto,
Es la bono Maire de Diéu
Qu'escampo de sis iue graciéu
De plour un riéu !...

II

Quand la Vierge Maire esmóugudo,
Coume un celestiau messagié,
Vesitè 'quèsti soulitudo,
Pichòti flour di pradarié,
Ie faguerias la benvengudo ?...

— Quand venguè, la Vierge esmóugudo,
Ploura, dins nosto soulitudo,
La perdicioun de sis enfant,
De bonur ie tresanerian
Tóuti davans !...

En caminant vous caucigavo ?
E vòsti minçoulet pecou,
Ounte voste front s'enaussavo,
Souto si pèd siguèron rout,
Entanterin qu' Elo passavo ?...

— Noun ; entanto que caminavo,
Pas un brèu d'erbo se cl.navo.
En esquihant sus noste còu,
Si pèd toucavon pas lou sòu :
Res avian pòu !...

III

Pichòti flour de la Mountagno,
Qu'avès de tant bèlli coulour,
Que bevès li plour de l'eigagno,
Qu'en vous souleiant, tout lou jour,
A la Vierge tenès coumpagno ;
Dins lou bonur o la magagno,
Que siegue en bello o bèn en lagno,
D'un dous e sourrisènt amour
Vous amarai, pichòti flour,
Toujour, toujours !

AUBERT,

Capelan dóu Felibrige.

Malo-mort, 18 d'òutobre 1869.

LOU MENDICANT

Agantèron un paure au moumen que demandavo, e, coume es defendu, veici que l'aduguèron davans lou coumessàri.

- Vous an trouva, ie vèn aqueste, qu'aparavias la man...
- Eh ! bèn, que i'a, pèr aparà la man ? respoundeguè noste coucaro.
- I'a que la lèi defènd de demanda l'óumorno...
- Demandave pas, moussu !
- E que fasias, alor, en aparant la man ?...
- Aparave la man... pèr vèire se plóuvié !

LOU CASCARELET.

LA FRATERNITA

Èr d'Aristippe.

Dins si festin tèms-en-tèms nòsti rèire
Vejavon ras, pièi turtavon li got.
A si vièis us devèn, coume de prèire,
Resta fidèu, toujours resta devot.
Adounc voulès que iéu vous porte un brinde?
Quand vèn moun tour, noun sabe rebuta,
Vaqui moun got, vejas-ie lou vin linde :
Vau pourta 'n brinde à la fraternita.

Vese, pamens, la Mort traito e negrasso,
La tèsto souto, enchapla soun daïoun ;
Vese la guerro, afrouso tartarasso,
Pèr tout destrurre arma si bataïoun.
I pople, i rèi, criden d'uno voues forto :
Ounte es qu'anas ? Es tèms de s'arresta.
Embrassas-vous, e, subre vòsti porto,
Pourtas un brinde à la fraternita.

Sarié proun tèms de vèire sus la terro
L'antico Pas renaisse en triounfant ;
Sarié proun tèms d'escounjura li guerro :
Dóu meme Diéu sian-ti pas lis enfant ?
Gènt dóu Pounènt, dóu Levant, de la Biso,
Gènt dóu Miejour, pople de tout cousta,
Acampas-vous sout la memo deviso :
Pourtas un brinde à la fraternita...

Fraternita, divino soubeirano ;
Iéu beve à tu ! beve à ta douço lèi !
Quand dins li cor samenaren ti grano,
Tout pople-esclau devendra pople-rèi.

Alor faren qu'uno grando famiho :
Aurèn pèr Diéu la santo Liberta ;
L'Egalita sara nosto patrio :
Fraire, bevèn à la Fraternita !

ANFOS MICHEL.

(Tira dóu *Flasquet de mète Miquèu*).

SANT FRANCÉS

l'a Francés dis Ensàrri que voulié croumpa soun sant. Un matin, venguè dounc vers lou marchand d'image :

- Bonjour, voudriéu moun sant...
- Siéu à vous. Coume vous dison ? ie diguè l'imajaire.
- Francés.
- Quinte Francés ? Sant Francés d'Assise ?
- Nàni.
- Sant Francés de Paulo ?
- Nàni.
- Sant Francés de Salo ?
- Nàni.
- Mai alor quinte Francés ?
- Sant Francés dis Ensàrri...
- Lou marchand n'aguè ges.

LOU CASCARELET.

EPIGRAMO DE J.-B. COYO

Coumo li vers de Vidaloun
Pareiguèron sus l'Elicoum,
Apouloun, endigna de vèire un tal óubrage,
Sounè soun page :
— Page ? — Plèti, Moussu ?
— Tè, pren aquel óubrage
E cago-ie dessus.

MENERBO

(ERAUT)

Soun castelas degruno en rouino,
E se vèi plus à si balcoun
Li nòbli damo, bello e jouino,
Vers la campagno d'escoutoun ;

E quand la niue, coume uno mouino,
Ennegresis li grand pieloun,
Lou Cers, sus sa quitarro, souino,
Soul, i machoto sa cansoun.

L'agrunelié, la ferigoulo,
La giróuflado e l'espargoulo
Crèisson entre si bard desert ;

E darrié si fòrti muraio
Degun demoro, res varaio
Soun-que li rato e li lesert.

CLAR GLEIZES.

Arle, avoust 1870.

LI PÈD DE DIÉU

Un gavot de mountagno, vengu pèr sis afaire dins Marsiho, vouguè pas quita la vilo sènso ana dire un pater à Nosto-Damo de la Gàrdi. Escalo qu'escalaras.

Quand signè peramount, se pausè 'no passado à regarda la mar que s'espandis pereilalin autant que lis iue veson, e que vai, blavinello, se counfoundre emé lou cèu.

Unnèrvi de Marsiho, voulènt s'amusad'éu, alor ic vèn en s'aprouchant:

— Vesès alin, eilalin, pereilalin ?

— Si, diguè lou gavot.

- Eh ! bèn, d'aquito, emé la man, se pòu touca lou fiermamen.
— Encò de nautre i'a bèn mai, respoundeguè lou mountagnòu ; tenès
vesès amount, eilamount, pereilamount ?
— Si, si, faguè lou nèrvi.
— Eh ! bèn, d'eilamoundaut, nàutri gènt de mountagno, vès, sèns
nous geina, toucan li pèd de Diéu !

LOU CASCARELET.

DEMAN

A MOUN AMI DE COR TEODOR AUBANEL

Quia gloria ejus stercus et
vermis est ; hodiè extollitur.
et *cras* non invenietur.

(MATATHIAS, *moriens*).

Desempièi l'aubo de ma vido
Iéu vau quistant la verita ;
Iéu la cerque de tout coustat,
E l'espère, e moun cor la crido ;
Mai, la verita s'estremant
Dis : La messorgo es rèino en terro,
E tourne à Diéu ; paure ome, espèro,
Que revendrai belèn *deman* !

Entre li fraire cresiéu vèire,
Dins ma simplesso, la boumta,
La pas de Diéu de-longo ista
Coume au hèu tèms de nòsti rèire ;
Quand, pèr troubaire e pèr pacan,
T'out castèn durbié sa grasiho...
Jour clar e dous, sus la patriò
Quouro mai lusirés ? *deman* ?

Dins li travès de la mar sourno,
Ah ! quant de fes ai souveta
La coumpagno de l'amista !...
D'ami, n'en passo e pièi n'en tourno ;
Mai, dre vers si nau, se remant,
Ie vène : Eici, calas uno ouro ! —
Tóuti fan : Ah ! l'auro nous bourro,
Sian pressa, nous veiren *deman* !

M'es vejaire, en sounge, que brihon,
Encò di mage, l'equita,
Sus li pople, la liberta...
Mai, de cadeno me revihon ;
Se vèi plus que traite e tiran,
E, dintre l'errour que negrejo,
Un eissame feròun s'eigrejo ;
Rounco... l'ausès ?... Garo, *deman* !

Pièi, vèn la grelo, la vermino
Agarri, rouiga sèns pièta
Semenço en terro, aubre planta ;
Après la pèsto, la famino ;
E, flèn mai que tout, alumant
Guerro, passioun, rapigno e lùssi,
L'ome d'éu-meme es lou destrùssi...
Fio dóu tron, que faras *deman* ?

I'a proun lis enfant, i'a la fremo
Pèr ama l'ome e l'encanta ;
Mai, Segnour, qu'es court lou canta !
E quint es l'oustau sèns lagremo ?
Ounte es l'amour tous-tèms amant ?...
E la fe, revicüdanto flamo ?...
E tant de vertu, flour de l'amo ?...
Ah ! se reflourissien *deman* !

Bèn luen, bèn aut, i mounde estrange,
Se soun rejouncho Libèrta, .
Justiço, Pas, Fraternita
E Verita, mirau dis ange.
De tout boñur nous desmamant,
Cors, esperit, sias que mistèri !...
Ome, òunte vas ? — Au cementèri.
— Pièi, que sara de tu, *deman* ?...

— Amor que rèn de ço qu'espère
Vuei pòu me rire o m'assousta,
Me vire vers l'eternita ;
Diéu, au-mens, a l'aflat prouspère.
E pèr que sa peiralo man
Tendramen sus soun cor me sarre,
A m'oufri digne me prepare,
Qu'acò belèu sara... *deman* !

Marsiho, 5 de novèmbre 1869.

AUG. VERDOT.

UN MOT DE LAUZUN

Lou comte de Lauzun, — un cadet de Gascougno, celèbre pèr sis aventuro, sa fourtuno proudigiouso e soun esprit, — èro l'òuncle de Belsunce, lou sant evesque de Marsiho.

Èro un pau après la pèsto, dins laqualo lou prelat, vesitant, bajoulante coumsoulant li pestilènt, s'èro espauza à la mort milo fes e noun pas uno.

Or, lou Regènt de Franço, mau-grat bèlli proumessos qu'à Lauzun n'avié facho, oubliè, parèis, Belsunce dins la destribucioun di benefice : e, coume un jour lou comte l'interrougavo aqui-dessus, lou Regènt, entre-pres, demourè mut.

Adoune Lauzun, simulant un grand respèt :

— Mounseignour, ie fai ausin, lou neboul, uno antro fes, cercara de miéus faire !

LOU CASCARELET.

L'ESTATUO DE JANSEMIN

Tout-d'un-tèms après la mort de Jaque Jansemin, uno assemblado d'Agenés ie voutè l'aubouraduro d'un mounumen publi, e lèu tout lou païs ounte la Lengo d'O se parlo aduguè soun óuferto pèr l'estatuo dóu grand pouèto.

Lou 12 de mai 1870, en presènci d'uno foulo innoumbrablo, soulennamen e en grand poumpo, l'estatuo de brounze, obro vivènto de l'escultour Vital-Dubray, s'es inaugurado en Agèn, sus la plaço dóu Grabè, en fâci meme de l'oustaloun de Jansemin. Causo toucanto e raro, lou fiéu emé la véuso dóu troubaire glourifica assistavou esmougu à soun apoutèosi.

Après un bèu discours de M. Enri Noubèl, maire d'Agèn e deputa, un curat de Bourdèus, M. l'abat Donis, M. l'abat Capot au noum dóu clergié, e lou brave M. Magen, au noum de l'Acadèmi ageneso, faguèron a-de-rèng lou panegiri de l'ome de bèn e dóu coumpatrioto. Pièi lou troubaire Pozzi, au noum de la muso gascouno, Gabriel Azaïs au noum d'aquelo dóu Lengadò, e Frederi Mistral, capoulié di Felibre, prenguèron la paraulo. M. Pozzi diguè :

Es el ! acò 's bièn el ! Bési soun trats, soun aire,
E soun regard ensourcilhaire
Se lebant cach al cièl : liéusso coume autres-cots...
Dirion que bai parla ; sèmblo esta que sous pots
S'oubroun pèr rampela la fraso proufetic
Que nous diguet un jour de fièvre pouëtico :
O ma lengo, tout me zou dît :
Plantarèi uno estello à toun frount encrumil !

Es dous vers que soun grava sus lou socle de l'estatuo.

E M. Azaïs, lou valènt secretàri de l'Acadèmi bezierenco, reprenènt :

Aquelo estello, i l'as plantado,
Jansemin ! pèr tus rebiéudado,
Ta lengo, toun amour e ta *segoundo mai*,
Dins l'*Abuglo*, dins *Françounelo*,
Dins *Maltro*, la pauro filheto,
Dins toun libre courous, trelusis tant e mai.

Lou tèms es un grand degalhaire :
Ço qu'un siècle a bastit, un autre hou bèn desfaire.
Quand, preïound, n'a sul roc pausat lous foundamens,
L'ome eternalo crèi soun obro...
El mèmes sera lou manobro
Que la derroucara, quand ne bendra lou tèms.

Mais ~~uno~~ causo esperitalo,
Mal-grat tout, demoro inmourtalo.
D'uno lengo jamai se perd lou soubeni.
Quand uno nacièn esclafado
Delembro la que l'a bressado,
Pouètos e sabènts saubou soun abeni.

Jansemin, ta lengo gascouno,
Noblo, arderouso, galantouno,
Que canto, plouro, ris, cascalhejo tant pla,
Do toun brès la lengo requisto,
Que pèr lou paure a fach la quisto,
Crentes pas que jamai perigüe, saquela !

Tous bersedes l'ou tant enartado
Que bièurà toustèms ounourado,
Aculido amb' amour pèr lou pople amistous.
Èro espelhado e pallinouse,
L'as facho espoumpido e courouso ;
A l'inmortalitat anarès toutes dous.

Pèr tu la grando ouro es bengudo,
Ta cèndre es frejo e ta houes mudo,
Toun uelh beluguejant, pecaire, es escantit ;
E ta paraulo melicouso
A ta bouco merabilhouso
Tèn pas pus estacat l'auditòri candit.

Mais restara la soubenènço
Des jours de joïo e de joubènço
Ount Toulouso, Bourdèus, Beziès, tout lou Miejour,
Aplaudissiou l'*ensourcilhaire*
E soun paraulis *músicaire*,
E fusiou grando fèsto al balènt troubadour.

Tu tabè, n'as pas tardat gaire,
Agèn, amistadouso maire,
A festeja l'efant qu'aimabo tant toun cor...
Pla soubènt la reconneissènço,
Flou tardièiro, noun pren naissènço
Qu'à las asclos del clot ount jais l'ilustre mort.

Mai tus, o cièutat benesido,
As ounourat pendènt sa bido
Toun pouèto ; e davans tout lou pople counsènt,
Dins un jour de fèsto noubialo
As mes la courouno inmourtalo,
Uno courouno d'or sus soun cap trelusènt.

Aro, à la toumbo que lou clabo
Toun admiracièu lou derrabo ;
Mort, sus un pedestal bos que bisque enaurat ;
A la plaço qu'el a causido,
Bos que la foulo amoursido
S'aplane pèr guita soun frount trasfigurat.

L'as mes sus un trone de glòrio,
Eterno sera sa memòrio ;
Abans qu'à soun bèl noum s'agante lou cussou,
Tas filhos gèntos. aberidos,
Dins sa primo scròu passidos,
E tous prunets faròu de prunos de bouissou.

Representant de la Prouvènço, Mistral reçaupèguè grand acuei di
Gascoun e faguè gau en touti en parlant coume seguis :

Pèr la nacioun, e pèr li fraire
Que rèston à l'oustau e que menon l'araire
E parlon voulountous la lengo dóu terraire,
Es un triounfle aqueste jour.
Vaqui perqué, iéu, de Prouvènço,
Vène di Prouvençau paga la redevènço
Au grand troubaire dóu Miejour.

E tout d'abord, à la Gascougno,
Que, fasènt soun devé sèns crento ni vergougno,
Mantèn sa vièio lengo e pèr elo temougno,
Salut emé li bras dubert !

Mau-grat lou flot que vèn la batre,
Dôu brès de Jansemin au païs d'Enri Quatre
Vosto noublesso noun se perd.

Oh ! gramaci, raço valènto !
Blesi, despersouna pèr la toueso insoulènto
De Paris, e perdu dins la foulo doulènto,
Vous cridavian : Ajudas-nous !
E, de Bourdèus fin-qu'à Marsiho,
Agèn nous a larga tau flum de pouèsio
Que n'en sian tóuti luminous.

Cantant l'amour mies qu'uno femo
E boulegant dôu cor li plus dous terro-tremo,
Avèn vist Jansemin nous tira li lagremo...
Mai l'amavian, sabès perqué ?
Coume Pindare de sa Tèbo,
Éu nous parlavo, fièr, d'Agèn, de Bilo-nèbo,
D'Auch, e dôu maine d'Estanquet.

Ardènt, lusènt, e popoulàri,
Demandant soulamen la glòri pèr salàri,
Disiè *Mous Soubenis, lous Frais bessous, Alàri,*
L'Abuglo de Castèl-Culié ;
E, pietadouso vo risènto,
Sa voues, dins *Françouneto o Mallro l'innoucènto,*
Fasiè di cor ço que vouliè.

E 'n pelerin de Coumpoustello,
Anavo degrunant soun capelet d'estello,
Pèr li pauro e pèr Dièu dounant à cauestello :
E lou païs reviscoula
Beviè l'ounour à soun calico ;
E Paris, o lou rèi, e tóuti, pèr delice,
Voulien ausi nosto parla...

Dis àutl cimo que soun vostro,
Dôn front di Pirenèu, tout ço que l'ïue nous mostro,
Catalan o Gascoun, entend la lengo nostro :
Eh bèn ! d'amount, à pleu camin,
Iéu, vese un pople brun se mōure...
E di vién, e di mort, li courouno van plōure
Sus lou brounze de Jansemin !

Entre aquéli courouno, pourrian, s'avian de large, cita aquelo dóu troubaire Telismart, de Cassenuel :

Un crid s'es escampat dins l'aire,
En d'aquel crid èi respoundut ;
Èi boulgut bèire lou troubaire
Qu'un artisto nous a rendut :
Brounze, te dóuni ma courouno
En souveni del troubadour ;
Beromen, es bièn, bièn pichouno,
Mais lugrejo de bièn d'amour.

De-vèspre, un grand festin, óufert à l'estatuaire Dubray, souto la presidènci de Mistral, reïnissié tóuti lis ami de nosto bello reneissènço ; e li cansoun dóu Felibrige, e li brinde courau de MM. Cabadé, Fernand Lamy, Séré e Xavié de Lassalle, faguèron d'aquéu banquet uno magnifico felibrejado.

L'endeman siguè mai fèsto à la Vigneto de Jansemin. Lou fiéu de Jansemin aguè la galanto idèio d'acampa lis ami e amiraire de soun paire dins la coumbo de Verouno, ounte se trovo aquelo vigno de la qualo l'autour di *Papilhotos* dis :

Desempèi que l'èi croumpado,
Mai frutado,
N'en bési nado.

La véuso dóu pouèto emé sa noro faguèron poulidamen lis ounour de l'oustau, e lou fiéu Jansemin ie pourtè quatre brinde : un à M. Noubèl, caud ami de soun paire ; un à M. Donnodevie, proumoutour de soun triounfle ; un à Vital Dubray, l'eminènt estatuaire ; un enfin à l'autour de *Calendau* e de *Mirèio*. Lou bon curat de Vergt racountè finalamen, quand, emé Jansemin, anavon de vilo en vilo, l'un cantant, l'autre quistant, pèr rebasti sa glèiso.

Tout acò fuguè charmant.

Un gramaci de cor à M. Adrian Donnodevie, proumier avocat-generau en la court d'Agèn, dóu quau l'ardènt patriotisme e l'influènci poudèrouso an fa tout ana bèn ; un gramaci à-n-èu, e à sa gènto damo e à soun amable fiéu, pèr l'ouspitalita coumplido que graciosamen óufriguèron e dounèron à si dous oste de Prouvènço.

GUI DE MOUNT-PAVOUN.

PROUVÈNÇO E GASCOUGNO

I GASCOUN

I

Fraire, an fa vòsti voues tresana nòsti cor ;
Avèn, de nòsti coumbo, ausi li dous acord
De vòsti sublimi zambougno ;
La Prouvènço, enaurant soun front dins l'azur blu,
A vist, à l'ourizoun, coume un suau belu,
Briha sa sorre la Gascougno !

Prouvençau e Gascoun, dau ! douinen-nous la man,
Roumpen nòsti cadeno ! esperen pas deman !
Lourd es lou fais que nous agrouvo...
— I'a'nca de pajo d'or au libre liberau !...
I bram de vosto mar respondon nòsti brau :
« I'a proun de tèms que lou fio couvo ! »

Perqué durbirian pas nòstis amo à l'amour ?...
— Lou Rose à la Garouno a larga la cremour
De si calourèntis oundado :
Éu fegoundo sa migo, — e sa migo councéu, —
E de brut delirant travèsson nòsti cèn,
Coume uno fourmidablo ardado !

De si fourrèu pousous tiren nòsti drapèu !
De ferigoulo avèn flouca nòsti capèu !
E l'inne patriau idoulo !
Dau ! — La man dins la man, au son di tambourin,
De Marsiho à Bourdèus que rounflon li refrin
Di freirenàli farandoulo !

Aubouren-nous, o fraire ! Es l'ouro o jamai noun !..
Fau pas que siegue di que renegan lou noun
E l'estrambord de nòsti rèire !

Is arpo di tiran manden de cop de dènt,
E que sènton lou boui de noste sang ardènt
E la vigour de nòsti crèire !

II

Ounte soun vòsti Duque ? Ounte soun nòsti Rèi ?...
I'a de centenau d'an qu'avèn que lou desrèi
Emé lou fèu pèr abéurage...
Sus un aubre gigan nous an proun inserta...
Dins la salo cour plus l'èr de la Liberta...
E se passisson li brancage...

Car, aro, vòsti vigno e nòstis óulivié
An perdu sa clarour ! — A plus li rai qu'avié
Nosto Prouvènço benurado !..
Carle Sèt, Louis Voungen, à cop de pèd brutau,
Crebant nòsti palais, — i purpuren frountau
An derraba tout ço qu'agrado.

Ah ! quand li castelan durbien i troubadour
Si castèu ; que li colo escampavon l'óudour
De tant de milo flour requisto ;
Que tenié, la Bèuta, sa court à Roumanin ;
Que troubaire e dounzèu brulavon lou camin
Pèr d'Amour faire la counquisto ;

Quand, tout cansounejant, dóu Pounènt au Tremount,
E li voues e li cor, à travès mar e mount,
Acourdavon si cantadisso ;
Quand dis iue dóu printèms gislavo la flambour ;
Quand sus la terro aprens cremavo lou coumbour
D'uno siavo embriagadisso...

Ah ! quand venias tasta lou pan di Prouyençau,
E que la Lèi d'Amour, entre rèi e vassau,
Abravo sa lus generouso ;

E que li rire d'ange e li rai de soulèn
Jougavon sus lou front di chato, sentias lèu
Tresana vòstis amo urouso !

Li flour èron trop bello ! Èron trop dous li cant !
Li cor amourousi pèr li Ninfo, trespant
Sus lou trecòu di vèrdi prado,
Li cor ebria d'espèro e d'amour infini,
Au rève celestiau de glòri e d'aveni,
Segur, cresien mai de durado !

III

Sèmpe sus ti malur, Patriò, plourarai !..
E diguèron li Rèi : « Apounden quàuqui rai
« Is iéli de nòsti courouno !..
Come, tiras l'espaso e vejas la pousoun ! »
E de nòsti païs baièron li meissoun
A sis escarrado ferouno...

De liberta, d'amour, l'èro alor finiguè ;
Emé nòsti cansoun, tristo, s'esvaniguè
La Pouësio, casto joïo !..
Mai l'aubre, que lou tron ourrible avié 'strassa,
Pouso de sagatun !... Dins li front matrassa
Bouï di rèire l'antico voïo.

Li jitello soun forto !... Oh ! sian rejouveni !..
Tounbe lou badaïoun !... Li jour de l'aveni
Fau plus que siegon ivernouge !
Mour puro, flourissès !... Desplego-te, drapèn !
Pèr esvarta li niéu qu'acaton noste cèu,
Boufo arderous, Mistrau ferouge !

Reviho-te, Patriò, e cargo ti trelus !
Calo ti plour ! ti fléu, aro, sentiran plus
La man de fèrri que li cougno...

Un soufle liberau animo nòsti cor !
Nàutri cridan : « Prouvènço ! » e, dins un sant acord,
Vàutri nous respoundès : « Gascougno ! »

J. MONNÉ.

Marsiho, lou 24 de febrié 1870.

LOU COUMPAIRE

Un particulié, qu'anavo demanda 'no fiho en mariage, menè 'm'eu un de sis ami pèr ie servi de coumpaire, emé recoümandacioun de lou faire valé en augmentant toujours li causo.

Li vaqui dounc parlant d'affaire emé l'ou paire de la nòvio.

— Avès de bèn ? ie vèn lou paire.

— Ai uno bastidouno dóu coustat de Gouerdo.

— Uno bastidouno ! lou coumpaire repren, digas dounc un castèu !
emai di bèu !

— Pièi ai uno vigneto...

— Uno vigneto ? fai lou coumpaire, digas dounc un vignarès ! la flour dóu gres !

— Pièi ai un pau d'argènt plaça...

— Un pau d'argènt ? Se farié pas coupa l'auriho pèr belèu cènt milo franc !

Aqui lou calignaire se gravacho lou còu.

— Qu'avès aqui ? ie dis lou paire.

— Pata-pas rèn, un boutounet...

— Un boutounet ? fai lou coumpaire, digas dounc lis escrolo...

LOU CASCARELET.

Margot l'agasso,
Quand plòu, vai à la casso ;
Quand fai bèu tèms,
Se curo li dènt.

A L'AUTRE

Voulès plus ie parla, voulès plus ie sourrire,
E, de-pico, voudrias l'oublida pèr toujour,
Amor qu'un moumen de delire
Ie faguè vióula soun amour.

Aurias belèn resoun, s'èro causo poussiblo,
Ai ! las ! de se gari dóu mau que l'amour fai ;
Mai lou remors, que bramo e siblo,
Adus mai tout dins li pantai.

Li proumié mot d'amour, li proumiéri caresso,
La proumiés estrambord dóu cor e de l'esprit,
Li proumiés espai de tendresso,
Dins li soungé tout es escri.

Alor vòu perdouna, nosto amo esbalauvido,
Davans elo tant bèu lou passat s'espandis !
Viéure ensèn, quau s'amo, es la vido,
La vido dins lou paradis !

Mai, quand se destrassouno, enca vòu dins soun iro
Acrasa de mesprés soun amaire infidèu :
La passioun avuglo e poutiro
Lis ome que rènd mai crudèn.

Vous peréu, o Lisoun ! quand dins voste desaire
Plouras coume un enfant, n'avès lèu que perdoun
Au founs dóu cor pèr voste amaire
E lon barbelas d'escoundoun.

Subran vosto fierta vòu reprene sa plaço,
E voulès resta sourdo à la voues de l'amour ;
Luchas contro vous-memo, e lasso
Plouras !... Ansin sara toujour.

Ansìn sara toujour, mème quand sarés femo
D'un autre, que jamai, de-segur, amarés ;
E rajaran vòsti lagremo,
E regretouso gemirés.

Ansìn sara toujour, mème quand sarés maire :
Tout-bèu-just s'amarés vòsti poulits enfant,
Car sauprés bèn qu'es pas soun paire
Aquèu que causo voste afan.

Ansìn sara toujour, mème à l'èterne viage ;
E vous dirés alor : La vido es un varai ;
Richesso, enfant, plesi, mariage,
Sènso amour i'a rèn de vrai !

Bello, se m'en cresias, redounarias vosto amo
A-n-aquèu que penti vers vous enca revèn ;
Anen ! sabès coume vous amo :
Pieta pèr lou paure jouvènt !

CHARLE GLEYZE.

Bèu-caire, lou 30 d'abrièu 1870.

LI REGARDELLO

L'ase de Roumèri manjavo que de bauco, mai avié bon apetis ;
quand èro à-n-uno ribo, destepavo, e à la grùpi èro un destrüssi.

— Me rouinara, diguè Roumèri, e quauque jour me manjara.

Venguè trouva lou masc :

— Vous que devinas tout e sabès tout, ie fai, pourrias pas m'aprene
un biais pèr acoustuma l'ase à rèn manja ?

— Es eisa, diguè lou masc. L'arribes pas de quinge jour : se d'entre
eici e eila noun a vira li bato en l'èr, te responde soulide que pourras
desenant lou nourri de regardello.

Vai bèn. Mèste Roumèri adounc fai pati l'ase... Mai, au bout de quatorge jour, lou pauret mouriguè.

— Ah ! Segnour, diguè Roumèri, que fau èstre malurous ! un jour, un jour de mai, s'acoustumavo à rèn manja !

LOU CASCARELET.

INFAMIO

(PARLA DE LENGADÒ)

O capoun ! o canaio ! o gusas ! o bergand !
Qu'as vendu toun armado e la patrio, quand
Toutes nautres vers tu viravian nòsto espèro,
Toun noum a sus lou cor l'efèt de la yipèro !

Toun noum ! de ie pensa la gorjo n'en fai : « bèh ! »
Ma plumo dins mous dets pulèu roumpriè soun bè
Qued'escrèure aquel noum que vergougno acoumpagno,
Que mème lou Prussian ie trais soun escupagno !

O moustre ! as bèu fugi de l'iuel de tout Francès :
Bonaparte embé tu, mounte qu'ensèn passés,
Emai vous tengués fort d'aquel vièl chot Guihaume
(Tartufo que sagato en recitant un siaume),

Oh ! boutas, toutes dous un jour vous auren prou.
L'orre Guihaume coumo un vèire sara rout ;
Car la França es là fe, lou passat, l'esperanço,
Car la França es lou dre, car la França es là França !

E dins nòsto arpo alor que, traites, sarès pres,
Oh ! venjanço d'un pople ! aquelo ouro sauprès
Coumo souto las dènts un cor sanno e s'estripo,
Coumo se crèbo un iuel e se sort uno tripo !

Pièi butaren dóu pèd vostos amo en infèr ;
Sai-que n'en voudra pas, trop fièr, d'elos Cifèr.
— Se Judas trahiguè, gardè pas la mounedo,
Au mens ; pièi se penjè, penti, dius la pinedo...

Mai, pèr vous metre, Diéu creara 'n autre lio :
Pèr vautres de l'infèr noun couiriè prou lou fio !
Certo es pèr lous dannats prou duro la sentènço :
Vous vèire, o gus ! sariè crèisse lus penitènço !

A. ARNAVIELLE.

Alès, 31 d'òutobre 1870.

LA MIOLO

Vesènt que sa miolo anavo toujours que pu mau, Trouchoun, de Sazo, se decido à l'adurre plan-plan en Avignoun, vers... Coume ie dison ? lou manescau espert que rèsto, — en intrant pèr lou pourtau de l'Oulo, à man gauchò, long di bàrri.

— Ah ! ma miolo es bèn malauto, ie fai. Èi pas juste ! m'a petà 'n porc, tres fedo, un bèl aret...

Lou manescau eisamino la bèsti, ie masento lou vèntre, un vèntre tout boudenfle, e tiblant coume la pèu d'un tambour :

— Es proun magagnado, moun paure Trouchoun, ie dis... proun magagnado !...

— Cresès que n'en pete ? Digas-me touto la verita.

— Ve, pas d'alongui, qu'ai pas tèms à perdre. Laisso-me la miolo. N'aurai bèn siuen. Tournaras dimenche. Responde de rèn. Tout ço que pode te dire, amor que vos saupre touto la verita, èi que se peto, petara pas ; mai se peto pas, petara.

LOU CASCARELET.

Ounte la guerro passo,
L'on vèi cènt an sa traço.

LI SARRASIN

I'a d'acò vounge-cènt-quaranto an ; — despièi mai de cènt an, nosto Prouvènço èro tranquilo, lou tèms di guerro avié passa : n'avié, pe caire ! agu mai que sa part dous cènts an à-de-rèng ! Èro tranquilo, quand subran s'ausiguè dire qu'èro plus dóu Nord aquesto fes que venien li barbare, mai dóu Miejour, uno envasioun ourriblo, espaventablo, menaçant nòsti vilo e nòsti champ. Li pople que venien èron li mai pouderosus d'aquéu tèms : tenien quasimen touto la terro, l'Asio e l'Africo, e voulien acaba de devouri l'Europo. Pertout ounte avien passa, restavo rèn, quemisèri, rouino e desoulacioun. Anas en Aurenjo, e vous semblara que veirés encaro li flamo lampa sus l'auto paret de soun Cièri. Se voulès, en Avignoun, atrouva de si màlis obro, boulegas un pau la terro à l'entour de la glèiso de Sant-Agricò, o sus la plaço dóu Reloge, n'atrouvarés quau saup quant ! En Arle, veirés li tourre sarrasino dis Arenò. Talamen arrouinèron Marsiho o Touloun, que i'a plus rèn d'antique, e tant levèron de pèiro i bàrri de Frejus e à sis Arenò, e à sis àutri mounumen, que ço que n'en rèsto sèmblo plus que de vièi roco amoulounado. Desempièi lou vilage de la Gàrdi, dins li mountagno di Mauro e l'Esterèn, enjusqu'is Aup eilalin vers Briançoun, usclèron tout, acrasèron tout. Arle, *la gènto vilo*, — coume la noumavon li Grè, car ie disien *Thelino*, — fuguè presso uno di proumiero. Un Judas se i'atrouvè, — fau lou nouma : soun noum èro Maurount, — que vendeguè la vilo. Li Sarrasin respetèron rèn : massacrèron, tuèron, pihèron, brulèron, e se i'establiguèron de façoun à se ie manteni dur e long-tèms. Lou Judas en Avignoun se recatè, e parèis que sa trahisoun i'èro ignourado, car lis Avignounen ie fisèron la defènso de sa vilo.

L'armado sarrasino vouguè prendre Avignoun. Falié pèr acò passa la Durènço, ço qu'èro proun defecile, subre-tout aperià vers Barbentano, tant i'avié d'iselo ; e pièi, èro trop proche de la vilo. Dounc, li Sarrasin seguiguèron, en anountant, li bord de la Durènço, o s'atrouvèron proun liuen d'Avignoun pèr passa la ribiero. Èro à Bon-Pas.

L'avié encaro, parèis, un pont rouman ; mai lis Avignounen, noble, paccan e sôudard, avien vist lou mouvemen de l'armado, e l'esperavon aqui meme ounte pu tard se bastiguè la Chartrouso.

Aqui i'aguè 'no grand bataio. Deja li barbare s'encourrien : jamai lis Avignounen, qu'avien courajousamen disputa lou passage d'ou Rose à Annibal, lis aurièn leissa travessa la Durènço, jamai li Sarrasin aurièn pres Avignoun, se Maouront lis avié pas trahi. Ensignè à l'enemi un rode ounte, en gafant, se poudié passa la Durènço, aperi aquí ounte, à l'ouero d'uei, s'atrovo lou pont rouge. L'ensignè peréu un camin, sus la colo de Cau-mount, à través la fourèst qu'ador ie souloumbrejavon. Li Sarrasin passèron, tombèron enferouni sus lis Avignounen e n'en faguèron un orre chaple ! Restè plus, pèr apara lou paure Avignoun, que li femo e li vièi : assajèron, mai en van, peccaire ! Intrèron, li barbare, e boutèron tout à fio e à sang. Ai ! quant de desastre ! Noumèron Mau-pas l'endré que fuguè lou prat-bataié, e tant de sang en Avignoun raiè que noumon encaro carriero *roujo* uno di si carriero.

Fuguè facile i Sarrasin de prendre Aurenjo, Carpentras, Cavaïoun... Anavon mounta pus aut, de-vers Lioun, quand aguèron proun garbo à liga. Carle, subre-nouma lou Martèu, talamen picavo dur dins la bataio, mandè lèu à nòste secours un valènt generau, Hildebrand, o Childebrand, à la tèsto d'uno bello armado.

Li Sarrasin avien establi soun camp entre Carpentras e Aurenjo, Sarrian e Baumo, dins lou plan d'Aubignan. Avien amirablamen chausi aquel endré : ansin empachavon Hildebrand de descèndre sus la Prouvènço ; èron fort en Aurenjo, fort à Carpentras, tenien Avignoun ; soun armado, entre-mitan, coumunicavo em'Arle pèr Bonpas ; èron sousta, — ansin lou cresien, — pèr li mountagno de Baumo e de Vaqueiras : èron aqui siau, à l'espèro, — e res poudié passa sènso sa permissioun.

Hildebrand, que, parèis, couneissié lou païs coume se n'èro esta, s'engardè bèn de veni pèr Aurenjo ! Filo dre sus li mountagno, e, sèns èstre vist, caminant de-jour, de-niue caminant, arribo, un bèu matin, sus lou cresten d'Urban. Èro pancaro jour, e touto soun ar-

mado deja clafissié la mountado de l'autre caire d'Aubignan. A primo aubo, tout lou cresten es negre de sôudard, que jiton un bra espetaclous ! E li vaqui que descêdon en courrênt e toumbon coun la grelo sus li sentinello sarrasino. — Li Sarrasin, que se l'esperavo pas, e dourmien encaro sôuto si tendo, se revihon, aganton sis arm e landon à l'endavans di Franc, que davalon ardênt e noumbrous e mai en mai. S'agarriguèron lèu, e lèu fuguèron entre-mescla. Ourrib e acarnassido bataio ! Bèn tant que li Sarrasin, pousquêt plus ie tenpleguèron bagage, patusclèron ablasiga, lis un de-vers Carpentras lis autre de-vers Avignoun o de-vers Arle. A Carpentras, pousquèron pas prene alen, tant li coussaiavon de proche. Li Franc de-longo traucavon, amassoulavon, tuavon, espôutissien. Avien, à la primo aubo acoumença la bataio à Aubignan ; à jour fali, se batien encaro à Bonpas, e acabavon de destrurre l'ènnemi, repoussa jusqu'en Durêngo.

Es despièi que se dis : *Rede coume Chabran.*

Ansin, li Barbare paguèron tout lou mau que venien de faire Avignounen. Avignoun fuguè lèu reprès : ie mountèron à l'assaut, touto aquelo chourmo de Mouro fuguè chaplado. Aurenjo e Carpentras se rendeguèron, Arle fuguè recounquist. Carle Martèu éu-mem acabè tant glouriouso campagno. Faguè rèndre de grands ounour Avignounen qu'à Mau-pas èron mort ; ie faguè basti uno capello, qu'ie fuguè pièi lou couvênt de Bon-pas. Un vilage s'aubourè à l'end'eu meme ounte la grand bataio s'èro liéurado à la *primo aubo* : es pèr aquo que ie dison *Aubignan*.

Ie se voulès saupre ounte se donnè lou proumié cop de sabre, mountas, mountas ; e, quand sarès au mitau de la mountado, atrouvar uno bello capello en'un bèu clonchié coume lou de Nosto-Damo-de-Dom, e qu'a sege trau, e quinge sèns campano. La noumon peré Nosto-Damo d'*Aubuno*, valènt-à-dire de l'*aubo*. Se dis que Carle mague la faguè basti en remembrança de tout eiçò.

Aubouras la tèsto, e veirès, au-dessus de Nosto-Damo d'Aubun, *la Roco dôu Diable*. S'avès d'ïue meiour que li mièu, veirès meme marco de sis arpio e de si bano. Aquèu roucas tèn que pèr miracle

lirias que vai toumba sus la capello e l'acrasa. Agués pas pòu d'acò !
Se conto, à la vihado, que lou diable, uno niue, anè la querre... Dièu
aup ounte, pèr la faire barrula sus la gleiseto. Mai, quand arribè, en-
ran se despoutentè : ie gausiguè sis arpio e l'embrequè si bano, car
renièn de benesi Nosto-Damo d'Aubuno !

LOU CASCARELET.

LI DOUS NISTOUN

NOUVÈ

Fai uno fre que jalo en l'èr ;
Jèsus dor ; l'estable ei dubert.
Assetado, la Vierge-Maire
Mesclo, en bressant lou bèu nistoun,
Lou dous balans de sa cansoun
Au sourne crid dóu vènt bramaire.

Mai chut ! picon au jas. Quau es ?
Tant tard segur n'espèron res.
Intro uno damo jouino e bello ;
Vai vers Mario, e, touto en plour,
Ie dis : « Pieta de ma doulour !... »
E sousclo, e soun sen reboumbello.

— « De-qu'avès ? Mario ie dis,
Semblas veni dóu Paradis,
Tant sias poulidouno e bèn messo ;
Devès èstre richo, parèi ;
Coume vai, bello, que se vèi
Sus voste front tant de tristesso ? »

— « O, siéu richo... Eh ! de-que me fai ?
Prenès moun or e mi palai,
Respond ; d'acò qu'ai à m'enchaure !

Sias pauro ; mai es, voste fiéu,
Un tresor pu bèu que lou miéu ;
Dounas-me-lou, paure que paure.

Siéu maridado, ai ges d'enfant.
Iéu pamens que lis ame tant,
Diéu me n'en refuso, pecaire !
Counfisas-m'aquest, e, vrai,
Sèmpre lou tintourlejarai...
Baïariéu tout pèr èstre maire !

Dounas-me-lou, voste enfantoun :
Sara ma roso, moun boutoun.
Mignot, aurai l'amo ravidó,
Se pode esvali ti segren !
Oh ! veiras coume t'amaren
E te faren siavo la vido !... »

Coume se l'ausissié parla
E vesié soun èr desoula,
Subran l'enfantoun se revihó.
La jouino femo vai vers éu ;
Dins uno babeto lou béu
A rèndre jalouso Mario !...

E Jèsus ie diguè plan-plan :
— « O femo, moulas vòsti planh ;
Diéu vòu que voste destin change... »
Eto, quànqui mesado après,
Maire urouso, avié dins lou brès
Un nistoun poulit coume un ange !...

DÓUFINO ROUMIEUX.

LOU CANOUN

La proumiero fes que veguèron un canoun, dous moubile de Cucuoun s'estasièron, e :

— Voudriéu pamens bèn saupre, iéu, diguè l'un, coume se n'en renon pèr faire un canoun !

— Rèn de tant eisa, moun ome, l'autre ie respond. Veses, un canoun s'atrauca : fau bèn un trau pèr ie metre la poudro, e pièi lou boulet.

— Eh ! bèn ?

— Eh ! bèn, pèr faire un canoun, prenès d'abord un trau, mai o mens ng, segound lou canoun que voulès...

— E pièi ?

— E pièi, ie boutas de foundo tout à l'entour, em'acò bello finido.

LOU CASCARELET.

VENJANÇO

Venjanço ! Prouvençau, courren à la bataio !

Zóu ! enchaplas li daio !...

Amoulas li fauciéu ! apounchas li coutèn !

Adusès li fourcas, e desmanchas li reio !

Sóudard de la patrio,

Au secours ! venès lèu !

Venjanço !.. Li Prussian arrouinon la campagno...

Bouscatié di mountagno,

Ounte soun li destrau ? Libre, lou cor en dòn,

Mouren fin-qu'au darrié pèr sauva nosto maire :

Meissounié ! labouiraire !

Ardit !... n'aguen pas pòu !

Venjanco ! Emé la mort que dins l'oumbro varaïo

Dins li bos, dins li draïo,

Pertout seguissen-lèi !... Veleici, veleici,

L'ouro dóu chapladis e de la déliéuranço...

O ma patrio, o Franço,

Aubouro, aubouro-te !... Foro, foro d'eici !...

Venjanço !... Isso, Prussian, nivo de santarello !

Esfraiouso sequèlo !...

I'a proun tèms, o gusas, que bevès noste vin,

Que brulas nòsti mas, que vióulas nòsti femo !

A rèire li lagremo !...

Fraire, se n'en mor un, que se n'auboure vint !

Venjanço, defensour de la causo publico !

Fiéu de la Republico,

Païsan, mestierau, valènt e pietadous,

Tóuti Francés de bono meno,

Qu'avèn encaro dins li veno

Lou vièi sang de Nounanto-dous !..

MARIUS GIRARD.

Sant-Roumié, 29 de setèmbre 1870.

LETRO D'UN MOUBILE

VENGUDO DE PARIS PÈR BALOUN LOU 18 D'OUTOIRE 1870.

Moun brave Roumieux, anan parti pèr resta dins un fort ; sa que ie fara pas fre. Es pousible que ie laisse la pèu. Alor, ai fa pichiot paquet ; ai leissa à toun adrèisso uno bouito ounte trouva moun testamen. — Me n'en vogues pas, moun ami, se t'ai pas eseri lèn : siéu pas urous ; siéu desgousta de la vido ; van cerca la m coume pourrai ; pèr segur sarai pas di darrié. — Villaret, coume i a soun *chassepot* ; moun to sa gardo : l'Opera es barra ; lis artisto so à paus. Paris es clafi de fusiéu ; i'a pas ome que noun ague l siéu ; fai trembla. Manjan de chivau ; fan bouli la pèu pèr avé graisso. La niue coume lou jour, entendèn lou canoun ; lou Mot Valerian briso tout. Se nous prenou pas pèr famino, Paris ie fara mau. Vous embrasse tóuti. Se pode, t'escriéurai mai. — ANDRIVET.

A F. M.

Ame quand lou soulèu a daura li campas,
Quand, lasso d'abari, la naturo soumiho,
Quand s'ausis vounvouna lis eissame d'abiho,
M'escoundre tout soulet à l'oumbro di bouscas.

Ame, quand vèn lou vèspre, au lindau de moun mas,
Ausi cansouneja li drole emé li fiho ;
Emé li vendemiaire ame, souto la triho,
Béure lou vin nouvèu e turta li got ras.

Mai subre-tout, ami, l'ivèr, quand lou fio briho,
Ame abéura moun cor à ta font d'armounio :
Alor, adieu Paris, si nèblo e sis oudour !

Me sènte embriaga dóu prefum dis Aupiho,
O bonur ! e davans mis iue bagna de plour,
Dardaio lou soulèu de ma bello patrio.

JORGI S.-RENÉ TAILLANDIER.

Paris, 1869.

LOU PAS DE L'ANCIÉ

Lou Pas de l'Ancié, ounte un decret de la Republico vèn d'establi un camp de 250,000 ome, es un planestèu desert, sôuvertous e vaste, qu'apartèn à la coumuno di Peno. Es entre-mitan Vitrolo e lou pertus de la Nerto ; e i'a l'estacioun dóu camin de ferre pèr ana au Martegue. Gràci au desden que l'on a dins lis escolo pèr la lengo prouvençalo, l'on a fa tourna-mai uno bello begudo en francisant lou noum d'aquelo localita en *Pas-des-Lanciers*. « *Pourquoi ce nom ?* se demando Mèry, *on ne le saura jamais*. Es pamens clar.

Lou prouvençau *ancié*, *ânci*, o *ârci*, — qu'a pèr semblable *ancia* en pourtugués, *ansia* en catalan, espagnòu e italian, *anxia* en latin, — vòu dire segren, inquietudo, trebau, esprovo, dangiè.

Lou Pas de l'Ancié significo dounc un passage penible, dangeirous inquietant ; e ço que lou demostro es que l'on trovo d'autri lio noum. peréu *Pas de l'Ancié*, entre autre un marrit pas que i'a dins lis Aupihò entre Eigaliero e Sant-Roumié.

F. M.

LOU MALAUT

(PARLA DE LENGADÒ)

Moussu Servièiro, medecin,
Un bon medecin de vilage,
Seguè manda de grand matin
Pèr un ome à la flour de l'age.

— Bonjour, Moussu ! dis lou malaut,
Crese d'aveðre un marrit mau.

— Baio-me ta man, pèr que taste
Toun pous, pèr saupre de-qu'es qu'as.

— Moussu, moun pous bat tout-escas,
Iéu ai pòu que moun sang se gaste.

— Ta lengo a fort bono coulou...

As bono coulou, bono mino...

Digo-me, tous rens, toun esquino,
Ta tèsto... de-que te fai mau ?

— Hou save pas, mai sièi malaut !

— Sai-que lou travail te fatigo ?

— Moussu, me douno l'enterigo.

— L'apetis es bon ? — Peraqui :

Manje bèn, bève bèn aussi.

— Manjes bon ? — E manjarièi foço...

— Eh bèn ! l'amì, sies uno rosso !

ANTONI.

FILIS DE LA CHARCE

En 1692, lou duque de Savoio Vitour-Amadiéu emé lou prince Ougèni, aguènt, em'uno troupo de Barbet piemountès, envahì l'auto Prouvènço, uno erouïno, Filis de la Charce, noblo damo de Niouns, carguè bravamen la cuirasso ; pièi, montant à chivau en àbi d'amazono, courreguè la vau de Niouns e li país vesin, pèr sòuleva lou pople contro lis envahissèire ; pièi, lou pople acampa, lou menè courajouso fin-qu'au còu de la Cabro, e bateguè lis enemi, e li couchè de la man d'eila, e dounè à Catinat lou tèms e lou mejan de reprene l'òufensivo. Basto, d'un biais o de l'autre, li troupo savouiardo perdegueron 6,000 ome.

La bravo Filis de la Charce reçaupè pèr acò, dóu rèi Louis XIV, uno pensioun egalo au tratamen d'un courounèu, qu'èro 2,000 liéuro. Soun espaso erouïco fuguè pausado à Sant-Danis ; e soun retra, i'a pas long-tèms, es esta pendoula au museon de Versaïo.

Enfin, aquèstis an passa, dins la glèiso de Niouns, i'an auboura 'n nounumen ounte se vèi soun noum emé sis armarié.

Filis èro nascudo, en 1645, au castèu de Mount-Mourin, qu'es à Niouns, de Pèire de la Tourre, qu'èro marquès de la Charce.

GUI DE MOUNT-PAYOUN.

LETRO DE MOUERT

Madamo véuso Belimour,

Neissudo Janeto Decome,

A lou regrèt e la doulour

D'aprendre à seis ami la mouert de soun paure ome.

Mai es de soun devé de fa saupre peréu

Que mies que soun marit fara la sabounado,

Couifara, rasara coume à l'acoustumado,

E vous countentara coumo éu.

J.-B. G.

A LA VIÈRGI DOU MOUNIMEN *

Ils m'ont établie gardienne de leur cité.
(ISCRIPCIEN).

Pauro chatouno de Judèio,
Umblo femeto d'ou Fustié ;
Pèr un bonur que passo touto idèio,
Calado vuei Rèino d'ou mounde entié,
Quouro t'avèn, dins uno bello fèsto,
Lou scètre en man, courouno en tèsto,
Counoulado de tant d'ounour,
Te diguerian, urous, dins noueste sant esglàri,
Lou couer empli de fe, d'esperanço e d'amour :
Divesso tutelàri,

Quihado sus toun pedestau,
Gardiano de Seloun, gardo-nous de tout mau !

A tei pèd quatre grand proufèto
S'acordon à te lausenja ;
Un jardinet d'agradanço perfèto
A toun entour tout-d'uno a verdeja :
Aqui, cènt meno e de flous e d'aubriho,
Uno aigo gislanto que briho
E perlejo ei rai d'ou soulèu...
Noueste zèle a pèr tu fa ço que poudié faire :
Nous rendras lou guierdoun, parai ? D'ou Rèi d'ou Cèn
O fiho, esponso e maire ?

Quihado sus toun pedestau,
Gardiano de Seloun, nous gardaras de mau ?

Ve, lusi lisc como de mabre .
Lou bardat de toun mounimen !
Ve se dreissa lei dous bèu candelabre,
Qu', à l'embruni, fan ligo au flemamen !

* L'inauguracien aguè lue lou 24 de febrié 1866.

Ah ! quant de fes, dins la claro sourniero,
Vèn, reculido, la preguiero
Imploura tei sàntei favour !
Au cant dóu roussignòu quant de fes se maridon
De pious cantadis, e vers tu 'mé fervour
De bôneis amo cridon :

Quihado sus toun pedestau,
Gardiano de Seloun, gardo-nous de tout mau !

— Salut, o rèino celestino !
Salut, o maire de bounta !
Noueste plus dous soulas e medecino,
Sublime espèr, vido, felecita !
Despatria sus d'aquest bas terreaire,
Lou couer doulènt, leis ue plouraïre,
Vers tu souspiran gemissènt...
Mouestro-te pietadouso, e lèu dins la Patrio
Emé toun divin Fièu nous veguen toueis ensèn,
Douço Vièrgi Mario !

Quihado sus toun pedestau,
Gardiano de Seloun, gardo-nous de tout mau !..

Em'acò noun sèmbles t'enchaure
De tei fidèu, trop fisançous,
Qu'à soun mau-sort abandouna, lei paure !
Au sourne aven van barrulant couchous.
Sèmpe eiçavau lou demoun fa l'empèri,
E l'amour a sei refoulèri,
E l'impudour soun front d'acié ;
Sèmpe l'ipoucrisio acatant sa malici,
La fraudo sèns remors, e la croio e l'ensié,
Tout l'escabouet dei vici !

Quihado sus toun pedestau,
Gardiano de Seloun, gardo-nous de tout mau !

lèu vese l'enfantuèio sènso
Timour, foulastro que-noun-sai,
Rèn qu'à mau faire aclino, — la jouvènço
Coumo toujours... agourrinido, ai ! ai !
— Coumo toujours, lei chato casinoto,
A Venus mai qu'à tu devoto,
Trop souvènt peréu s'acipant,
— Proun tard sus lei péu blanc descèndre la sagesso,
Se li descènde, se lou vieiounge aclapant
Nous sauvo la cabesso....

Quihado sus toun pedestau,
Gardiano de Seloun, gardo-nous de tout mau !

Vese lei touero, mai, arràgi !
Negre escarradoun, agarri,
E, davans tu, rouiga lei verds oumbràgi,
E, coumo un fue bèn lèn lei devouri.
— Leis óulivié, tant richo pourtaduro,
Crema pèr la mascaraduro
Coumo pèr uno auro d'infèr.
Ourtoulaio, fruchau, liéume, tout es immounde...
S'acò duro enca 'n pàu, li a de que veni fèr,
Sian à la fin dóu mounde !

Quihado sus toun pedestau,
Gardiano de Seloun, gardo-nous de tout mau !

Sian crestian, e, diàs noueste crèire,
Sabèn qu', eimàgi inanima,
Noun ponedes nous ausi, nimai nous vèire,
N'as pas nimai un couer pèr nous ama.
Mai, s'es verai que, subre leis estello,
Te chales poudèrouso e bello,

Nouesto avoucado auprès de Diéu ;
Se t'avèn pas trop aut messo dins leis espàci,
Bono, miro en pieta noueste mounde catiéu,
Nègo-lou de tei gràci !

De toun trone aperamoundaut,
Santo Maire dóu Crist, gardo-nous de tout mau !

A.-B. CROUSILLAT.

Seloun, 1870.

LI JOUNG

Lou curat de Gageiroun dounavo un jour uno dinado. Entre àutri counvida avié li capelan di Santo, dóu Sambu, de Faraman, emé pièi mèste Ousèbi, vièi pescadou dóu Rose que venié de i'adurre uno superbo alauso.

Li curat de Camargo amon de galeja, e aquéu de Gageiroun èro un boufounaire. Quand s'es manja e s'es begu, eiça vers lou dessèr, veici qu'arribo uno boutiho pousseuso, coullassado, etiquetado, que prou-metié quicon de bon. Èro d'aigo de la dourgo.

Veici que lou curat la destapo gravamen, n'en vejo un travès de det dins lou got de mèste Ousèbi, e ie ven :

— Tastas-m'acò !

Mèste Ousèbi lou tasto.

— Bèn ! coume lou trouvas ?

— Ah ! moussu lou curat, respoundeguè lou pescadou, faudrié pas se i'amusa ! vous farié sourti de jounc — coume lou bras — sus l'em-bourigo !

LOU CASCARELET.

Quau se lèvo d'Avignoun
Se lèvo de la resoun ;
Quau se lèvo de Nime,
Se lèvo de l'ime.

PROUVÈNÇO E LIBERTA

Quand di bregand dóu Nord la chourmo, que davalo
Dins noste bèu païs, lou nègo dins lou sang,
Fau pas leissa dourmi la lengo prouvençalo,
Car la Prouvènço entiero a besoun de si cant.

Anen ! prend lou tambour, rampello tis enfant,
Douno-ie de fusiéu, de poudro emé de balo,
De sabre e de canoun ! que tóuti, d'un envan
Vagon enfremina l'orro nacioun Vandalo.

La patrio es en dòu, li cant d'amour soun mort :
P'a plus qu'un fio sacra qu'abraso nòsti cor ;
Es aquéu de venja lou païs ounte peso

Lou pèd de l'estrangié, que l'a tant mau-trata...
Aro avèn plus qu'un crid : Prouvènço e Liberta !
La França a plus qu'un cant ; e qu'èi ? la *Marsiheso* !

MARIUS BOURRELLY.

Marsiho, 2 de desèmbre 1870.

LI DOUS ASE

Lou vièi Mouracho, paure, mai brave crestian, venié de la mountagno faire de bos, e de tant de bos avié carga soun ase que lou bouriscoun, pecaire ! s'èro arrena, e, tout relènt, desalena, iue mourènt, tiravo un pan de leugo.

Alor passè Moussu Artur, — quau counèis pas Moussu Artur ? — un pichot mège qu'a pas tua grand mounde encaro, car arribo de Paris ounte a bravamen counquista soun pergamin, basto ! un d'a-quéli grand filousofe afourtissènt que Diéu es qu'un mot, e lou diable qu'un jo :

— Mouracho, ie fai, en galejant, noste Dóutour, que te dirai ?

toun ase es bas, e vai creba. Fariés rèn mau d'ana querre lou capelan pèr lou counfessa.

— Ah ! Dóutour, repliquè Mouracho, avès proun resoun, ai ! las ! e sias trop bon. Mai, vesès, noste paure Blanquet èi pas un ase bateja, coume n'i'a tant ! Ei de vosto religioun : se counfèssò pas.

LOU CASCARELET.

L'ENVASION DE CARLE-QUINT

Heu ! fuge Provensam fortem, fuge littus amarum.

ANTONIUS DE ARENA.

I

La leituro de l'istòri es l'ensignamen di pople. I'a ges de tèms que noun revèngue; e l'eisèmpledóu passat dèu nous servi. Legissen dounc, leitour, aquesto bello pajo de l'istòri de Prouvènço.

En l'an 1536, lou celèbre Carle-Quint, emperaire d'Espagno e d'Alemagno, estènt en guerro emé lou rèi Francés Proumié, envahiguè nosto Prouvènço, pèr counquerre, se poudié, la courouno di rèi d'Arle.

Lou 21 de juliet intravo à Niço, emé 10,000 cavalié e 40,000 fantassin, acoumpagna peréu dóu duque de Savoie e de que-noun-sai de prince emai de generau, que servien souto sis ordre. Uno floto redoutablo, qu'avié pèr amirau lou famous Doria, ribejavo en meme tèms e rava-javo la coustiero.

Lou rèi Francés, emé si troupo, s'èro proun establi en Avignoun, garda pèr lou jounènt de la Durènço emé lou Rose, e esperant aqui lis armado alemando ; mai fourça, coume erian, de nous apara soulet, la pousicioun de la Prouvènço èro critico mai-que-mai.

Dins tout acò, lou patriotisme de nòsti davancié s'aubourè quate-cant à l'autour dóu peril.

II

Pèr afama lis enemí, li Prouvençau brulèron tout : despièi lou Var enjusqu'au Rose, blad, civado, pasturo, paiero, fenassiéu, prouvesioun

e danrèio, tout passè pèr lou fio. Li moulin e li four siguèron demonli, li bastido desvastado, li vilage abandouna, e li poupulacioun, gardant que lou necite, se rambèron dins li vilo, li fort e li mountagno ; de modo que l'empeiraire, entre agué passa lou Var, trouvè lou païs vaste e nus coume la man, emé li païsan que, de darrié li tousco o de la cimo di roucas, i'acanavon si sôndard emé li pruno siblarello. Lis Alemand, d'enràbi, abravon li pinedo, e cremèron ansin forço femo e enfant que se i'èron escoundu.

III

Es alor qu'un arlaten, lou segnour de Castèu-nòu, emé quatre àutri noble, Albod, Balb, Bounifaci e Escragnolo, se rendeguèron inmourtau pèr la prouèsso qu'anas vèire, digno de Leounidas.

Sachènt que l'empeiraire anavo passa au Mui, aquéli cinq grand patrioto, emé quinge legiounàri e trenta païsan, venguèron s'embarra dins uno vièio tourre que douminavo lou camin, resoulu e counsènt à sacrificia sa vido, e à tira sus Carle-Quint, au moumen que passarié.

Veici qu'un persounage de fort bello aparènço, e fieramen cubert d'un mantèn escarlatin, s'avançavo à chivau, envirouma d'àutri segnour que semblavon l'escourta. Nòsti bràvi prouvençau lou van prene pèr lou rèi, ie descargon dessus tóuti sis arquebuso, e l'estèndon rede mort. Mai es que se troumpèron : acò 'ro un capitàni nouma Garcia Lazzio. Si coumpagnoun enferouni, brulant de lou venja, se lançon tóuti ensèn à l'assaut de la tourre ; e nouvello descargo de nòstis assieja que n'en couchon la mita sus lou carrèn ; talamen que l'empeiraire, averti à la fin de la malemparado, faguè creba la tourre à cop de canoun, e li cinquantò prouvençau fuguèron massacra.

IV

Frejus e Draguignan se rendeguèron ; Brignolo fuguè piha ; Sant-Meissemin uscla ; e enfin lou 9 d'avoust, l'empeiraire Carle-Quint faguè soun intrado à-z-Ais, ufanous e pounpous coume s'aviè couquist l'empèri. L'endeman se rendeguè, emé touto sa court, à la glèiso de

Sant-Sauvaire, e se faguè courouna rèi d'Arle e de Prouvènço pèr l'evesque de Niço, que l'avié acoumpagna. Pièi destribuïguè li fièu e dignita de la courouno d'Arle ; eregiguè quatre ducat, quatre principauta e quatre marquesat ; e entre si sòudard partejè noste païs, coume se lou tenié.

Mai èro encaro au pan di noço.

V

En rèn de tèms la fam arrapè soun armado, qu'èro campado au Plan d'Aiano. Quand li lansaquenet se voulien escarta pèr acampa de vièure, lis ome dóu païs, embousca de-long di routo, n'en tuavon tant que poudien ; e li milico prouvençalo, evitant uno grand bataio, de tóuti li caire e tóuti li jour, lis arcelavon de-countunio e ie fasien de mau ccume la grelo.

Pièi lis Emperiau vouguèron assaja de prene Arle e Marsiho ; mai vergougounsamen fuguèron repoussa pèr li gràndi couloubriño de Santo-Paulo e dis Arenò. E à la longo, l'empereire, alassa, despouderapèr aquelo guerro de partisan e pèr lou manco de mangiho, aquèu grand emperaire, d'Espagnio, d'Alemagno, di Flandro e di Sicilo, prenguè la retirado quàsi coume un petous ; e aqueira e coussaia pèr nòsti païsan, èu repassè lou Var lou 24 de setèmbe, après avé perdu li dous tiers de si sòudard e de soun artiharié.

Pèr-dessus lou marcat, un pouèto farcejaire que vivié d'aquèu tèms, Antonius de Arena, lou ridiculisè dins uno celèbro macarrounado, e long-tèms lis escoulan, dins li coulège de Prouvènço, an fa si panto e sa risèio de la *Meygra entrepriza catoliqui imperatoris, quando veniebat per Provensam bene carrossatus in postam prendere Fransam.*

Maiano, 2 de desèmbe 1870.

F. MISTRAL.

Se lou Coumtat'èro un moutoun,
Cavaïoun e Caroumb
N'en sarien li rougnoun.

A MOÏSE

TRADU DE L'ANGLÈS DE WILLIAM C. BONAPARTE-WYSE

PÈR A.-B. CROUSILLAT

Noble front embana, bèu trelusènt carage,
Mouïse, ome gigant, rèi di legislatour,
Davans ta fièro estampo, encuei coume autre viage,
Tóuti, — pichot nanet —, s'amaton li majour.

O paire dóu Sabat, capoulié ferme e sage,
Trasènt un pople esclau de l'oumbro à l'espandour,
Ta voues, èco dóu Cèu, trono à travès lis age,
E la terro aboucado escouto lou Segneur.

Coume estrassè la mar, coume fendè la roco,
Ta paraulo toujours nous mestrejo e pretoco ;
Encaro à toun flambèu caminon li nacioun :

Sènso tu lou Prougrès noun farié que mau-traire ;
E tau vòu s'enaura, prince, rèi, emperaire,
Qu'unble à ti pèd se clino, en grand veneracioun.

(Tira di *Parpaioun Blu*).

LOU POUÈTO

Jansemin, lou pouèto illustre que i'avèn aquest an inaugura soun estatuo, se preparavo un jour à donna 'no serado dins la vilo de Tonnens ; e, pèr acò, se passejavo en ribo de Garono, disènt si vers à-z-auto voues, levant la tèsto e brassejant, coume es l'usage di pouèto, quand volon dins soun cor alena lou fio de Dièu.

E veici qu'uno femo, que lavavo à la ribiero, lou crèi un malurous que se vòu precepita, e ie crido : — Moussu ! au noum de Dièu, vous negués pas ! Moussu, vous negués pas !

Jansemin s'enanè. Basto, vèn la vesprado ; e i'a touto la vilo que

s'acampo pèr l'ausi. Lou pouèto es sus lou tiatre, lou publi pico di man ; tóuti bèlon e barbèlon ; pièi se fai un grand silènci, ausirias voula 'no mousco ! Lou pouèto s'avanço, vai parla... quand, dóu founs de la salo, uno voues escarcaiado :

— Ai ! moun Diéu, misericòrdi ! es aquéu malurous que s'anavo nega !

Èro la bugadiero.

LOU CASCARELET.

L'ENFANT JÈSU E SOUN COUSIN JANET

A MA NEBOUDO TERÈSO

ÈR : *Ausi dins lou Ventour.*

Un bèu matin, Mario
E Jèsu qu'a dous an,
Van vèire Zacario
E lou cousin sant Jan.

L'enfant Jèsu es bèn sage,
Se laissez bèn pourta,
Jogo emé lou coursage
Que i' escound soun teta.

Dins sa canesteleto
An bouta de rasin,
Emai de gimbeleto
Pèr lou pichot cousin.

Tant-lèn soun à la porto,
Jèsu vòu ana au sòu ;
Vers si parènt se porto
Pèr ie faire cinq-sòu.

Pièi à Janet que jogo
Vai douna 'n bon poutoun,
E lèu Jan en grand fogo
Ie presto soun moutoun.

Oh ! mai, n'a ges de bano
Lou moutoun de Janet ;
E pòu touca sa lano
Lou poulit garçounet.

L'agnèu boumbis e bèlo,
Countènt d'aquéu bèu jour ;
Mai la pas, qu'es tant bello,
Durara pas toujours.

Veici que Jan, pau sage,
Vou plus presta l'agnèu ;
A Jèsu mendre d'age
Alor tiro li péu.

E vès-aqui lou rire
Que se meselo de plour !
Lou moutoun sèmblo dire :
Acò me fai doulour !

Vite li sànti femo
Vènon li separa.
— « Pèrqué tant de lagremo ?
Anen, fau plus ploura !

Vaqui li gimbeletto
E tóuti li rasin !
An ! fasès la gousteto
E restas bon vesin... »

En fasènt la gousteto
Tout acò s'arrenjè ;
Meme di gimbeletto
Lou moutoun n'en manjè.

E pièi quand partiguèron
Moun Diéu ! que de poutoun
Tóuti tres se faguèron,
Jan, Jèsu e lou moutoun !

FÈLIS GRAS.

Avignoun, 7 de Novèmbre 1869.

LOU KYRIE

Coume vai qu'an defendu i femo de servi messo ?

— Es per-ço-que, parèis, en estènt que lou prèire, i *Kyrie-eleison*,
dèu dire lou darrié, éli finirién jamai.

LOU CASCARELET.

LOU REVENGE

I MOUBILE PROUVENÇAU

Sus l'èr de la Marsiheso.

Zóu ! gais enfant de la Prouvènço,
Zóu toujour contro li Prussian !
Avèn pas perdu souvenènço,
Faren coume nòstis encian.
Voudrien prendre nosto encountrado,
Li loup sanglant de Vaterlò ;
Brula li femo e li pichot,
Li sódard de la bastounado !

Anen, li fau venja, nòsti fraire escracha !

An ! dau ! Prouvènço e Crau, en Prüssi fau marcha !

La meisoun dauravo li plano,
Quand lou grand crid a reselanti ;
Coume la rego que s'engrano,
Coungreion li bràvi couscri :

An tout quita, païs, famiho,
Jouvènto qu'avien sis amour,
Car fau tout leissa pèr l'ounour
E la glòri de la Patrio !

Anen, li fau venja, nòsti fraire escracha !
An ! dau ! Prouvènço e Crau, en Prùssi fau marcha !

Auren pèr chantre li Felibre,
Quand navigaren sus lou Rin ;
Pièi escriéuran sus lou grand libre
Nòsti noum, sódard e marin.
Ai ! que grand jour ! queto grand fèsto !
Curbiren la Franco de flour :
Vejan, escoundès vòsti plour,
A l'oustau, tout ço que ie rèsto !

Car nous li fau venja, nòsti fraire escracha !
An ! dau ! Prouvènço e Crau, en Prùssi fau marcha !

LA FELIBRESSO DE LA CRAU.

Desèume, en Outobre, 1870.

LOU SA DOU DIABLE

A MADAMISELLO E. G.

Pipeto, un galavard d'uno vinteno d'an, n'avié jamai rèn fa de bon.
Dóu matin au vèspre, jougavo i palet long di bàrri d'Avignoun.
Èro vengu, en aquéu jo, d'uno forço talo que de souto-cambo gagnavo
li plus adré. Tambèn, li ciro-boto, li vièi, lis endeca, li mendi coume
éu, pereïça sus lou cop de dos ouro, se disien : Anen un pau vèire jouga
Pipeto i palet.

Se n'en cresié, Pipeto, mai que Mèste Monscho, e l'entendias dire i
badaire : Se lou Diable venié, tambèn lon gagnariéu !

Un jour lou Diable vèn.

Pipeto, li bras crousa sus sa peitrino, rèsto aplança.

— Bonjour, Pipeto !

— Oh ! la, bonjour !

— Ère eila au lavadou de Mount-Clar, en trin à faire dire de causo que fau pas i bugadiero, quand ai ausi que me sounaves ; siéu vengu quatecant.

— Eh ! bèn, vai ! fai Pipeto, pos te dire un laid mòssi. Se te vesiés dins un mirau !

— L'asc quihe ti coumplimen !.. An ! veguen, vos jouga i palet ?.. Se siéu tant pressa, es que la fre m'aganto. E la cregne, pènso un pau ! niuech e jour empure l'infèr ! Uno peremounio es lèu agantado. Anen, Pipeto, toco aquí. As ti palet ?.. E, à prepaus, que me baies, se gagne ?

— Te baie, te baie... ma fisto, n'ai pa 'n sòu. Mai, sies bèn alucrí ! Déurrian faire, entre ami, la partido d'ounour.

— De partido d'ounour, n'ai proun ansin. N'en faguère uno emé sant Veran (que ma bano lou trauque !) m'espeière pèr rèn agué.

— As jouga 'mé sant Veran ?..

— O, l'evesque de Cavaïoun. Vès-eici coume anè. Avié forço plóugu dóu constat de Saut ; lis aigo èron auto, li moulin viravon, e, coume fasèn, nàutri diable, forço afaire emé li móunié, mis obro me tenguèron uno semanado à Vau-cluso. D'aquéu tèms, l'evèsque de Cavaïoun venguè s'espaca à soun castèu ; sables, lou castèu de Petrarco ? l'as agu vist, quiha peramount sus la roco ?

— O, o, l'ai vist, emai i'ai escala !

Disènt acò, Pipeto aliscavo si palet.

— Eh ! bèn, vau trouba l'evesque, repren lou Diable ; vire, biqueje, mai noun poudènt lou tenta pèr autro causo, lou fau jouga i palet, en me disènt : Se rabinara proun un pau ! Mai, es iéu que siéu la machoto.

Ves-eici que pren pèr palet dos pèiro de moulin ! que peson mai de cènt quintau ! N'en prene coumé èu, e, tout diable que siéu, ai proun peno à li maneja. Pamens, tant que tène lou lè, acò vai bèn, lou trase pas liuen ; mai, un cop qu'èu l'aganto, lou tron de goi ie peto, e sablesounte me lou mando ? Dóu castèu de Petrarco, pereiravau i pèd de la mountagno de sant Jaque (que ma bano lou trauque !) dins uno

melouniero à cènt pas liuen de Cavaïoun ! E pèr m'acaba, emé soun moulard que gaubejo dins si mau coume s'èro un froumajoun d'Arle. m'empego un cop que teto !.. Se noun me creses, pos l'ana vèire : la pèiro de moulin es encaro plantado au rode... Vesènt acò, assaje proun de manda moun queïroun, mai rèste à mitan camin de L'Islo !.. « Anas-vous fairé couire, ie dise alor ; pèr un marrit pecat de pas rèn, m'es-trasse la pèn !! » E tourne à mi moulin, en jurant de jamai plus jouga emé de sant, e subre-tout que pèr l'ounour.

Adounc, coume sies pas sant, e te n'en coumplimente, jogue emé tu. Mai se gagne, que me baies ?

— Te l'ai di, n'ai pa 'n sòu.

— N'as pa 'n sòu ! e toun amo ?

— Ah ! O, tè... Eh ! bèn, i'aviéu jamai sounja... E tu, alor se gagne ?

— Ién ?.. Te baie aquéu sa, lou veses ? qu'ai pausa sus lou banc. N'es un, acò, de sa ! Quand as fam, passes davans lou tiadou ; se l'a 'n bèn gigot, dises : « *Bèn gigot, au noum de soun mèstre, intro dins lou sa.* » E cra ! lou gigot es dins lou sa. As set ? passes davans lou marchand de vin, e fas à si fiolo coume au gigot, e ansin de tout.

Pipeto, ausènt acò, es trefouli de joïo ; toco la paleta au Diable, la partido s'ourdis, li palet volon.

Bono ! Pipeto gagno ! Santo coume un cabrit, pren soun sa sus l'esquino e part coume un fenat.

Lou Diable faguè la bèbo. Basto ! vaqui Pipeto que rintro en Avignon, e manjo de poulardo, bèn rèn que li vin fin, e se vestis coume un moussu. Li gènt, quand passo pèr carriero, se dison plan : Vaqui moussu Pipeto ; e tóuti : Bèn lou bonjour, moussu Pipeto !

Acò durè un parèn d'an.

Un jour, ma fisto, que, pèr miéus degeri uno dindo, anavo s'espaca sus la routo de Marsiho, vèi mai veni lou Diable.

— Hoi ! es tu, Pipeto ? Coume vai lou biais ?

— Veses, pas mau. Vène de me lipa 'm'uno dindo i rabasso.

— Anen, tant-miéus... Sables pas perqué t'acoste ?

— Pancaro.

— Siéu eici que me disiéu : Aro Pipeto a proun garda toun sa ; se te lou voulié rèndre, ie proumetriés, pèr quand sarié eicavau dins l'infèr, d'agué pèr éu un pau mai d'atencioun que pèr lis autre... Coumprenes, empurariéu pas trop toun fio ; d'escóundoun, te fariéu passa de tèms en tèms quauqu'i fiolo d'aigo fresco de Mount-Clar... e milo pichôtis avenènço coume acò. Que n'en penses ?

— Pènze ?.. pènze que... quau tèn tèn, quau reno reno. E sauvo-le lèu, o t'espousse lis argno.

— Pipeto, parles coume un mal-estru que sies ; sabes belèu pas que d'un cop de bano poudriéu te faire dansa la perigourdino e te leva lou goust dóu pan...

Acò disènt, lou cargo sus sis espalo, e coume un lum fuso dins l'autre mounde. Paure Pipeto ! vai èstre jita tout viéu dins la braso de l'infèr ! Pèr bonur, coume van arriba à la porto, Pipeto se reviro e fai au Diable : Eh ! bèn, laissez un pau que te fague intra dins moun sa !

Lou Diable se douno pòu, lou lacho, e se sauvo en cabussant tèsto-pouncho dins l'infèr tout dubert.

Pipeto, lou devinas, se gardo bèn de ie courre après.

Pamens, lou vaqui mau campa. Tout soulet ! « Aro ounte vau ? se fai-
Lou vese bèn, siéu dins l'autre mounde : ges de camin, ges d'oustau, ges d'aubre, rèn que de nèblo, rèn que de nèblo espesso qu'em' un outèn li couparias!.. Fau camina, arribarai belèu en quauque endré. »

Alor soun sang avignounen coumenço de s'esmòure, la petarrufo aganto.

Pamens, se bouto en marchò. Marchò que marcharas, toujours de nèblo ! A la fin, à la forço, ausis coume uno musico. Vai dóu caire óu brut. Arribo à la porto dóu paradis. Pico. Sant Pèire duerb.

— Bonjour.

— Bonjour.

— Veniéu vèire se, pèr carita, me dounarias pas la retirado.

— Noun. Reçaupèn eici que lis amo puro e casto, e tu, auses te presenta emé toun cors gourrin ? Pièci, sènso acò, as fa pache emé lou diable, miserable ! Lou Diable te cose !

E cri ! cra ! barro, bouto tónti li ferrou e tóuti li pestèu. Pipeto, plus mort que vièu, s'assètò sus l'escalîé, e lou front dins si man, reflexis un moumen à soun malurous sort.

Tout-d'un-cop vai s'avisa que la porto es tant vièio, tant desglesido que i'a uno asclo grandò d'un bon travès de det... « Sièu bèn bedigas : se dis, vai, laissez ! » E se bouto en trin à passa pau à pau lou sa pèr la fendanço ; pièi, quand l'a tout fourra, d'uno voues esinógudo, fai : « *Au noum de soun mèstre, Pipeto siegues dins lou sa !* » Acò vai sènso dire, subran es dins lou sa e dins lou paradis ! E lou vaquí se perme-nant li man dins si pòchi e durbènt d'iue coume un cat que bèn d'òli. Tóuti li sant e santo, en lou vesènt passa, se demandon d'aise quau es aquèu benurous que Diéu i'a fa la gràci d'intra 'n cors e en amo dins soun sant paradis !

Quand lou grand sant Miquèn, prince de Paradis e menistre de Diéu, saup eiçò, fai veni sant Pèire :

— Eh ben ? ie dis d'uno voues rudo, se vos plus clava la porto, lou fau dire ! n'en boutaren un autre à ta plaço. Vès-n'en mai aqui un qu'es intra sabèn pas coume ! Lou coumprenes, acò vèn pièi en òdi !

— Bèn sant Miquèn, respond sant Pèire, n'ai pas tort : a passa de l'asclo.

— De l'asclo ?

— De l'asclo.

— Ah ! ço mai ! me prenes pèr un autre ? Crese que ta petà 'n cièucle.

— Bèn sant Miquèn, es vrai coume ai cinq det à la man. T'ambèn, la tres mes que van après sant Jòusè pèr me faire adouba ma porto.

— Vai me querre Jòusè.

Arribo sant Jòusè tout cousterna.

— Eh bèn ? ie dis Miquèn, aquelo porto, s'adoubo o s'adoubo pas ?

— Bèn sant Miquèn, tout d'un tèms ; vès, ai adu ma rèssò em'un lis-tèn de sapino.

— l'a tres mes que déurrié l'èstre !

— Bèn sant Miquèn, n'ai pièi pas tout lou tort : sant Crespin, lou

courdounié, en parlant sèns respèt, me desmemouriavo pèr ie faire un vihadou.

— Anen, tout-aro sara iéu qu'aurai tort. Digas que vous l'ai pas di : se deman Pipeto n'es pas foro dóu Paradis, vous lève, à tu ti clau, e à tu ti rèssò.

E sant Miquèu vai mai s'asseta sus soun trone resplendènt.

— Eh bèn ? fai sant Pèire, que n'en penses, Jòusè ?... Sables que sian poulit ? Vese gaire coume faren pèr nous despegouli !

— Me digues rèn, ve, moun sang se viro dessus dessouto... Tè, passo-me 'n pau aquelo cadiero que rèsse moun listèu de sapino...

E crif ! e craf ! rèssò que ressaras.....

Tout-à-n-un-cop laisso toumba sa rèssò.

— Pèire, ai uno idèio.

— Digo lèu !

— Veici : fau coumanda pèr aqueste vèspre uno longo proucessioun, longo, longo, bèn tant longo que lou Paradis estènt pas proun grand, faudra sourti un pau deforo. Escouto-me : fasèn pourta la crous à Pipeto, camino lou proumié, e coume sort, pas-pulèu es deforo, cra ! pestelles ! e tout es di.

— As resoun, Jòusè ! Coumanden la proucessioun.

Dins un vira d'iue lis Ange, esprès pèr acò, an troumpeta pertout que la proucessioun vai parti. Sant e santo davalon de si trone, e s'arrenguèiron. A la tèsto de la tiero trelusènto, lou proumié de tóuti, Pipeto porto la crous bèn devoutamen, Pipeto ! negre coume uno saco de carboun, emé soun ouble loundarudo pèr lou sòn davans éu... Fau remarca que Pipeto, estènt lou soulet d'agué 'n cors, es lou soulet d'agué 'no ouble.

Quand tout es lèst, la campaneto douno lou signau, e la proucessioun part ; e d'aise, d'aise s'avanço vers la porto dóu paradis. Ai ! ai ! ai ! pauvre Pipeto ! tout-aro i'es ! Dejà soun ouble coumenço de sourti ! Ai ! ai ! ai ! pauvre Pipeto !

Sant Pèire tremolo coume un jounc darrié sa porto. Malavalisco !! Talamen es esmougu, talamen Pipeto ie festibulo. l'esperit, talamen

se languis de lou vèire deforo, que se troumpo !! Entre que l'oumbro a passa, zón ! barro ! l'a presso pèr Pipeto !.. E se reviro en cridant : « Aqueste cop ies ! » Es'atrovo nas à nas emé lou galagu, que, coumprenènt l'estè, ie respond : « Noun que ies pas !!.. » E rendènt la crous : « La pourlara quan voudra, vosto crous ! Se iéu la toque mai !! »

Lou bon sant Pèire n'en fuguè tout maucoura. Sant Jousè n'en plourè.

E Pipeto ?

Pipeto sarié belèu encaro au Paradis, se santo Verounico l'avié pas mes deforo rèn qu'en fasènt lou signe de la crous.

FÉLIS GRAS.

Avignoun, 20 de Novèmbre 1869.

A MA FIHO

Alors Démodocus ne vit plus les eaux du Léthé qu'avec douleur ; toute sa consolation était de prendre sur ses genoux le fruit unique de son hymen, et de regarder, avec un sourire mêlé de larmes, cet astre charmant qui lui rappelait la beauté d'Epicharis.

CHATEAUBRIANT.

Regardo-me, ma bello fiho !...

A lusi dins moun amo un celestian belu ;

Vole, vuei, acampa lou rai de pouësio

Que s'escampo de tis ine blu ;

Vole assaja lou cant que largo ma tendresso,

Quand toun sourire me caresso !...

E toun risoulet clar e viéu

Esvarto de moun front la doulour que me grèvo ;

Au mitan de la niue, la luno que se lèvo

Davans elo coucho li niéu.

Regardo-me. La benuranço

Baio de ta prunello, e n'en ai de besoun ;

Regardo-me, ma chato ! Uno aubo d'esperanço

Aparèis à moun ourizoun !

Sies blanco coume un ile ! Auras, coume ta maire,
Uno amo bello, un cor amaire !
Vers tu noste amour a clanti :
De noste estiéu brulant sies l'aureto e l'eigagno,
A tu nòsti poutoun qu'uno lagremo bagno,
A tu mi cant adoulenti.

Dins la mountagno setarouso,
Souto un sause ramu, murmurejo un eissourg
Qu'entre-tèn, en estiéu, uno oundo fresqueirouso,
E, clarinèu, coulo toujours ;
Lou sause bèn-fasènt, dins l'eigueto que raio,
Emé grand plesi se miraio
E se penjourlo tant que pòu ;
A l'ouero de la caud i'escampo uno oundro fresco,
E, quand lou vèspre vèn, que lou champ s'enmouresco,
Ie fai canta si roussignòu !

Mai, s'uno aurasso esfoulissado
Trigosso lou bèu sause e lou trosso e lou roup,
Li roussignòu s'envan, la ribo es avéusado
E se treblo lou fres lauroun :
Lou soulèu arderous councho soun aigo claro.
Pecaire ! plus degun l'aparo
Contro soun uscle e si fissoun ;
Lou journadié vèn plus miejournas sus sa tepo,
E l'ardènt vïajour que dins la draio trepo
Passo sènso faire atencioun.

Mai, dón sause que l'auro escraneo
Se rèsto un sagatun, tant-mies pèr lou sourgènt :
Lou jour que la jitello aubourara si branco
Èu vendra mai coume l'argènt !...
O ma fiho escarido ! O ma chatouno bello !
Sies, tu, la poulido jitello

Que se balanço sus moun bord ;
Lou sause bèn-fasènt èro ta bono maire
Qu'espandissié sus iéu l'oumbro siavo, e, pecaire !
Qu'a toumba la crudèlo Mort !

Iéu siéu l'eissourg : moun aigo èi soumbro...
O ma fiho escarido ! o moun bèu sagatun !
Que Diéu te fague crèisse, e que, souto toun oumbro,
S'esvaligue moun treboulun !
Vèngues moun aubre fort, jitello mistoulino :
Moun oundo arroso ti racino,
Pèr tu iéu vole cascaia ;
Afin de te mies vèire esclargirai ma fàci...
Posque passa moun tèms à retraire ti gràci
E m'esbéure à te miraia !

ANFOS TAVAN.

Marsiho, 21 de Juliet 1869.

LA PERMENADO

Èro morto, la femo de Meissemin, morto e enterrado. E Meissemin
avié vougu, riboun-ribagno, l'acoumpagna jusqu'au cros, devé bèn
penible, mai grando counsoulacioun.

Quand fuguè de retour à souu oustan :

— Eh ! bèn, paure Meissemin ! li parènt ie diguèron, se preniès
quicon pèr te remetre ?

— Oh ! vès, faguè, aquelo permenado m'a restaura.

LOU CASCARELET.

Bon pan de Vès,
Tripo d'Alès,
Cebo de Bello-gardo.

A ZETO

L'estello qu'amoundaut dardaio trelusento
A respèt de tis iue vèi pali sa clarta !
Pèr tu mai que pèr res largiero e coumplasento,
Natufo t'aubourè rèino de la cièuta.

Mai, n'en siegues pas fièro, e rèsto bèn-fasento ;
Jamai vèngue lou vice enfousqui ta bèuta !
Que toun front iste siau, ti bouqueto risento !
Sèmpre lou que soufris esprove ti bounta !

Se Dién te gardo ansin bravo autant que poulido ;
Se d'amàbli vertu sachènt faire culido,
As de biais, de gouvèr e sies atravalido,
Espèro-te segur lou sort lou mai urous....
Iéu vese à toun lindau mai d'un jouvènt courous
Que de t'oufri soun cor se languis amoureux !

ROUMIÉ MARCELIN.

Carpentras.

LOU BON BIHET

— Janet, se prenian un bihet à la loutarié, e se capitavian lou bon !
— Eh ! bèn, Leloun, se capitavian lou bon ?
— Ah ! se capitavian lou bon, moun perdigau, fariéu tres saut sus

l'erbo.

— Valènt-à-dire, Leloun ?
— Que croumpariéu dous tour de cadeneto en or !
— Dous tour, Leloun !
— Dous tour, moun bèu, e la crous, emé de diamant, e pièi de
pendènt....

— Saras touto ta vido un pau-de-sèn. Te lou mande pas dire. Vau
pas mies n'en croumpa quànqui bon tros de terro ?

— Velaqui mai, lou galapian ! Ah ! vai, quand te prenguère, fa-
guère uno bello journado !

— O faci de mounino, se vouliés te teisa !

— O d'aquéu rascas ! Eh ! vole parla, iéu ! Te dise que lis aurai, li tres tour, e la crous, e li pendeloto.....

— Te mando un gautas, ganipo !

— Eh ! bèn, tè, toco ! Se t'estrasse pas li brego, mourre de porc !...

E s'arrapèron, e zóu ! tè-tu ! tè-iéu !

Es bèn veritable que Leloun e Janet, tóuti li jour, en esperant de prene aquéu bihet, s'estrasson ansin li brego e se penchinon coume de chin !

S'au mens, quand lou prendran, capitavon lou bon !

LOU CASCARELET.

MORTUORUM

Lou 29 d'Outobre 1869, es mort à Mount-pelié F. P. Cambouliu, proufessour de literaturo enciano à la Faculta di Letro d'aquelo vilo, e antour d'un remarcable *Essai sur l'histoire de la littérature catalane*. Cambouliu èro lou president de la *Société pour l'étude des langues romanes* nouvelamen creado à Mount-pelié, e avié soum aflat tout ço que relevavo lis estudi rouman dins lou Miejour. Èro nascu à Palalda, dins li Bas-Pirenèu, en 1820.

Au mes de Novèmbre 1869, es mort lou bon Charle David, de Cadenet, pintre miniaturisto, e fraire einat dóu musicaire Felician David. Esprit galoi e trufandié, revassejaire d'impoussible, fouitavo de tavan, coume se dis, à dous liard lou milo, e escrivié pèr l'*Armana la Carreto di porc*, lou *Froumage de baleno*, lou *Flahutas*, etc. Bravas, ama de tóuti, l'apelavon lou *Proufêto*, à causo de certàni vesion sus lou sèti de Paris que se fai vuei, e à causo perèu de sa tèsto biblico. Coume pintre, a fa li retra di felibre Glaup, Roumanille, Boudin e Mistral.

Lou 17 de Mars 1870, es mort Jùli Canonge, escrivan e pouèto Ni-mausen, countempouran e emule de Reboul, autour de forço oubreto

eleganto e courouso, entre li qualo *Arles en France*, e sòci dóu Felibrige pèr soun pouèmo de *Bruno-la-Bloundo*. Soun amour di bèlli causo e si couneissènco artistico i'avien vauçu l'amista d'Ary Schœffer, d'Ingres e de Pradier.

Lou 17 d'Abriéu 1870, es mort à Sant-Roumié, à l'age de 88 an, lou troubaire Francés Aubert, qu'èro nascu à Marsiho en 1782. Coula-bouradou di journau prouvençau *Lou Boui-abaisso* e lou *Gai-Sabé*, autour d'un pouèmo de *Margarido* e de quàuqui fablo bèn reïssido, laissez peréu un recuei de *Nouvè* empreini vers Aubanel i'a quàuquis an.

Lou 25 d'Abriéu 1870, es mort à Paris Nestor Roqueplan, escrivan francés, de Malo-mort en Prouvènço. Èro lou fraire dóu pintre d'aquèu noum; e s'èro fa 'n poulit renoum d'ome d'esprit dins li fuietoun dóu *Constitutionnel*. Aquí meme, dins un article sus *Calendau*, à la dato dóu 1 d'Abriéu 1867, avié caudamen prouva que se remembravo soun òuregino.

Lou 7 de Novèmbre 1870, es mort Francés Seguin, ounourable e savènt empremeire d'Avignoun, editour dis *Oubreto* de Roumanille, de la *Mirèio* de Mistral, e subre-tout d'uno magnifico edicioun de la musico e di novè de Saboly. Èro un ome de bèn, de sciènci e de goust, un di mai recoumandable de sa vilo.

A la fin de Novèmbre 1870, es morto, à l'age de 67 an, Madamo Charles Reybaud, d'Ais, roumansiero destinguïdo, autour de *Misè Brun*, dóu *Cadet de Collobrières*, e d'äutri noumbrous rouman dins li quau se plasié de metre en sceno li coustumo, païsage e caratère de Prouvènço.


Enfin, lou 7 de Desèmbe 1870, es mort à Marsiho, à l'age de 67 an, lou troubaire marsihés Gustàvi Benedit, autour de la coumèdi de *Chichoues*, aquèu tipe coumpli e justamen celèbre d'aquéli galo-bontèms qu'apellon *nèrvi* à Marsiho. Benedit, qu'èro proufessour au Councervatòri d'aquelo vilo, a tengu belèu 40 an un di scètre de la critico musicalo dins lou journau lou *Sémaphore*.

ENSIGNADOU

Pajo.

Pajo.

Breviari de l'istòri de Prouvèngo.	2	Deman.....	62
La Roso de tóuti li vènt.....	3	Un mot de Lauzun.....	64
Esclüssi.....	4	L'Estatno de Jansemin.....	65
Calendié.....	5	Prouvèngo e Gascougno.....	70
Crounico felibrenco.....	7	Lou Coumpaire.....	73
Lou Saume de la penitènci.....	12	A l'autro.....	74
La Barreto.....	16	Li Regardello.....	75
Odi e amour, cansoun nouvialo..	19	Infamio.....	76
Li Proufecio prouvençalo.....	23	La miolo.....	77
Li Voulountàri.....	29	Li Sarrasin.....	78
Lou Bouta-couïre.....	29	Li dous Nistoun.....	81
La Rèino di flour.....	30	Lou Canoun.....	83
Lou Vèuse.....	32	Venjanço.....	83
Caius Marius.....	33	Letro d'un Moubile.....	84
A Vilo-novo.....	36	A F. M.....	85
Li Couseri.....	37	Lou Pas de L'Ancié.....	85
I Voulountàri prouvençau.....	38	Lou Malaut.....	86
Li pèiro de Venasco.....	40	Filis de la Charce.....	87
La Meirastro, cant populàri.....	41	Letro de mouert.....	87
Lou Batun.....	43	A la Vièrgi dón mounimen.....	88
Zou!.....	44	Li joune.....	91
L'embroi.....	45	Prouvèngo e Liberta.....	92
Lou Viel e li tres Garçoun.....	46	Li dous ase.....	92
Lou Presounié.....	49	L'envasioun de Carle-Quint.....	93
Lis Oulivairis.....	50	A Mouïse.....	96
L'Escolo.....	51	Lou Pouèto.....	96
La Parabolo dón Samaritan.....	52	L'enfant Jèsu.....	97
Memòri d'un pintro barrulaire..	54	Lou Kyrie.....	99
Li Flour de la Saletò.....	56	Lou Revènge.....	99
Lou Mendicant.....	58	Lou Sa dón Diable.....	100
La Fraternita.....	59	A ma Fiho.....	106
Sant Francès.....	60	La permenado.....	108
Epigramo de J.-B. Coyo.....	60	A Zeto.....	109
Menèrbo.....	61	Lou bon bihet.....	109
Li pèd de Diéu.....	61	Mortuorum.....	110



PC

Armana prouvençau

3398

A7

1868-71

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
